

ҚАЗАҚ ССР ҒЫЛЫМ АКАДЕМИЯСЫ

Til bіlіmі институты

Телқожа Жанұзақов

ҚАЗАҚ ЕСІМДЕРІНІҢ ТАРИХЫ

(Лингвистикалық және тарихи-этнографиялық талдау)

ЖАУАПТЫ РЕДАКТОРЫ

Қазақ ССР Ғылым академиясының
академигі КЕҢЕСБАЕВ І. К.



ҚАЗАҚ ССР-ның «ҒЫЛЫМ» БАСПАСЫ

АЛМАТАЙ. 1971

Жұртшылық назарына ұсынып отырган бұл кітап қазақ есімдерінің шығу, пайда болу тарихын, олардың жасалу заңдылықтарын, мән-мағыналары мән жазылу жүйесін, жергілікті халық тіліндегі айтылу түрлерін толық сипаттаи, жан-жақты баяндаиды.

Kіci есімдері өзін қоршаған әлеуметтік қоғаммен тығыз байланысты. Кітапта бұл мәселелер оқушы қауымдарын қызықтыратын материалдармен айқын көрсетілген. Сондай-ақ еңбекте көнерген, араб-иран, моңғол, орыс тілдерінен енген есімдердің тарихы, дыбыстық, морфологиялық негіздерге байланысты заңдылықтары толық қамтылады. Көпшілік назарын аударарлық өзекті мәселенің бірі — ру, тайпа аттарынан жасалған кісі аттарының және кісі аттарынан жасалған ру, тайпа, жер-су аттарының тарихы беріледі. Осымен бірге фамилия мен әке атының қалыптасу, даму күйі де сөз болады.

«Қазақ есімдерінің тарихы» деп аталатын бұл кітап қалың жүртшылыққа, жоғары оқу орындарының студенттеріне, ғылыми қызметкерлер мен аспирантарға, оқу-агарту қызметкерлері мен заң қызметкерлеріне қажетті құрал болып табылады.

К И Р И С П Е

Бұл жұмыс қазақ тіл білімінің жаңадан зерттеле бастаған тың саласы ономастиканың антропонимика, антропотопонимика және этноантропонимика мәселе-леріне арналып отыр.

Ономастика (грекше *Onomastics* — есімге қатысты) тіл білімінің негізгі салаларынан саналады да, жалқы есімдердің жиынтық атауы болып есептеледі. Ономастика ғылымның терминдік атауы соңғы жылдарға дейін орын теуіп тиянақталмай, әр түрлі аталып келеді. Бұл ғылымның жаңа атауы ретінде кейбір ғалымдар кезінде топономастика деген терминді де ұсынғаны мәлім. Алайда елімізде жалқы есімдерді зерттеу обьектісі ұлғайып, дамуымен байланысты оның терминдік атауына да ерекше мән берілді. Қазіргі кезде жалқы есімдердің жиынтық атауы ретінде ономастика берік қалыптасып, термин ретінде кеңінен орын алды. Ономастиканың негізгі бөлімдері: топонимика (жер, су, қала атауларын зерттейтін ғылым), антропонимика (адам аттарын зерттейтін ғылым), этонимика (ру, ел, халық аттарын зерттейтін ғылым), астрономика (жұлдыз, әлем аспанының аттары), зоономика (хайуандар аттары). Ономастикага тән бұл терминдердің әрқайсысы ішінара жеке-жеке тармақтарға бөлінеді. Мәселен, топонимиканың бөлімдері: гидрономия (өзен, су, көл атаулары), орономия (тау, төбе, шың атаулары), ойкономия (елді мекен атаулары) болып сараланады. Антропономика ғылымының бөлімдері: фамилиялар,

әке аттары (отчество), кісінің шын аты, лақап аты (прозвища), бұркеншік аттар (псевдонимы), этноантропонимдер (этнонимдер мен антропонимдерден жасалған есімдер), антропонимдер (антропонимдер мен топонимдерден жасалған есімдер) т. б. Ономастика құрамына енетін атаулардың бір тобы — мекеме, газет, журнал, кітап атаулары. Бұлар жөнінде, қазіргі тіл білімінде, кейбір кіші-гірім мақалалар болмаса, арнайы зерттеулер жоқтың қасы.

Советтік тіл білімінің қарқындап дамуымен байланысты ономастика ғылым ретінде қалыптасып, оны зерттеу аясы кеңейіп отыр. Бұның топонимика, антропонимика бөлімдері бойынша бірнеше кандидаттық, докторлық диссертациялар қорғалып, көлемді еңбектер жарық көрді.

Бұл жұмысымызда ономастиканың басты саласы — антропонимика лингвистикалық әрі тарихи-этнографиялық түрғыдан жан-жақты зерттеліп, талданды. Әсіресе антропонимиканың бұрынғы еңбектерімізде сөз болмаган түрлері: фамилиялар мен әке аттары, лақап, бұркеншік аттар мен фольклорлық есімдердің семантикалық және функциялық қырлары, сондай-ақ этнонимдер мен антропонимдердің, антропонимдер мен топонимдердің өзара байланысы айтылды.

Ономастиканы жан-жақты, терең зерттеудің тіл тарихи мен тарихи этнография үшін мәні зор. Ономастикалық материалдар арқылы көне лексикалық қабаттар, грамматикалық формалар мен синтаксистік құрылыштар, халықтық әдет-ғұрып пен ырымдар т. б. жайттар толық байқалады. Табиғаты жағынан олар тілдегі сөздік қорға тән, тілдің жалпы заңына бағынышты. Бұлардың бәрі жалпы есім сөздерден жасалады. Тіліміздегі сол жалқы есімдерді құрамына қарай жіктегенде, төл сөздерден жасалғандарымен қатар, басқа тілдерден енгендері де мол екені байқалады. Оларды зерттеу барысында қоғамдық құрылыштың көрінісін, халықтың дүниеге көзқарасын, басқа елдермен жасаған мәдени қарым-қатысын, тарихи байланысын аңгарамыз. Орыс ономастикасының осындағы сипаттарын байқағанғалым В. К. Чичагов былай жазады: «Орыс есімдері, олардың орыс халқы тарихындағы әр түрлі қоғамға тән формалары сол дәуірдегі қоғам жайын айқын көр-

сетеңді, оның мәдени дәрежесін, ол есімді иемденушілердің қоғамдағы алатын орны мен жағдайын, сондай-ақ қоғамның таптық құрылышын толық білдіреді. Орыс халқының тілдік материалдарының ешқайсысы да ономастика сияқты оның тарихымен тікелей байланысты болған емес»¹.

Демек, орыс халқы ономастикасының кешкен тарихын, оның басты белгілерін қазақ есімдерінің де шығу, жасалу тарихы сырынан толық байқаймыз. Тіліміздегі халық есімдерінің шығу, пайда болуы әр түрлі қоғамдық дәүірлерге тән екені даусыз. Сондықтан олардың шығу, даму кезеңдерінде әлеуметтік, тұрмыстық негіздер, сез жоқ, әсерін тигізген. Ондай тарихи ономастиканың халық тарихымен байланысына сай өзіндік ерекшеліктері де бар. Бұл ретте ономастика ең алдымен тіл тарихына тән лингвистикалық ғылым. Өйткені оның грамматикалық әрі фонетикалық заңдарлығы халық тіліне тән. Олар халықтың бай тілінен жасалады. Сондықтан да олардың құрамында әр дәүірге, түрлі қоғамдық құрылышқа тән сездер кездеседі. Ономастиканың тағы бір ерекшелігі — бұл да халық ауыз әдебиетіндегі жырлар, ертектер мен мақалдар тेңрізді ұзақ ғасырлар жасайды. Есімдер де атадан балаға, баладан ұрпаққа қойылып, кейінгі дәүірлерге жетіп отырады. Ондай есім сездер арқылы тіліміздің өткендегі тарихын, көне сездік құрамын, грамматикалық құрылымын біліп, толық мағлұмат алғып отырамыз. Қазіргі сездік қорымызда, яки әдеби тілімізде қолданылмайтын кейбір сездердің тек кісі есімдері ретінде ғана сақталғаны мұның толық айғағы бола алады. Мәселен, антропонимдер: *Бұке, Ардақ, Байсал, Ботбай, Ораз, Қожық, Сүгір, Тұмыш* т. б. тек кісі аттары ретінде болмаса, қазіргі әдеби тілімізде жеке мағыналы сез, тұлға ретінде кездеспейтіні хақ. Бұл сияқты көне есімдер тілімізде орасан мол. Олар жөнінде арнаулы бөлімде ерекше сез болмақ.

Халық есімдерінің жасалу, пайда болу тарихында төтенше орын алатын маңызды мәселенің бірі — тарихи-мәдени жағдайлар. Халық тарихындағы бұл елеулі оқиғалар, біріншіден, атап айтқанда, түрлі қоғамдық

¹ В. К. Чичагов. Из истории русских имен, отчеств и фамилий. М., 1959, стр. 8.

құрылыстағы әр түрлі діни ағымға (анизм, шаманизм, исламизм) байланысты болса, екіншіден, көрші елдермен жасаған алуан түрлі мәдени қарым-қатыс, достық байланыстармен ұштасып жатады. Әдетте, бұл тарихи мәдени байланыстардың тіліміздегі есімдер құрамының молая түсіне, лексика-мағыналық және функциялық мәнінің жетілуде зор ықпал жасағаны аян. Бұл ретте орыс тілінің игі әсерін, тіліміздің ономастиконың бағытудағы оның ролін атасақ артық болмас. Өйткені халқымыздың тарихында бұл байланыс ерекше терең сипатталады. Оның тарихи тамырларының өміріміздің барлық саласынан орын алғаны, оның ішінде жалқы есім сөздердің және кісі аттарының жаңа форма, жаңа мазмұн алуына ықпал еткені баршамызға белгілі. Қазақ есімдерінің баюы, құрамының молая түсінің енді бір кезеңі — шығыс халықтарының мәдениетімен де тығыз байланысты. Ең алдымен араб, иран мәдениеті мен тілінің әсерлері өткен ғасырларда мықты болды. Бұл елдерден тілімізге енген есімдер туралы айтқанда үлкен екі себепті ескермей болмайды. Оның бірі — жалпы мұсылман қауымына ортақ ислам дінінің күшті әсері болса, екіншіден, халықтық мәні бар сан қылышқиссалар мен жырлар, сауда-саттық, қарым-қатынас жолдарының күшеюі болды. Сөйтіп, шығыс халықтары мен түркі халықтары арасындағы ежелден келе жатқан бұл тарихи байланыстар салдарынан тіл ауыспалығы, адамдар арасындағы қандастық кецинен етек алды. Осындағы басты себептердің нәтижесінде халық арасындағы есімдердің өзі тегі жағынан екі түрлі болып отырды. Оның бір тобы — діни есімдер, яғни дін иелерінің, пайғамбар, әулие-әнбие, сопы, хаждылар есімдері болса, екіншісі — құраннан қойылған діни мағыналы есім сөздер болды. Ал үшінші топтағы есімдер — қарапайым тұрмыстық сөздер, халық арасында жиі қолданылатын күнделікті сөздерден жасалған есімдер болды. Мінеки, жалқы есімдердің тарихын, тілдік құбылыстарын жіті байқап, оның көнелері мен жаңаларын салыстыра зерттеу осы ретте тарихи лексикология үшін өте құнды болмақ. Бұны осылайша, лингвистикалық, этнографиялық және тарихи тұргыдан зерттеу бұрын да, қазір де қолға алынып келе жатқан жұмыс. Ономастиканың зерттелу бағыты әсіресе қазіргі лингвистикалық қауымда ерекше дамып отыр. Жер

жүзінде ономастика бойынша жыл сайын қисапсыз гылми әдебиеттер мен ресми журналдар: Поляк Халық Республикасының Краков, Варшава қалаларында 1950 жылдан бері «Onomastica», Верклай, Лос-Анжелес қалаларында 1958 жылдан бері «Names», Хейлденберг қаласында 1949 жылдан «Beiträge zur Namenforschung», Парижде 1949 жылдан «Revue internationale d'Onomastique» журналдары шығып тұрады.

Ономастика көптеген жоғары оқу орындарында пән ретінде жүреді. Оған арналған оқулықтар мен оқу программалары бар. Москва университетінде ономастика бойынша арнаулы курс оқылады, Томск, Қазан университеттерінде кружоктар, ресми семинарлар өтеді. Елімізде тұңғыш рет «Введение в топонимику» атты оқулық белгілі топонимист В. А. Никонов авторлығымен жарыққа шықты². Ономастиканы зерттеу, оның үйімдастыру жұмысын жолға қою мәселелері де ерекше қолға алынды. СССР Фылым академиясының Тіл білімі институты мен Этнография институтының жанында «Ономасикалық топттар» жұмыс істейді. Бұл «Ономасикалық топтың» үйімдастыруымен соңғы жылдары одактық, регионалдық конференция-семинарлар өтті, жинақтар шықты³. Украина, Белоруссия, Молдавия, Латвия республикаларында ономасикалық комиссия үйімдасқан. Украина ономасикалық комиссиясы өте қарқынды жұмыс жүргізуде. Олар 1969 жылға дейін төрт рет конференция өткізіп, жеке жинақтар мен бюллетеньдер шыгарды⁴. Тіл білімінің көптеген салалары сияқты ономастика бойынша халықаралық конгрестер әрбір үш жыл сайын өтіп тұрады. Бірінші халықаралық конгресс, А. Дозе бастамасы бойынша, 1938 жылы Парижде өткен еді. Екінші дү-

² В. А. Никонов. Введение в топонимику. М., «Наука», 1965.

³ Всесоюзная конференция по топонимике СССР. Л., 1965. стр. 299; Всесоюзная конференция, личное имя, проблемы антропонимики. М., 1968.

⁴ I республиканская ономастическая конференция. Киев, 1959; II республіканська ономастична нарада. Київ, 1962; III республіканська ономастична нарада (запрошення). Київ, 1965; IV республіканська ономастична конференція (запрошення). Одеса, 1969; «Питання ономастики» (Матеріали ІІ республіканської наради, питання ономастики). Київ, 1965; сб. «Ономастика» (республіканської міжвідомчий збірник). Київ, 1966.

ниежүзілік соғыс салдарынан бірінші және екінші конгресс аралығында 8 жыл айырмашылық болды. Алайда II конгресс тағы да 1946 ж. Парижде өтті. Осыдан кейінгі конгрестер араға екі-үш жыл салып, жоспарлы түрде өтіп отырады. 1963 ж. халықаралық ономастикалық конгрестің 25 жылдығы аталып, оған халықаралық конгреске ономастиканың теориялық және практикалық мәселелерімен шұғылданушы ма- мандар қатысады. VIII ономастика конгресінде гидро- номия мәселесі қаралса, IX конгрестің тақырыбы жал- қы есімдердің хронологиясы туралы болды. Ал Вена қаласында 1969 жылы болып өткен X конгрестің тақы- рыбы оронимия (тау, шың, тебе, қырат атаулары) еді. Бұл халықаралық ономастикалық конгресс жұмысына совет ғалымдары 1966 ж. Лондонда болған IX конгрес- тен бастап қатыса бастады.

Сонымен, ономастиканы зерттеу қазіргі кезде Ба- тыс Европа және Совет тіл білімінің негізгі мәселелері- нің бірінен саналып отыр. Ономастиканың негізгі ең басты белімінің бірі антропонимикины зерттеген, оның күрделі мәселелеріне арналған мақалалар, жеке монс- графиялық еңбектер де соңғы жылдары шыға бастады. Бұрын бұл мәселемен арнайы шұғылданушылар бірен- саран болса, қазірде оны зерттеуші мамандар саны елі- мізде көбейіп отыр. Мұның өзі антропонимикины зерт- теудің теориялық әрі практикалық мәнінің зор екенді- гін аңғартады. Демек, оның шығу, пайда болу тарихы, стильдік функциясы, этимологиясы мен семантикалық сырлары көп ізденіп, мұқият зерттеуді қажет етері сөзсіз.

* * *

Қазақ тіліндегі кісі аттарының тарихын зерттеуді түңгыш рет ұсынған, үнемі ақыл-кенес айтып, консуль- тация беріп отырған Қазақ ССР ғылым академиясының академигі I. Кеңесбаевқа және еңбекті талқылауга қатысып, ғылыми тұрғыдан жолдастық көмек көрсеткен филология ғылымдарының кандидаттары Р. Сыздықо- ва, Э. Әбдірахманов, Э. Құрышжанов, Е. Қойшыбаев, Э. Ибатов, Б. Сүлейменова жолдастарға шын көңілден алғыс айтамын.

I БӨЛІМ

1 ТАРАУ

АНТРОПОНИМИКАНЫң ЗЕРТТЕЛУ ТАРИХЫНАН

Тілдердің қай-қайсысында болмасын сөздер үлкен екі топқа бөлінеді. Олар — жалпы және жалқы есім сөздер. Жалқы есімдер тілдегі жалпы есімдердегі құрылышы мен қолдану жүйесіне және мағыналық ерекшелігіне қарай әр түрлі. Жалқы есімдердің (ономастиканың) бір саласы антропонимика ішінара фамилия, әке аты, лақап ат, бүркеншік аттар боп бөлініп, бір тілге тән антропонимикалық системаға жатады.

Антропонимдер адамзат қоғамында маңызы зор, үлкен роль атқарады. Антропонимика ономастиканың кісі аттарын зерттейтін негізгі бөлімі боп есептеледі. Ал антропоним, антропонимия терминдері тілдегі кісі аттары туралы материалдар деген ұғымды білдіреді.

Антропонимика — советтік тюркологияда жаңадан қолға алына бастаған, келешегі үлкен жас ғылым.

Ғылымның бұл саласының өзіндік зерттелу тарихы, ғылым ретінде даму жолы, негізі бар. Қазақ тілінде, жалпы түркі тілдеріндегі антропонимдердің зерттелу жайын сөз еткенде, ең алдымен, орыс тіл біліміндегі антропонимдердің зерттелу тарихына тоқталуымыз өте қажет. Өйткені орыс тіл біліміндегі антропонимиканың зерттелу тарихы түркі тілдерімен салыстырғанда тым әріден басталады. Оның түркі тілдеріндегі антропонимдердің зерттелуіне жол ашып, әсер еткені шүбәсыз. XVIII ғасырда орыс есімдерін зерттеумен тек тарихшы, этнографтар шұғылданса, XIX ғасырдың басынан бері филологтар зер салуда. Ұлы орыс ғалымы М. В. Ломоносов жалқы есімдер мен жалпы есімдердің байланысын байқап, поэтикалы-көркем тіл-

дегі жалқы есімдердің кейбір ерекшеліктерін көрсетті. Орыс тіліндегі антропонимияны зерттеу осыдан бастап қолға алдыны.

1813 ж. Россияда орыс антропонимиясы бойынша Ев. Болховитинов жазған тұңғыш еңбек жарық көреді¹. Автор бұл еңбегінде орыс тіліндегі төл есімдердің қойылу заңын, ондағы әдет-ғұрыптарға ерекше назар аударады. Осымен қатар басқа елдерден енген есімдер, есімдердің құрылымы мен типі тәрізді мәселелер де бар. Ол кезде орыс есімдері жөнінде белгілі филологтар Я. К. Гrot, И. И. Срезневский т. б. айтқан пікірлері болды. Орыс антропонимиясын алғаш рет зерттегендердің бірі, тұңғыш орыс есімдері сөздігінің авторы — М. Морошкин. Ол өз сөздігінде аса бай материалдар бере отырып, орыс есімдерінің құрылымына, әлеуметтік сипатына, тілдік материал екеніне көбірек қоңыл бөлгөн кісі². Өте құнды пікірлер А. Балов, М. Харузин, Н. П. Лихачев мақалаларында және Е. П. Карнович кітабында жарияланып отырады. 1903 жылы бұрынғы материалды жинақтай келіп, Н. М. Тупиков орыс есімдерінің көлемді сөздігін шығарады³. Сөздікке христиан есімдерінен бөлек таза орыс есімдері енген. Автор орыс есімдерін тек тарихи хронологиялық жоспарда, тарихи тұрғыдан алып қарайды. Н. М. Тупиков сол кездің өзінде-ақ орыс есімдерін лингвистикалық тұрғыдан талдау керек деген пікір айтқан. Орыс есімдерінің түрлері: фамилия, отчество, лақап аттар туралы бұл еңбекте толық талдау жасалған. Н. М. Тупиковтың бұл кітабы орыс есімдерінің жөнінде маңызды да, курделі еңбектердің бірі. XX ғасырдың бірінші жартысында акад. А. В. Соболевский өзінің жазған көптеген мақалаларында орыс есімдері фонетикасының курделі процесстері туралы айтқан еді.

Советтік дәуірде орыс антропонимикасы туралы зерттеулер, онымен шұғылданушы ғалымдар саны көбейе түсті. Бұл кундері орыс антропонимикасына ар-

¹ Е. В. Болховитинов. О личных собственных именах у славяночесов. «Вестник Европы», 1813, ч. 70, № 13, стр. 16—28.

² М. Морошкин. Славянский именослов или собрание славянских имён в алфавитном порядке. СПб., 1867, стр. 214.

³ Н. М. Тупиков. Словарь древнерусских личных собственных имён. СПб., 1903, стр. 858.

налған жұздеген мақалалар, ондаған монографиялық зерттеулер мен сөздіктер жарық көрді. Олардың бәрін бірдей талдап, сипаттау арнайы шұғылдануды қажет етеді. Сондықтан ең басты еңбектерге шолу жасап, оқушыларға таныстырып өтуді орынды санаймыз.

Проф. А. М. Селищев өзінің славян тіл білімі жөніндегі зерттеулерінде әсіресе антропонимикаға өте зерсалды. Ол «Қазіргі кездегі орыс тілінің очеркі» атты улken еңбегінде «Фамилиялар мен есімдердің ауысы» атты тарау жазды. Бұдан кейінгі жылдар жазған еңбектерінде де орыс антропонимдерінің әлеуметтік аспектін филологиялық түрде талдады⁴. 1959 ж. шыққан В. К. Чичагов монографиясына дейін күрделі, жинақты еңбек жоқ болатын. Бұл еңбегінде автор XIV—XVII ғасырлардағы көптеген антропонимиялық материалдарды топшылай отырып, А. М. Селищевтің пікірін дамытта түседі⁵. Автор фамилиялар мен әке атының шығу тарихын, христиан және орыс есімдері арасындағы жағдайды толық баяндап берді. Орыс тіл білімінде бұл күнде ономастиканың салалары — зоонимия, астрономия, этнонимия және антропонимика проблемаларын зерттеу мәселесі жолға қойылышп отыр. Игі талаптың нәтижесінде соңғы оншақты жыл ішінде ономастиканың әсіресе антропонимиканың алуан түрлі мәселелеріне арналған, практикалық әрі теориялық мәні бар еңбектер жарық көрді. Мұндай зерттеулер санатына көптеген ғылыми мақалалар⁶, ғылыми еңбектер⁷, кітап-

⁴ А. М. Селищев. Происхождение русских фамилий, личных имен и прозвищ. Ученые записки МГУ, вып. 128, кн. 1, 1948, стр. 127—152.

⁵ В. К. Чичагов. Из истории русских имён, отчеств и фамилий. М., 1959, стр. 126.

⁶ В. А. Никонов. На пути к теории собственных имён. В кн.: «Конференция по топонимике Северо-Западной зоны СССР». Тезисы. Рига, 1966, стр. 12—13; Его же. Личное имя — социальной знак. «Советская этнография», 1967, № 5, стр. 160; А. А. Реформатский. Статьи об именах. «Семья и школа», 1962, № 10; 1963, № 2 и № 6.

⁷ А. В. Суперанская. Ударение в собственных именах в современном русском языке. М., «Наука», 1966, стр. 358; Ее же. Структура имени собственного. М., «Наука», 1966, стр. 205; Л. М. Щетинин. Слова, имена, вещи. Ростов-на-Дону, Изд-во Ростовского университета, 1966, стр. 151; Его же. Имена и названия. Ростов-на-Дону, Изд-во Ростовского университета, 1968, стр. 213.

шалар⁸, ономастикалық сөздіктер⁹ мен тематикалық жинақтар тән.

А. В. Суперанская көлемді монографияларында ономастиканың көптеген практикалық әрі теориялық мәселелерін қамтып, өз дәрежесінде дұрыс шешіп берген. Орыс тіліндегі жалқы есімдердің екпін мәселесінде топонимдермен қатар антропонимдердің (әке аты, фамилия, лақап есімдердің) қазіргі орыс тіліндегі жағын нақтылы дәлелдер арқылы көрсетіп отырады. Автор шығыс халықтарынан араб, иран есімдерін, Балтық жағалауындағы және индия, қытай, корей т. б. көптеген халықтар есімдерінің қазіргі орыс тіліндегі екпін жүйесіне көзіл бөледі. Бұл тәсіл топонимика белгілімінде де айтылады. Жер жүзі халықтарының топонимикалық атауларын орыс тілінде дұрыс айтып, дұрыс таңбалау принципін ғылми жүйеде баяндайды. Автордың екінші көлемді еңбегі — жалқы есімдердің құрылышы туралы. Бұл ретте кісі аттары мен жер-су атауларының морфологиялық және фонетикалық құрылышын, олардың жасалу заңдылықтарын, модельдерін жазғанын көреміз.

Л. М. Щетинин кітаптарының алғашқысы — жалқы есімдерге арналған очерк. Екіншісінде кісі аттарының тарихына тоқтал, кейбіреуіне жеке талдау жасаған. Автор кісі аттары мен жалпы есім сөздердің байланысна ерекше тоқталды. Осымен қатар, әке аттарының, фамилиялардың қалыптасу, шығу жолын баяндаған. Бұл екі кітапта көптеген нақтылы материалдармен қатар тұжырымды ойлар, әрқылы болжаулар, орыс есімдерінің тарихынан көптеген мағлұматтар бар. Кітапта берілген статистикалық анықтамада 1622—1965 жылдардағы документтерден алғынған кісі аттары алфавиттік тәртіппен беріліп, олардың қаншалықты көздесетін көрсетілген. Егер Дон казактарының есімдері мен фамилияларында көздесетін түркізм туралы еңбекте

⁸ Г. А. Тропин. Русские имена и фамилии. Иркутск, изд-во «Знание», 1961, стр. 40; А. В. Суперанская. Как Вас зовут? Где вы живете? М., «Наука», 1964, стр. 91 и др.

⁹ Словарики русских личных имён. М., 1989, стр. 40; Справочник личных имён народов РСФСР (под ред. Н. А. Баскакова и др.). М., изд-во «Советская энциклопедия», 1965, стр. 254; Н. А. Петровский. Словарь русских личных имён. М., изд-во «Советская энциклопедия», 1966, стр. 384.

біраз айтылған болса, өте орынды болар еді. Өкінішке қарай, автордың бұны ескермегені байқалады.

Орыс тіл білімінде антропонимиканың жан-жақты зерттелу тарихы, қазіргі кезде ғылым ретінде дамуы туысқан республикалардың тіл мамандарына да зор әсер етті. Қазақ тіліндегі кісі аттары (антропонимдер) жөнінде Октябрь революциясынан бұрын бірлі-жарым мақалалар жазылғаны мәлім. Қазіргі кезде ол жөнінде монографиялық еңбектер мен мақалалар, сөздіктер жарыққа шықты. Әлбетте мұның бері орыс ғылыминың иті әсерінің, озық үлгісінің жемісі екені даусыз. Одақтас республика ғалымдары қаламынан шыққан еңбектерден ономастика ғылымы тіл білімінің үлкен бір саласы ретінде өркендер, дамып келе жатқанын көреміз.

Бұл жөнінде әсіресе украин ғалымдары аса көп еңбек жасап, өнегелі үлгі көрсетуде. Ғылми журналдар мен газет беттерінде жарияланған мақалаларды айтпағанның өзінде, ондаған монографиялық еңбектермен таныстырып өтудің өзі-ақ жеткілікті¹⁰. Белоруссия ғалымдары¹¹ мен молдаван тілшілері¹² де соңғы жылдары ономастиканың антропонимика саласы бойынша біраз еңбек жасады. Осының нәтижесінде мамандар саны көбейе түсті. Балтық жағалауындағы Эстония, Латвия, Литва және Кавказ республикалары бастапқы кезде жұмысты есімдер сөздіктерін шығарудан бастаса, бұл күндері көлемді ғылми мақалалар, көпшілікке арналған есімдер туралы кітаптар шығаруда¹³.

¹⁰ Ю. О. Карпенко. Топонимика Гірських районів Чернівецької області. Чернівці, 1964, стр. 180; О. С. Стрижак. Назви річок Полтавщини. Київ, 1963, стр. 110; Его же. Назви разповідають. Київ, 1967, стр. 38 т. б.

¹¹ М. В. Бірylla. Беларуская антропанімія. Мінск, изд-во «Техника», 1966, стр. 326; М. Р. Судник. Словарь личных собственных имен. Минск, 1965, стр. 112.

¹² А. Еремия, М. А. Коcничану. Личные имена (Краткий антропонимический справочник). Кишинев, изд-во «Картэ Молдовеняскэ», 1964, стр. 56.

¹³ А. Глонти. Картавельские собственные имена (Словарь антропонимический), Тбилиси, 1967, стр. 230; А. Ачарян. Словарь армянских личных имен, т. I—IV. Ереван, 1942—1948; т. V, 1962; Раяди Эдгар. Книга об именах. Таллин, изд-во «Ээстси раамат», 1966, стр. 247; Имена собственные литовского языка. (Сост. Т. Г. Порите), Рига, 1961, стр. 65 и др.

Жалпы тюркологияда, оның ішінде қазақ тілінде, күні бүгінге дейін антропонимиялық еңбектердің библиографиялық көрсеткіші жасалған жоқ. Соның салдарынан қажетті еңбектерді тауып оқу көп реттерде мамандарға, курстық, дипломдық жұмыстар жазатын студенттерге қындық тұғызып жур. Ал ондай библиографиялық көрсеткіш жасалса, мамандар мен көшілік қауым үшін де пайдасы зор екенін айтпасақ та туғаннікті. Біз бұл шолуымызда күллі тюркологиядағы антропонимиялық еңбектерге тұтастай тоқталмағанмен, олардың ең негізгі, басты саналатындарын атап етіп, қысқаша болса да талдау жасауды мақұл көрдік.

Қазақ есімдері туралы мақалалар XIX ғасырдың екінші жартысынан шыға бастаған. Ондай алғашқы мақалаларға А. Е. Алекторовтың¹⁴, А. Диваевтың¹⁵ мақалалары жатады. Бұның екеуі де көлемі жағынан тым шағын, пікірлері де жұтақ еді. Бірақ алғашқы бастама ретінде олардың маңызы зор, аса жоғары бағанады. Батыс қазақтарының этнографиясын зерттеген ғалымдар Р. Карутц, Р. Н. Харузин еңбектерінен де кісі аттарына байланысты материалдар барын көреміз¹⁶. Қазақ антропонимикасы туралы кейбір пікірлер, азды-кем этимологиялық талдаулар В. В. Бартольд, Ш. Ш. Ұәлиханов, В. И. Даль, Н. Ильминский, А. И. Самойлович еңбектерінде де кездесіп отырады. Бірақ оны ғылым ретінде терең зерттеу, жолға қою жұмысы қолға алынбаған еді. Қазақ антропонимикасы Советтік дәүірде, қазақ тіл білімінің қауырт дамуымен байланысты ұдайы зерттеліп келеді.

Проф. Қ. Жұбанов «Қазақ сөйлеміндегі сөз тәртібінің тарихынан» деген тамаша еңбегінде біріккен тұлғалы кісі есімдерінің синтаксистік құрылышына ерекше назар аударып, жан-жақты талдау жасайды. Автор біріккен тұлғалы кісі аттары компоненттерінің орын тәртібін, синтаксистік құрылышын тексереп отырып, олардың тілдік грамматикалық құрылышының даму

¹⁴ А. Е. А л е к т о р о в . Имена киргизов. «Оренбургский жи-сток», 1868, № 4.

¹⁵ А. А. Д и в а е в . К вопросу о наречении имен у киргизов. «Туркестанские ведомости», 1916, № 206.

¹⁶ Р. Карутц. Среди киргизов и туркменов на Мангышла-ке. СПб., 1910.

жайын, өзгеру сатысын, сонымен қатар бұл жөнінде бірден-бір құнды материал болатындығын көрсеткен. Тіліміздегі Қойлыбай, Малдыбай тәрізді есімдер мен Жылқыбай, Сиыrbай, Түйебай секілді есімдердің мағыналық әрі құрылымдық жағынан бірдей еместігін аса көрегендікпен байқаған¹⁷. Мұндағы лингвистикалық заңдылықтың сөз тәртібіне, олардың орналасу принципіне сай болатыны еңбекте терең талданады. Жоғарыдағы біркен тұлғалы есімдердің компоненттеріндегі бай сөзінің, біріншіден, мағынасына байланысты, екіншіден, зат есім, не сын есім ретінде қолдануына орай, бірінші иә екінші компонентте тұратынын көреміз.

Ғалымның бұл еңбегі қазақ антропонимика тарихында мәні зор тұңғыш еңбек санатына қосылады. Кісі аттары мен фамилиялары туралы алғашқы мақалалардың бірі проф. И. Қенесбаев қаламынан туған еди¹⁸. Бұл мақалада қазақ есімдерінің дара, біркен тұлғалары, араб-иран тілдерінен енгендер, фамилиялардың косымшалары және олардың жазылуы, орфографиясы сөз болады. Кісі аттарының сөздік қорға тәндігі, жеке зерттеу объектісі болатыны және оларды шығу, қойылу ретіне қарай топтастыру, жіктеу меселелерін проф. С. Аманжолов мақаласынан да көреміз¹⁹. Қоғане түркі есімдері жөнінде проф. Ф. Мұсабаев, Ф. Айдаров өз еңбектерінде көптеген материалдар берген²⁰. Тілдегі сөздер мен кісі аттарының жасалу заңдылықтарындағы ұқсастық, ондағы кішірейткіш, еркелеткіш, ұлғайтқыш жүрнақтардың қызметі, өзіндік ерекшелік сипаттары бар. Тілдегі осы өзекті мәселелеге проф. Ф. Мұсабаевтың «Қазақ тіліндегі кейбір кішірейткіш жүрнақтар» атты:

¹⁷ Х. Жубанов. Исследования по казахскому языку. Алма-Ата, «Наука», 1966, стр. 49—55.

¹⁸ И. Қенесбаев. Кісі аттары мен фамилиялары, «Еңбек майданы», 1939.

¹⁹ С. А. Аманжолов. Советтік тіл ғылымының даму негіздері, «Халық мұғалімі», 1948, № 10.

²⁰ Ф. Ф. Мұсабаев. Қазақ тілі мен грамматикасы тарихынан, I белім, Алматы, 1966, 91—100-беттер; Г. Айдаров. Язык орхонского памятника Бильге-Кагана. Алма-Ата, «Наука», 1966, стр. 28—29.

мақаласы арналған²¹. Автор кісі аттарындағы еркелеткіш *ш*, *қан*, *жан*, *тай* тәрізді жүрнақтардың семантикасы мен функциясын саралайды.

Кішірейткіш, сыйлау, құрметтеу қосымшаларының кісі аттарын өзгертіп, түрлендірудегі ролі тым ерекше²². Бұл тілде жиі қолданылатын өнімді қосымшалар. Жалқы және жалпы есімдердің байланысы, бір-бірінен ерекшелігі және емле, жазу, орфография мәселелері жоғары оқу орындарына арналған оқулықтар мен мектеп грамматикаларында үнемі айтылып келеді. Бұларға берілген анықтама мен түсініктеме тым қысқа, шартын болғанмен оқушылар біраз мағлұмат алары сәссіз. Оның емлесі, жазылу мәселелерінің негізгі әсері мектептерде орнықты өтеді. Антропонимика мен топонимика өзара тығыз байланысты. Олар жасалуы әрі семантикалық тегі жағынан бір-біріне көп ұқсас. Қазақстан картасындағы көптеген елді мекендер, оронимия (тау, шың, шоқы, тәбе атаулары), гидронимия (өзен, су, көл, құдық, бастау атаулары), микротопонимия (сай-сала, жайлай, шабындық, қыстау атаулары) кісі аттары мен фамилиялардан қойылған атаулар. Бұл екі ғылым арасындағы ұқсастықпен тығыз байланысты топонимистер: А. Әбдірахманов, Ғ. Қоңқашбаев, Е. Қойшыбаев, В. Н. Попова, О. Султанъяев еңбектерінен анық көреміз²³. А. Әбдірахмановтың еңбегінде көптеген ортақ есімдердің этимологиясы талданып, мағынасы айтылады. Әсіресе бүкілодақтық, региональдық конференцияларда жасаған баяндамаларында бұл мәселелердің сыры жете толық шешімін табады.

Kісі аттары мен фамилиялардың жазылуы, емле мәселесі күні бүгінге дейін күн тәртібінен түспеген, талас мәселенің бірі болып келеді. Мұның өзі орфографиямыздың тарихымен, оның ережелерімен тығыз бай-

²¹ Ғ. Ғ. Мұсабаев. Қазақ тіліндегі кейір кішірейткіш жүрнақтар, «Қазақ ССР Ғылым академиясының хабарлары», лингвистикалық серия, 6-шығуы, 1950, № 82; А. Ісқаков. Қазіргі қазақ тілі. Алматы, 1964, 230—233-беттер.

²² Х. Махмудов, Г. Мұсабаев. Казахско-русский словарь. Алма-Ата, 1964, стр. 570.

²³ А. Әбдірахманов. Қазақстанның жер-су аттары. Алматы, 1959; Е. Қойчубаев. Основные типы топонимов Семиречья. Автореф. канд. дисс., Алма-Ата, 1966; О. Султанъяев. Казахские микротопонимы Кокчетавской области, образованные от личных имен. Сб. «Ономастика». М., «Наука», 1969, стр. 208—211.

ланысты. Кісі аттарының ережеге сай жазылуы 1940 жылғы емле заңында бар. Бұл ережелер туралы заңда фонетикалық және морфологиялық принципті қолдану айтылса, 1957 жылғы ережелер жинағы туралы заңда морфологиялық принципті ұстану берік еске алынды²⁴.

Осы ережелер негізінде кісі аттары мен фамилиялардың дұрыс жазылуы жөнінде мақалалар болды. Бұлардың бірі, газет беттеріндегі емле алалығын сыйнаса, екіншісі, кісі аттары мен фамилиялардың жазылуында емле заңын қатаң ұстануды насихаттады²⁵.

1963 жылы шыққан орфографиялық сөздікте жазылуы қыын кісі аттарының сөзтізбесі және кісі аттарының жазылуы туралы ереже берілді²⁶. 1950 жылдардан бастап қазақ есімдерін зерттеуге ерекше көңіл болінді. Жалъы есімдердің тарихи лексика, этнография, қоғам тарихымен тығыз байланысы ескеріліп, одан әрі тереңірек зерттей беруге жол ашылды. Бұдан кейін қазақ тіліндегі кісі аттары жөнінде кандидаттық диссертация қорғалып²⁷, ғылыми мақалалар да жарық көрді²⁸. Бұл мақалаларда кісі аттарының құрылышы, грамматикалық формалары, лексикалық мағыналары мен жасалу заңдылықтары сөз болды. Әсіреле араб, иран тілдерінен енген есімдердің табиғаты, фонетикалық өзгерістері, тілімізге ену жайлары өз шешімін тапты.

²⁴ «Қазақ алфавиті мен орфография ережелері». Алматы, 1957.

²⁵ М. Балақаев. Кейбір газеттердің тіл ерекшелігі туралы, «Социалистік Қазақстан», 1958, 21 сентябрь; Т. Жанұзақов. Кісі аттарының жазылуы туралы, «Қазақстан мұғалімі», 1957, 27 июнь; Кейбір адам есімдерінің жазылуы туралы, «Лениншіл жас», 1961, 13 август.

²⁶ Қазақ тілінің орфографиялық сөздігі, Алматы, 1963, 527—557-беттер.

²⁷ Т. Жанұзақов. Лично-собственные имена в казахском языке. Автореф. канд. дисс., Алма-Ата, 1961, стр. 19.

²⁸ Г. Жаркешева. Кісіге ат қою тарихынан. Жинак.— Қазақ тілі білімі мәселелері. Алматы, 1959, 33—37-беттер, Т. Жанұзақов. Қазақ тіліндегі кісі аттарының құрылышы мен сипаттары, «Известия АН КазССР», серия филология и искусствоведения, 1959, вып. 1—2, 13—18-беттер; Қазақ тіліндегі кісі есімдерінің тарихы жайынан, «Вестник АН КазССР», 1960, № 9, стр. 97—84; Қазақ тілі ономастикасының кейбір мәселелері. «Қазақ тілі тарихы мен диалектологиясының мәселелері», З-басылуы, 1960.

Қазақ тіліндегі жалқы есімдер жоғары оқу орында-
рындағы филолог студенттерге арналған оқулықтарда
тым үстірт, өте кедей баяндалған. Жалқы есімдердің
жалпы есімдермен және география, философия, тарих,
этнография сияқты ғылымның басқа салаларымен бай-
ланысын көрсету, лексика-грамматикалық мағынала-
рын, стильдік функциясын жан-жақты ашу — студент-
тердің, сондай-ақ тілші мамандардың білімін артты-
рып, байыта түсіу сөзсіз. Осындай кемістіктің орнын
толтырастық жәрдемші құралдың бірі ретінде «Қазақ
тіліндегі жалқы есімдер» атты кітапша жарыққа²⁹
шыққан-ды. Елімізде антропонимика мәселесі бойын-
ша соңғы жылдары одактық, аймақтық, республика-
лық конференциялар мен мәжілістер, семинарлар жиі
етіп жүр. СССР Ғылым академиясының Тіл білімі,
Этнография институттары, СССР Географиялық қоға-
мы және Украина ССР Ғылым академиясының Ономас-
тика комиссиясы мен Новосибирск, Томск университетін-
де өткізілген конференцияларда қазақ ономастикасы
жайлы ондаған баяндамалар жасалды. Бұл баяндама-
лардың бірі этнотопоним, топоним, гидроним, этно-
антропоним³⁰ жайлы болса, екіншісі таза антропоним-
дер³¹ туралы болды. Бұл конференциялардың көтерген
мәселелері және олардың ономастика ғылымын зерт-
теудегі пайдасы мен маңызы туралы арнайы хроника-
лық мақалалар жазылды. Қазір Қазақ ССР Ғылым
академиясының Тіл білімі институты ономастиканың

²⁹ Т. Жанузаков. Қазақ тіліндегі жалқы есімдер. Алматы, 1965.

³⁰ А. Абдрахманов. Отражение этнонимов в топонимике Казахстана. Всесоюзная конференция по топонимике СССР. Тезисы. Л., 1965, стр. 187—189; Е. Коичубаев. Неизвестовая сущность топонимических компонентов «ак», «кара», «кок», «сары»; Там же, стр. 185—187; О. Султанъяев. Казахские микротопонимы Кокчетавской области, образованные из личных имен. В сб.: «Ономастика». М., «Наука», 1969, стр. 208—211.

³¹ Т. Жанузаков. Из истории развития ономастики казахского языка. Вторая республиканская ономастическая конференция. Тезисы. Киев, 1962, стр. 198—202; Его же. Историко-этнографические связи топономастики Казахстана. Всесоюзная конференция по топонимике СССР. Тезисы. Л., 1965, стр. 189—191; Его же. Социально-бытовые мотивы в казахских личных именах. Всесоюзная конференция. Личное имя и проблемы антропонимики. М., 1968.

келешек перспективасына, оны зерттей беруге назар аударып отыр.

Қазақ тілінен бөлек түркі тілдеріндегі ономастика жайлышты. Ол еңбектер тарихына да шолу жасап өтуіміз орынды сияқты. Олардың біріншісі — ертеде жазылған еңбектер болса, екіншісі — советтік дәуірдегі туындылар. Қолда бар материалдарға қарағанда, ономастика туралы бастапқы еңбектердің көбісі есімдердің сөздізбесін, сөздіктерін жасаудан басталғаны байқалады³². Бұл еңбектің жалғасы ретінде іле-шала И. А. Износков еңбегі жарық көрді³³.

Көлемі әрі мазмұны жағынан бай, күллі түркі халықтарына ортақ еңбек — В. В. Радловтың әйгілі «Түркі тайпалары әдебиетінің үлгісі» кітабы негізінде жасалған Н. Ф. Катановтың алфавиттік көрсеткіші³⁴. Бұл кітапшаларда түркі есімдері алфавиттік тәртіппен беріліп, мағыналары айтылады. Сөйтіп, олар баска түркі халықтары есімдерімен салыстырылып отырған. Автордың бұл тамаша жұмысты жасауда көп еңбек сіңіргенін байқау қыын емес. Сол заманда жазылғандардың ішінде материалы бай, көлемдісі В. К. Магницкийдің «Чуваш есімдері» атты еңбегі. Автор бұл еңбегіне алғы сөз ретінде шағын мақала жазған. Чуваш халқының көне есімдерінің шығу тарихын баяндап, құрылышы мен құрамын анықтаған. Бұл еңбекте 5000-ға жуық көне чуваши есімдерінің тізімі бар³⁵. Олардың көпшілігі қазақ есімдеріне тым ұқсас та үйлес. Түркі халықтарының тарихын, әдебиеті мен тілін зерттеуші ғалымдар

³² Алфавитный список древних исторических инородческих имен, преимущественно встречающихся в исторических и юридических актах и служащих к объяснению названий населенных местностей Казанской губернии (Сост. Н. И. Золотницкий). Труды VI археологического съезда в России, т. I. Казань, 1883, стр. 154—160.

³³ И. А. Износков. О личных инородческих именах. Труды IV археологического съезда в России, т. I. Казань, 1884, стр. 149—153.

³⁴ Н. Ф. Катанов. Алфавитный указатель собственных имен, встречающихся в первом томе «Образцов народной литературы тюркских племен», собранных В. В. Радловым. СПб., 1888, стр. 34; Н. Ф. Катанов. Алфавитный указатель собственных имен, встречающихся во втором томе «Образцов нар. лит...». СПб., 188, стр. 83.

В. А. Гордлевский, А. И. Самойлович балаларды тәрбиелу, оларға ат қою жайында жазған³⁶. Бұл мақалаларында ел арасындағы әдет-ғұрып, ырымдар жайлары, жас өспірімді тәрбиелу мәселелері туралы айтылады. А. И. Самойлович осымен қатар қыргыз, алтай ертегілері мен ақыздарындағы жалқы есімдердің, Н. Бравин, И. Беляев түркі тайпаларының этникалық құрамы туралы көрсеткіштерін жазды³⁷.

Советтік дәуірде көптеген түркі тілдеріндегі ономастика жөнінде жеке ғылыми мақалалар шығып, сөздіктер соңында кісі аттарының тізбелері беріліп отырылды³⁸.

Өзбек тіліндегі антропонимика мәселесі соңғы жылдары өнімді зерттеліп келеді. 1965 жылы Өзбек ССР Ғылым академиясы Тіл және әдебиет институтында «Өзбек тілінің антропонимикасы» деген тақырыпқа диссертация қорғалды³⁹. 1966 жылы осы диссертация-

³⁵ В. К. Магницкий. Чувашские языческие имена. «Известия общества археологии, истории и этнографии», т. XXI, вып. 2. Казань, 1905.

³⁶ В. А. Гордлевский. Рождение ребенка и его воспитание. «Этнографическое обозрение», 1910, № 3—4; К личной ономастике у османцев. «Древности восточные», т. 4, 1913; А. И. Самойлович. К вопросу о наречении имени у турецких племен. «Живая старина», 1911, вып. 4.

³⁷ А. И. Самойлович. Указатель собственных имён к казах-киргизским и алтайским преданиям, легендам и сказкам. «Живая старина», вып. 11, 1916; Н. Бравин, И. Беляев. Указатель племенных имён к статье Н. А. Аристова «Заметки об этническом составе тюркских племен и сведения о их численности». Зап. Русск. геогр. общ-ва по отделению этнографии, вып. 11, т. XXVIII, 1903.

³⁸ А. А. Сатыбалов. К вопросу о личной ономастике у кумыков. «Советское языкознание», 1936, вып. 2; Н. А. Баскаков. Грамматика каракалпакского языка, ч. II; Хакасско-русский словарь. М., 1954; С. Е. Малов. Енисейская письменность тюрков. М.—Л., Изд-во АН КазССР, 1952, см. приложение; З. Б. Мухаммедова. К вопросу о личной ономастике у туркмен.— Труды Ин-та яз. и лит-ры АН Туркмен. ССР, 1957, вып. 2, стр. 34—48; Э. Бегматов. Антрополексемалар хахида. «Узбек тили ва адабиети», 1965, № 2, 63—65-беттер; Г. Ф. Саттаров. Некоторые вопросы татарской антропонимики.— В кн.: «Вопросы истории, филологии и педагогики». Казань, 1965, стр. 68—72 и др.

³⁹ Э. Бегматов. Антропонимика узбекского языка. Авто-реф. канд. дисс., Ташкент, 1965, стр. 68—72.

лық еңбектің негізінде кітапша⁴⁰, ал 1968 жылы сөздік шығарылды⁴¹.

Сөйтіп, антропонимиканы зерттеу түркі тілдерінің кебінде кеңінен қолға алынып отырса, кейбір түркі тілдерінде бұл жұмыс жаңадан жанданып, зерттеу жұмысы жүргізіле бастауда.

⁴⁰ Э. Бегматов. Номлар ва одамлар. Тошкент, Узбекистон ССР «Фан» нашриети, 1966, 51-бет.

⁴¹ Я. Менажиев, Х. Азаматов, Д. Абдурахманов, Э. Бегматов. Исмінгизнінг маъноси нима? Тошкент, Узбекистон ССР «Фан» нашриети, 1968, 98-бет.

2 ТАРАУ

АНТРОПОНИМДЕРДІҢ ШЫҒУ, ПАЙДА БОЛУ ТАРИХЫ

Антропонимия (гректің *anthropos* «кісі» және опота «ат», «есім» деген сөзі) деп бір тілдегі яки бір облыстағы кісі аттарының жиынтығын айтады. Жер жүзі халықтарының бәрінде әрбір кісінің өзіне тән аты-жөні бар. Адамзат қоғамында есімі, аты жоқ адам кездесуі мүмкін емес. Бірақ кейбір елдерде фамилиясыз, фамилия иемденбейтін адамдар ұшырасуы мүмкін (кейбір мәліметтерге қарағанда, исландықтарда фамилия болмайды екен). Жалпы адам баласының бірінен-бірін ажырату үшін ат қоюы, белгілі бір есіммен аталуы, қай заманда, қашан шыққандығы туралы ғылымда деректер баршылық. Адамға ат қою дәстүрінің сонау рулық қоғамнан барын, сол заманының өзінде-ақ әркімнің атының болғанын Морган айтып кеткен¹. Ал адам есімдерінің рулық, тайпалық қоғамдарда ерекше мән алып, тиісті дәрежеде қызмет еткенін Ф. Энгельс те жазған: «Әрбір рудың белгілі бір есімдері немесе бірнеше ұқсас есімдері болады, ол есімдермен бүкіл тайпа ішінде сол рудың өзі ғана пайдалана алады, ендеше әрбір мүшесінің есімі де оның қай рудың адамы екенін көрсетеді»².

Қазақ есімдері де санаулы жыл ішінде тосыннан пайда бола қалмаған. Оның өзіне тән тарихы, шығу, пайда болу жолы бар. Қазіргі есімдеріміздің ішінде

¹ Льюис Г. Морган. Древнее общество (перевод с английского под ред. М. О. Косвина). Л., 1935, стр. 17—46.

² Ф. Энгельс. Семьяның, жеке меншіктің және мемлекеттің шығуы. Алматы, 1948, 106-бет.

сол ерте замандарда шығып, көненің қарт күәсі, жұрнағы ретінде өмір сүріп келе жатқандары да, ортағасырга тән және жаңа дәуірде жасалғандары да көп.

Антрапонимия (кісі аттары) тіл тарихын зерттеуде құнды да бағалы мұра. Қолданудан әлдеқашан шығып қалған тілімізге тән жалпы есім сөздер антропонимияда сақталып отыр. Мәселен, *Ардақ*, *Байсал*, *Ораз*, *Жорға*, *Жекен* т. б.

Антрапонимдер адамдардың өткендегі тұрмысын, қоғамдық-әлеуметтік құрылышын және материалдық әрі мәдени өмірдің құбылыстарын да көрсете алады. Олардың кейбір топтары қазақ ауылының өртедегі тіршілік, іс-әрекетінен және шаруашылық күйінен мағлұмат береді. Мәселен, төрт түлік малға, шаруашылық, тұрмыстық сөздерге байланысты есімдер. Халықтың әдет-ғұрып, тарихи дәстүрлері мен кісі аттарының арасында тозбас желі бар. Кісі аттарына байланысты жиналған мындаған мысалдарды және есімдердің морфемын талдап қаралғанымызда, құрылышы, лексикалық материалы, фонетикалық ерекшеліктері жағынан олардың әр кез, әр дәуірге тән екенін бірден байқаймыз. Шындығында бұлай болудың өзіндік сирни бар. Өйткені әрбір кісі аты өзінің шыққан заманы мен дәуіріне, оның тілдік заңына тікелей байланысты. Сөған орай олардың шығу себебін дәлелдейтін алуан түрлі тарихи жайлар мен сан қылыштары оқығалар бары аяна.

Халқымыздың ғасырлар бойы басынан кешірген өмір жолында табиғат пен аңға, құсқа сыйыну, ай мен күнге табыну, хайуандардан ит, қасқыр, бұқа сияқтыларды тотем ету — бәрі кісі аттарының қойылудына әсер етпей қоймады. Осымен қатар, көрші-қоңсы елдермен араласу, шет елдермен байланыс жасау нәтижесінде тілімізге мындаған сөздермен қатар, кісі аттарының да еніп отырғаны мәлім. Қазақ халқының құрамына енген бөлек тайпалар мен рулардағы кісі аттарының сіңіп кетуінен болған *субстрат*, *суперстрат* құбылысы да антропонимдер құрамын едәуір байытқан.

Олай болса, бұлар да халқымыздың асқақ қиялды мен ұшқыр ойынан туған, тарихымен біте қайнап, бірге жасап келе жатқан бай ауыз әдебиеті мен мәдение-тінің сарқылмас мұрасы іспетті мол қазынаның бірі деп түсінгеніміз абзал. Ал фольклордың халық тарихында ролі үлкен екені баршамызға мәлім. Ол — ха-

лық ойынан туған қауымдық шығарма. Көркем әдебиетті, әсіресе, жазба әдебиетті дамытуда фольклордың маңызы орасан зор. Ал халық антропонимиясын байытудағы фольклордың орны тым ерекше. Ондағы кейіпкерлердің есімдері мен образдары бүгінгі ұрпақтарға жетіл, өмірде, құнделікті тұрмыста әлі де кеңінен қолданылып жүр. Фольклор туралы, ондағы кейіпкерлер жайында, олардың есімдерінің лингвистикалық табиғаты жөнінде А. М. Горький былай дейді: «Наиболее глубокие, яркие, художественно совершенные типы героев созданы фольклором, устным творчеством трудового народа. Совершенно таких образов, как Геркулес, Прометей, Святогор, Василиса Премудрая, иронический неудачник Иван — Дурак и, наконец, Петрушка, побеждающий доктора, попа, полицейского, черта и даже смерть, все это образы, в которых гармонически сочитались рацио и интуиция, мысль и чувство»³.

Бұдан кейіпкерлердің іс-әрекетінің есімдерімен сай келетінін көреміз. Демек, қазақ фольклорындағы кейіпкер есімдерінің құрылышы, тілдік ерекшелігі, образ тұтастығы көлтеген тарихи жайларды ашып берері сөзсіз.

Жер жүзі халықтары тарихында, олардың тұрмысы мен тіршілігінде ұқсас жәйттар көп-ақ. Тіпті қуаныш пен сүйініш, қайғы мен уайым, әділдік пен рақымдылық, махаббат пен зұлымдық барлық халықта бар ортақ қасиет. Сол тәрізді ұқсастықты мәдениет пен әдебиет, өнер мен шаруашылық салаларынан да кездестіреміз.

Ал тілдер тарихындағы байланыс пен ұқсастыққа келсек, бұл да жиі кездесетін құбылыс. Осындай ұқсастықтар антропонимия өмірінен де байқалады. Олардың мағыналық кейде формалық жағынан ұқсас, үндес келіп отыруы кездейсоқ жай емес. Хайуандар мен аңдардың, құстар мен жәндіктердің, болмаса табиғат құбылыстарының аттарынан жасалған кісі аттары көптеген халықтарда бар, жиі кездесіп отыратын жай. Мәселен, *Волков*, *Бугаев*, *Беркутов*, *Соколов*, *Козлов*, *Лисицин*, *Медведов*, *Зайцев* орыс тілінде болса, *Адольф*, *Вольфганг* немістерде, *Бері*, *Берібай*, *Итбай*, *Бұқа*, *Бұ-*

³ С. Наровчатов. Фольклор. «Наука и жизнь», 1969, № 11, стр. 84.

қабай, Қоянбай, Бұркіт, Сұңқар қазақ, қыргыз, өзбек, түрікмен тілдерінде бар. Соңдай-ақ, кейбір орыс, қазақ тіліндегі антропонимдердің айтылуы, формасы басқа болғанмен мағынасы ұқсас келетінін байқаймыз. Оны мына масалдар анық көрсетеді.

О р ы с т і л і н д е

Светлана, Света	Сәуле
Надежда	Үміт
Любовь	Сүйімхан, Сүйкім.
Богдан	Құдайберген, Алдаберген
Слава	Данқ
Злата	Алтын
Серебрякова, Серебренников	Күмісбек
Софья	Дана
Дамир	Бейбіт
Лев	Арыстан
Зайцев	Қоянбай
Лисицин	Тұлкібай т. б.

Қ а з а қ т і л і н д е

Орыс тілінде үй хайуандарының аттары ерте кездे кісі аты ретінде қойылғанмен, қазіргі кезде қойылмайды. Соңдықтан олардың көбі тек фамилия ретінде ғана сақталып қалған.

Қазақ антропонимдерінің құрылышы жаңарап, көбейе түсуі ислам дінінің тарауымен де байланысты болды. Х ғасырдан бастап ислам діні қазақ даласының түкпір-түкпіріне тараپ, мүмкіндігінше сіңісе бастайды. Сөйтіп, мұсылман дінінің ықпалы күшті болып, тұрмыстық, қоғамдық жағдаяттың барлық саласына әсерін тигізді. Бұл кездерде тілімізге мыңдаған сездер мен сез тіркестері, кісі аттары мен этнонимдер енді. Араб тілінен енген есімдердің көбеюі төл есімдеріміздің дамуына белгілі дәрежеде тәжеу жасап, кедергі болды. Бірақ, халық арасында төл сезімізден есім қою дәстүрі кеңінен қолдау тауып отырғаны аян. Ал араб-иран тілдерінен енген есімдер болса, халық тілінде бастапқы тұлғасында айтылмай, аса қатты дыбыстық өзгеріске ұшырап, жаңа формаға ие болып отырды. Қазақ есімдері әсіресе XV—XVIII ғасырда құрамы жағынан байып, толыса түсті. Мұның өзі әлеуметтік қоғамның дамуымен байланысты құбылыс еді. Бұл дә-

уірлерде, алдымен, қазақ тайпаларының негізінде біртұтас қазақ халқы қалыптасқан, нығайған кез еді. Осымен байланысты жер мен жер, ел мен ел байланысы нығайып, жалпы халықтық әдет-ғұрып, тіл бірлігі күшіне түседі. Бұрын Қазақстанның бір ғана жерінде айтылатын өлең-жыр, ертектер, алуан түрлі сөздер мен кісі аттары енді басқа жерлерге де тарап, барып жатады.

Сөйтіп, қазақтың ен даласындағы мәдениет пен тіл бірлігі, әдет-ғұрып, салт-сана тұтастығының негізі халықтың жер, территория бірлігіне байланысты болған еді. Элбетте, халықтық тілде диалектілік айырмашылық болғаны сияқты кейбір салт-сана, әдет-ғұрып негіздерінде де жергілікті халыққа тән ерекшеліктика болғаны белгілі. Осындай ерекшелік антропонимия (кісі аттары) өмірінде де болады. Антропонимдердің көрсетіп отырған дәуірлерде көбейіп, сан жағынан арта түсуінің тағы бір себебі, халықтық этнографиямен де ұштасып жатады. Мындаған кісі аттары әдет-ғұрып, салт-сана, ырым мен дәстүрлерге байланысты қойылышын отырған. Эрине, ол дәстүр мен салт-сананың көрсетіп отырған дәуірге ғана тән емес, тамырлары тереңге кептетіні де белгілі. Әйткенмен ол этнографиялық ұғым мен сенімнің кеңірек етек алып дами түсіү бұл кезде ерекше дамығаны байқалады. Сонымен, жогарыдағы айтылған барлық дәуірлерге тән немесе аздал болса да қатысы бар антропонимдердің тіліміздің көне тарихын, лексикалық қорын айқындаі түсуде септігін тигізері сезсіз.

Қазақ антропонимдерінің құрылсызы жағынан жетіліп, құрамының байып отырған кезі — Советтік дәуір. Қазіргі тіліміздегі антропонимдер құрамында барлық дәуірге тән антрополексемалар бар. Әсіресе бұл дәуірде жасалған антропонимдер жаңа форма, мазмұнға ие болып отыр. Бұл күнде дәстүрлі есімдермен қатар, жарқын дәуірімізге лайықты мындаған антропонимдер пайда болды. Олардың өскен, өркендеген заманымыздың мәдениеті мен өнерінің, ғылымы мен техникасының негізінде жасалғаны мәлім.

Сайып келгенде, тіліміздегі антропонимдердің шығу, даму негізі халқымыздың өткендегі тіл және азamatтық тарихымен тікелей байланысты болса, олардың типтерінің шығу, пайда болу жолдарын белгілі бір дәуірлерге бөліп қарамайынша, тиісті дәрежеде талдау

жасауымыз мүмкін емес./Қазіргі тіліміздегі кісі атта-
рының көбісі шығу тарихы жағынан көне түркі зама-
ны мен ортағасырларда пайда болған антрополексема-
ның жалғастары (приемниками) болып саналады.
Олардың көне түркі есімдерімен түбірлес, мағынасы
ұндес, жасалу тәсілі мен құрылсызы жағынан ұқсас
келуінің сырты да осында. Бұл жай — жалпы түркі тіл-
деріне тән, ортақ құбылыс. Өйткені ол дәуірде түркі
халықтары жеке белінбей, біртұтас ел болып, шаруа-
шылықтары, құнделікті тіршілігі, діні мен әдет-ғұрпы
ортак болған кез еді. Бұл ортақ қасиеттер соңынан
олардың жеке халық болып өсіп, дамыған кезінде де
ізін сақтаған. Олай болса, тіліміздегі көне заманға тән,
жалпы түркі халықтарының ортақ есімдері туралы да
осыны айтуымыз жөн.

Сонымен, тіліміздегі антропонимдердің тарихын,
шығу, пайда болу кезеңдерін талдағанда, бір заманға
тән телімей, бірнеше дәуірге беліп қарауымыз керек.
Қазақ антропонимиясының даму тарихынан төрт дәуір-
дің көрінісі байқалады.

Бірінші дәуір — көне түркі заманын, яғни V—VIII
ғасырлардағы антропонимдердің қамтиды.¹ Бұл дәуірде
үй хайуандары мен жабайы аңдардың, табиғат атаулары
мен өсімдіктердің және қымбат металдардың атаулары
кісі аты ретінде қойылып отырған. Мысалы:
Айқұн, Айжарық, Айтолық, Айтолды, Күнай, Күнсұлу,
Күнтуар, Бөрі, Барысбек, Арыстан, Бұқа, Тұлкібай,
Қоянбай, Алтын, Күміс, Қаршыға, Сұңқар т. б. Ол кезде
ай мен күнге табыну, табиғатты, аңды, құстарды
ерекше күш санау, кейбір хайуандарды (мәселен, бөрі,
ит, бұқа) шыққан тегіміз, біздің ата-бабамыз деп, то-
тем ету жайлары басым болғаны мәлім. Мұндай пікірлер —
белгілі бір халықтың ономастикағынын зерттеп
жүрген ғалымдардың көбіне ортақ, ұндес екенін
көреміз. Бұл жөніндегі пікіріміз кандидаттық диссер-
тацияның авторефератында және зерттеу еңбегімізде
айтылған-ды.

«Ай мен күнге, тау мен өзен, көлге табынып сыйыну
нәтижесінде шыққан есімдер мыналар еді: Айсұлу,
Айжарық, Айқан, Айдай, Күнай, Айқұн, Таутай, Таубай,
Көлбай, Көлтай»⁴. Кейінірек бұндай пікірді түрік-

¹ Т. Жанузаков. Лично-собственные имена в казахском языке. Афтореф. канд. дисс., Алма-Ата, 1961, стр. 5.

мен ономастикасын зерттеуші З. Б. Мұхаммедова: «Древнейшими, на наш взгляд, следует считать имена, восходящие к названиям атмосферных осадков, солнца, луны, растений и животных»⁵ деп жазса, өзбек антропонимикасы туралы Э.Бегматов: «Имена, Тангриберген, Тангриберди, Тангриқул, Қуанышбек, Ойзада, Ойкон связаны с культом неба, солнца и луны являются ярким свидетельством поклонения и почитания людьми этих небесных и наземных «божеств»⁶,— дейді. Бұл пікірдің системасы бөлек тілдер ономастикасын зерттеуші ғалымдар еңбектерінен де орын алғанын анық көреміз. Н. П. Капул япон есімдері туралы айта келіп, «Морфемный состав этих имен иллюстрирует процветавшие в древней Японии Культ неба и небесных светил — солнца и луны, культ огня и света»⁷ деген пікірге келді. Молдаван антропонимиясын зерттеуші ғалымдар да Луна (ай), Соаре (күн), Лупу (бері) тәрізділерді алғашқы есімдер қатарына жатқызады⁸. Ал хайуандар аттары негізінде қойылған Бері, Итбай, Құшік, Бұқа тәрізді кісі есімдерінің сөз етіп отырған бірінші дәуірге тән екенін қазақ тілінен басқа да тілдер материалдары дәлелдейді. Ерте заманда (III—IV ғ.) туркі халықтарында бәрі, бұқа тотем болғаны жөнінде көнтеген ғылыми еңбектерде мол мәліметтер бар⁹.

Өгізді әулие санау, аспанды ұстал, тіреп тұрған көк өгіз деген халық ұғымы ертеден айтылады. *Бұқа, Бұқай, Бұқабай, Өгізбай* тәрізді кісі аттары осы көне ұғыммен байланысты қойылған болса керек.

Қорыта келгенде, тіліміздегі бірінші дәуірге жатқызып отырған кісі аттарының басқа системалы тілдер тарихында да шығуы жағынан алғашқы болып саналатынын көріп отырмыз.

⁵ Б. Мұхаммедова. Личная ономастика у туркмен. Сб. «Питання ономастики», Київ, 1965, стр. 151.

⁶ Э. Бегматов. Антропонимика узбекского языка. Авто-реф. канд. дисс., Ташкент, 1965, стр. 7.

⁷ Н. П. Капул. Очерки японской ономастики. Автореф. канд. дисс., М., 1965, стр. 8.

⁸ А. Еремия, М. Коеничану. Личные имена. Кишинев, изд-во «Картэ молдовеняскэ», 1968, стр. 24.

⁹ М. Губогло. Гагаузы. «Наука и жизнь», 1965, № 10, стр. 100; Ц. Б. Цындендамбаев. Периоды истории бурят по данным пережитков тотемных культов. Материалы межвузовской конференции. Томск, 1969, стр. 135.

V—VIII ғасырларға тән жазба ескерткіштерде кездесетін күрделі тұлғалы кісі аттары және кісі аттарын жасауға арқау болған компоненттер қазіргі түркі тілдерінде түгелдей сақталмаған. Өйткені оларды тудырған, тиісті дәрежеде қолданған қоғамдық қатынас, дәүір түбімен өзгерді. Дегенмен, ол антрополексемалардың кейбіреулері біздің заманымызға жетіп отыр. Сол замандағы кісі аттарының жасалу үлгісі, принципі мен лексикалық номинациясы тіпті кейбір компоненттері қазіргі антропонимдер системасында сақталып қалған. V—VI ғасырлардағы түрк мемлекеті туралы жазылған Л. Н. Гумилевтің «Древние тюрки» атты еңбегінде берілген есімдер, титулдар мен лақап аттар ішінде қазіргі антропонимге ұқсастары өте көп. Ондай ұқсас есімдерді айтып отырған кітаптан кездестіруге болады. Бұл көне түркі ономастикасының әтимологиясын, шығу тарихын тереңірек зерттеу күллі тюркологтардың ортақ міндепті. Келешек зерттеушіге және оқушы қауымға пайдасы тиер деген үмітпен сол ескерткіштер мен тарихи деректердегі антропонимдердің және кейбір лауазым сөздердің тізбесін беріп, сәйкес жерінде қазіргі кісі аттарымен салыстыруды жөн көрдік.

К е н е
т ү р і к т і л і н д е

Айдынлық	
Ақ баш	
Алп, Алпәр	
Алп Қөгшин	
Аккул	
Алтун	
Алту	
Анар	
Апа тархан	
Амрак	
Арслан, Арсила	
Ачім	
Базқақан	
Бай апа	
Багадур	
Барс баг	
Бек	
Бегю каган	

Қ а з і р г і
қ а з а қ т і л і н д е

Айдын+ғали	
Ақбас	
Алпар (Алп+ер)	
Алып	
Аққұл	
Алтын	
Алты+басар	
Анар, Анаргул	
Тархан, Дархан	
Әмрек	
Арыстан	
Әшім	
Базыбек	
Бай+ол, Бай+пас	
Батыр	
Барысбек	
Бек	
Бегім	

Боке-хан	Бәке, Бәкей, Бүке
Бури-шад, Бури-хан	Бәрі, Бәрібай
Бұға, Буга	Бұқа
Будун	Бодан
Бумын хан	Боман
Бөңгү чур	Мәңгілі
Дулухан	Дулат
Еркин	Еркін
Жангар	Жанғір, Жәңгір
Эр-бег-шад	Ербек
Иль-хан	Әлхан
Иарук тегин	Жарық
Ирбис хан	Ілбіс
Кабай	Қабай
Кара кан	Қарахан
Кулуг Туган	Құліктай
Кулун-бек	Құлышнбек — Құлышнбай
Куни Тириг (Къұнъ- ытърь)	Күніш
Кун сенгун	Күн — Күнтуар, Күнжан есімдерінің сыңарында тұрады
Кутлуг	Құтты + бай
Кучук-хан	Құшік, Құшікбай
Кушрак	Құсжан, Құсан
Кюль тардұш	бұл күл сөзі қазіргі
Кюль-тегин	Құлтеллев, Құлшашаров сияқты фамилиялар мен есімдердің құрамында келеді
Мәңке	Мәңке
Орыз	Ораз
Сулу	Сұлу
Тонг — шад	салыстырыңыз: Таңқаров, Таңқаев
Тон — джабгу — хан	
Тэнгри — хан	Тәңірберген
Торәмен	Төре + хан, Төре + бек
Толяш билге	Төлеш
Туман	Тұман + бай, Тұмен + бай
Тузбай	Тұзбай
Тюзел — бек	Тұзелбай

Ураган, Урал
Шугай
Шоғур
Шоно
Эрен

Орақ
Шыгай + бай
Шоқыр
Шона
Ерен

Бұл сөзтізбеде көрсетілген есімдер мен кейбір титул, лауазымды білдіретін сөздер негізінен қазіргі тіліміздегі кісі аттары мен қарапайым лексикадан алшақ емес екенін байқатады. Оның есесіне, кейбіреулері қазіргі тілде сақталмаған немесе айтылмайтын сөздер мен есімдер болып отыр. Сөзтізбедегі есімдер мен сөздердің транскрипциясы мен мағынасын көрсете алмадық. Біз жоғарыдағы пікірімізді тағы қайталасақ, бұл тек дайын материал ғана. Оны лингвистикалық тұрғыдан анализ жасау келешектің міндеті. Осы көрсетілген сөзтізбе материалың өзінен-ақ тіліміздегі антропонимдердің V—X ғасырлардағы шығу, даму тарихын болжаяу қызын емес сияқты.

Ескерткіштердің текстін оқып, талдауда, лексикалық құрамы мен грамматикалық құрылымын, синтаксистік конструкциясын зерттеуде В. В. Радлов, С. Е. Малов, И. А. Батманов, В. И. Насилов, Ф. Айдаров т. б. көп еңбек етті. Бұл Орхон-Енисей жазбаларындағы жалқы есімдерді талдауда тарихшылар мен лингвисттер арасында әр түрлі болжам, пайымдаулар мен кезқарастар болды. Сондықтан Орхон-Енисей жазба ескерткіштеріндегі ономастиканы талдау тарихшылар Я. Бичурин, П. М. Грумм-Гржимайло, В. В. Бартольд, А. Бернштам, Л. Н. Гумилев еңбектерінен де көріністапты.

Ескерткіштегі ономастиканың саны мен құрамы әр түрлі. Бұлардың ішінде, әсіресе, антропонимия материалдары көбірек көніл бөледі. Олардың құрамы, жасалу тәсілі, құрылымдық (структуралық) типі, қоғамдық-әлеуметтік функциясы топоним мен этнонимдерден әлдеқайда кең. Структуралық типіне сай ол ономастиканы былайша бөлуге болады: 1) дара тұлғалы, 2) туынды тұлғалы, 3) екі құрамды, 4) көп құрамды немесе күрделі тұлғалы.

1) Дара тұлғалы есімдер: а) антропонимдер: Анар, Эсин, Умач, Йола, Буга, Чур, Тонг, Барс, Баз, Боги, Күч; б) топонимдер: Кäm (Енисей өзені), Єртіс, Салай-

нä (Селенги), Тама; в) этнонимдер: Аз, Огуз, Тюрк, Чик т. б.

2) Туынды есімдер: а) антропонимдер: Шувуш, Макрач, Туран, Кутлуг, Уграч, Толаш, Туграк; б) топонимдер: Тогла, Отукан, Кёгмэн, Болчу, Орпэн т. б.; в) этнонимдер: Карлук, Тардүш, Тангут, Төләс, Басмыл, Согды, Табач т. б.

3) Екі құрамды есімдер: а) антропонимдер: Баз Каған, Қул Тегин, Қушу Тутук, Ал Туган, Алл Туран, Тұз Бай, Каражан, Құні Тіріг, Құлұғ Чур, Құч Барс, Құлұғ Туган т. б.; б) топонимдер: Алтун йыш, Қүш башы, Үйдук баш, Тәмір Қапуг, Қоқ Өңүг, Қара Қол, Қадыркан йыш, Тогу балық, Баш балық, Ақ Тәрмелъ т. б.; в) этнонимдер: Қыркыз, Үйгур, Онок, Токуз татар, Токуз Огуз, Үч Огуз т. б.

4) Құрделі тұлғалы есімдер: а) антропонимдер: Ал Туган Тутук, Яш Ақ Баш, Чочук Бөрі Саңун, Үчин Қуліг Тіріг, Үруңу Қуліг Ток Бёзи (т), Үнанчы Құлұғ Чігші бағ, Тұз бай Құч Барс Құлұғ т. б. Топоним мен этнонимдердің жасалуында құрделі тұлғалы тип байкалмайды. Жоғарыда көрсетілген мысалдардан байқап отырғанымыздай, екі құрамды және құрделі тұлғалы есімдердің компоненттері: *Улуг, тутук, алл, тіріг, құлұғ, қуч, тегин, ынамчы, қаган, қан, бағ, билге, бёри, барс* т. б. Бұл сөздердің бәрі көне түріктер қоғамында әлеуметтік-саиси терминдер ретінде қолданылып, сол кездегі адамдардың қоғамдағы орнын, титул, атақ-дәрежесін көрсеткен. Ал құрделі есімдермен қатар тұрғанда ол адамның ерлік, батырлық қасиетін т. б. ерекшелігін білдіретін эпитет ретінде де жұмсалған. Бұл сөздердің семантикасы мен талдау жүйесі В. В. Радлов, С. Е. Малов, А. Н. Бернштам, Н. А. Басқаков, И. А. Батманов еңбектерінде әрқылы.

С. Е. Малов *кутлуг* — бақытты, *тіріг* — тірі, *құні* — адал, берілген, *алл* — алып, дәү және *тутук*, *бағ*, *ел*, *чур*, чигши, үруңу сияқты сөздерді шен, дәрежені білдіретін сөздер деп түсіндіреді¹¹. *Құлұғ* сөзін В. В. Радловтан соң С. Е. Малов «atalған, даңқты» деп түсіндірсе, И. А. Батманов қазіргі шор тіліндегі «данышпан», тува тіліндегі «алғыр, ұшқыр» сөздерімен төркіндес

¹¹ С. Е. Малов. Енисейская письменность тюроков. Л., 1952, стр. 81.

дейді. Бұл категориядағы сөздер кейіннен И. А. Батманов еңбегінде айқын сараланады. Шен, дәреже, титул, атақта тән деп: *кам, баг, бай, тегин, чур* (ең жоғарғы титулдардың бірі), *тутук* (ру басы) *саңун* (қолбасы), *ыначы, катун* (ханзада, бикеш) тәрізді сөздерді жатқызыса, эпитеттерге: *böри, барс, билге* сөздерін жатқызады. Бұлардың бәрі де Орхон-Енисей, Талас ескерткіштерінде көп кездеседі. И. А. Батманов жоғарыда көрсеткен атақ-дәреже, шен мен титулға байланысты сөздердің де, ол атақ-дәреже, титулдардың да қоғам өзгеруімен байланысты қазіргі түркі тілдерінде қолданылмайтынын дұрыс айтады¹².

Қазіргі түркі халықтары тіліндегі кісі аттарының құрылсысы, жасалу тәсілдері көне түркі есімдерінің типіне сәйкес. Олардың форма сәйкестігі, лексикалық номинациясы т. б. есім жасаудағы көне дәстүрлердің біздің заманымызға шейін жетіп, сақталып отырғанын көрсетеді.

Енисей дәуіріндегі кісі аттарының қазіргі түркі тілдерінің көбінде сақталып отырғаны мұның толық айғаты бола алады. Оны мына мысалдардан анық көреміз. Тува тілінде Ақбаш, шор тілінде Ақпаши, қазақ тілінде Ақбай, Ақбас, тувада Буга, қазақта Бұқа, тувада Мөңге, қазақта Мөңке, тувада Тарган, қазақта Дархан, Тархан, шор тілінде Чарық, қазақ тілінде Жарық т. б.

Ономастика материалдарына жіті көз жіберсек, жоғарыда айтқан титул, шен, атақ-дәрежеге байланысты термин сөздердің кейбіреулерінің қазіргі түркі тілдеріндегі кісі аттарының компоненттерінде сақталып отырғанын анық көреміз. Мысалы: тува, қырғыз тілдерінде Қүшбек, қазақ тілінде Құсбек, шор тілінде Күшпег, тува, қырғыз, қазақ тілдерінде Қарабай, Сарыбай, Пору, Борубай, Бөрібай т. б. Орхон-Енисей ескерткішіндегі және көне тарихи жазбалардағы көптеген сөздердің қазіргі кісі аттары ретінде кездесетінін көрсете кету орынды сияқты. Мәселен, Багадур, Ябгу, Бұке есімдерін талдап көрейік. Қазіргі тілімізде кеңінен қолданылып жүрген Батыр, Батырхан, Батырбек, Байбатыр тәрізді есімдердің батыр компоненті көне ескерткіштерде *Багадур* тұлғасында кездеседі. Біздегі

¹² И. А. Батманов и др. Современная и древняя Енисеянка. Фрунзе, 1952, стр. 93.

батыр сөзі осы *багадурдың* өзгерген түрі екені даусыз. Ал Жабатай, Жабагы, Жапақ тәрізді есімдердің бастапқы тұлғасы көне түркі тіліндегі *ябга*, *ябгу* болса кепек. О баста титул ретінде қолданылған бұл сөз барабара дыбыстық деформацияға түсіп, ерекше өзгергенін байқау қын емес. Оны былайша түсінеміз: *Ябга* > *ябгу* > *Жабға* > *Жаба* > *Жабагы*.

Бұл күнде тілімізде сирек болса да кездесіп, қолданылып жүрген антропоним *Бүке*, *Беке*, *Бекей* көне түркі тілінде көбіне кісі аты емес, лақап ат ретінде «батыр, ер» мағынасында қолданылған. Мұны қарапайым адамдар емес, хандар иемденген. Мәселен, түріктер ханы Қара Журун Турк алып денелі, зор тұлғалы болғаны үшін *Бокә* атанған. Атақты Билге ханның лақап аты да *Богю* «батыр» болған. Бұл сөз осы күнгі алтай, өзбек, үйғыр, осман түрік тілдерінде жалпы есім сөз ретінде *викә*, *пöкö*, *бөкә* — «батыр», «ер», «палуан» мағыналарында айтылады. Минусинск музейі ескерткішіндегі Шогур, Ярук Тегин, Алп Турған, Орхон-Енисей ескерткіштеріндегі Қапаган антропонимдеріне қазіргі қазақ тіліндегі *Шоқыр*, *Жарық*, *Әли*, *Анар* есімдері сай келеді.

Сол тәрізді көне түрік хандары мен тарихи қайраткерлерінің есімдері Кюль-Тегин, Кутлуг, Тоньюкук т. б. лексика-семантикалық жағынан қазіргі қазақ, үйғыр, өзбек, азербайжан тілдеріндегі жалпы есім сөздерден алшақ емес. Мысалы, *күл*, *құтты*, *тоң*. Оның үстіне *күл* сөзі кейбір кісі аттарының бірінші компоненттерінде кездеседі. Олар: Күлтелеев, Күлшашаров, Күлбай т. б.

Тюрколог В. Котвич Кул тегін есіміндегі *күл* сөзін өзінің тұра мағынасымен байланыстырады. Ал Тоньюкук есімінің этимологиясы туралы түрлі пікір бар. Бұрынғы пікірлерге біздің қосатынымыз, бұл есім екі сөзден құралған. Оның бірінші компоненті *тоң* яки *тоң*, екінші компоненті *юқук*. Компонент *тоң*, *тоң* көптеген көне түркі тілдерінде болған сөз. Белгілі ескерткіштің бірі «Құдатғу білігте» *тоң* — «ұлы», *тоң jyrak* — «кең пейілді»¹³, *тоңа* — «ұлы, құшті»¹⁴, *тоңа*

¹³ А. Н. Кононов. Родословная туркмен. Сочинение Абул-Гази. М.—Л., 1958, стр. 100.

¹⁴ М. Кошғар и. Девону лугатит-турк, т. III. Тошкент, 1963, стр. 151.

алп — «күшті, алып»¹⁵. Ал М. Қашқари сөздігінен *Тоңа хан, Тоңа тегін, Тоңа алп ер* тәрізді кісі аттарын көреміз.

Бұл фактілерге қарағанда, *тон, тоң* — «ұлы», «күшті», «зор» мәғынасында қолданылған лақап болса кепек. Оның екінші компонентін *юкук*>*кук*>*кок*>*көк* сөзі деп білеміз. Соңда Тоньюокук «ұлы көк», «көк тәңірі» деген мәғынада қолданылған лақап ат болуы мүмкін. Ерте заманда көне түріктердің көкке табынып, аспанды сыйынғаны белгілі. Олар ай, күн аспанды құдай санап, бір тәңірім деп табынған. Сондықтан ханың данышпан ақылшысын көкке, аспан тәңірісіне теңеп атаулары ғажап емес.

V—VIII ғ. тән ескерткіштердегі көнтеген сөз тудыруши аффикстер қазіргі жалқы есімдердің нормативті аффикстерімен сәйкес. Есімше тұлғаның *ған, ген* қосымшалары көне ескерткіштердегі кісі аттарын жасауда белсенді роль атқарған. Мысалы: *Туган, Ал Туган, Ка-наган, Күч Кияган* т. б. Бұл қосымшалар осы күнгі жалқы есімдерді жасауға да кеңінен жұмысалады. Мысалы: *Қатаган, Қашаған, Ауганбай, Туганбай, Сұраған* т. б. Антропонимдердегі лексика-семантикалық ұқсастықтан басқа грамматикалық формалардағы *ортак* жайлар қазақ тілінің шығу тарихын айқындауға қатысы бар.

Енисей дәүіріндегі ескерткіштерде және басқа тарихи деректерде бір адам екі я үш атпен аталған. Мұның негізі — көне түріктердің қоғамдық мемлекеттік құрылышы мен ішкі тарихи жағдаяттарында жатыр. Көрреттерде түрік қайраткерлерінің есімдері олардың қоғамдық жағдайын, лауазымын көрсетіп отырған. Көне түрік тарихын зерттеген ғалым Л. Н. Гумилев бұл жөнінде былай жазады. «Бала кезінде шын ат иемденсе, жігіт кезінде — шен, ер болғанда титулмен аталған. Егер хан болса, онда титул тиісті мәртебелі атаумен аталған¹⁶. Бұл жөніндегі бай материалды осы кітаптың қосымша беліміндегі «Сномастикалық таблицадан» анық көреміз. Мысалы: Кушу — есімі, Сыгин (жегин) — жиен) — титул, Янды (женді) — лақап ат.

¹⁵ В. В. Радлов. Опыт словаря тюркских наречий, т. III, ч. I. СПб., 1865, стр. 171.

¹⁶ Л. Н. Гумилев. Древние тюрки. М., «Наука», 1967, стр. 90—91.

Орхон ескерткіштерінде шығыс қағанат ханы Бұмын-каган деп аталған. Ол 552 жылы Жүжандарды жеңгеннен кейін Иль-Хан титулын алған, Тардуштар шады Гудулу ұлы Могилян. Кюль тегин 716 жылы оны Бильге-хан деген титул беріп, таққа отырғызған. Бұдан кейін батылдығы мен ер жүректігі үшін Бёгю «батыр» деген лақап атпен аталағы. Бильге-ханның ұлы Бильге Кутлуг-хан империяға бас иген соң Тенгри-хан деген титул алады. Қоңе түрік ономастикасындағы қызық та курделі мәселе титул мен лақап ат және кісінің шын аты арасындағы байланысты анықтау болып саналады. Бұл мәселенің бетін ашу қөптеген зерттеулер жүргізуі қажет етеді. Бірақ V—VIII ғ. ескерткіштеріндегі нақтылы материалдарға сүйене отырып, мынадай қорытынды жасауға болады. Жазба ескерткіштерде және басқа деректерде негізінен мемлекет қайраткерлерінің титулдары мен лақап аттары көрсетілген. Олар: Тоньюкук, Бильге-хан, Кюль-тегин, Капаган-хан т. б. Бұлар шын аттар емес — лақап аттар. Бұған ескерткіштердегі материалдар толық дәлел. Онда лақап есім, болмаса титулдар қандай жағдайда, не себеппен берілгені анық айтылған.

Сонымен, V—VIII ғасырларға және ескерткіштер мен тарихи деректердегі тарихи ономастикалардың тіл тарихын зерттеуде, ол халықтардың саяси-әлеуметтік, экономикалық жайын, қоғам құрылышын білуде қосымша материал болса да құны ерекше. Олардың қөшшілігі лексикалық номинация, мағына, форма жағынан, жасалу тәсілі түрғысынан қазіргі антропонимдермен ұқсас.

Екінші дәуір. Орта ғасырга тән антрополексемалық типтерді қамтиды. Біз жоғарыда бір-бірімен жалғас, тығыз байланысты антропонимияны көрсетіп өткен едік. Ал екінші дәуірде шыққан антропонимдердің өмірінде елеулі өзгешеліктер барын айтпақпыз. Егер бірінші ғасырдан ерте, орта ғасырга дейін (I—VIII ғ.) қоңе түркі дәуірін, үйсін, қаңзы мемлекеттерінің мәдениетін және шаруашылық, экономикалық жайларын (әлбette жазба ескерткіштер мен тарихи деректер арқылы бізге жеткен тіл тарихын, ондағы әпостық антропонимдерді) баяндаған болсақ, енді X—XVII ғасырлардағы қазақтың тайпалық одак болып тұрғандағы, одан кейін халық болып қалыптасу кездеріндегі әдебиеті

мен мәдениетін, фольклор мен тіл тарихын, дін мен білімнің дамуын тиек ете отырып, антропонимдердің шығу, даму кезеңдерін сөз етеміз.

Бұл дәүірде қазіргі Қазақстан территориясында карлук қағандығы (766—940 ж.), қараханидтер мемлекеті (Х—XI ғ.), қыпшақ бірлестігі (Х—XII ғ.), монгол үстемдігі (XIII—XIV ғ.), қазақ хандықтары (XV—XVIII ғ.) сияқты әлеуметтік қоғамдардың болып өткені мәлім.

Қараханид мемлекетінің этногенез мәселесі «Қазақстан тарихында» көрсетілгендей: «Үйсіндер, қаңлылар, дулулар, телі, қырғыз, қыпшақ, аргу (орхон жазбаларындағы байирқу, кейінректе — бергу), ягма, огуздер»¹⁷ болған. XIII ғасырдың бас кезінде наймандар мен керейлер Алтайдан Қазақстан территориясына көшіп келген. Бұл көрсетіп отырған этнотоптардың көпшілігі қазіргі қазақ халқының құрамында бар. Бұдан кейінрек те қазақ халқының этникалық құрамы әр алуан, жат ру, тайпалардың бірігу, қосылышу, арасында жағдайынан көбейіп, толысқаны белгілі. Оған монголдардың кейбір тайпалары мен қара қытайлардың қазақ тіліне сіңіспі, тоғысып кетуі толық дәлел бола алады. Сөйтіп, XVI ғасырдың аяқ кезінде қазақ халқының қалыптасу процесі аяқталады. «XV ғ. қазақ халқының құрамына кірген негізгі этникалық компоненттер үйсін, қаңлы, аргын, қыпшақ, дулат, керей, найман, алшын, қоңырат тайпалары мен тағы басқалары болды. Олардың барлығы да, тегінде бір-бірінен айырмасы аз, біріне-бірі жақын және өзара түсінікті диалектілері бар түркі тілінде сейлекен»¹⁸.

Сонымен, X—XVII ғасырлардағы қазақ халқының құрамындағы ру, тайпалардың бір-бірімен жалғаса өмір сүріп, тіршілік жасағанын байқаймыз. Сол XI—XIV ғасырлардағы қазіргі қазақ тіліне тән сөздер мен этнонимдерді, көптеген ономастикалық материалдарды Махмуд Қашқаридің «Девону луготит турк» (1072—1074) және кумандар тілінің сөздігі «Кодекс Қуманикус» сияқты еңбектерден мол кездестіреміз. М. Қашқари Лугатындағы аргу, басмыл, дулу этнонимдерін талдай отырып, оларды осы күнгі қазақ болып жүрген

¹⁷ «Қазақ ССР тарихы», I том. Алматы, ҚМБ., 1957, 148-бет.

¹⁸ Сонда, 156-бет.

гайпалар деп дұрыс айтқан проф. Ғ. Мұсабаев¹⁹. Бұл ескерткіштегі лексиканың көпшілігі, грамматикалық форманттары қазіргі тілімізге үқсас екені де айтылып жүр. Мысалы: *аба* (апа), *ау* (ау аулау), *аушы*, *аз*, *азук*, *айғыр*, *әрқак*, *әрлік*, *бай*, *буғра*, *бүрді*, *кәлді*, *кәсілді* т. б. Осымен қатар жүздеген антропонимдердің үқсас, текстес екенін де байқау қын емес. Бұл үш томдық сөздікте саны 400-дей ономастика берілген.

XI ғасырға тән бұл ономастикалық системаның лексика-семантикалық ерекшеліктері мен грамматикалық құрылыштары және лексикалық құрамы арнайы зерттеуді қажет етеді. Олар лексикалық құрамы жағынан көне түркі, араб-парсы, түркі-монгол тілдерінен жасалған. Сол көне түркі сөздерінен жасалғандардың ішінде лексикалық мағынасы айқын, қазірде кеңінен қолданылып жүрген антропонимдік композиттер көп-ақ. Олар: *Бајзан* (бай және жан сөзінен бірігіп жасалған), *Бәклан* (бекбол, бекін деген мағынаны білдіреді), *Бәктүр* (мықты бол, берік бол деген мағыналы есім), *Буғрахан* (бура сөзінің тұлғасы), *Көмуш тәзін* (күміс сөзінің көне тұлғасы), *Отаміш* (өтеген, төлеген сөздерінің синонимі, көне тұлғасы), *Табду* (тапты, туды етістігінің көне тұлғасы), *Турумтай* (тұрымтай атты құс), *Қаз* (құс аты), *Қабан* (жабайы шошқаның еркегі), *Қілічhan* (қылыш), *Құтлуғ* (құтты, ырысты, бақытты). Араб-парсы есімдерінің сөздікте берілуіне қарағанда сол дәуірде олардың кеңінен қолданыс тапқаны байқалады. Ондай есімдер: *Абу Бакр*, *Абулфатх*, *Бану Салим*, *Ібрахим*, *Iса*, *Ісхақ*, *Махмуд*, *Сабіт*, *Салим*, *Хусайн* т. б.

Араб есімдерінің қысқарған тұлғалары, яғни оларды халық тіліне бейімдеп, өзгертіп айту құбылысы да болғанын көреміз. Мысалы: *јәңши* (Жамашид есімінің қысқарған, өзгертіп айтқан түрі), *Сулі* (Сүлеймен есімінің қысқарған, өзгертіп айтқан түрі) т. б.

XI ғасырда жазылған Махмуд Қашқаридің сөздігінде берілген 98 антропонимнің ішінде 53-ке жуығы қазіргі қазақ антропонимдеріне сәйкес келіп отыр. Бұлардың салыстыру кестесі мынадай:

¹⁹ Ғ. Мұсабаев. Қазақ тілі мен грамматикасы тарихынан, I бөлім. Алматы, 1966, 74—84-беттер.

«Девону луготит түрктер» тұлғасы

Қазірпі қазақ тіліндегі тұлғасы

- Абі — ерлер есімі, I, 114—6*;
Абы Вакр — кіңі аты, III, 453—10.
Абулфатх — кіңі аты, III, 453—10.
Ајас — құл есімі, I, 144—13.
Алп Aja — кіңі аты, III, 226—12.
Алпәр — кіңі есімі, I, 77—11.
Алтун тарым — лакаб, I, 376—20.
Әршүз — ерлер есімі, I, 121—14.
Вадрук — ерлер есімі, I, 433—3.
Баязан — кіңі аты, I, 433—5.
Барман — кіңі аты, III, 379—23.
Батзан — кіңі аты, I, 362—11.
Вәгі — ерлер есімі, III, 247—25.
Вәкәч — кіңі аты, I, 339—12.
Вәклан — ерлер есімі, I, 445—18.
Вәктур — ерлер есімі, I, 424—16.
Булуч — ерлер есімі, I, 339—17.
Булғақ — ерлер есімі, I, 434—7.
Бугра хан — кіңі есімі, I, 397—12.

- Әбіев — фамилия.
Әбубәкір, Әубәкір — кіңі аты. Фам.
Әбілпатаих — кіңі аты.
Аяс, Әйес — фамилия.
Алпи + ев — фамилия.
Алпар + ов — фамилия.
Алтын — әйелдер есімі.
Ербоз — кіңі аты.
Байжан — кіңі аты, фамилия.
Барманқұл — кіңі аты, фамилия.
Бетжан — кіңі аты.
Берім — кіңі аты.
Бекеш — кіңі аты, фам.
Бектен — кіңі аты.
Бектур — фамилия.
Больш — кіңі аты.
Бұлғақбаев — фамилия.
Бураев — фамилия.

* Бірінші цифр кітап саны, екінші — беті, үшінші — жолы.

Девону луготит түркеги» тұлғасы

- Жәңші* — Хутан бегінің есімі, III, 388—12.
Зул — қарнайын — кісі аты, I, 117—3.
Ібрахім — пайғамбар есімі, I, 64—4.
Ісрафил — кісі аты, I, 135—1.
Үсхақ — пайғамбар есімі, I, 64—4.
Көмуш тегін — құл аты, I, 391—24.
Махмуд — кісі аты, I, 136—3.
Ораміш — ерлер есімі, I, 122—4.
Сабіт — кісі аты, I, 337—8.
Сәлім — кісі аты, I, 91—9.
Сулі ** — құл есімі, III, 251—16.
Табар — хан есімі, I, 342—12.
Табду — кісі есімі, I, 212—23.
Тәкіш — ерлер есімі, I, 249—15.
Токіш — кісі аты, I, 349—11.
Тұрумтай — құлдың есімі, II, 123—17.
Тұтуш — кісі аты, I, 348—19.
Утар — кісі аты, I, 349—4.
Ұтум — ерлер есімі, I, 92—17.

Қазіргі қазақ тіліндегі тұлғасы

- Жәншид — кісі аты.
Зұлкарнай — кісі аты.
Ибрахим — кісі аты.
Ысрайыл — кісі аты.
Ыскак, Ыскаков — есім, фамилия.
Күмісбек — кісі аты, фамилия.
Махмұт+ов, кісі аты, фамилия.
Өтеміс+ов, кісі аты, фамилия.
Сабіт+ов, кісі аты, фамилия.
Салім+ов, кісі аты, фамилия.
Сүлей+ев — фамилия.
Табылған+ов, кісі аты, фамилия.
Табылды+ов, кісі аты, фамилия.
Текіш — кісі аты.
Токиши — кісі аты.
Тұрымтай, Тұрымхан — кісі аты.
Тотыш — кісі аты.
Отар+бай кісі аты.
Әғеш — кісі аты.

* Одамлар інші сузини іамшид сузининг узартғаны дейдилар.
** Вұл сөз Сүлеймен есімінің қысқарған түрі.

Хусајн — кісі аты, III, 452—20.

Кабан — кісі аты, I, 392—27.

Кадірхан — хан есімі, I, 344—26.

Каз — кісі аты, III, 163—9.

Канлі * — киши аты, III, 389—11.

Кулбак — кісі аты, I, 440—7.

Күтлұғ — кісі аты, I, 431—26.

Күлүч — ерлер есімі, I, 340—5.

Чагрі бәк ** — кісі аты, I, 397—21.

Чучу — Турк шоиларының бірінің
есімі, III, 256—1. Шөже ақын.

Чүрган — кісі аты, I, 415—19.

Шайх Хусайн — кісі аты, I, 334—16.

Хұсайын + ов, кісі аты, фамилия.

Кабанбай — кісі аты, Лакап ат.

Қадіркан — кісі аты.

Қазтай, **Қазбек** — кісі аты.

Қанатыбай + ов, — кісі аты, фамилия.

Құлбак, **Құлбек** — кісі аты.

Құттыбыай + ев — кісі аты, фамилия.

Құлыш — кісі аты.

Шагырбек — кісі аты.

* **Қылышқарттардағы** Үлкен бір адамның атын.

** Чагрі — лашын күсы.

Бұл көрсетілген антропонимдерден кісі аттарын жасауға арқау болған жалпы есім сөздермен кейбір мансап атауларын да көздестіреміз. Мысалы: Тархан, барчін (жібек), туман (мың), әңлік (қызы-келіншектер бетіне жағатын қызыл бояу шөп), қордай (құстың бір түрі, ол сөздікте хавасіл құсы деп түсіндірлген), ботуқ (бота), аблан (тышқан тұқымдас кішкентай жануар), көрпә (уақытынан кейін туған қозылар, лақтар мен бұзауларды көрпә дейді). Тіліміздегі Дархан, Баршын, Гүлбаршын, Тұманбай, Еңлік, Қордай, Абланов, Бодыков, Көрпеш тәрізді есімдер мен фамилиялардың түркі негізі осы сөздерден шыққаны шубасыз. V—VIII ғасырларда кездесетін Ертіс атауы да осы сөздікте аталған. Мұндағы формасы Эртіш. Осымен қатар, Іле, Еділ (Әтіл) атаулары да аталады. Ал, Ертіс, Еділ, Ілебей сияқты кісі аттарының Махмұд Қашқари дәуірінен бұрын шығуы да, кейін пайда болуы да мүмкін. Қалай болса да бұлардың шығуы көне екені айқын.

Орта ғасырда шыққан антропонимдердің басым көпшілігі ислам дінінің ықпалымен болды. Ислам діні алғаш Оңтүстік Қазақстанға, кейінірек X ғасырда Жетісуға, одан кейін Орталық Қазақстанға енгенін тарихтан білеміз. Исламды дамытуға Қараханидтер көп күш жұмсаған. Олар сол кездің әзінде-ақ ислам дінін уағыздау үшін дін иелеріне арнай мешіттер салған. Дін және діни кітаптар арқылы көптеген араб сөздері мен кісі аттары еніп жатты (араб тілінен енген кісі аттары жөнінде кейінгі бөлімдерде арнай айтылады). Ислам діні қазақ жерінің бәріне тез тарап, жете қоймай, XVIII ғасырдың аяғына дейін созылды. Халық арасындағы наным мен сенімдердің дамуы осы дінмен тікелей байланысы болды.

Халық ислам дінімен қатар шаман дінін де ұсташандықтан, ислам мен шаманизм арасында ұзақ уақыт күрес болып келді. Сейтіп, қазақ тұрмысында Октябрь революциясына дейін жартылай мұсылман және жартылай шаман діні қатар жүрді²⁰. Бұл жайт, әсіресе, «тәңіріге» табынушылық, «құдай» деп сыйынушылық, отқа табыну, өлген адамды жерлеу, аруақтарға сыйыну сияқты әдет-ғұрыптардан ерекше байқалып отырды.

²⁰ Г. Г. Мусабаев. Современный казахский язык. Лексика. Алма-Ата, 1959, стр. 55.

Түркі тілдерінде, сондай-ақ қазақ тіліндегі есімдер құрамында көптеген этнографиялық мағлұматтар барын байқаймыз. Бұның өзі сол халықтардың әдет-ғұрып, салт-сана, тіл бірлестігінің ортақтығынан болса керек. Түркі халықтарының әдет-ғұрып, салт-санасын зерттеген, тұрмысын көрген ғалымдар кезінде осы халықтың этнографиясы туралы құнды пікірлер айтқан. Олар осымен қатар кісі аттары өміріне де үзіле зерсалған. Мәселен, П. М. Мелиоранскийдің «Қырғыз (қазақ) тілін зерттеу туралы материалдарында», В. И. Вербицкийдің этнографиялық мақалаларында, кейбір күрделі еңбектерде құнды этнографиялық материалдар бар.

Түркі халықтарының этнографиясын, әдебиеті мен тілін зерттеп, көп еңбек сінірген В. В. Радлов, одан соң А. Самойлович кісі аттарының табиғатына ерекше көңіл бөліп, жеке зерттеу туралы арнайы сез еткен. А. Самойлович: «Есімнің кімге қойылғанын, қайдан, қай дәүірде шыққанын, ол есімнің балаға неге қойылатынын көрсететін толық алфавиттік тізім жасаса, өте жақсы болар еді. Бұның нәтижесінде барлық түркі халықтары тілдеріндегі кісі есімдерін жинап, этнографиялық тұрғыдан салыстырмалы зерттеу жүргізуге болар еді»²¹, деп жазған-ды. Орта Азия, сондай-ақ түркі халықтарының есімдері мазмұны мен түрі жағынан бір-біріне тым ұқсас. Бұның басты себебі, тарихи қарым-қатыстың, мәдени байланыстың, әдет-ғұрыптың бірлігінде еді.

Ол халықтар ерте кездерде аспанға, «тәңірге» табынып, құн, ай, жұлдыз, жер, суларды құдай санаған. Бұл діни ұғымдар негізінде табиғатты мықты санау, бас ию сияқтылар кейбір есімдердің шығуына әсерін тигізбей қоймады. Тіліміздегі Тәңірберген, Тәңірберді, Айжарық, Айсұлу, Күнай, Күнтуар тәрізді есімдер осындай сенімдер мен нанымдардан туған екені айқын.

Балаларға ат қоюда ерте кездің өзінен-ақ ырым мен әдет-ғұрыпты сақтаушылық болған. Осы ырым жөнінде Ш. Үәлиханов былай дейді: «Ырым мен әдет-ғұрып, салт-санага тән. Мәселен, ұлы жоқ үйлерде қызы туатын болса, онда ол қызға Ұлтуған деген ат қояды.

²¹ А. И. Самойлович. К вопросу о наречении имен у турецких племен... «Живая старина», вып. IV, 1911, стр. 298, 299.

Ондағысы кейінгі бала ұл болса деген сенім»²². Мұндай ырыммен байланысты «сақтаушы есімдер» түркі тілдерінің көбінде бар. Мәселен, қазақта *Тұрсын*, *Тоқтар*, *Тоқасын*, *Ұлтуар*; түркменде *Турсун*, *Турды*, *Иетер*; өзбекте *Турсун*, *Тохта*, *Махкам*; құмықта *Өлмес*, *Қалсын* т. б.

Егерде семьяда үнемі қызы көп болып, жалғыз ғана ұл болса, онда соңғы туған қызыға қойылған аттар мыналар болатын: қазақта *Қызтұмас*, құмықтарда *Қыстаман*, *Улангерек*; қырғыздарда *Бурулчұ*, *Токтобұбу* т. б. Таңдал, сайлап қойған сәтті есімдер баланың өмірін қорғайды, «кез тиюден» сақтайды деп түсінген. Осында әдет-түрүшпә сеңу нәтижесінде «нашар есімдер», «қорғаныс есімдер» қойылған. Мұндағы негізгі себеп баланың өміріне қауіп төндіруші «жын», «шайтан» сияқтыларды алдау, оларды адастыру болады. Егер жаман есімдер қойса, бала елеусіз болады, өмір-жасы ұзақ болып, көп жасайды деген ұғым болған. Мәселен, *Жаманбай*, *Жаманқұл*, *Байпақбай*, *Шұлғаубай*, *Былышықбай* тәрізді есімдер осыны ескертеді.

Баласы өле беретін зарлы ата-аналар кейінгі туған балаларына сол өлген баланың орнын басты деп, *Орынбасар*, *Өтеген*, *Төлеген*, *Төленді* қойған. Бұл есімдер қазірде де халық арасында жиі кездеседі. Олар дәстүр бойынша атадан балаға ауысып қойылып, ғасырлар бойы өмір сүріп келеді. Демек, мұндай есімдердің бастапқы мәнін жоғалтпай, ғасырлар бойы ескірмеуі олардың халықтық силатын аңғартады.

Әйелдер мен қыздар арасында ер балалар есімімен аталатындар көп кездеседі. Ұлы жоқ ата-ана оларға кішкене кезінен ер атын қойып, ер балаша киіндіретін. Бұл ырымның негізі ұлды қастерлеу, оны аса жоғары бағалаудан шықса керек. Өйткені бұрынғы көшпелі тұрмыста ер адамның ролі ерекше болғаны мәлім. Елді, малды жаудан қорғайтын да, аталау ауыл, рулы елді басқаратын да осы ер адамдар болған. Қазіргі тұрмыста бұл феодалдық көзқарас, әрине, өзгерді. Әйел адамның қоғамдағы ролі, тұрмыстағы қызыметі аса жоғары екенін айтпасақ та түсінікті.

Халықтың сенімі, арман-тілегі қалай да баланың

²² Ш. Ш. Уәлиханов. Таңдамалы шығармалар. Алматы, 1958, 163-бет.

ұзақ өмір сүруін, оның көп жасап, жақсы азамат болуын қалаған. Сондықтан да ел ішінде *Мыңжасар*, *Жұзбай*, *Тоқсанбай*, *Өмірзақ*, *Ұзақ*, *Жанұзақ* тәрізді есімдер көп тараған.

Қазақтың көшпелі өмірінде тұрмысына қажетті, керекті заттардың мол болмағаны белгілі. Әсіресе кедей шаруаның хал-күйі нашар, жүдеу, жабайы шаруасы тек құнқөрерлік жайда болғаны да аян. Осындай ауыр тұрмыста балалардың шала тууы жиі кездескен. Үрим бойынша, ондай балаларға *Шалабек*, *Шалабай*, *Лекер* деп ат қойып, ескі тымаққа салып керегеге іліп қойған. Егер нәресте кереге басында үш күн тұrsa, өлмейді деп түсінген.

Бала туған соң, қырқынан шығарғанда «ит көйлек» кигізу салты көптеген түркі халықтарында бар, ортақ әдет. Осындай ырымға байланысты *Ітбай*, *Ітбас*, *Күшик*, *Күшикбай*, *Барақ* деп ат қою болған. Мұндай әдет өткенде түрікмен, якут, тәжік, араб, орыс және Кутаиси грузиндерінде де бар екен. Ал, қазақ ұғымындағы ит жанды «мықты, жаны сірі» адам деген түсінік ертеден келе жатқан ит атын қою ырымымен байланысты болса керек. Мұның негізгі сырьы итті тотем ретінде қастерлеуден туған болар.

Қазақтың Қасқырбай, Бөрі, Бөрібай, Бөлтірік тәрізді есімдері өзбектер мен қыргыздарда да кездеседі. Ал көне римдіктер, немістер, орыстар мен україндықтар, тіпті Кавказ халықтарының көбінде «қасқырмен» байланысты есімдер ертеден қойылған. Орыс тілінде бұл күнде Волк есімі жоқ, ол фамилия ретінде кездеседі. Ал «қасқыр» есімін тұра атамау, жасырын ат қою, эвфемизм әдісі барлық халықтарда бар жай. Біздер «Көк жал», «Салпаң құлақ», «Қырқұлақ», «Ит-құс» десек, орыстар «Бурый» дейді.

Кейбір халықтар өздерінің ата-бабасын қасқыр, қасқырдан шыққанбыз деп есептейді. Бұлай деу кейбір ру тарихында да бар құбылыс. Мәселен, ертеде үйсін руының атамыз қасқыр деуі тегін емес. Демек, көптеген халықтың қасқыр мен итті ерекше қадірлеуі, оларға төтенше сенуі белгілі бір тарихи жағдаймен байланысты. Ендеше, мұндай есімді қою адам қоғамының өрте кезеңдеріне тән сияқты. Ескі наным мен сенімге байланысты шыққан антропонимдер бізде өте көп.

Олардың бәріне бірдей талдау жасау қын да, өз алдына үлкен жұмыс.

Қазақ антропонимдерінің шығуына, даму кезеңіне монгол үстемдігінің (XIII—XV ғ.) аз да болса әсері ти-ді. Монгол тілінен енген сөздердің тарихын тек монгол шабуылына байланысты кірген демей, монгол халқымен тым ертеден қоян-қолтық араласу кезінде болғанын да ескеруіміз керек. Өйткені соңғы жылдары жасаған зерттеулердің өзі-ақ монгол-қазақ халқына ортақ лексиканың ерте дәуірге тән екенін дәлелдеп отыр²³.

Монгол үстемдігі кезінде енген кісі аттары сан жағынан онша көп емес. Тек монгол хандары мен әскер басыларының аттары және әскери атақ, мансапқа байланысты санаулы ғана сөздер. Мысалы, *Шагатай*, *Батый*, *Сыпатай* (Субәдей), *Ноян*, *Ноянбай*, *Нөкербек*, *Түмен*, *Түменбай*, *Тұманбай*, *Сайын* т. б.

Бұл кісі аттары тіліміздің дыбыстық заңына бағынып, халықтық тілдің айтылу нормасына сай бейімделіп, өзгеріп кеткен. Оның үстінен ол сөздерден кісі аттарын жасауда *бай*, *бек* сөздерін қосып, біріктіретін тәсілін қолданған.

Қазіргі тілімізде қолданылып жүрген антропонимдер: *Жұбан*, *Қайып*, *Тоқтамыс*, *Едіге*, *Асан*, *Жұсіп*, *Бекболат*, *Бекқажы*, *Дәуіт*, *Махмұт*, *Темірболат*, *Рұстем*, *Зухра*, *Жамал*, *Бану*, *Ордабек* типтес есімдер — XI—XV ғасырларға тән жазба немесе архитектуралық ескерткіштерде кездеседі. Мысалы, *Кеңгір*, *Сарысу* өзендері алқабынан табылған XII ғасырга тән архитектуралық ескерткіштер: *Жұбан-ана*, *Қайып-ата*, *Мәулим-берді*, *Айша-Биби* гимраттары сол адамдардың өз есімдерімен аталған. XIV ғасырга тән хан жарлықтарындағы кісі аттары: *Тохтамыш*, *Әдеку*, *Бекбулат*, *Бек хажы*, *Давуд*, *Махмуд*, *Туман*. Осы ғасырдағы «Мұхаббат-намедегі» кісі аттары: *Азер*, *Сұләйман*, *Али*, *Фәрхад*, *Ләйла*, *Мустафа*, *Әбәд*, *Зухра*, *Жәмал*, *Жәннат*, *Хәбіб* т. б. Ол кездегі есімдер мен қазіргі қазақ есімдерінің арасында айта қоярлықтай ерекшеліктер байқалмайды да. Олардың негізгі айырмашылығы тек

²³ Г. Г. Мусабаев. Современный казахский язык. I лексика. Алма-Ата, 1959, стр. 58; Ш. Сарыбаев. К вопросу о монгольско-казахских языковых связях. «Қазақ тілі тарихы мен диалектологиясының мәселелері». Алматы, 1960.

дышыстық құбылыстаған болып отырғанын айта аламыз. Бірақ мұның өзі де шартты нәрсе. Өйткені ол кездегі сездер мен кісі аттарының айтылуына қазіргі орфография тұрғысынан қарауға болмайды. Мүмкін, сол дәуірдегі біздің айтылу нормамыз, дышыстық таңбамыз солай болар.

XIV ғасырда жазылған, тіл тарихымызға қатысы бар үлкен ескерткіштің бірі — «Кодекс Куманикус». Бұл ескерткіштегі кісі аттары мен ру, тайпа аттары қазақ есімдеріне өте ұқсас. Қазіргі *Мәрия*, *Бекжан*, *Жөкен*, *Тұрды*, *Жақып*, *Қахан*, *Садық*, *Қалкен* сияқты кісі аттарының нұсқасы ескерткіште: Beegzan, Zokan, Jwachan, Turdun, Jacobos, Chaxan, Zaduk, Kalken формаларында жазылған. Демек, бұл ескерткіштерде көрсетілген антропонимдердің ерте кезден-ақ түркі тілдерінде қолданыс тапқанын байқаймыз. Ескерте кететін бір жәйт, ескерткіштер мен тарихи деректердің бәрінде хандар мен әкімдердің, әскер басылары мен шонжарлардың, қысқасы, қоғамдық, әлеуметтік тұрмысқа аласқан адамдардың есімдері ғана жазылған. Ал қарапайым бұқараның, әсіресе, әйелдердің аттары өте сирек кездесіп отырады. Сондықтан антропонимдердің белгілі бір дәуірде шығуын көрсеткенімізде жалпы халықтың есімдердің де нұсқаларын кеңінен айтып отырамыз.

Қазақтың халық антропонимдерінің (есімдерінің) байып толығуына, формаларының жетілуіне XV—XVII ғасырларда болған қоғамдық тарихи өзгерістердің ықпалы күшті болды. Әсіресе материалдық мәдениеттің дамуы мықты әсерін тигізді. Халықтың тұрмыс-күйі, дүниеге көзкарасы, айнала табигат туралы түсініктері, ырым мен дәстүр, әдет-ғұрыптары және ауыз әдебиеті, әсіресе, эпостар қаһармандарының бейнелері — бұл дәуірдегі кісі аттарының шығуына, жасалу негізіне нақтылы материалдар болып отырды. Олар арқылы сол замандардағы адамдардың тіршілігі мен кәсібі, қоғамдағы алатын орны, кім болғаны, қай жерде өмір сүргені жайлы толық мәлімет ала аламыз. Бұндай антропонимијалық мәліметтерді күмбездер мен бейіттердің құлпы тасына жазылған жазулардан да біліп отырамыз.

XV—XVIII ғасырлардағы қазақ халқының мәдени-

еті бұрынғы дәуірлерге қарағанда ерекше дамып, өрлей түсті. Бұл кезде материалдық мәдениет, искусство мен архитектура, ауыз әдебиеті саласында елеулі өзгешеліктер болды. Халықтың әдет-ғұрпы, наным мен сенім, діннің де сипаты бұрынғыға қарағанда жаңа түр алғып, қоғам жағдайына, тұрмыс ыңғайына сай бейімделді. Бұл құбылыстардың бәрі халық тілінің дамуына, сөздік қорының толысып, бауына игі әсер жасады. Осымен байланысты халық есімдерінің де құрамы өсіп, өзгеріп отырды. Қошпелі халықтың тұрмысы мен өмір тіршілігіне қажет заттардың бастылары — кигіз үй жабдықтары мен тағам, мал шаруашылығы еді. Міне, осы киіз жабдықтары мен төрт тұлік мал атаулары адамдардың есімдері ретінде қойылып отырды. Осыдан келіп киіз үй жабдықтарына орай: *Киізбай*, *Жапсарбай*, *Іргебай*, *Қазанқап*; дәм, тағам аттарына байланысты: *Сұттібай*, *Айранбай*, *Талқанбай*, *Тоқаш*, *Ақбай* тәрізді кісі аттарының қойылғаны байқалады.

Зергерлік істер мен шеберлік өнерге байланысты сөздерден де кісі аттары қойылып отырған. Мысалы, *Моншақ*, *Маржанқұл*, *Ақық*, *Түйме*, *Шолпыбай*, *Әшекей*, *Сырғабай* т. б.

XV—XVIII ғасырларда қазақ халқының ауыз әдебиеті кеңінен дамыған еді. Ауыз әдебиетінің түрлі жанрларында төрт тұлік мал көбірек айтылып отырады. Оnda қошпелі тұрмыстағы түйенің маңызы, жылқының адам өміріндегі орны ерекше бейнеленеді. Сөйтіп, төрт тұлік мал атауына байланысты ат қою дәстүрі кеңінен етек алады. Бұрынғы дәуірлерде төрт тұліктен жылқы, қой, сиыр, ешкі атаулары ғана кісіге есім ретінде қойылған болса, енді олардың тұрлері мен жас мөлшеріне байланысты есімдер көбейеді. Мысалы. *Құнантай*, *Дөнентай*, *Қаратай*, *Сарытай*, *Құлыншаш*, *Құлынбек*, *Бота*, *Тайлақ*, *Атанқұл*, *Тоқтыбай*, *Қозыбай*, *Қозыбағар*, *Бұзаубай*, *Танабек*, *Баспақ* т. б. Бұл кезде ауыз әдебиетінің ертегілер мен батырлары туралы, әлеуметтік-салттық поэмалары халық арасына кеңінен тарайды. Әрбір ата-ана балаларын халық қамын жеген, елін, жерін сүйген батырлардай болсын деген мақсатпен ер балаларына: *Қобыланды*, *Қамбар*, *Алпамыс*, *Қожақ*, қыз балаларына: *Құртқа*, *Қарлыға*, *Назым* деген аттарды қойған. Сонымен қатар, махаб-

бат, сүйіспеншілік жырларындағы есімдер де қойылып отырған. Мысалы, *Жібек*, *Төлеген*, *Сансызбай*, *Қарлығаш*, *Баян*, *Қозы*, *Мақбал*, *Сұлуشاш*, *Зылиха*, *Жүсін*, *Ләйлі* т. б.

Халық құрметіне бөленген қадірлі кейіпкерлер есімдері көп-ақ. Олардың бәрін бірдей тізіп көрсету мүмкін емес. Сондықтан бастыларын ғана айттық.

XV—XVIII ғасырларда діннің әсері өте құшті болды. «Халық арасында қос дінділік: «ислам мен «тәңірге» сыйыну қоспасы көпке дейін созылып келді». Рулық, орта ғасырлық дәуірдегі «тәңірге» табынушылық ислам дінімен тайталас, жарыса өмір сүрді. Бұрынғы «тәңірі» сезі орнына арабтың «алласы» айтылатын болды. Бұл кездегі ислам діннің шарттарын халық тұтас орындан бермеді. Олардың талабына қарамай, ата-бабаға сыйынып отырды»²⁴. Бұл жағдай кісі аттарының шығуына да зор ықпал жасады. Сондықтан ислам дініне байланысты қойылған араб есімдерімен қатар, төл сөзімізден қойылған халық есімдері жарыса жүріп отырды. Бұл дәуірде де ерте кездердегідей ай мен күнге, жер мен суға табыну, отқа сыйыну дәстүрі, ескі наным мен сенім жойылмады. Сондықтан ерте дәуірлердегі ай, күн атынан жасалған есімдер кейінгі үрпақтарға дәстүр бойынша қайталанып қойылып, заманнан заманға жетіп отырған еді.

XV—XVII ғасырларда қолданылған астрономидерді сол замандарда жазылған тарихи деректерден және кейбір авторлардың енбектерінен анық көреміз. Мырза Мухаммед Хайдар Дулати шығармасы «Тарих и Рашиди». Бұл шығармадағы автордың ата-бабалары: Бабаған — Үртубу (Өртөбе) — Пуладчи (Болатшы) — — Худайдад — Сайид Ахмад — Сайид Али Хайдар еken. Осымен қатар көптеген жер-су, ел аттары және кісі аттарын көздестіреміз. Мысалы: Абу-Бакир, Мухаммад Хусайн, Камарад-Дин, Мир Карим-Берды, Пир-Хакк-Берды, Мир Ибрахим, Санисиз Мырза, Дуст Мухаммад, Мырза Султан-Ахмад, Мир-Ахмад-Касим, Султан Махмуд Мырза (ер аттары; Хуб-Нигар-ханим, Қутлук-Нигар-ханим, Михр-ханим, Қара-Куз-бегім (әйел аттары). Мухаммад Хайдар Дулат еңбегінде қазақ тарихы туралы көптеген мәліметтер бар. Оның баяндап

²⁴ «Қазақ ССР тарихы», I том. Алматы, 1957, 201-бет.

отырғаны Могулстан мен Қашқарияның, оның үрімбұтағының (дулат тайпасының және осы тайпаның Шығыс Түркстанды билеушілерінің) тарихы жазылған. Бұл еңбектегі антропонимдердің тілдік материалы, көбіне, араб-парсы сөздері. Сонымен қатар, қазақ сөзінен жасалған кісі аттары да бар. Қадыргали Жалаиридың XV ғасырда жазған «Ат-тауарих» (шежірелер жинағы), Бабурдың «Бабурнама», Абулғазының «Шекіри-и Турки» атты еңбектерінде тарихи ономастикаға тән материалдар көп. Олардың ішінде қазақ тарихына қатысты жер атаулары мен кісі аттарын кездестіреміз. Мәселен, «Ат-тауарихта» мынадай антропонимдер бар. Ер аттары: *Болат сұлтан, Қәнбар сұлтан, Есен, Жолай, Оразмұхаммәт, Шагай хан, Мәлик сұлтан, Тоғызысары, Башбек сұлтан, Қөжік сұлтан* т. б. Эйел аттары: *Жатым бекім, Сұлтан ханым, Дауым ханым, Татлы ханым* т. б. Қазақ антропонимдерінің біразы хандық дәүірдің, феодалдық қоғамның сипатымен байланысты шыққаны байқалады. Бұл қоғамдағы үстем тап өкілдерінің есімдерінің құрылышы мен лексикалық номинациясынан екі түрлі ерекшелік ғылыми мәдениеттегіңіздеңінде анықталады.

Бұл қоғамдағы үстем тап өкілдерінің құрылышы мен лексикалық номинациясынан екі түрлі ерекшелік ғылыми мәдениеттегіңіздеңінде анықталады. Біріншісі — хан, сұлтандардың есімдерінің басым көшілігі араб-парсы сөздерінен қойылса, екіншісі — олардың компонентінде сословиелік титулдардың болуы. Бұған басты себеп, XV—XVIII ғасырдағы қазақ қоғамында феодалдық және шаруалар табының болуы еді.

Феодалдар табына хандар мен сұлтан, төрелер, байлар мен билер, қожа мен молда, қажылар жатса, ал езілүші тапта шаруалар мен құлдар болды. Мінеки, осындай, бір-біріне қарама-қайшы, антогонистік қоғамда сословиелік екі жікке бөлінді. Бұл жөнінде В. И. Ленин: «Құлдық және феодалдық қоғамда таптар айырмашылығының халықты сословиеге бөлу арқылы да белгіленгені, мемлекет ішінде әрбір тапқа зан жүзінде айрықша орын беру арқылы белгіленіп отырғаны жүртқа мәлім. Соңдықтан құлдық және феодалдық (сонымен қатар крепостниктік) қоғамның таптары да айрықша сословиелер болған еді»²⁵, — дейді.

Орта ғасырдағы қазақ антропонимияның құрамында феодалдық қоғамға тән сословиелік титулдар қолданылған. Ондай сословиелік титулдар сол қоғам-

²⁵ В. И. Ленин. Шығармалар. 6 том, 112-бет.

дағы феодалдың атақ-дәрежесін, мансабы мен қызметін немесе тегін көрсетіп отырган. Оларды иемденуші негізінен ел билеуші үстем тап өкілдері болған еді. Бұл сословиелік титулдар бастапқы кезде кісі аттарының алдында не сонында қатар айтылып, ол адамның кімекенін, мансап дәрежесін, атағын білдіріп тұрған. Мысалы, Мұрындық хан, Тәуке хан, Тәуекел сұлтан, Әбілпейіз сұлтан, Барак сұлтан²⁶, Ералы сұлтан, Құдаш би, Нұrbай би, Арсланбай-бахадур, Берди-Али ба-хадур, Сұлтан-Али ба-хадур, Хан ба-хадур Нұрмағамбетғали, Ергали сұлтан²⁷. Бұл сословиелік титулдардың шығу төркінін, қай тілден енгендігін талдағанда, мынадай жайттардың беті ашылды: *хан, бай, бек, би, құл, тархан, ба-хадур* (батыр), *ханым, ханша* формалары түркі тілдерінен болса, араб тілінен: *сұлтан, мәлік, әбд, әмір, қажы, шайқы, сопы, молда*; иран тілінен: *шах, қожа* сөздері енген. Бұлардың кейбіреулері, мәселен, сұлтан, мәлік, әмір, қажы, сопы, бек, қожа деген титулдар үстем тап балаларына есім ретінде қойылып отырган. Бірақ, осы сословиелік титулдардың араб, ираннан келгендері халықтың сөйлеу тілінің әуеніне қарай айтылып, ірі дыбыстық өзгерістерге — *адаптацияға ұшыраған*. Олардың бастапқы формасы, айтулу нормасы бұзылып, мұлдем қазақыланып кеткен.

Сословиелік титулдардың көне түрік заманында шыққандары болсын, мейлі кейінгі деуірлердегілері болсын, үстем тап өкілдеріне тән болғандықтан, мұрагерлік сипат алыш, нәсіл қуа қолданыс тапқан. Мысалы: хан, сұлтан балалары мен үрпақтары *хан, сұлтан, мырза* аталып, сол титул-терминдерді иемденіп отырган. Ал әйел адамдар болса, *ханым, бикем* титулдарын қолданған. Бұл титулдар қоғам дамуына сай өзгеріп, түрленіп отырды. Соған байланысты олардың функциялары да елеулі өзгешеліктерге ұшырады. Кейінгі дәуірлерде, ондай мансап, атақ, дәреже немесе нәсілдік атақты білдіретін титулдар кісі аттарына ауысып отырады. Сейтіп, олар біріккен тұлғалы кісі аттарын жасауға қатысатын арқау-компоненттер болып қалыптасты. Бұл формадағы кісі аттары әсіресе XVII—XVIII

²⁶ «Қазақ ССР тарихы», I том, Алматы, 1957, 144, 152, 153, 157, 239-беттер.

²⁷ Материалы по истории Казахской ССР, т. IV. М.—Л., 1940, стр. 53, 54, 56.

ғасырларда ерекше өрістеп, дамыған еді. Әуел баста сословиелік титул ретінде қолданылған, кейіннен кісі аттарын жасауда арқау болған, мағынасыз қосымша болып кеткен бұл сөздерді тарихи-лингвистикалық түрғыдан талдаудың өзіндік мәні бар.

Хан, қаган титулдарының ол баста пайда болу, шығу тарихы туралы айтылған пікірлер көптеген еңбектерде кездеседі. Түрік қаганатының шығуы туралы «Қазақ ССР тарихында»: VI ғасырдың орта кезінде (552) ерте феодалдық мемлекет түріндегі көлемді мемлекеттік бірлестік — Түрік қагандығы (ханы) құрылды. VI ғасырдың 50 жылдарында түрік қаганы (ханы) Жетісуға да билігін жүргізіп, оған өзінің уәкіл-әкімін тағайындастын болды²⁸, — делінген. Бұл алынып отырған үзіндіден қаган (хан) титулының Түрік мемлекеттінде ертеден қолданылғанын көріп отырмыз. Ол сөздің монгол және түркі тілдерінің бәрінде болғанын басқа да ғалымдардың еңбектерінен кездестіреміз. Плин Карпинус: «Бір кездерде кумандар құдайды хан деген, мысалы, шын ханимус және канлек сөздерін қолданған, бұл сөздер болгар тілінде қаган, кан, венгерлерде каркан формаларында қолданылып еді»²⁹, — дейді. Сондай-ақ Л. Будагов: «Кан монгол хандарының титулы болған, ал қаган алғаш рет Түркстанда қабылданған титул»³⁰, — деп мәлімдейді. Г. И. Рамstedt: хан монголдың (қаган) император, қалмақша хан сөзінен пайда болған»³¹, — деген пікір айтады.

Қорыта келгенде, бұл сөздің көне түркі тілінде, ерте феодалдық мемлекет кезінде қолданылған титул екендігін білеміз. Өзінің шығу тәркіні жағынан монгол, түркі тілдеріне ортақ, ол — екі тілдің де көне ескерткіштерінде бар сөздер. Бірақ ерте заманда қаган, хан сөздерінің мағынасы да, функциясы да бірдей болмаған. Ең басты билеушіні қаган, ал кіші-тірім ел басқаруышыны хан деген. Хан титулы кейіннен қалыптасқан. Бұл титулдың негізінде жасалған кісі аттары түркі тілдерінде ертеден дамыған. Қазіргі кісі аттары құра-

²⁸ «Қазақ ССР тарихы», I том. Алматы, 1957, 64-бет.

²⁹ Кодекс Куманикус, 1880, стр. 138.

³⁰ Л. Б у д а г о в . Сравнительный словарь турецко-татарских наречий, т. I. СПб., 1869, стр. 526.

³¹ Г. И. Р а м с т е д т . Введение в алтайское языкознание. М., 1957, стр. 34.

мында кездесетін хан сөзі — біріншіден, дыбыстық өзгеріске түскен болса, екіншіден, бастапқы мағынаға ие емес. Мысалы: *Ханбек*, *Ханкелді*, *Хантай*, *Болатқан*, *Батырқан*, *Әзімқан*, *Темірқан*, *Жамыхан* (ер аттары), *Жамалхан*, *Жаңылқан*, *Кулімқан*, *Сүйімқан*, *Әсемқан* (әйел аттары) т. б.

Бек, *бекі* деген көне заманнан келе жатқан сословиелік титулдың шығуы жайында шығысты зерттеушілер арасында біраз пікірлер айтылған.

Тарихи деректемелерде бұл титул VI—VIII ғасырлардан бері қолданылып келе жатқандығы туралы мәліметтер бар. «Батыс Түрік қағандығын қаған (хан) биледі. Рулардың басында дархандар, тайпа басында бектер тұрды. Ру — басы бектер сонымен бірге өте ірі мал иелері де болды»³².

Тарихшы В. Ф. Шахматов осы сөздердің таптық мәнін сырттай келіп, «В период Усуньского и Кангюйского до феодальных государств началось сложение классовые категории феодального общества. Появляются феодальные владетели: *беки, бии*»³³, — дейді.

Бек, *бай* терминдері V—VIII ғасырларға тән «Орхон-Енисей» жазбаларында да қолданылады. Шығыс тарихын зерттеуші Галым А. Бернштам: «Богатые называются *бегами* или *баями*. Бегами и баями являются, естественно, и все те, титулатурой которых заполнены все без исключения надписи, в противовес богатым стоит народ (будун)»³⁴.

Біздің заманымыздан III—V ғасыр бұрын болған үйсін аттарын Ш. Уәлиханов, В. Бартольд, Ю. Зуев т. б. талдаған. Үйсін тайпаларын құруши адамның аты Нанъдоу-ми немесе Нәңто-би болған екен. Ш. Уәлихановтың мәліметі бойынша, Үйсін елінің ақсақалы Төбей деген кісі (Төбе би яки Төле би) болған. Осы Төбе би есімінің шығыста таңбалануы Нанъдо-ми, Нәңто-би болса керек деген пікір айтқан³⁵.

³² «Қазақ ССР тарихы», I том. Алматы, 1957, 66-бет.

³³ В. Ф. Шахматов. К вопросу об этногенезе казахского народа. «Известия АН КазССР», серия историческая, вып. 6, 1951, стр. 89.

³⁴ А. Бернштам. Социально-экономический строй Орхон-Енисейских тюрок, VI—VIII вв. Л., 1946, стр. 110.

³⁵ Ш. Уәлиханов. Шығармалары. Алматы, 1904, 284-бет.

Ю. Зуев шежіредегі Нән-то-ми мен үйсін ақызындағы Төбейді салыстырады да, *ми сөзін би* деп оқымай, *бегтің* диалектілік формасы ретінде *бей* деп оқыса, сонда ол есім түркі тілінде Күн-бей болады³⁶ деп жазады. И. Ягелло өзінің «Толық арабша-парсыша» сөздігінде бек парсы тілінен шыққан сөз деп көрсетеді³⁷. Ал парсы тарихшылары болса, бек кісі аты деп жазады. Бек сөзінің шығуы жөнінде В. В. Бартольд, Б. Я. Владимирцов «Асыл өртегі» шежіресіне сүйенеді. Онда *бек* сөзінің жиі қолданылатынына қарағанда, монғол сөзі болар деген дүдемал пікірлерін ұсынады. Бірақ А. Бернштам, Б. Владимирцов *бай* деген сөз *бей* — *бег* деген сөздерден өзгерген немесе соның екінші түрі деген екі-ұшты пікір айтады да, *бек* сөзінің этимологиясы туралы үзілді-кесілді ұсыныс айтуға болмайтынын ескертеді. Соған қарамастан монғолдың *беки*, түркі тілдеріндегі *бек* (варианттары *бег*, *бәй*, *бей*) әрі тұлғасы, әрі мағынасы жағынан ұқсас деп қараймыз. Қыртыз тілінде *бекем* — «мықты, құшті», татар тілінде *бек* — «мықты, өте берік», қазақ тілінде *бек* — «мықты, берік, құшті», екінші ескі мағынасы — «ақсүйек, әкім», азербайжан тілінде *бег* — «ақ сүйек», алтай тілінде *пій* — «князь, ақ сүйек», монғол тілінде *беки* — «берік, мықты құшті». Ұл *бек* титулы біріккен тұлғалы кісі аттары компонентінде келгенде ерте кездерде «ақ сүйек, әкім, шонжар» мағынасын білдірген болса, кейінгі дәүірлерде «мықты, берік» мағынасына ауысқан. Ал қазіргі кісі аттары компоненттерінде олар бастапқы мағыналардың ешқайсысына да ие болмай, тек қосымшалық (жұрнақтық) қызмет атқарып отыр. Компонентінде бек сөзінің қатысуы арқылы жасалған кісі аттары: Бекбай, Бекежан, Бектұр, Бекайдар, Бекәлі, Бекмұхаммет, Асқарбек, Алмабек, Барлыбек, Бақтыбек, Данабек, Дарханбек, Досымбек, Элибек, Элбек, Жанбек, Жұмабек, Заманбек, Зауықбек, Иманбек, Исадек, Ишанбек, Қалибек, Қуанышбек, Құмарбек, Мұратбек, Момбек, Малбек, Мұхамбек, Нақысбек, Нәдірбек, Некербек, Нұрбек, Ноғайбек, Оразбек, Отарбек, Рым-

³⁶ Ю. Зуев. Язык усуней. «Вестник АН КазССР», 1957, № 8, стр. 70—74.

³⁷ И. Ягелло. Полный арабско-персидский словарь. Ташкент, 1910, стр. 480.

бек, Райбек, Сұлтанбек, Саматбек, Сәулебек, Тұмарбек, Тасыбек, Шарабек, Шайбек т. б.

Бай сөзі сословиелік титул, термин ретінде VI ғасырдан бастап пайда болған. Бұл сөз V—VIII ғасырларға тән түркі жазба ескерткіштерінде жиі кездеседі. Оның көне түркі тіліндегі мағынасы «қожа, әкім, бастық», қазақ тіліндегі мәнісі «малы көп, дәулетті адам». Бұл титул XI ғ. ескерткіштері «Құдатғұ білік» және «Дивану лугатит туркте» бай формасында, бастапқы мағынасында қолданылған. Ол XX ғасырдың басына дейін номинатив мағынасын жоймай, өз функциясында жұмсалып келген. Ал қазіргі дәуірде жаңа мағынага ие болып, қоғамдық функциясы өзгеріп отыр. Бұл да бек сөзі сияқты түркі тілдерінің бәрінде әр түрлі формада қолданылады. А. Бернштам бай деген сөз бек, бей сөздерінің өзгерген немесе екінші түрі деген пікірге келген. Бұл сөз де кісі аттарын жасауға негізгі арқау болатын компоненттердің бірі. Ерте кездегі кісі аттарымен қатар айтылғанда, ол адамның үстем тап өкілі немесе нағыз бай адам екенін көрсету мақсатында жұмсалған. Мысалы: Мұрсейіт бай, Махмұт бай, Эбділда бай³⁸, Тоқсан бай, Қадыр бай, бай Мөңке³⁹ т. б. Бұл күнде бай сөзі кісі аты компоненттерінің бірі ретінде қосылып жазылып, жұрнақтық қызмет атқарды. Бай сөзінің қосылуы арқылы жасалған кісі аттары: Байту, Байтуғай, Байжан, Байтас, Баймолда, Баяхмет, Байжұма, Баймұрат, Баймырза, Байқара, Байжігіт, Бекбай, Нұrbай, Жұмабай, Асқарбай, Тоқтарбай, Сартбай т. б.

Сұлтан сөзі түркі тілдеріне араб тілінен енген. Араб тіліндегі мағынасы «әкім», «бастық». Түркі тілдес халықтарда XV ғасырдан кездеседі. XV ғасырдың 40 жылдарынан бастап қазақ тілінде жұмсала бастаған. Бұл титул Қазақстанда феодалдық қатынастың даму, қазақ хандықтарының құрылу кезінен-ақ қолданыла бастайды. Ерте кезде ханның тұқымдары мен ақ сүйек әкімдері де бұл титулды өз есімдерімен қатар қолданып отырған. Басқа сословиелік титулдар сияқты бұл да кейіннен кісі аты және оның құрамы ретінде қолданы-

³⁸ Л. Бұдагов. Көрсетілген еңбек, 390-бет.

³⁹ Материалы по истории Казахской ССР (1785—1828), т. IV. М.—Л., 1940.

ла бастайды. Ол дара тұлғалы әрі біріккен тұлғалы кісі аттарын жасауға қатысып, арқау болған. Мысалы: Сұлтанғазы, Сұлтанғали, Сұлтанәлі, Сұлтанмұрат, Жансұлтан, Ақсұлтан, Бексұлтан, Нұрсұлтан т. б. Бұл есімдердің компоненттеріндегі *сұлтан* сөзі ол баста тұра мағынасын сақтағаны аяи. Қазіргі кезде сұлтан сөзі историзм саналады, ал оның ескі мағынасы ұмыт болған. Қазіргі кісі аттары компоненттеріндегі *сұлтан* сөзі ешқандай мағынаны білдірмейді. Олар дәстүр бойынша қайталанып қойылып жүр. Бірақ халық арасында мұндаидай есімдерді қою тым сиректеп бара жатқаны байқалады.

Төре — көне түркі сөзі. Ол ертедегі көшпелі түркі халықтарының «тұрмыс заңы», «халық шешімі», «сот үкімі» — мағыналарында жүйсалған. V-VIII ғасырлардан бері келе жатқан осы төре сөзінің мағынасы туралы В. А. Гордлевский: «Эпический хранитель тюрэ — обычного права огузов» — деумен қатар, оның басқа мағыналарына да толық тоқталады⁴⁰. Ал, Л. Будагов өз сөздігінде *төре* сөзінің екі мағынаға ие екенін көрсеткен. «1) Начальник, глава, судья; 2) Обычай, закон, народное постановление, судебный приговор, решение»⁴¹, — дейді. Бұған қарағанда, бұл сөз сонау түрік мемлекеті кезінен бастап, саяси-әлеуметтік қызмет атқаратын атау болған сияқты.

XVIII—XIX ғасырларда феодалдық қоғамда бұл сөзді тек хан, сұлтан балалары ғана иемденбей, мансап, дәрежелік титул ретінде *әмір*, *бастық* мағынасында қолданылғаны байқалады. Сөйтіп, бұл құбылыстар XIX ғасырдың аяғына дейін созылып келген.

Біріккен тұлғалы кісі аттарының жасалуында сол кездерде *төре* сөзі негізгі арқау болған. Бұндай антропонимдік типтер XVIII—XIX ғасырларда шығып, кеңінен дамыған еді. Мысалы: Төрехан, Төремұрат, Төребай, Төрегали, Төретай, Бектөре, Жантөре, Байтөре т. б. Осы антропонимдер қазіргі кездерде дәстүр бойынша қойылып жүр. Бірақ олар ешқандай мағынаға ие емес.

Мырза — парсының (امیرزاده) амиразада сөзінің

⁴⁰ В. А. Гордлевский. Государство Сельджекидов Малой Азии. Л., 1941, стр. 52.

⁴¹ Л. Будагов. Көрсетілген еңбек, 390-бет.

қысқарған түрі. Мир+Зада, яғни «ақ сүйек (әкім), ұлы» деген сөз. XIX ғасырда бұл термин Қырым татарларында атақты семьялардың балаларына берілген титул болған. Сондай-ақ жеке-дара тұлғада тұрғанда хатшы, секретарь, писарь сияқты мансап ретінде де қолданылған. Ал кісі атының алдынан қосылып айтылғанда, ол адамның патша, хан тұқымына тән екенін білдірген. XV—XVI ғасырларда Темір ұрпақтарының солай аталғанын тарихи деректер растанды. Кейінгі кездерде мырза сөзі кісі аттарының алдынан келгенде ол адамдардың сауатты, білімді екенін танытып отырған. Мысалы: *Мырза Қожахан*, *Мырза Сабур*. Ал кісі аттарының соңынан келгенде, ол адамның үстем тап екілі екенін аңғартқан. Мысалы: *Сабир Мырза*, *Мәлік Мырза*, *Хасан Мырза* т. б. Бұл жағдай ол кезде Орта Азияда басым еді. Бұндай орын тәртібін сақтау дәстүрін ертедегі түркі хандарының дипломатиялық документтерінен жиі байқаймыз. Кейінне бұл мырза сөзі бастапқы мағыналарын жояды да, кісі аттарын жасайтын компонентке айналып кетеді. Ол екі сөзден біріккен кісі аттарының бірінші және екінші сыңарларына қосыла береді. Ондай есімдер: *Мырзабай*, *Мырзагали*, *Мырзатай*, *Мырзахан*, *Сармырза*, *Баймырза*, *Ермырза*, *Жаймырза*, *Ақмырза*, *Досмырза* сияқты болып келеді.

Араб-иран тілдерінен енген кісі аттарына түркі сословиелік титулдарының қосылуы нәтижесінде дұбара есімдер жасалғанын көреміз. Мысалы: *Ахметқан*, *Ахметбек*, *Бекмұхамбет*, *Баймагамбет*, *Мұхамбетбек*, *Бекәлі*, *Бексұлтан*, *Бекайдар*, *Сұлтанқан*, *Мұхамбетқан*, *Мырзабек* т. б.

Қорыта келгенде, бұл сөздердің о баста титул ретінде пайда болуы, қоғамдағы таптық топтардың қызмет қатынасымен тікелей байланысты еді. Сондықтан да бұлардың бәрі феодализм кезінде кеңінен қолданыс тапты. Саяси-әлеуметтік термин ретінде сол кездердегі қоғам құрылышына сай қызмет етті. Қазірде олар лексикалық қорымыздан шығып, архаизм, историзмге айналып отыр. Алайда олардың кейбіреулерінің жаңа мағынаға ие болып, тілімізден қолданыс тауып отырғандары да бар. Егер Октябрь революциясына дейін бай деген сөз «малы көп, феодал» мағынасын білдірсе, қазіргі кезде ауқатты, шаруашылығы жан-жақты да-

мыған, мол қазына иесі» деген мағынада айтылады. Мысалы: бай колхоз, бай совхоз, бай шаруа, бай ферма дейміз. Ал бек сөзі кісі аттары сыңарында келіп, жұрнақтық қасиетке ие болып отыр. Мысалы: *Колхозбек, Совхозбек, Темірбек* т. т. Төре — қазір мырза сөзінің синонимі ретінде қолданылады. Ал мырза бұрынғы «патша, хан ұлы» деген ұғымынан айрылып, енді «жомарт» мағынасына мәндес, синоним болып отыр. Мысалы: *Мырзабек, Жомартбек*.

Екінші дәуірде пайда болған антропонимдердің шығу жолын бұл көрсетілгендермен шектеуге болмайды. Өйткені бұл дәуірде, X—XVIII ғасырларда халқымыздың ұзақ өмір жолы, үлкен тарихы қамтылады. Олай болса, бұндай түрлі кезеңдерге бөлінетін дәуірдегі антропонимдердің шығуында да алуан түрлі себептер мен жағдайлардың болғаны сөсіз.

Бұл кездегі антропонимдердің басым көпшілігі төл сөздерден қойылған, халықтың тапқыр ой, алғырт қиялышынан туған. Олардың ішінде жыл маусымына, астрономиялық ұғымдарға, жер, ел мекендеріне байланысты қойылған есімдер бар. Мысалы, *Тышқанбай, Қоянбай, Жыланкөз, Барысбек, Жылкелді, Үркөрбек, Жетіген, Жұлдыз, Еділбай, Ертіс, Орал, Алтай, Жамбыл*, т. б. Сол орта ғасырларда шыққан есімдердің кейбірі туыстық атауларға да байланысты болса керек. Бұған көптеген халықтарда туыстық атаулардың көне заманда шыққаны дәлел бола алады. Ал, қазақтағы туыстық атауларға байланысты кісі аттары фольклорда, халық арасында көп кездеседі. Ондай антропонимдер: *Бабахан, Баба, Атабек, Аталақ, Аналық, Дашибай, Тәтә, Аққызы, Ақжігіт, Ағабек, Балақай, Балабек, Баламер* (бала — өмір) т. б.

Кейбір туыстық атаулардың негізінде Орта Азияда сословиелік титулдар жасалған. Мәселен, ата сөзінен сословиелік титулдар: *atabek, atalyk* шыққан. Атабек уш түрлі мағынада қолданылған: 1) Сельджүк сұлтандары, мұрагерлері, пекуны; 2) Азербайжандагы феодалдық князьдіктің басшысы; 3) Орта ғасырдағы Египеттегі өскер басы⁴². Аталақ әуел бастан «әке ор-

⁴² Н. М. Шанский. Этимологический словарь русского языка, т. I. М., 1962, стр. 169.

нын басуши, тәрбиеші, таққа отыратын мұрагер ағасы»⁴³, — деген мағыналарда қолданылған.

Әйел адамдарға қойылған есімдер құрамы ортағатыра күнде жаңыра, әсіресе XV—XVIII ғасырларда ерекше дами түскен. Бұл кездерде ертеден келе жатқан дара тұлғалы есімдерге жаңа сөздер қосу арқылы біріккен тұлғалы есімдер жасау дәстүрі күшінген-ди. Мәселен, Ақжібек, Ақшолпан, Ақкүміс, Айжамал, Бижамал, Айбарша, Айғаным, Айғанша, Айтолқын, Алтынгүл, Алтыншаш, Балқүміс, Балғаным, Бөдинүр, Бексұлу, Бибіжамал, Бибісара, Бикамал, Дәметкен, Құлшайым, Қаншайым, Мариябике, Нұргайша, Орынбасар, Танагүл т. б. Біріккен тұлғалы әйел есімдеріндегі ең көрнекті тәсіл ғұл сөзін қосу арқылы есім жасау. Бұл тәсіл арқылы жасалған есімдер ете көп. Мысалы: Алмагүл, Айгүл, Айымгүл, Алқагүл, Анаргүл, Әсемгүл, Гүлбану, Гүлбаршын, Гүлгайша, Гүлпаш, Гүлсара, Гүлжазира т. б. Қымбат бағалы металдар мен сапасы жоғары мatalар, алуан түрлі тастар атауларынан қойылған есімдер тек әйелдерге берілетін. Олар: Алтын, Алтыншаш, Құміс, Ақық, Лагұл, Маржан, Меруерт, Гәүһар, Моншак, Жібек, Торғын, Батсайы, Мақпал, Қамқа, Баршын т. б.

Осы кездегі ең көп тараған, саны жағынан да молы араб-иран тілдерінен енген, мағынасы айқын ыңғайлыш есімдер еді. Мұндай есімдерді әйел адамдарға қойғанда айтуға женіл, ықшамдылығы, әдемілігі мен мағына-мән айқындылығы ескеріліп отырған. Мысалы: Әдина, Әдия, Әзиза, Әлия, Бәлия, Ғазиза, Ғалия, Ғани, Дариға, Загипа, Зылица, Зура, Зәуре, Жамал, Ләтипа, Нагима, Нәзипа, Раушан, Dana, Тәбия, Фатима т. б.

Ер адамдарға тән антропонимдердің көбі күнделікті тұрмыста қолданылып жүрген төл сөздерден құралған. Олардың мағынасы мен формасы сай келіп, халықтық ерекшелігін көрсетіп тұрады. Мысалы: Ақылбай, Аппақ, Абыир, Аманбай, Айдар, Аймақ, Айнабек, Аққозы, Алтыбасар, Айсауыт, Айтжан, Бағлан, Байсал, Байтақ, Балта, Дайынбай, Есенаман, Жайлаубай, Жанбота, Жандар, Жаңабай, Жарылқасын, Жоламан, Игілік, Игісін, Кекіл, Көпбай, Көбікті, Көпжасар,

⁴³ Н. Ф. Катанов. Предисловие к книге «Сказания о взятии царства Казанского». Казань, 1902, стр. 8.

Қайырлы, Мергенбай, Мергенші, Нарбай, Нартай, Отарбай, Өскенбай, Өтеміс, Өтеп, Санабай, Сансызбай, Сақтаған, Сарыбас, Саурық, Сұраншы, Таңат, Тасыбай, Тасқара, Тастан, Тоқсан, Төләнді, Төленбай, Тілепберген, Тұрганбек, Үлгібай, Шеге, Шоң, Шоңбай, Шопан, Шуақ, Шымырбай, Шынтемір, Шынтас, Шырақбек, Ырысбек, т. б.

Жоғарыда айтылған антропонимдердің бәрі халық арасында кеңінен сақталып, кейінгі үрпақтарға жетіп, бұрынғылардың дәстүрлі жалғасы ретінде өмірде қолданылып отыр. Сөйтіп, XV—XVII ғасырлардағы қазақ антропонимиясы бұрынғы антропонимдік типті қамти отырып, жаңа түр-мазмұнға ие болып, дами түсті. Ал XVIII—XIX ғасырларда оның құрамы бұрынғыдан да толысып, көп сатылы қасиетке ие болды.

Ушінші дәуір — тарихта жаңа заман саналатын — XVII—XIX ғасырларда дамыған көп салалы антропонимдерді қамтиды. Бұл дәуірлерде қазақ халқының тарихында елеулі оқиғалар болған еді. Атап айтқанда, біріншіден, XVII ғасырдың аяғы мен XVIII ғасырдың басында Қазақстанның Россияға қосылуы аяқталып, қазақ хандарының Россиямен экономикалық және саяси байланыстары күшіне түсken, екіншіден, қазақ халқының Жонгария шабуылына қарсы азаттық құресі жүріп жатқан кезі еді. Міне, бұл тарихи оқиғалардың барлығы халықтың әдебиеті мен мәдениетінің және тілінің дамуына, сөзсіз, әсер етті.

Қазақстанның Россияға қосылуының прогрессивтік мәні ерекше зор болды. «Қазақ жерінде бекініс шептері мен қалалар салынып, сауда-саттық жұмыстары өріс алды. Россиядан Орта Азияға Қазақстан территориясы арқылы сауда жолы етті. Бұрынғы мал шаруашылығы мен көшпелі тұрмыстан қол үзбейтін қазақ елі, енді дихаништық пен отырықшылықта ауыса бастады. Қазақ халқы мен орыс халқының арасында достасу, бауырласу ынтымағы нығайды». Сөйтіп, Қазақстан мен Россия арасында болған қоғамдық-әлеуметтік, саяси-экономикалық байланыстар халықтың мәдениетіне, әдебиетіне, сөйлеу тілінің баюына ерекше өзгерістер енгізді. Тілімізге орыс тілінен енген көптеген сөздер мен сөз тіркестері тұрмыста қолданыла бастады. Осы кездерде орыс тілінен енген сөздерді ғалым F. Мұсабаев

дәуірлерге бөліп, олардың шығу, пайда болу жолдарына ғылми талдау жасап берді.

Ғалымның пікірінше, «бірінші дәуір — XVII ғасырға дейін болса, екінші дәуір — XVII ғасырдан XIX ғасырдың екінші жартысына дейін, ал ушінші дәуір — XIX ғасырдың екінші жартысынан Октябрьге дейін»⁴⁴. Бұл дәуірлерде орыс тілінен көптеген кісі аттары енді. Осымен қатар орыс тілінен енген жалпы есім сөздердің өзінен де тілімізде кісі аттары жасалып отырды. Біз оларды соңғы екі дәуірге жатқызамыз. Өйткені бірінші дәуірде орыс тілінен енген кісі аттары болмаған. Екінші дәуірде, Қазақстанға орыс шаруаларының келуімен жаңа қалалар орнап, орыс мәдениетінің тарауымен орыс, қазақ халқының тығыз араласып, қарым-қатыс жасауды негізінде көптеген сөздермен қатар кісі аттары да енді. Ер аттары: Андре, Ескендір (Александр), Мекәйіл (Михаил), Жебрәйіл (Григорий), Жержіс (Георгий, Жорж), Капитан, Майор, Поручик, Полковник⁴⁵, Жандарал, Мәтби (Матвей)⁴⁶, Майыр, Болысбек; Эйел аттары: Анна, Мариям, Сәтен, Бәтес, Шәйнек, Болатнай, Қазына, Қампіт, Тенгегүл т. б. Бұл кезде енген есімдер күшті дыбыстық өзгерістерге ұшыраған. Ал ушінші дәуірде, яғни XIX ғасырдың екінші жартысынан бастап советтік дәуірдегі антропонимдер саны көбейе түсті. Ол жөнінде кейінгі бөлімдерге арнайы тоқтalamыз.

XVII ғасырдың аяғы мен XVIII ғасырдың екінші жартысына дейін жонғар феодалдары қазақ жерін басып алу ниетімен үздіксіз шабуыл жасағаны тарихтан белгілі.

Әділдік үшін күрескен қанды шайқастарда халық арасынан шыққан көптеген батырлардың даңқы шықты. Олардың батырлығы мен ерлігін мадақтаған жырлар туды. Ондай батырлық жырлар: «Ер Тарғын», «Қамбар батыр», «Отеген», «Ер Қекше», «Қанжығалы Бөгөнбай батыр», «Қарабек», «Төрехан», «Ақжонасұлы ер Кеңес», «Манашұлы Тұяқбай», «Қырық батыр» жырынан: «Қарадөң батырдың ұрпақтары» т. б.

⁴⁴ F. F. Мұсабаев, корсетілген еңбектің 47-беті.

⁴⁵ В. Даль. Избранное сочинение, т. VIII, 1884, стр. 222—224.

⁴⁶ А. Дибаев. О наречении имен у киргизов. «Туркестанские ведомости», 1916, № 206.

Жоңғар қалмақтарының шабуылы кезінде ерлігімен көзге түсken қаһарлы батырлар да аз болмаған. Мысалы, Баян, Жанатай, Ташым батыр, Тайлак, Сайрық, Есет батыр, Құдайназар батыр, Құлсары батыр сияқты батырлардың есімдері халық тарихында жазулы.

Калмақ шабуылы тұсында туған ғашықтық жырдың бірі — «Қызы Жібек». Фольклорист оқымыстылар арасында бұл жырды XVII ғасырда, жоңғар феодалдарына қарсы күрескен заманда шыққан деген пікір бар. Жырдың басты кейіпкерлері — Қызы Жібек, Төлеген, Қаршыға, Шеге, Базарбай, Қамқа, Сансызбай, Бекежан, Сырлыбай, тагы басқалар. Бұлардың ішінде есіресе Жібек пен Төлеген есімдері халық сүйген қалаулы, образды есімдерге айналып кетті. Ата-ана балаларына Төлеген, Жібек деген есімдерді жиі қоятын болды. Сондай-ақ халық арасында Базарбай, Сансызбай, Шеге, Қамқа типтес есімдер де көп қойылып отырган.

XVIII ғасырдың 70 жылдары мен XIX ғасырдың 90 жылдарына дейін үстем таптардың езгісіне қарсы шаруалар көтерілісі болып отырган. Оны бастаған Исадай Тайманов, Махамбет Өтемісов, Жанқожа Нұрмагамбетов, Есет Қөтіберов секілді ерлердің есімдері де тарихта сақталған.

XIX ғасырда Оңтүстік Қазақстан мен Жетісү жерін Қоқан хандығы биледі. Ал Қоқан хандығына қарсы халық көтерілісін бастаған ерлер туралы «Сұраныш батыр», «Саурық батыр», «Ерден батыр», «Шаян батыр», «Байсейіт батыр», «Жанқожа батыр», «Ернаzar — Бекет» батыр дең аталатын жырлар мен дастандар туды. Халық ауыз әдебиетінде сақталған ондай батырлардың есімдері кейінгі ұрпақтарға қойылып, дәстүр бойынша ауысып отырган.

Көңіл аудараптық бір жай, батырлар есімдері дастан атына ауысқанда шығарманың тақырыбы ретінде қабылданып отырган. Мысалы, «Өттетілеу», «Сәтбек», «Қойбағар», «Базар батыр», «Мантық батыр», «Қара батыр», «Балуан Нияз», «Боран батыр», «Сасық батыр», «Ермек батыр», «Кәрім батыр» мен «Тілеке батыр», «Қарааша батыр», «Нарқызы», «Арқалық батыр», «Жоламан батыр», «Елқонды батыр», «Әуез батыр», «Бөген батыр», «Оралбек батыр», «Дотан

батыр», «Энуар батыр», «Бұхарбай батыр», «Қалдархан батыр». Батырлар жырында кездесетін кісі аттары тарихи ма, әлде халық ойынан шыққан қияли есімдер ме? деген сұрақтың болуы мүмкін. Шынында батырлардың есімдері түгіл, олармен қатар кейбір кейіпкерлерінің есімдері де тарихи екені даусыз. Бірақ, сол есімдердің қайсыбірі халық ойынан қосылған құбылмалы есімдер болып келеді. Олай дейтініміз, батырлар жырларының түрлі вариантында әрқылы өзгермелі, құбылмалы есімдер кездесіп отырады. Демек, бір жырдың үш варианты болса, олардағы кейіпкерлердің есімдері де үш түрлі болып келеді. Оның негізгі себебі жыршылардың өзінше өзгертіп айтуынан болса керек. Бірақ та фольклорлық антропонимдер сипатына қарай көбіне халықтық болып саналады. Үстем тап өкілдерінің есімдері, әсіресе осы дәуірдегілері, араб-ирандардан енгендікten ерекшеленіп тұрады.

Жырлардағы төл сөздерден қойылған феодал есімдері бай сөзінің қосылуы арқылы жасалып отырған. Мысалы, Базарбай, Сарыбай, Қарабай, Тоқтарбай, Сырлыбай, Әзімбай, Байбөрі, т. б. Бұл есімдердің материалдары халық тілінен алынғанымен олардың қойылу тәсілі мен мақсат, принципінде «байлық», «бай болу» идеясы жатады.

Жоғарыда айтылған батырлар жырларындағы кісі аттарының құрылсы мен жасалу заңдылығына зерсалғанымызда, олардың басым көпшілігі төл сөздерден жасалғанын аңғарамыз. Мәселен, «Ер Қекшे» жырында: Бетеге, Қамбар, Қосай, Сарбаян, Манаши, «Жәпек» бай, Теміrbай, Бота, Тоқтыболат; «Қарабек батыр» жырында: Қадірбек, Қанша, Ханбибі, Есенкелді, Қалқан, Қанікей, Тінікей; «Төрекхан» жырында: Темірхан, Нұрадын, Сәуле, Қарашаш, Егізбай, Сегізбай, Маржан; «Қарадөң» жырында: Бердіхан, Гүлжәмила; «Жұбаныш» жырында: Қылыш, Сүйініш, Бибі; «Ер Бегіс» жырында: Тобылғы, Бегіс, Тегіс, Қөгіс; «Арқалық батыр» жырында: Қаракөзайым, Қият, Тұят, Жұбай, Жақсылық, Қараш, Бөрібай, Еділ деген есімдер бар.

XVII—XIX ғасырлардағы антропонимдердің көбі қазақ халық ауыз әдебиетінің бай саласы — ғашықтық жырларында кездеседі. Ғашықтық жырлардағы кісі аттары халық арасына жазба түрінде де, ауызша айты-

лу үлгісінде де тарап отырған. Тұркі халықтарының көбіне тараған, ортақ «Қозы Қөрпеш — Баян сұлу» жырындағы кейіпкерлер есімдері қазақ халқының ауыз әдебиетінде көрнекті орын алады. Ондағы есімдердің барша халыққа түсінікті төл сөздерден жасалғанын бірдей байқаймыз. Мысалы, Кемел ақын, Сыбанбай, Жанақ, Бекбау, Сарыбай, Қарабай, Тайлак, Қозы, Танас, Баян, Ай, Таңсық. (Қарабайдың қыздарының аттары), Нұрқара, Қөсем сары, Қаратоқа, Бұлан қара, Тоқсан, Айбас, Құліп (Қозы Қөрпештің баласының аты). «Айман — Шолпан» поэмасындағы есімдер: Маман бай, Қөтібар, Айман, Шолпан, Арыстан, Әлібек, Теңге т. б.

XVII—XIX ғасырлардағы тарихи антропонимдер шығу, пайда болуы жағынан көбіне осы дәүірлерге тән саналады. Өйткені олардың кейбір топтары ортағасырлардағы деректерде кездеспейді. Тарихи антропонимдердің көбі «Қазақ ССР тарихында» көрсетіліп отырған. Оларды мазмұнына қарай екі топқа бөліп қараймыз. Бір тобы — тарихта аты белгілі хан, сұлтан, билер мен ірі феодалдардың есімдері болса, екінші тобы — атақты батырлар мен ақын-жыраулардың, беделді адамдардың есімдері. Бұл тарихи антропонимдердің құрамы мен тілдік материалы әр түрлі. Олардың көшілігі төл сөздерден жасалған, мағынасы саралы да айқын, грамматикалық нормамызыға сәйкес болып келеді. Мысалы, Тәуекел (1590 ж.), Құшік (1592 ж.), Мұрат (1595 ж.), Жәңгір (1643 ж.), Тасым батыр (1697), Бекболат Екешов, Байдәулет Нұриев (1716), Құтты би (1718), Қойбағар Қебеков (1726), Құттымбет Қөштаев (1730), Барақ батыр (1713), Жолбасы (1741), Арапбай, Ырыскелді (1735), Құлсары батыр (1741), Қазыбек, Қабанбай (1770), Қаратай (1797), Тинәлі Тайсойғанов (1836), Қуаныш сұлтан (1814), Қарасебек би, Сегізбай, Сартай би (1785), Ырысалды, Қөшербай, Тоқсанбай, Серкебай, Қойсары, Медет, Жиенбай, Қарабатыр, Елшібек, Өмір батыр, Жандар, Қенжеқара, Тіленші батыр, Отарбай, Ақбура (1794 ж.). Есмұрат, Сартай, Боранбай, Келдібай, Аққозы, Асау батыр, Балтабек Отанұлы, Бағлан, Бұланұлы, Нарбек, Сатыбалды, Арыстанбай, Тілеулі, Ақболат, Байкелді, Бердібек (1817 ж.), Естемес, Байтақ, Орақ, Сүгір, Мың-

бай, Дәуқара, Табылды, Тілеубай, Жақсылық, Бесбай, Тоқбай, Құнту (1824) т. б. Осымен қатар араб-иран тілдерінен енген есімдер де біршама кездесіп отырады. Олар сол кездегі қазақтардың сөйлеу тілінің заңына бағынып, түрлі дыбыстық өзгерістерге ұшырап, бастапқы тұлғаларынан айрылған еді. Мысалы: Ҳақназар (1577), Шахмамет (1590), Әлімбет, Сұлтанмамбет (1740), Досалы (1773), Сейдалы, Нұрмамбет (1772), Үәли (1780), Шергали, Мұхаметмұрза, Абдуллатиф, Хасан, Сұлтаналы, Қадыр, Әбілжәлел (1785), Шахмұрат, Әбілгазиз, Мұхаммеджан, Наурызбай, Шахғазы, Досмұхамамбет (1794), Шерғазы, Әлғазы, Мырзалы (1803), Сейталы, Мырза Ормамбет, Мұхамбет, Алмагамбет, Сұлтанбет (1817), Мирхайдар, Дәулет, Құлмамбет, Сейфулла, Нығметұлла (1824), Махамбет (1836) т. б. Талдап отырган антропонимдердің, негізінен, екі компоненттің бірігуі арқылы, көне түркі тілдеріне тән, ескі структуралық система жолымен жасалғаны аңғарылады және бұл дәуірде араб-иран тілдерінен енген есімдер есірепе Оңтүстік, Жетісу қазақтарында көбірек болған. Мұның басты себебі, территория жағынан Орта Азияның Бұхара, Ташкент, Самарқанд, Душанбе қалаларына жақын тұруынан және ислам дінінің тез тарауықан бслса керек.

Орталық және Батыс Қазақстандағы антропонимдік системада арабизм аз байқалады, Орал, Жайық бойындағы тұрғындар есімдерінде бұл құбылыс тым кенже дамыған. Аталған аймақтардағы (1785—1828 жылдарға тән) антропонимдерді талдап қарағанымызда, олардың көбі өз сөзімізден жасалғанын, араб-иран тілінен енгендердің тым аз екенин көреміз.

Қорыта келгенде, бұл дәуірдегі антропонимдердің көбі өткен замандағылардың жалғасы ретінде қайталаңып қойылып отырган. Бұдан айтылып отырган үшінші дәуірде, жаңа антропонимдік типтер тумады, жасалмады деген ұғым тумаса керек. Бұрынғы әдет-ғұрып пен дәстүрге, ескі наным мен сенімге байланысты есімдер қою бұл дәуірде де кеңінен етек алды. Және ол кездегі антропонимдердің біразы қазақ даласында саудаңың дамымен байланысты да шыққан еді. Мәселен, Тенге, Тенгебай, Ақша, Сомбек, Саудабек тәрізді есімдер. Осы кезде семантикалық айқын сөздерден де көптеген есімдердің қойылғаны байқалады: Олар: Бегіс,

Тегіс, Сырым, Арынгазы, Тілеке, Екілік, Жандар, Тіленші, Елғон, Садыр батыр, Түрке, Жалтыр, Жиен, Дәуіrbай, Отан, Айдос, Беке, Қуаныш, Бұхар, Тәтіқара, Шал, Жанкісі, Шернияз, Дәuletкөрөй, Құрмангазы, Тұбек, Жапақ, Марабай, Жамбыл, Біржан, Болық, Елентай, Сара, Құлмамбет, Шортанбай т. б.

Бұл дәуірде де кеңінен тараған — орта ғасырлық антропонимдердің үлгісімен жасалған — *бай*, *сұлтан*, *төре*, *хан* компонентті антропонимдік композит. Олардың бұл дәуірде қайталанып, кеңінен қолданылуының негізгі себебі — саяси құрылыштағы өзгерістерге тіке-лей байланысты еді.

Әлеуметтік өзгерістерден соң сословиелік титулдар (хан, сұлтан, мырза, қожа) бұрынғы маңызын жойып, кісі аттарын жасайтын компоненттердің бірі болып қалыптасты. Егер революцияға дейін мұндай тұлғалы есімдерді көбіне үстем тап өкілдері ғана иемденген болса, енді оны көпшілік қауымның кеңінен қолданғанын көреміз. Бұл жағдай В. И. Лениннің сословиелік титулдар туралы: «Капиталистік, буржуазиялық қоғамда барлық азаматтар заң жүзінде тең праволы болады, сословиеге белушілік (ең болмағанда принцип жағынан) жойылған болады, сондықтан да таптар сословие болудан қалған еді. Қоғамның тап-тапқа белініу құлдық қоғамға да, феодалдық қоғамға да, буржуазиялық қоғамға да ортақ нәрсе, бірақ алғашқы екеуінде сословиелік таптар болды»⁴⁷, — деп айтқан пікіріне толық сәйкес келеді. Өйткені XIX ғасырдың аяғында қазақтың сауда капиталы тұа бастаса, XX ғасырдың басында қазақ буржуазиясының қалыптаса бастауы халқымыздың тарихынан белгілі.

XVII—XIX ғасырларда шыққан әйел есімдерінің басым көпшілігі төл сөздерден жасалса, бір тобы арабиран тілдерінен енген еді. Әсіресе Орта Азия халықтарына тараған қиссалардың бас кейіпкерлерінің есімдерін қою, ғашықтық жырлар мен батырлық жырлардағы әйел есімдерін қайталап қою әдеті дәстүрге айналған. Бұл кезде де бұрынғы есімдерді қайталап қою, болмаса тыңнан есімдер талғап қою дәстүрі өріс алған еді.

⁴⁷ В. И. Ленин. Шығармалар, 6 том, Алматы, 1948, 112-бет.

Бұл дәуірдегі көп салалы антропонимдік композиттің тарихындағы көбірек назар аударатын мәселелер — патроним (әке аты) мен фамилияның шыгыу және дамуы.

Ерте дәуірлерде ресми түрде бір ғана есіммен аталу дәстүрі болса, ендігі жерде патроним иемдену, яғни әке атымен аталып, олар шын атпен қатар айтылатын болған. Патронимдердің көрсеткіштері болып, ілік септіктің -ның, -нің формасы және ұлы, қызы тәрізді сөздер қолданылған. Бұл құбылыс XVII—XVIII ғасырлардағы халықтың сөйлеу тілі мен ауыз әдебиетінде кеңінен орын алғаны байқалады. Мыс., Базарбайдың ұлы Төлеген, Сырлыбайдың қызы Жібек, Қоқтімнің қызы Құртқа, Сейілдің ұлы Қараман, Қаражан ұлы Қосдәулет, Өмір ұлы Сыбан, Қарасай ұлы Қебен, Алшағыр ұлы Теген, Керей ұлы Келмембет, Қоянақ ұлы Қарт Қожақ т. б. (бұлар фольклорда бар есімдер).

XVIII ғасырдың орта кезінен бастап ресми документтердегі патронимдердің жүрнағы ретінде арабтың бин сөзі қолданылған. Мысалы: Тіленші батыр бин Бөкенбай, Сырым бин Дат, Алла Жар бин Ертай, (1794)⁴⁸. Алайда, мұндай патронимдік форма тұрақтанбай, оның орнын қайтадан көне тұлғалы ұғлы сөзі басады; Сейітқали Нұргали ұғлы, Сұлтан Мырза ұғлы, Бердіқожа Қадыrbай ұғлы, Сатай Бұлан ұғлы т. б.

Патронимдердің шығу, пайда болу жолдары туралы өз алдына сөз ететін болғандықтан, оның тарихын бұл жерде терең сипаттамадық.

Фамилиялардың шығу, пайда болу тарихы саяси қоғам өмірімен тығыз байланысты. Ол ең алдымен қазақ хандарының Россиямен экономикалық және саяси байланыстар жасау кезінен бастап пайда бола бастайды. Сол кездегі патша үкіметінің іс қағаздарында әке атымен жазылмай, -ов, -ев жүрнақтары арқылы фамилия ретінде жазылу белгіленеді. Ең алғаш рет, мұндай фамилиялар 1716 жылы Тобольскі қаласына барған қазақ хандарының елшілері орыс документтерінде *Бекболат Екешов* және *Байдәулет Нұриев* болып, 1726 ж. Әбілхайыр елшісі *Қойбағар* Петербургке барған соң *Қойбағар Қебеков* болып, одан кейінгілер

⁴⁸ Материалы по истории Казахской ССР в 1785—1828 гг., т. IV. М.—Л., 1940, стр. 445.

Сейітқұл Құндағұлов, Құтлымбет Қөштаев (1730 ж.) болып жазылғанын көреміз⁴⁹.

Сәйтіп, XVIII ғасырдан бастап орыс документтерінде қазақтардың әке атымен аталуы орысша -ов, -ев жүрнақтары арқылы көріне бастайды. «Мысалы, Сұлтан Қаратай. Нұргалиев, Жоламан Тленчин, Кулмұхаммед Джанибеков, Асан Барков, Дербисали Кайгилов, Асан Барапев, Джанали Инбаев, Арангазы Абылгазиев, Байгана Қуниев, Құтебер Басинов, Арслан Таналин, Басибек Байготанов⁵⁰.

XVIII—XIX ғасырларда әке атына орыс фамилиясының -ов, -ев жүрнақтарын қосу нәтижесінде фамилиялар қалыптаса бастайды. Ондай фамилияларды иемденген адамдарды тарихи деректемелерден көтеп кездестіруге болады. Мысалы: Бегалиев, Шеке Нұралиев, Исатай Тайманов, Махамбет Өтемісов, Қалланбай Қалдыбаев, Сарт Ералын, Сымайыл Өтемісов, Жанғожа Нұрмағамбетов, Бекет Серкебаев, Ерназар Қенжалин, Есет Қөтібаров т. б.

Ресми түрде фамилия қабылдау, әсіресе, XVIII ғасырдың екінші жартысынан басталды. Бұл кезде оқып, білім алған халқымыздың тұңғыш оқымыстысы, ағартушы демократтары мен ақындары да ресми фамилиямен жазылғаны белгілі. Мысалы, Шоқан Үәлиханов, Ыбырай Алтынсарин, Абай Құнанбаев т. б.

Бұл қазақ фамилиясының шығунының, оның қалыптаса бастауының бастапқы кезеңі еді. Сонымен үшінші дәуірде — төл есім, патроним және фамилия — көп салалы антропонимдік типтің негізі болған еді.

Төртінші дәуір. Октябрь революциясынан кейінгі Совет заманында туып, дамыған антропонимдік типтерді қамтиды.

Қазіргі қазақ тіліндегі есімдер негізінен екінші дәуірден бері қолданылып, төртінші дәуірде қалыптасып, толысып көбейген антропонимдер.

Оның құрамында ислам дініне дейінгі көне түркі есімдері де, ислам діні әсерімен араб-иран тілдерінен енгендері де, аз да болса монгол, Батыс Европа тілдерінен енген есімдер де бар.

Ұлы Октябрь социалистік революциясы жеңісінен

⁴⁹ «История казахской ССР», т. I. Алма-Ата, 1957, стр. 243, 251, 252.

кейін В. И. Ленин қол қойған декреттердің бірі «Шіркеуді мемлекеттен бөлу декреті» еді. Осыдан кейін сәбілерді тіркеу және оларға ат қою жөнінде шіркеулер еркінен айрылған болатын. В. И. Ленин қол қойған бұл декрет Орта Азия және Қазақстанда да іске асты. Молдалардың құранға қарап, азан шақырып ат қоюна мұлдем тиым салынды. Қазіргі кезде сәбиді тіркеу ауылдық Советтер мен ЗАГС бюролары арқылы жүргізіледі. Ал дүниеге келген жас нәрестеге ат қою негізінен ата-ана үлесіне тиген. Ата-ана лайықты есім таба алмаған жағдайда ғана олардың өтініші бойынша ЗАГС бюросы ат қоюға көмектесіп отырады.

Қазіргі қазақ антропонимиясы құрамын заман талғамына сай жаңа есімдермен үстемелеп, байытып отыру бағыты байқалады. Ата-ана мен туысқандар балаға өздері ұнатқан, талғап алған есімдерді қояды. Сөйтіп, дүниеге жаңа келген сәбиге ат қоюда жарқын, бақытты дәуір талғамының ескере отырып, белгілі бір принцип, дәстүрге сүйенеді. Совет өкіметі жылдары халқымыздың талабы мен талғамының, мәдени өрісі мен дәрежесінің өсуіне орай балаға ат қою мәселесі де жаңа тұртқыда, соны бағыт алып отыр. Қазіргі кездегі есімдерді өскелең мәдениетіміз бен өміріміздің, ауыл шаруашылығы мен техниканың, ғылым мен өнердің дамуымен байланысты туған жаңа атаулардан қойып жүр.

Совет дәуірінде туған жаңа есімдерді шығу мезгіліне қарай. бірнеше кезеңге бөліп қарауга болады.

Совет өкіметі орнаған Қазақстанда ірі мәдени өзгерістердің болғаны аян. Жаңа тұрмыс, бақытты заманга лайық мәдениет, әдебиет өристеді. Халықтың сёйлеу тіліне көптеген жаңа мағыналы сөздер енді. Бұл кезде дүниеге келген сәбілерге жаңа заманың жаршысы ретінде жаңа ат қою іске асты. Жиырмасыншы жылдары шыққан «Еңбекші жас» газетінде балаға ат қою туралы «Жаңа тұрмыс орнату» деген мақала да былай жазылған: «Төңкерісшіл ат қосу (Октябрьина) 16 декабрьде «4 октябрь» клубы татар, қазақ әйелдері, коммунист жастар, жас пионерлермен толған еді. Бұл салтанатты жиылдың жаңа туған балаға тұрмыс жолымен ат қосу үшін шақырылған болатын. Жаңа

⁵⁶ Бұл да сонда, 443—444-беттер.

тұрмыс, төңкеріс аттарын қосу, молдалар дін әдеттерін тастау туралы баяндамалар, құттықтау сөздер айтылды әм үлкен қуаныштықпен жаңа туған әйел балаға көпшілік Роза деген ат қосты. Роза Люксембург деген атақты төңкерісші әйел болып, Германияда байлардың қолынан қаза тапқан көсем⁵¹. Бұл мәліметке қарағанда, осы кезде замана құбылысына қарай жаңа аттардың көптеп қойыла бастағаны анғарылады.

Жер жүзі жұмысшы қозғалысының көсемдері мен қайраткерлерінің есімін жас балаға қою 30-жылдары кеңінен дамыған еді. Бұл кезде Мэлс, Эмиль, Маркс, Клара, Марлен, Тельман, Марат, Сунъят, Диас, Хозэ, Долорес деген есімдер қойылды. Ким, Социал, Закон, Кима, Совет, Генерал, Маршал, Армия, Большевик, Октябрьина. сияқты есімдер де сол кездерде шыққан.

Мәдениет пен әдебиет, ғылым мен экономика, шаруашылық дамуына байланысты жаңа атаулар туады. Осымен байланысты 30-40 жылдар арасында туған балаларға: Галым, Галымбек, Мәдениет, Облыс, Өндіріс, Сайлау, Колхозбек, Совхозбек сияқты есімдер қойылды. Отан соғысы жылдарында және жеңіс жылдарынан кейін Майдан, Майданбек, Қайсар, Солдатбек, Жеңіс, Жеңісбек, Нұрлан, Бейбіт, Бейбітгүл, Гулмира, Мира, Гүлжеңіс, Талап т. б. есімдер пайда болды.

Жаңа ат қоюда бұрынғы аттардың таңдаулы, ең сұлу, айшықтыларын талғау принципі басым болды. 50 жылдардан бастап балаларға өте әдемі, айтылуға ықшам, мағынасы айқын, көбіне, жалаң түбірлі есімдер қойылып келеді. Әрине, ондай есімдерді белгілі бір мақсат, ұфымға негізделп, ата-ана мұддесіне сай қойып отырған. Сонымен қатар олардың тек айтылуға жеңілдік жағын ғана көзdemей, интернационалдық бағытқа икемдеушілік те байқалады. Ондай есімдер: Алма, Сәуле, Ажар, Айбарша, Айгүл, Айдай, Айзада, Айша, Ақлима, Алтын, Бағила, Балзия, Бану, Баян, Бәкія, Гүлшара, Ғазиза, Ғайша, Даны, Данила, Дидар, Загипа, Зайра, Мағира, Майра, Майса, Маржан, Нагима, Нәзипа, Нұрша, Тана, Тәбія, Тәмина; Абай, Абзат, Адай, Азамат, Айбол, Айдар, Айдос, Әбді, Әнуар, Бейсен, Бекен, Ғани, Ғали, Ғазиз, Данай, Досан, Елдос, Елжан, Есен, Қайрат, Мәжит т. б.

⁵¹ «Еңбекші жас», 1925, январь, № 2 (22).

30-жылдардан бастап көркем әдебиет кейіпкерлерінің есімдерін балаға қою әдетке айналды. Мысалы: Ботакөз, Асқар, Амантай, Сәуле, Шекер, Нұрлан т. б.

Халық арасына ең көп тараған азамат соғысының ардагер батырлары: Аманкелді, Бекболат және көрнекті революционер Әліби есімдері болды. Совет дәуірінде даңқы шыққан еліміздің атақты ғалымдары мен жазушыларының, Қазақстан бүлбұлы атанған актрисалармыздың есімдері де балаларға қойылып отырды. Мысалы: Қаныш, Мұхтар, Сәбит, Құләш, Шара, Роза, Рашид т. б.

Қазіргі кездегі есімдеріміздің баю, даму деректері төмендегідей:

1. Әйел есімдерінің көбі орыс тіліндегі әйел аттары мәнерімен жасалады. Мысалы: Гүлнара, Сұлтанша, Алтынша, Нұрша, Айгуля, Аймана, Айнаша, Бакиша, Гауһария, Гүлжана, Гайния, Жамия т. б.

2. Тұысқан республика азаматтарының есімін қою арқылы жасалады. Мысалы: Данара, Дилара, Замира, Зарема, Карима, Карина, Герта, Ирма, Лаура, Линда, Эльза.

3. Орыс тілінен енген есімдер. Қазақ халқы орыс халқымен ежелден мәдени қарым-қатынас, тарихи байланыс жасап келеді. Бұл жағдай әсіресе Қазақстанның Россияға өз еркімен қосылуынан кейін ерекше дамыған еді. Революциядан бұрынғы орыс тілінен енген есімдер аса көп болмаса, советтік дәуірде орыс тілінен көптеген кісі аттарының енуі елеулі тарихи себептерге байланысты. Ол, бірілішіден, орыс мәдениеті мен өнерінің, тілінің дамуының игі әсері болса, екіншіден, екі халықтың тікелей қоян-қолтық араласуынан. Сонымен бірге көптеген семьялар арасындағы ортақ, аралас не-кенің себебі де үлкен әсер етті.

Қазақ семьяларында мейлі ол малышы, егінші, колхозшы болсын, мейлі оқыған интеллигент қызметкер болсын баласына өздерінің сүйікті орыс достарының, яки олардың балаларының атын қойып отырған. Сонымен бізге: Алексей, Максим, Виктор, Клим, Ждан, Ефим, Илья, Алеша деген ер аттары; Анна, Валентина, Галина, Лиза, Зина, Зоя, Ирина, Ира, Наташа, Раиса, Рая, Светлана, Нина, Лариса, Рада. Муза сияқты әйел аттары қосылды. Бұлар орыс орфографиясы бойынша жазылады.

Бұрын қазақта әке аты мен фамилия толық қалып-таспаған болса, қазіргі кезде әлеуметтік түрмиста, реєсми іс қағаздары мен қоғамдық сферада кеңінен қолданылады.

4. Октябрь социалистік революциясынан кейін қазақ антропонимиясының құрамы интернационалдық есімдер есебінен байи түсті. Мысалы: Артур, Марат, Эрнст, Роман, Спартак, Диас, Роза, Жанна, Дина, Софья, Элеонора, Анжелла, Арагония т. б.

5. Халықтың өз ойынан, алғыр қиялышан тұған: Жігер, Айқын, Айдын, Арман, Байтақ, Дағын, Дастан, Дәурен, Ерлан, Жаскілең, Келіс, Қуаныш, Қуат, Нұржан, Айдай, Айтольыс, Арайша, Бұлдіршін тағы осы сияқты әдемі есімдермен толықты.

Қазіргі кезде көптеген ата-аналар балаға ат қоюға ерекше творчестволықпен қарайды. Алайда, олардың ішінде бірен-саран сүреңсіз, құлаққа жағымсыз, магынасы түсініксіз есімдер де кездеспей қалмайды. Мысалы: Тойтық, Айтышке, Дәнен, Қазаншы, Жаман, Рапа, Келеке, Құндекел тәрізді жағымсыз, ескірген есімдер қойылып қалады.

Бақытты дәуірде тұған сәбиге ат қоюда халқымыздың ежелгі дәстүрін орынды пайдалана отырып, ескі аттардың ішінен заман, дәуір ағымына лайықтыларын таңдау үшін қалың көпшілікке арналған «Қандай есімді ұнатасыз» деген кітапша бар⁵². Бұл кітапша қазір ЗАГС және паспорт орындары мен ауылдық, аудандық Советтердің күнделікті құралына айналып отыр.

Есімдер және жаңа дәстүрлер. Еліміздің мәдени дәрежесі мен әл-ауқаты артып отырган қазіргі жағдайда қоғамдық құбылыстағы, сондай-ақ жеке адамдар өміріндегі елеулі оқиғаларды салтанатты түрде атап өту күнделікті түрмисымызға берік еніп, игі әдетке айналып келеді. Мысалы, бізде «Малшылар күні», «Шахтерлер күні», «Мұнайшылар күні», «Оқытушылар күні», «Жас жұбайларды некеге тіркеу», «Кәмелетке толған жастарға паспорт беру», «Армияға шыгарып салу» және т. б. салтанаттардың өткізіліп жүргенін жақсы білеміз.

Соңғы жылдары республикамызда сәбillerді салтанатты тіркеу дәстүрі, оларға жарасымды ат қою жаңа

⁵² Қандай есімді ұнатасыз. Алматы, «Қазақстан», 1968.

мазмұн, соны бағыт алып, өмірге толық қалыптасып келеді. Бұл іс Қазақ ССР Министрлер Советінің 17 ноябрь 1965 жылғы «Тұган баланы салтанатты түрде тіркеу ресми дәрежеде өткізілсін» деген каулысына сәйкес жүзеге асып отыр.

Көптеген қалаларымыз бен аудандарымызда, ауылдық Советтерде жаңа дәстүрді халық арасына кеңінен тарататын белсенді қоғамдық комиссиялар құрылған.

Сәбілерді тіркеудегі салтанатты жаңа дәстүрлер ЗАГС бөлімдерінде, мерекедегідей безендірілген клубтар мен мәдениет сарайларында көптеген адамдардың қатысуымен өткізіліп жүр. Мәселен, Жамбыл қалалық ЗАГС бөлімі нәрестелерді салтанатты түрде тіркеу дәстүрін 1958 жылдан бастап өткізеді. Нәрестені салтанатты тіркеу күні клуб іші немесе мәдениет сарайы ерекше безендіріліп, әсем түсті гүлдерге бөленеді, қабыргаларда балаларға тән көркем суреттер мен плакаттар ілінеді. Сәбидің ата-аналары мен туысқандары оларды қошеметтеп бірге келген дос-жарандар ЗАГС-ке келеді.

Ата-аналар паспорттарын, неке туралы куәлікті және әйелдер босанатын үйден әкелген анықтаманы берген соң ЗАГС қызметкері акт жазбасын және түү туралы куәлікті толтырады. Бұдан соң Совет Одағының, Қазақ ССР-ның Гимндері ойналады. Салтанатқа партия-комсомол және кәсіподак үйымдарының өкілдері, радиокомитет пен облыстық газет қызметкерлері де қатысады.

Салтанатты өткізуші адам сәбидің ата-ана, туыстарына арнап сөз сөйлейді. Онда, бұл жиын жаңа совет азаматы баланың құрметіне арналғанын баяндайды. Сәбидің қызы немесе ұл екенін, оған ата-ана және туыстарының қалауы бойынша ұнатқан атын қойғанын хабарлайды. Бұдан кейін ата-аналардың қол қоюын сұрайды. Ендігі сөз қалалық депутатқа беріледі де, ол ата-анага түү туралы куәлікті табыс етіп, қалалық Совет атынан оларды құттықтайды.

Туысқандар мен дос-жарандар да сәбілердің ата-аналарын қоршап, гүл шоқтарын ұсынып, түрлі сыйлықтар, тартулар береді. Осындай қуанышты думан үстінде жергілікті партия және кәсіподак үйымдары ата-анага алдын ала әзірленген пакеттер сыйлайды.

Бір пакетте былай жазылған: «1974 жылы ашылсын» (баланың мектепке баратын жылы, оның ішінде портфель, бірінші класс оқушыларына қажетті қалам, қарындаш, дәптер т. б. бар). Екінші бір пакетте «Пионерге өткен күні ашылсын», үшінші пакетте «ВЛКСМ қатарына өткен күні ашылсын» (оған комсомол значогі салынған), ал соңғы бір пакетте «Кәмелетке толған күні ашылсын» (оған «ХХ ғасырдың 60 жылдарындағы адамдардан хат» салынған) деген жазулар бар.

1967 жылы ЗАГС үйінде Жамбыл аэропортының ұшқышы Керімқұлов Эбітайдың жұбайы екі қызы, бір ұлын тіркеген. Салтанатқа әкімшілік және кәсіподақ, комсомол үйымдарының өкілдері, ата-аналардың досстары мен туыстары жиналды. Бұл оқиға радио арқылы хабарланып, газет беттерінде жарияланды. Кинопленкаға түсіріліп, магнитофон лентасына жазылды. Жас ата-анаға сыйлықтардан тыс үш пакет тапсырылды. Оның әрқайсысына ашылатын жылдары (1972, 1975, 1979) көрсетілген.

Қоғамдық өкілдер ата-аналарға «сыр» ретінде айтып, олардың бірінде октябрят значогі, екіншісінде — пионер галстугі, ал үшіншісінде — комсомол значогі барын мәлімдеген.

Гурьев қаласындағы мұндай салтанатты дәстүр қалалық әйелдер босанатын үйде әр күні сағат 3-те өткізілген. Мұнда арнайы бөлініп, жақсы жабдықталған бөлмеге әйелдер босанатын үйдің дәрігерлері мен қалалық үйымдардың өкілдері, ЗАГС қызметкерлері, қалалық Советтің депутаттары жиналады. Осы жерде сәби азаматтық актіге тіркеледі де, оның тууы туралы куәлігі салтанатты түрде ата-анаға табыс етіледі.

Қалалық Советтің депутаты атқару комитетінің атынан ата-анаға хат береді. Онда: «Құрметті ата-ана СССР-дің азаматы, болашақ коммунистік қоғамның бір мүшесі — жас сәбидің өмірге келуімен сіздерді шын жүректен құттықтаймыз!... Сіздің семьяңызға денсаулық, достық пен татулық тілейміз! Балаңызды адал еңбекке, Ұлы Отанмыздың жалынды патриоты етіп тәрбиелейді деп сенеміз» делінген. Осымен бірге қоғам үйымдарының өкілдері құттықтау сөздер сөйлеп, гүлдер мен сыйлықтар ұсынады. Салтанат кезінде әсем сазды музика ойнап тұрады.

Мұндай салтанаттардың әдетке айналып, кемелде-не беруі, жетіле түсіү сөзсіз. Бірақ, сәбілерді ЗАГС-те салтанатты түрде тіркеудің жаңа дәстүрі қазіргі кезде барлық жерде бірдей дамымай отыр.

Жергілікті Советтер мен қоғам үйымдары мұндай ігі дәстүрлердің өмірге толық еніп, берік қалыптасуына үнемі қамқорлық жасап, белсене кірісіп отырулары азбал да абырайлы іс.

Қазақ есімдері қоғамда және күнделікті өмірде ат-қаратын функциясы мен құрылышына қарай өзара бірнеше салаға бөлінеді. Адамның шын атымен қатар, лақап, қосалқы есімдерінің болуы өмірде бар құбылыс. Сондай-ақ, бүркеншік аттарды иемденудің де тарихи сырлары болады. Ал адамның толық аты-жөнінің өзі әке аты, фамилиясы (бабасының аты) және шын аттан құралатыны көпке белгілі.

1. Қосалқы аттар

Қай халықты алып қарамаңыз ондағы адамдардың екі я үш есімі болады. Мәселен, орыс есімдерін зертте-ген ғалымдар қосалқы аттардың болу, шығу себебін айтқан еді. Ондай қосалқы есімнің бірі христиан діні бойынша қойылған болса, екіншісі ана тілден қойылған, халық атаған төл есімдер болған. Сонымен, бір адам әрі христиан дініне байланысты қойылған есіммен, әрі өз тұғандары қойған есімімен аталатын болған⁵³.

Түркі халықтары есімдерінен де осындағы тарихи жағдайды байқау қыын емес. Мұсылман діні негізінде құраннан қойылған аттарымен қатар, әр адамның таза ана тілде қойылған аты болған. Оның негізгі себебі, біріншіден, діни есімдер жағынан қалған кезде атын өзгертуіп, басқа ат қою әдеті көптеген халықтар дәстүрінде бар құбылыс еді. Мұның негізгі себебі, «жан алғыш», «жын-шайтан-ды» науқастан адастыру үшін жаңадан ғана ат қойылған әлгі науқас баланы сау адам екен деп түсініп,

⁵³ В. К. Чичагов. Из истории русских имен, отчеств и фамилий. М., 1959, стр. 13.

жанын алмайды деген ұғымнан туса керек. Сырқат баланың есімін ауыстыру дәстүрі орыс, монгол, түркі халықтарында ертеден болған әдет.

Осымен бірге белгілі бір жағдайға байланысты да адам өз атын өзгертуі мүмкін. Қосалқы аттар түрліше: бірі толық, бірі қысқарған формада келеді. Бұл құбылыс, әсіреле, қазақ есімдері өмірінен мол байқалады. Қосалқы аттар табиғаты мен түсінігі жағынан лақап аттардан ерекше болғанымен өзара байланысты болып келеді. Қазақ тіліндегі қосалқы аттардың үш түрлі жолмен жасалатыны байқалып отыр.

Бірінші, ислам дініне сәйкес құраннан қойылған ат және үй ішінде, туган-туыс арасында аталатын ат. Мәселен, Мұхамбетрақым — *Мұқамбай*, Шахбатдун — *Шақабай* т. б.

Екінші, ислам діні бойынша құраннан я кітаптардан қойылған есімдерді қазақылаپ, қысқарта айту. Мәселен, Ибраһим — *Абай*, Мұхаметқанафия — *Шоқан*, Сәдуақас — *Сәкен*, Шаймерден — *Шакен*, Әбдірахман — *Әбіш*, Магрипа — *Магыш*, Бәдігүлжамал — *Бәдеш*, Зұпілмалік — *Зұпан*, Гүлбаһрам — *Күлпаш*, *Күләш* т. б.

Қосалқы аттардың үшінші түріне қазіргі кезде кеңінен қолданылып жүргендегі жатады. Бұл әдіс бойынша, паспорттағы аттан басқа тұрмыста қолданылатын екінші қосалқы аты болады. Мәселен, паспортта — Разия, тұрмыста — *Роза*, Клара — *Галля*, Надия — *Надя*, Алғазы — *Алик*; Еркін — *Эрик*, Ергали — *Эдик*, Зиния — *Зина*, Жолдасбек — *Жора* т. б. Бұл әдіс еki тілділікпен тікелей байланысты болғандықтан, қазіргі өмірде аса жиі кездесетін өнімді тәсіл.

Қосалқы аттар белгілі бір жағдайларға, ерекше іс-әрекеттерге байланысты да қойылып отырады. Ондай қосалқы аттар ел арасында көп кездеседі. Мәселен, «Жаманшал Түркстандықтардың аңызы болған бай емес пе, оның қосалқы аты «Ақшалы» болыпты»⁵⁴.

Қосалқы аттың кездесу тарихы ертеден белгілі болғанын жоғарыда айтЫП өттік. Ол жәнінде әлі де зерттеулер жүргізіле түссе, материалдар көбірек жиналуды сөзсіз. Енді қосалқы аттардың бір түрі — лақап аттарға тоқталайық.

⁵⁴ Қ. Әбдіқадыров. Әңгімелер. Алматы, 1952, 8-бет.

2. Лақап аттар

Тілімізде ресми шын аттармен қатар, лақап аттар да бар. Ондай лақап аттардың тым ерте кездерде-ақ қолданылғанын байқаймыз. V—VIII ғасырларға тән түркі халықтарының жазба ескерткіштеріндегі *Күл тегін*, *Әл туған Тутук*, *Яш Ақ Баш*, *Джагит Шад*, *Богю*, *Ышбара* тәрізді есімдер лақап аттар. Сол тәрізді халық ертектеріндегі *Тоңқылдақ*, *Шіңкілдек*, *Таусорар*, *Көлжұтар*, *Желаяқ* т. б. халық ойынан, шексіз қиялынан қойылған лақап аттар.

Лақап аттар ертеректе қазіргі кездегідей, мағынасына қарай сараланбаса керек. Тіптен алғашқы қофамда-ақ адамдар дene бітімі мен тұлғасына сай лақап есімдермен аталып отырган. Ал кейінгі кезеңдерде кісі аттарының түрі дамып, функциясы, атқаратын қызметті жағынан ерекшелене бастағаны байқалады. Сейтіп, қофамның даму сатысына лайық адамдарға ат қойылып, оның мәніне де көңіл бөліне бастағанын көреміз. Ал мәдениеті дамып, жазба әдебиеті қалыптасқан халықтарда фамилия шыққан соң лақап аттар сиректейді. Мәселен, бұл құбылыс орыс тілінде XV ғасырмен салыстырғанда, қазіргі кезде баяу, өте сирегенін, тек экспрессивтік мәнерге ғана ие болып қалғанын көреміз.

Ерте кездерде лақап атқа тек адамдар ғана емес, тіпті кейбір елдерде рулардың да лақап аттарының болғаны байқалады. Бұл құбылыс түркі халықтары арасында көбірек кездеседі. Ол жөнінде С. Ф. Ольденбург. «Лакамы» — прозвища жителей городов восточного Туркестана» деген мақаласында айтқан. Хами тұрғындары (комуллық) «көк штандар» аталған. Тұрған тұрғындарын «мұрын» де п атаған. Оның себебі, олар қолына не түссе, соны талғамай жей береді еken⁵⁵. Мұндай лақап аттар Орта Азия халықтарының көбінде қолданылған. Г. Н. Потанин мақалаларында ол жөнінде деректер көп-ақ. Руга байланысты лақаптар қазақ рулары арасында да біраз кездеседі. Мәселен, қара қыпшақ, қарақесек, семіз найман, шой мойын, сары уйсін, қара қаңлы, қызыл қаңлы, сарыбас, қызыы-

⁵⁵ С. Ф. Ольденбург. «Лакамы» — прозвища жителей городов восточного Туркестана. Сб. Музея антропологии и этнографии, т. V, вып. I. СПб., 1918, стр. 93—96.

лым, жиренім, ақ найман, бура найман, мырза найман, жуанбұт найман⁵⁶.

Лақап ат адамның дene бітім, пішін-тұлғасына және психологиялық ерекшелігіне сай, кейде істейтін кәсібіне лайықты қойылыштың отырады.

Әрбір адамның лақап атының қалай қойылғанын, не себепті берілгенін білу кей жағдайда қыынға да соғады.

Баланың сәби кезінде қойылған лақап аты оның есейіп, егде тартқан шағына дейін сақталуы мүмкін. Мәселен, Құлжәмила деген адамның кішкене күнінде қойылған лақап аты — Балапан еken, ол осы атпен күні бүгінге дейін аталып кеткен, қазір ол адам 48 жаста.

Ахмет Қыздарбеков қазір 78 жаста. Ол бала кезінен бір жамбастап басатын, ақсақ еken. Сондықтан оны халық «Текір» деп атап кеткен. Жерлестері бұл адамдарды күні бүгінге дейін сол лақап аттармен атайды. Бірақ Текірдің баласы Текіров, яки Текір ұлы түрінде жазылмайды. Демек, лақап аттар ресми түрде өке аты, яки фамилия болып қалыптаспайды. Өйткені олар ресми паспорттың есімдер емес.

Баланың өнді қара болса, кішкене күнінен Қарабала, Қарақызы, Қаратай, ал көзі қара я көк болса — Қаракөз, Қеккөз деп атап кету болған.

Лақап аттар ауыл адамдары арасында, әсіресе мектеп жасындағы балалар арасында көп кездеседі. Бойы қысқа баланы Қортық, Быртташ, басы үлкен болса — Бартбас, тез сөйлегіш болса — Сартылдақ деу бар.

Лақап аттар халық ауыз әдебиетінде кеңінен орын алған. Ертектерде кездесетін Алдар Қосе, Жиренше Шешен, Асанқайғы, Аязби т. б. лақап аттар. Жазушы қаламынан туған көркем әдебиеттерден де лақап аттардың алуан түрін кездестіреміз. Оқиғаны баяндаپ отырған жазушы лақап аттың мәнінен, қойылу себебіне көңіл аударып, толық сипаттап отырады. Бұл жайды, әсіресе көркем сөз шеберлері, академик жазушыларымыз М. Әуезов пен С. Мұқанов шығармаларынан айқын көреміз.

М. Әуезов «Абай» романында Қенғіrbайдың лақап

⁵⁶ Вопросы диалектологии и истории казахского языка. Алма-Ата, 1959, стр. 57, 58, 60.

атын былайша баяндап берген. «Кеңгірбайдың халық қойған аты «Қабан» болатын. Жем ушін, осындаидай қарындастың қанын ішкендіктен, «Қабан» атанған⁵⁷.

Лақап ат әдете халық тарарапынан қойылады. Өйткені халық өз арасындағы, өз қогамындағы адамға сыйныш, кемшілігін байқағыш мінші. Сондықтан ондай лақап аттар көбіне өзгермейтін, тұрақты келеді.

Лақап атты бергенде адамның өн бойындағы кемшілігіне, мінез-құлқына мін таға қараумен қатар, бұрынғы қойылған атының ыңғайлышынан жағына да назар аударады. Бұл ретте тағы да М. Әуезовтің «Абай» романына үцілейік.

«Ертеңінде, Абай мен Ербол Шілікті кезеңінен аттынып шығысымен Шүкіман жайын ауызға алысты.

— Керім, керім... Несін айтасын! — деді Абай.

— Эй, керім! Эй, керім! — деп, Ербол да сұқтанып тамсанудың үстінде еді.

Абай, «қалай айттың, қалай айттың» — деп жолдастының жаңағы айтысын қайта-қайта қайырты да:

— Ал, мен бір нәрсе айтайын ба? Бұның Шүкіман деген аты сұлу емес, сай емес! Жаңа ат қоямыз. Оны дәл осы арада сен таптың. Шүкіман аты қалсын, ендігі аты «Әйгерім! Әйгерім болады! — деді⁵⁸. Сонымен Әйгерім аты оның бүкіл өміріне кеткен.

Ат қоюшылар бұл жерде Шүкіманның нұрлы, келбетті көркіне, әдемі мұсініне, қысқасы, оның асқан сұлулығына ерен көңіл бөледі. Осыдан барып, таңданудың, сұқтанудың, өте қызығудың нәтижесінде Әйгерім деген қосымша ат береді.

Енді көрнекті жазушымыз С. Мұқанов шыгармасынан да мысал келтірейік: «Құлым қажының аулынан «қарақасқа сорлылардың» қатарына қосылатын Балғабайдың сумұрын Нұртазасы мен Жыланкөз Ыбрайдың Ахметі жүр. Балтабай аулынан «қарақасқа сорлылардың» қатарына қосылатын Өстемірдің Қалтақбас Ғабдеші, Саржан қатынның Ұзын Әшкери, Тапалтақ Әбділман, Омардың таз Сұлтанқайы жүр; Крестадан өмір бойы Сақтағаннның сауыншысы болған Қойшығалидың Арықбаласы, Төлебайдың Айранкөз Үәлии жүр. Қараталдан — Көшекбайдың шұбар Өтегені, Құсайынның

⁵⁷ М. Әуезов. Абай, З т. Алматы, 1957, 392-бет.

⁵⁸ Сонда. Таңдамалы шыгармалар, 40-бет.

бұжыр Ережебі, сүлдақ Құдыярдың балалары және ұзынмұрын Құрманың інісі Мәжен жүр⁵⁹. Жазушы бұл ретте әрбір кейіпкердің бой бітімін, кемістігін, мінез-құлқын суреттеу, әсірелеу арқылы олардың лақап есімін жасаған.

Аты Мұстафа болғанмен жұрт оны Сақау деп көткен. Қекериді мен жақсы білемін. Оның шын аты Аманжол. Бала кезінде жылауық болғандықтан, жеңгелері оны тауықтың дамылсыз шақыратын әтешіне ұксатып, «кеекери-қек» қойған да, содан «Кекери» атанип кеткен. Қасқұлақтың шын аты — Айтжан. Құлақтары касыктай калқиған үлкен болғандықтан, бала кезінде жеңгелері «Қасық құлақ» қойған да, содан «Қасқұлақ» атанип кеткен⁶⁰.

Бұл сияқты көркем әдебиеттерде қолданылған лақаптар Ф. Мұсірепов, Ф. Мұстафин, Ә. Нұрпейісов, Т. Ахтанов т. б. шығармаларында жүздел кездеседі.

Лақап аттар дара күйінде де, кісі аттарымен тіркесе де қолданылады. Мәселен, *Сойдақтіс*, *Сабалақ*, *Қасқыркөз*, *Жалаңтөс*, *Жылпос Хамит*, *Жылауық Хамит*, *Сал Хамит* т. б.

Соңғы есімдердің бірінші сынарындағы сөздер үш Хамиттің әрқайсысына тән қасиетін, мінез-құлқын көрсетіп тұр. Бұл тіркесте лақап, көрсеткіш анықтауыш тұлғада тұрады. Ал Алдар Қәсе, Жиренше шешен, Біржан сал тәрізді тұлғаларда келгенде анықталушы ретінде кісі аттарының соңында келеді. Бұл дәлелдерге қарағанда олардың орын тәртібінде белгілі тәртіп, заңдылық жоқ сияқты, тек белгілі бір мотивке байланысты қойылатынын байқаймыз. В. А. Гордлевский «Кличной ономастике у османцев» деген мақаласында лақап аттарды бірнеше топқа бөлген⁶¹. Біз В. А. Гордлевскийдің сол пікіріне қосыла отырып, тіліміздегі лақап аттарды, лексикалық мағынасына қарай мынадай топтарға бөліп қараймыз:

I. Тұрлі белгілерге байланысты.

а) адамқың бет-әлпет түріне, көзі, шашына байланысты. Мысалы: Қаракөз Айша, Қасқыркөз. Телқара,

⁵⁹ С. Мұқанов. Таңдамалы шығармалар, 2 т. Алматы, 1955, 303—304-бет.

⁶⁰ Бұл да сонда, 26, 41-беттер.

⁶¹ В. А. Гордлевский. Кличной ономастике у османцев. «Древности восточные», СПб., 1913, стр. 153.

Сары Асан, Шұбар Малыбай, Жылтырбет Төрекан, Құлімкез Ботан, Бұжыр Мақан, Қызылбет Әли, Ақбас Әзім, Қасқабас Сәлім, Шоңмұрын Қедір, Жылтыр Хасен, Шегір Асаубай, Алакөз, Қеккөз т. б. Бұл топқа халық ауыз әдебиетіндегі: Қарааша, Қара Қөжік, Қарақөз Айым сияқты есімдердің (қара, қаракөз, сұлу) тіркестерін лақап аттарға жатқызуға болады.

б) адамның жүрісі, тұлғасы, мұсініне байланысты. Мысалы: Жорға Жұмабай, Жорғатай, Ұзын Ахмет, Қисық Әлтай, Қалтақбас Ғабдеш, Ұзын Эшкөр, Бұқір, Түе балуан, Майысқақ Қаратай, Шойынқұлақ, Шойқара, Қортық Сәми т. т.

в) адамның дене-мүшесінің кемдігіне байланысты. Мысалы: Бұқір, Сақау Баймағамбет, Шолақ Шаймерден, Таз Сұлтақай, Балуан-Шолақ, Пысылдақ Омар, Қалтақбас Әспет, Төкір, Сойдақтіс, Манап таз, Кекеш, Ораз т. т.

II. Мінез-құлық, бейімділік әрекетке, ерекшелік қасиеттерге байланысты. Мысалы: Найзагай Асан, Қиясбай, Қисық, Дарабоз.

III. Негізгі кәсібі, қызмет бабына байланысты. Етікші Ахмет, Оташы Мәлібек, Саятшы Ораз, Ұста Сұлтанбек т. т. қазіргі кездегі: Мұғалім Оспан, профессор Баляпанов, ғалым Әсег сияқтылар белгілі бір мамандықты, яки ғылыми атақты білдіреді. Бұларды сондықтан да лақап аттар қатарына жатқызуға болмайды.

IV. Әлеуметтік, яки қоғамдық жағдайға байланысты лақап аттар. Ерте кезде үстем тап өкілдерін атағанда оның әкімдігі қоса айтылған. Мысалы: Құшікбай би, Алғазы сұлтан, Сағыр батыр, мырза Боранбай т. т. Мұндай лақап аттар қазір жоқ.

Лақап аттар кісінің бастапқы шын атымен қатар өмір сүреді. Олардың бірі әбден қалыптасып, нағыз адамның шын атына айналады да, сол адам өмірімен бірге кетеді. Ал екінші бірі, біраз уақыт айтылып жургеннен кейін, ескерусіз, ұмыт қалып қояды. Мұндай жағдайда адамның бұрынғы аты жеңіп шығады. Ал кейбір лақап аттар кісінің бастапқы атымен тіркесе айтылып қолданудан шықпайды. Олар осы тіркес қалпында келіп, тұтас кісі атын білдіреді. Оған мынандай тарихи аттардан мысал мелтірейік. Олар: Қозы Қөрпеш, Алдар Қесе, Жиренше Шешен, Ақан Сері, Біржан Сал т. б. Осылардың тіркесіндегі «қөрпеш», «қесе»,

«шешен» сөздері кісінің қасиетін, пішінін және сапасын аңғартып тұр. Бұл сөздердің кейбірін жеке талдаң көрсек, оның мынадай тарихын байқаймыз.

Көрпеш — қозының көрпелдес жұнді әдемісі. Көсе — сақал, мұрт шықпаған қу кісі. Ал шешен — кара сөзге дес бермейтін, сөзге шебер адам. Монгол тіліндегі мағынасы данышпан. Бұлар кейде көсе, көрпеш, шешен қалпында қолданыла да береді.

Шешен сөзінің мағынасын толық сипаттай келіп, проф. Э. Марғұлан: «Бұрынғы кездегі қария жыраулардың жиренше деп аталуы олардың ылғи «жирен атқа» мініп, ел аралап, қобыз тартып жүруінен болған, бұл әдет, әсіресе, оғыз, қаңлы, қыпшақ руласының ортасында көбірек орын алған. Халық аузында айтылатын жиренше бір кісінің аты емес, ол үйсін заманынан келе жатқан қария жыраулардың жинақ әрі лақап аты»⁶².

Проф. Э. Марғұланның бұл пікірін қуаттаймыз. Жиренше — жирен атты жыраулардың жалпы атауы болуы әбден мүмкін. Өйткені жирен — мал түсін аңғартатын сөз. Ал шешен сөзі сол адамның қара сөзге шеберлігін, тілге ұсталығын көрсеткен.

Біз жоғарыда лақап аттардың халық ауыз әдебиетінде, көркем әдеби шығармаларда және ел аузында кездесетін түрлерінен мысал келтіріп, жікке бөлдік. Әрине, бұдан лақап аттар дәл осында көрсетілгендерғана екен деген ой тумауы керек.

Озінің формасы жағынан ат тергеу осы лақап атқа жақындау әрі ұқсас сияқты. Енді соны сөз етейік.

3. Кісі аттарындағы эвфемизм, табу мәселелері.

Октябрь революциясынан бұрын қазақ тұрмысында сөзге тиым салу, астарлаш сөйлеу әдеті болған. Ерте заманнан бар бұл дәстүр халық арасында кеңінен етек алған. Сөзге тиым салу, астарлап, жасырып сөйлеу дәстүрі кісі аттарына да әсерін тигізбей қалмаған. Бұрынғы кезде ауылдағы әйелдер ерінің, яки ата-ене,

⁶² Э. Марғұлан. Қорқыт күйші. «Известия Казахского филиала Академии наук», серия языка и литературы, вып. 3. 1944, стр. 77.

қайнаға, қайын, қайын сіңлілерінің атын атамайтын. Сөйтіп, ат тергеу ғұрпы кеңінен тараған. Бұлайша сөзге тыым салуды ғылымда табу дейді. «Табу — адамдардың сана-сезімі төменгі сатыда тұрган кезде, әдет-ғұрыпқа, сөзге, әрекетке салынған тыым еді»⁶³.

Бұл әдет Октябрь революциясынан кейін ғана жойылып отыр. Оны кейбір жергілікті жерде ескінің қалдығы ретінде кездестірмесек, жалпы халық арасынан кездестірмейміз. Қазіргі кезде табу сөздер, ат тергеу, оны атауға салынған тыым жоқ деп батыл айтуға болады.

Мәдениетіміз бен экономикамыз, ғылыммымыз бен техникамыз қарыштап, дамып отырған дәүірде, марксизм-ленинизм ілімімен қаруланған жастарымыз бұл әдетке ескінің қалдығы деп жириене қарайды. Егер ел арасында оның сарқыншагы бірен-сарандал кездесе қалса, онымен батыл құресу ісі, сөзсіз, нәтижелі болады.

Халқымыздың ескі тұрмысында болған бұл құбылысты айтудағы мақсатымыз, ескіні дәрілтеу емес, жаңа дәстүр, жаңа салтқа қайшы ол әрекеттен халық бойын аулақтата отырып, халық тілінің заңдылығын, қолдану ерекшелігін ашып, сөздердің лексикалық мағынасын сарапалау.

Сонымен, айтпақ мәселе міз — кісі аттарына байланысты ат тергөу туралы.

Ислам діні ғасырлар бойы халық басын айналдырыған у болды. Ол әсіресе әйел теңдігін, олардың азаматтық құқығын аяқ астына басты. Ұлы Октябрь женсісіне дейін қазақ әйелдерінің көбі тендендік алмай, қапас тұрмыста өмір сүрді. Олар ер адамның алдында батыл келіп, ашық сөйлемеу, ауыл ақсақалдары, ру басыларының алдында тәжім ету, иліп сәлем беру, ата-ана, қайын жүрткіншің үлкендерінің атын атамау тәрізді жөнсіз, қатаң талаптарды орындауға мәжбүр болды. Олар күйеуінің, оның әке-шешесі, аға-іні, туыстарының, болмаса қарындас, апаларының атын атай алмай, ат тергеп, өзінше ат қоятын. Бұл жағдай бүкіл қазақ жүртшылығының арасына тегіс тараған, барлығына белгілі құбылыс еді.

⁶³ F. F. Мұсабаев. Лексика. Қазіргі қазақ тілі. Алматы, 1954, 36-бет.

Мұндай ғұрып басқа түркі халықтарында да болған⁶⁴. Атасының ауылындағы жасы үлкен ақсақалдарының, яки күйеуінің аға-іні, қарындастарының аттарын тұра атауга еркі болмаған әйелдердің бір сөзінен мысал келтірейік: «Ата-ата! Сылдыраманың ар жағында, маңыраманы ұлыма жеп жатыр екен, жаныманы білемеге білеп алып келе қойыңыз».

Осы сөйлемдегі сылдырама — қамыс, сарқырама — ағын су, маңырама — қой, ұлым — қасқыр, жаным — пышақ, білеме — қайрақ деген сөздер. Бұл жерде жалқы есімдер орнына жалпы есімдерді қолданған. Себебі, осы сөздерге байланысты ата, ене, қайнага, абысын-ажын, қайындарының аттары болған.

Қазақ, қырғыз халқының ұлттық әдеті бойынша жас келіндер күйеуінің жақын туыстарының, ата-енесінің аттарын атамайтыны жөнінде А. Самойлович өз мақаласында толық тоқталады⁶⁵.

Сейтіп, жас келін күйеуінің ағасын, інісін я қарындасын тұра атымен атай алмай, жанама ат қойып алатын. Қыздарды, яғни қайын сіңлілерін: шырайлым, бикеш, бойжеткен, әке қызы, еркем, ержеткен, ерке қызы, кішкене қызы, ортаншы қызы; ер адамдарды: төрем, шырақ, тетелес, аппағым, айдарлым, мырза жігіт, төрежан, молда жігіт, молдажан деп атайдын. Егерде күйеуінің туыстарының аты бір заттың атауымен ұқсас болса, онда ол заттың атын да өзгертіп, басқаша атауга мәжбүр болған. Бір ауылда тұратын ауылдас адамның аты күйеуінің жақын туыстарының атына ұқсас, аттас болса да, ол кісіні сол ауылдың атымен атай салатын. Мосқал әйелдер қайындары мен қайын-ағаларының аттарын сыртынан атай бергенмен, көзінше тұра атай алмайтын. Әсіресе, күйеуінің туыстарының, рулас адамдарының аттарын тұра атауды қатты ұят санайтын.

Ат тергеу, бір жағынан, туыстық терминдермен де ұштас жатады. Мәселен, «қайнага», «қайната», «ата», «апа», «ене» т. б.

⁶⁴ К. Дайканов. Имя существительное в киргизском языке. Фрунзе, 1955, стр. 23.

⁶⁵ А. Самойлович. Запретные слова в языке казах-киргизской замужней женщины. «Живая старина», вып. I-II, 1925, стр. 86.

Кейде жасы кіші қыздар мен балаларды еркелетіп, «бөлжан», «қаракөз», «аппақ» деп қойған атаулар, есейе келе бұлардың шын атына айналып та кететін жайлар болған. Халық арасында кездесетін Аппак, Бөлжан, Қаракөз тәрізді есімдердің шығу тарихы осылай болуы мүмкін.

Әйелдер күйеуінің атын атамай «әлгі», «біздің үйдегі», «от ағасы», немесе баласының атымен атау (Баймырзаның әкесі деп) дәстүрінің қалдығы әлі де кездеседі. Күйеуінің құрдастарының аттарын атауды да ұят санап, «құрдас», «замандас» деу, аты ұқсас болса, «аттас» деп атау дәстүрін ұстаған. Сөйтіп, жаңадан түскен жас келін болсын, оның абысын-ажындары болсын ат тергеуді міндеп санаған.

Ат тергеу салтында түрлі әдістің болғаны байқалаады.

Кейде адамдарды түр-келбеті, дene пішініне қарай: «бауырсақ», «айыр сақал», «бай семіз», «мес», «төртсақал», «саққұлақ» деп атау болған.

Ауылдағы жасы үлкен адамдардың атын тұра атамай, бұрмалап атау, жалпы есім сөздермен алмастырып айту кеңінен етек алған. Мысалы: Жоламан деген атасының атын атай алмай, оның келіні «Соқпақ аты» деген. Сүттібайды — «Уыз», Бұқабайды — «Сүзербай», Қарабасты — «Баран шеке», Сарыбас — «Шикіл шеке», Қөжекбай — «Қоян ата», Үзікбай — «Дөдеге», Жамантай — «Жайсызтай», Ақбай — «Қылаң ата», Тұңлікбай — «Қайырма», Қозыбақ — «Кепе», Қойлыбай — «Жандық», Еламан — «Халық есен», Асаубай — «Тарпақ», Қамысбек — «Құрақ ата», Асыл — «Бекзат ата», Бүйенбай — «Жуан шек», Байтас — «Қайыршақ», Мергенбай — «Атқышшыл», Ақылбай — «Ой ата», Қарабек — «Баран» т. б.

Кейде кісі есімдерінің басқы әріптерін өзгертіп айту дәстүрі де болған. Мысалы: Мәмбет орнына Сәмбет, Әли — Сәли, Тұрсын — Мұрсын, Ахмет — Сахмет, Жақып демей Мақып деп атаған. Жас әйелдер мен егде әйелдерге туыстас адамдардың атын атамау былай тұрсын, жалпы кісі аттарын тұра атауга тиым салынып отырған. Ат тергеуде әйелдердің мәндес сөздерді (сионимдер) шебер қолданғаны байқалады. Бұның өзі әйелдердің ой-өрісінің кеңдігін және тіл байлығының байтақтығын көрсетеді. Ат тергеу дәстүрінде олардың

ерекше тапқырлығы, ойының ұшқырлығы, қара сөзге дес бермейтін шешендігі көрініп тұрады.

Сөзге тиым салу дәстүрі тек әйелдерге ғана тән ғұрып болмаған. Бұл жағдайды ер адамдар өмірінен де анық аңғаруға болады. Әсіресе жастар жасы үлкен адамдар мен беделді ақсақалдардың немесе лауазымы жоғарылардың аттарын тұра атамай «ата», «жәке», «отағасы» және лауазымына сай, «би ата», «төре», «болыс аға», «сұлтан», «батыр» деп атаган.

Сөзге тиым салудың бұл өрекшел түрі тілімізде архайзмге айналып, ескі салт-санага байланысты жойылып отыр. Бірақ қазіргі кезде ат тергеу дәстүрі ел арасында, ескінің қалдығы ретінде аз да болса кездесіп, бой көрсетіп қалады. Бұл күнде «отағасы», «аға», «ағай», «балалардың папасы» тәрізді құрметтеу сөздері мен «ата», «ене», «жәке», «әти» тәрізді туыстық терминдер қолданыла береді. Қазіргі кезде әрбір азаматтың өз аты, фамилиясы және әкесінің атымен аталуы мәдениетті дәстүрге айналып отыр.

4. Бұркеншік аттар (псевдонимдер).

Бұркеншік ат (псевдоним) деп шын аттан бөлек, ойдан шығарылған, көп реттерде фамилия мен есімдер орнына жүретін атауларды айтады. Ол гректің *псевдонимес* сөзінен, мәнісі «жалған аталған, жасырын» деген ұғымды білдіреді.

Бұркеншік аттарды әлеуметтік саяси өмірге қатысушы қоғам қайраткерлері, ақындар мен жазушылар, журналистер мен көркемөнер мамандары пайдаланған. Бұркеншік аттарды пайдалану әсіресе өткен ғасырлардағы орыс революционерлерінде көбірек болған.

Елімізде тұңғыш социалистік мемлекет орнатқан, жер жүзі еңбекшілерінің жарқын болашағы үшін жаңа аямай құралынан, ұлт-азаттық қозғалысының дамуына данышпан ілімімен бағыт сілтеген ұлы адам — Ленин революциялық өмірінің алғашқы кездерінен-ақ патша үкіметінің қас дұшпаны ретінде көзге түсіп, полицияның қара тізіміне ілінген еді.

Москва охранкасының бастығы Зубатов жоғары әкімдеріне жолдаған хабарында: «Қазір революцияда Ульяновтан ірі ешкім жоқ» — деп жазған.

Жасырын, бүркеншік аттар мен фамилиялар осындаі қызын-қыстау, тар кезеңдерде Владимир Ильичтің полицеj агенттері мен тыңшыларынан оңай құтылуына, оларды жолдан адастырып, жер соқтырыл отыруға әбден қажет болған. Сөйтіп, әмиграцияның ауыр жағдайларында жауапты партиялық, маңызы зор революциялық жұмыстарды істеуде, саяси, жалынды публицистикалық мақалалар жариялауда, теориялық еңбектерін жарыққа шығаруда бүркеншік есімдер зор роль атқарған. Владимир Ильичтің бүркеншік есімдерінің саны 160 болғаны бұл күнде анықталып отыр. В. И. Лениннің бүркеншік есімдерінің ішінде жириек кездесетін фамилиялар: В. Ильин, Вл. Ильин, В. Ленин, К. Тулин, В. Фрей, Ив. Петров, К. Иванов, Карпов; бас әріптен қысқарған есімдер мен фамилиялар: Б. Б., Г. В., В. Ил., В., В. Ф., Қ-опв., К. Т-ин, Н. Л-н, тағы басқалары.

Бүркеншік аттар мен лақап аттар революция қайраткерлері арасында кеңінен пайдаланылғанын «Россиядағы революциялық қозғалыс қайраткерлері» атты еңбектен және Н. К. Крупская, Г. М. Кржижановский, В. Д. Бонч-Бруевич, Ц. С. Зеликсон (Бобровская), М. Новоселевтердің естелігінен оқимыз. Революциялық жұмыстар жүргізген кездерінде Г. М. Кржижановский — Ганс, Брут, Лань, Смит, Травинский; Е. Д. Стасова — Гуша, Дельта, Абсолют болып аталған.

Партиялық лақап аттар да бүркеншік аттардың бір түрі саналғанын байқаймыз. Мысалы, М. И. Ульянова — Медведь; Н. Э. Бауман — Балерина, Л. Б. Красин — Лошадь, З. П. Кржижановская — Булка т. б.

Бүркеншік аттардың орыс жазушылары мен актерлері арасында XIX ғасырда кеңінен тарағаны белгілі. Мысалы: А. И. Герцен өз шығармаларына «Искандер» деп А. П. Чехов — Анче, Антоша; Н. Н. Борисов — Кисляев, Крапива, Рувер, Лаэрт деп қойып отырғаны аян.

А. М. Горький жазушылық қызметінде көптеген бүркеншік аттарды пайдаланыпты. Мысалы: Горький, Некто, Паскарелло, Терро, Дон-Кихот, Василий Сизов, Хламида т. б.

Орыс жазушылары мен ғалымдарының саяси-қоғам және революционер қайраткерлердің бүркеншік аттар-

мен жариялаған шығармаларын жинап, авторлығын анықтап, ол бүркеншік аттардың шығу себебін дәлелдеген тұңғыш зерттеуші Иван Филиппович Масанов еді. Оның «Орыс ғалымдары мен жазушыларының және қоғам қайраткерлерінің бүркеншік аттарының сөздігі» (М., 1956—1960) деген төрт томдық еңбегі баршага мәлім. Бұнда бүркеншік аттардың сипаттары, оның шығуы мен тарауындағы түрлі себептері мен жағдайлары кеңінен айтылады. Орыс жазушыларының бүркеншік есімдерінің тарихын зерттеуші ғалымдар бұған аса назар аударып отыр.

Қазақ жазушылары мен журналистерінің, саяси-қоғам қайраткерлері мен оқымыстыларының бүркеншік аттарының шығу, туу тарихы 20-жылдардан басталады.

Қазақстан тарихында белгілі саяси-қоғам қайраткерлерінің жазушылар мен журналистерінің бүркеншік аттарды пайдалануы Қазақстанда совет өкіметі орнағаннан кейінгі кездерде, әсіресе елді коллективтендіру, артель шаруашылығын ұйымдастыру уақытында, талжауларымен күрес жылдарында қолданылған.

Бүркеншік аттар құрылсына қарай әр алуан болып келеді. Ол кездерде пайдаланылған бүркеншік аттар көбіне төл есімдердің немесе фамилиялардың қысқартылған бас әрпінен, болмаса бас буынынан жасалған. Кейбір авторлар туған жерінің атын не шыққан руын, кейде өз атын бүркеншік ат ретінде иемденіп отырған. Бұл жерде аса көңіл аудараплық, жіті зерттеу, ой саларлық жайт — бір адамның бірнеше бүркеншік атпен аталуы. Мұның өзінде де белгілі бір себеп болса керек. Кейбір бүркеншік аттар баспасөз беттерінде жиі кездесетіндіктен оқушы жұртшылыққа танымалы, белгілі бола бастады. Міне, осы себептен бүркеншік аттарды жиі өзгертіп, жаңартып отыру басты амал болған.

Кейбір бүркеншік аттар бір автордың қолданғанына қарамастан, екінші бір авторларда кездесіп, параллель, ұқсас болып келе бергені байқалады. Мысалы, Матай — Жансүгіровтің де, Сүлейевтің де бүркеншік аты болған. «Қ» — псевдонимі Өтенов Құлмыш, Шамкенов Қайкенге тән болған.

Қазақ тіліндегі бүркеншік аттардың шығу, пайда болу тарихын, тілдік табиғатын, әдеби шығармаларды

анықтауда тигізер пайдасын зерттеу мәселелері әлі күнге қолға алынбай отыр. Соңғы жылдары газет беттерінде жарияланған кіші-гірім екі мақаладан ⁶⁶ басқа мардымды еңбек жоқтың қасы. Сондықтан бүркеншік аттардың тарихын жан-жақты ғылми жүйеде зерттеу ете қажет, құнды да пайдалы болары даусыз.

1917—1930 жылдар аралығында Қазақстанда шыққан газет-журналдар беттерінде бізге жұмбақ бүркеншік аттар кездеседі. Бұл материалдарға қарағанда, сол кездегі жазушылар мен журналистер бүркеншік ат пайдалануды дәстүрге айналдырған. Сол кезде жиі қолданылған бүркеншік аттар: «Бұйрас», «Быж», «Ақық», «Аргын», «Арқа», «Екеу», «Жөнеу», «Капсыңқа», «Матай», «Таңқыбай», «Сот», «Ә. Қ.», «С. Ж.», «Ж. С.», «М. Б.», «Ш.», «Ж.», «Ж. Б.», «Ү.», «К. Ш.», «К.», «Қ. Ш.», «А.» т. б.

Бүркеншік аттардың кімге, қай жазушыға тәндігін, мән-мағынасын ашу үшін екі түрлі жол бар сияқты. Бірінші, сол кездегі жазушы, журналистерді жақсы білетін, олармен бірге қызметтес болған қазіргі ага буын қалам қайраткерлерінен сұрап білу, екінші,— сол 1917—1930 жылдардағы архивтік материалдарды (гонорар ведомосін, жазушы, журналистер тізімін, қолжазбаларын т. б.) қарау керек. Осымен қатар, Б. Кенжебаев пен Берік Қорқытовтың берген талдауларында біраз бүркеншік есімдердің шешімі табылған. Б. Кенжебаев бүркеншік аттардың төрт түрлі жолмен жасалатынын айтады. Оның бірі — «автордың өз есімінің, не есімі мен фамилиясының баскы әріптерінен алынған: «М.», «М. Ә.» — Мұхтар Әуезов, «Е. А.» — Ергали Алдоңғаров, «Сот» — Сайділ Омарұлы Талжанов, екіншісі — фамилиясын жазбай, есімдерін қоя салатын болған: «Балқай», «Елтоқ», «Шияп», «Шолпан». Бұл есімдер сол кездегі белгілі журналист әдебиетшілер: Балқай Байтогаевтың, Елтоқ Дінмұхамбетовтың, Шияп Қожақметовтың, Шолпан Иманбаевалардың өз есімдері. Үшіншісі — авторлар өздерінің туған, өскен жерлерінің, ру-тегінің атын да бүркеншік ат есебінде пайдаланатын болған: «Шаңған» — Бейімбеттің туған жерінің

⁶⁶ Б. Кенжебаев. Бүркеншік аттар сыры, «Қазақ әдебиеті», 1965, 13 август; Е. Бағолов. Бұл бүркеншік аттар кімдікі? «Қазақ әдебиеті», 1965, 22 июль.

аты, «Матай» — Матай тауына, Матай руына байланыстырып алынған Ілиястың бүркеншік аты. Төртіншісі — өздерінің бітіміндегі бір айрықша белгіге байланыстыра, не ойдан шығарып та қоя салатын болған. Айталық «Бұйрас», «Бөгде», «Мәлтең» — жазушы Қадыр Тайшықовтың бүркеншік аттары. Мұнда «Бұйрас» оның шашының бұйралығына байланысты алынса, «Мәлтең» басының үлкендігіне сай қойылған»⁶⁷.

Б. Кенжебаевтың бұл жіктеуі ғылми әдіске негізделіп жасалған, бірден-бір дұрыс бағыт. Солай болғанмен де осы тәсілдерді ескере отырып, былайша жіктер едік.

1. Бүркеншік аттардың жасалу, туу жайымен байланысты — аллонимдер (бүркеншік ат етіп, ойдан шыгарылған фамилияларды алуы).

2. Географиялық принцип бойынша жасалу (туған жер, ел, ру атын иемдену).

3. Криптомимдік әдіс (өз атының немесе фамилиясының бас әрпін қысқартып, немесе бас буындарын қысқартып қол қою).

4. Лақап аттармен аталу (бүркеншік ат емес, деңе пішіні, психологиялық ерекшеліктеріне байланысты аталу).

Б. Кенжебаев өз жіктеуінде шын атпен қол қоюды бүркеншік атқа жатқызады. Біздіңше, адамның шын аты бүркеншік атқа жатпайды. Ол кезде қазақтарда фамилия толық еніп, дағдыға айналмағандықтан, көбіне өз атын иемдену, өз атымен мақала жазу қалыптасқан ереже сияқты болатын.

1917—1930 жылдарда қолданылған бүркеншік аттардың бәрінің шығу, пайда болу себептерін, тарихи жағдайлары мен сырларын талдау үлкен зерттеу мен ізденуді қажет етеді. Сондықтан әзірғе кейбір жазушылар мен журналистердің, ғалымдар мен қоғам қайраткерлерінің иемденген бүркеншік аттарын ғана көрсетуді мақұл көрдік.

Бұл бүркеншік аттардың шешуін табуда, жоғарыда аталған, Б. Кенжебаев, Б. Қорқытов, Е. Байболов жолдастардың мақалалары мен С. Талжановтың және әдебиет институтының материалдарын пайдаландық. Олар

⁶⁷ Б. Кенжебаев. Бүркеншік аттар сыры. «Қазақ әдебиеті», 1965, 13 август, № 33, (760).

мыналар: Сәкен Сейфуллин — «Манап», «Шамиль», «Дүйсенбі», «Жұмақан» (С. Талжановтың айтуынша). Майлин Бейімбет — «Шаңқан», «Малай», «Быж», М. Б. «Қойшы», «Кедей», «Шаңқа», «Қара бала»; Жансұгіров Ілияс — «Таңқыбай», «Матай», «Мерген», «Бекейше», «Тілші», «Марқа», «Сақа», «Қордай», «Ақжол-Қалтағай»; Әуезов Мұхтар — «Қоңыр», «Арқа», «Арғын», М. Ә.; Тайшықов Қадыр — «Бұйрас», «Мәлтең», «Бөгде», «Қапсыңқа» («Қ» әрпінің ескіше оқылуы»); Алдоңғаров Ерғали — «Тамшы», «Студент», «Сартай», «Е. А.»; Сәбит Дөнентаев — «Жетім»; Аманғали Сегізбаев — «Жөнеу», «Оқушы», «Сыншы көз»; Сәбит Мұқанов — «Сым»; Сұлтанбек Қожанов — «Тоқпақ», «Тарпаң», «Замандас»; Әбдіқадыров Қалмақан — «Жалышы»; Шанин Жұмат — «Ш.», «Атығай»; Сыздықов Жақан — «Жаңқа», «Ұлан», С. Ж.⁶⁸.

Ханкелдин Айтбай — «Ақық»; Тұрманжанов Өтебай — Ө. Т.; Қожахметов Шияп — Қ. Ш.; Жолдыбаев Молдағали — «V.»; Асқар Тоқмағамбетов — А. Т.; Жүргенов Темірбек — Ж. Т.; Ғабитова Фатима — П. Г.; Сарыбаев Шамғали — Ш.; Кемеңгерұлы Қешмұхамбет — «Көшке»; Құлжанова Назипа — «Назекен»; Қоңыратбаев Әуелбек — «Қарпықұлы», Ә. Қ.* Бұлардан басқа белгісіз авторлар қолданған бүркеншіктер саны тым көп. Олардың бәрін жинау, мән-мағынасын ашып, авторын анықтау келешекте алда тұрған міндеттердің бірі болып саналады.

5. Фамилиялар мен әке аттары.

Антропонимика ғылымында фамилиялар мен әке атының (отчество) шығуы, дамып қалыптасуы — өзекті мәселелердің бірі. Фамилияның және әке атының шығу тарихы, олардың дамуы жер жүзі халықтарында бірдей емес. Сонымен қатар, олардың қосымша форма-

⁶⁸ Б. Кенже баев. Бүркеншік аттар сыры. «Қазақ әдебиеті», 1965, 13 август, № 39; Б. Қорқытов. «Қызыл Қазақстан» журналы һәм әдебиет, «Қазақ әдебиеті», 1968, № 32, август; Е. Байболов. Бұл бүркеншік аттар кімдік? «Қазақ әдебиеті», 1965, 22 июль; Қазақ ССР Ғылым академиясы Тіл білімі институтының, бүркеншік аттар туралы материалдар қолжазбасы.

* Бұл материалдардың барлығы жоғарыдағы сілтемеде көрсетілген деректерден алынды.

лары да әр түрлі. Индоевропа тілдерінде, оның ішінде славян халықтарында фамилиямен аталу түркі халықтарымен салыстырыланда ерте шыққан.

Қазіргі кездегі біздің фамилиялар нұсқасы орыс тілінің иғі әсерімен қалыптасып, дамып отырғаны тарихтан белгілі. Азаматтық правоға ие болып, паспорт аудан бастап жаппай фамилияға көшу тек советтік дәүірде ғана жолға қойылып, іс жүзіне асып отыр. Бұл кундегі фамилия орыс тілінен қабылданған -ев, -ева, -ов, -ова, -ин, -ина қосымшалары арқылы жасалады. Бұл қосымшалар негізінде фамилиялар жасау — тұрмыста кеңінен қолдау тауып, өмірде қолайлы болып отыр. Дегенмен қазіргі фамилияга жеткенге дейінгі оның тарихы, даму күйі көңіл қояр келелі мәселе. Өйткені қазақ тарихында бұрынғы кезеңде фамилия иемденудің дәл қазіргідей нұсқасы болмағанмен, сол замандарға тән өзіндік аталу формасы болғаны күмәнсиз.

Әке атымен аталу — ертеден бар жалпы халықтық құбылыс. Бірақ қазіргі кездегі әке атымен аталудың формасы олардан жаңаша, құрылышы да өзгеше.

a) Әке атымен аталу

Ғылым тілінде әке атын, көбіне, патронимия деген терминмен атайды. Ол гректің *pater* (*patros*) — «әке» және онома — «ат» деген сөзі. Орыс тілінде *отчество* десе, бізде әке аты деген терминмен аталады. Бірақ ауызша, сөйлеу тілде бұл екі термин жарыса қолданыла береді. Әке атымен (патроним) аталу барлық халықтарда бар және болған дәстүр. Қазақ өмірінде ертеден-ақ ұлы, қызы, баласы деген сөздер өз атымен қосыла айтылып, әкенің балаға қатысын, баланың әкеге тәндігін білдіріп отырған. Бұл формада айтылуды сонау ерте замандағы көне түркі халықтарына тән (Орхон-Енисей) жазбалардан да көреміз. Мысалы: Бајырку Улуғ Іркін, Тінәсі оғлу, Байна Саңун Оғлы Кулуг Чур, Кулуг Тіріг оғлы бән Кулуг Тоған, Бала-Тұғма ёрді оғлы бән т. б.

Халық ауыз әдебиетінің нұсқаларында, батырлар жырлары мен тұрмыс-салт жырларында әке атымен аталуды жиі кездестіреміз. Олар «ұлы», «қызы» сөздері арқылы толық, кейде изафеттік конструкцияда қол-

данылып отырады. Мысалы: Базарбайдың Төлеген, Базарбайдың Төлегені болмаса Базарбайдың баласы Төлеген мырза, Сырлыбайдың қызы Жібек, Көктімнің қызы Құртқа, Сейілдің ұлы Қараман, Өмір ұлы Сыбан, Қарасай ұлы Қебен, Алшағыр ұлы Теген, Керей ұлы Келмембет, Қоянақ ұлы Қарт Қожақ т. б.

Осы ұлы, қызы сөздері арқылы әке атының (патроним, отчество) жасалуы XV ғасырда да кеңінен дамыған. Демек, бұл дәүірлерге дейін әке атының жасалу, қолдану жүйесіне араб, иран немесе моңгол тілдерінің ықпалы болмағаны байқалады. Сол дәүірлердің заман жыршылары: Қазтуған жырау Сүйіншұлы, Сыпьра жырау Сұргалтайұлы деп әке атымен аталған.

XVI ғасырга тән жазба ескерткіш, Қосын жалаири еңбегі «Жами тауарихтан» біраз мысал келтіре кетейік. Бұл шығармада «ұғлы» сөзімен қатар арабтың «бән» сөзін (сирек болса да) қолданып отырғанын көреміз. Мысалы: Есенұлы Болай, Ескеұлы Жолай, Мулик оғлы Башбек Сұлтан, Бұрындық ханның оғлы Кемсин, Усаңханның оғлы Болат сұлтан, Бауыш Бойдашның оғлы Әдик сұлтан, оның оғлы Бойдашхан, Барақ оғлы Дәуриш хан. Жағат қызы Яқшымбек, Бұрындұқ ханның қызы Дадым ханым т. б.

Құні бүгінде осылайша әкесінің есімімен аталуды әке аты деп атайдыз. Егер бейтаныс біреуден жөн сүрай қалғанда, ең алдымен әкеңіздің аты кім? — деп сұрау ежелден қалыптасқан дәстүр. Мұндай сұрауға, әлбетте, әркім-ақ әкесінің атын, өз атын айырмасы неде, қандай ерекшеліктері бар? — деген сұрақ туары сөзсіз. Ол жөнінде орыс тілі сөздіктерінде анықтама жете түсіндірілген.

«Отчеством в современном русском языке мы называем наименование по отцу. Фамилия — это наследственное семейное наименование, прибавляемое к личному имени и переходящее от отца или матери к детям от мужа к жене»⁶⁹.

Бұрын әке атын бір ғана ұлы иемденбеген. Сол адамның келіні, қызы, басқа да семья мүшелері иемденген, Ақжаннның ұлы Баян, Ақжаннның қызы Құл-

⁶⁹ Д. М. Ушаков. Толковый словарь русского языка, т. I, II. М., 1938, С. И. Ожегов. Словарь русского языка. М., 1952, стр. 785.

жан, Ақжанның келіні Мағыш. Ол кезде фамилия болмағандықтан, әйел адамдар да қүйеуінің атымен — Асқарбайдың әйелі деген формада айтылатын. Демек, сол бір дәуірлерде әке аты семьялық атауға да ие болғанын байқатады.

Әке атымен аталудың өзі бұрын түрліше формада болған. Үстем тап әкілдері әке атымен аталғанда өз лауазымын, феодалдық тегін қосып айтқан. Мәселен, Тоқал бай Қоңыrbай ұлы, Көбек Байназар ұлы старшина, Хан бахадур Нұрмахамбет Өлиұлы, Қайып хан ұлы Эбілғазиз, Есеналы сұltан Нұралы ұлы⁷⁰.

Осы XVIII ғасырда ұлы сөзінің орнына арабтың бин сөзін қолдану тенденциясының басым болғаны көрінеді. Мәселен, Бекбау бин Ертай, Екілік бин Бекенбай, Сапақ бин Ербай, Бөдене бин Байтілеу, Мәдет бин, Күшік бин Бай, Токсан бин⁷¹.

Осымен бірге бұл кезде бин сөзі орнына оғлы, ұғлы деген татар сөзі де жарыса қолданылған еді. Оның себебі, ол кездердегі сауатты, мұсылманша оқи, жаза билетіндердің көбі татарлар болған. Сол уақыттағы сұltандардың, билер мен төрелердің кеңсе жұмысын жүргізушілер де солар еді. Соңдықтан да ол кездегі іс, кеңсе қағаздарында біч сөзімен қатар оғлы сөзі жарыса қолданылған. Мәселен, Аманбай старшина Мамыр оғлы, Нұргали оғлы, Бек Отан оғлы, Жұзбасар Сарт оғлы, Сатыбалды Өтеген оғлы⁷² т. т.

Әке атымен аталуда ұлы, қызы сияқты зат есімдерден басқа орыс тіліндегі -ев, -ов жұрнақтарын да қолданған. Ол XVIII ғасырмен XIX ғасыр ескерткіштерінде кездеседі. Мәселен, Сырым Датов, Тленши Батыров, Құдашев, Ақынбет Қаратаяев, Аликаран Имантаев⁷³. Әке атының соңына қосылған орыс тілі жұрнақтары ол кезде қазақ тіліндегі ұлы сөзін білдірген.

XVIII—XIX ғасырларда әке аты мен бала аты қатар ешбір жұрнақсыз, зат есім сөздермен тіркеспей-ақ айтылған. Мұндай жағдайда бала аты алдымен, әке аты соңынан қатар айтылатын. Мәселен, Күшікбай Ес-

⁷⁰ «Материалы по истории Казахской ССР, 1785—1882 гг.», М.—Л., 1940, стр. 166.

⁷¹ Бұл да сонда, 173-бет.

⁷² Бұл да сонда, 307—311-беттер.

⁷³ Бұл да сонда, 65, 87-беттер.

болат, Болыш Марқабек, Майкөп Ысқақ, Тұраш Кесікбай, Мәкежан Жұмағұл, Кененбай Отан⁷⁴. Сөйтіп, XIX ғасырдың бас кезінде әке аты үглы сөзі арқылы және -ев, -ов, -ин орыс жүрнақтары арқылы берілгенін көреміз. Мәселен, Сәбит Дөнентай ұғлы, Кәрім Батыш ұғлы, Ысқақ Бердіқожа ұғлы, Шахмардан Элжанов, Жұмақан Бейісов, Сәрсекей Байқарин т. б. Бұл кездегі жүрнақтар (-ев, -ов) фамилиялық болғанымен әке атында қолданыла беретін. Өйткені ол кездегі фамилияның езі осы әке аты болып саналған.

Сонымен, Октябрь революциясына дейінгі әке аттары ресми документтерде бірде -ов, -ев жүрнақтары арқылы берілсе, енді бірде «оғлы», «ұлы» сөздерімен, ілік септік арқылы изафеттік құрылышта және Қазыбек Сәлім, Асан Базарбай сияқты тіркес арқылы берілгенін көреміз.

Октябрьден соң әке атының кейбір көрсеткіш форманты фамилияға аудысады. Атап айтқанда -ев, -ов, -ева, -ова қосымшалары арқылы фамилиялар жасалады да, әке аты оның орнына -ич, евна, -овна қосымшалары арқылы берілетін болады.

Қазіргі кезде тіліміздегі әке аты ұлы, қызы сөздері мен орыс тілінен қабылдаған -евич, -евна, -овна қосымшалары арқылы жасалып отыр.

Бұл екі форманттың екеуі де бізге қолайлы. «Қазақ ССР-інда азаматтық өмір өзгерістерді тіркеу тәртібі» туралы нұсқаудың 12-пунктінде «баланың әкесінің аты (отчествосы) әке аты бойынша жазылады» делінген. Осы пункттің ескертуінде: Шығыс халықтары азаматтарының (қазақтар, татарлар, ұғырлар және т. б.) тілегі бойынша, олардың балаларының әкесінің атына (отчествосына) ұлы, қызы деген сөздерді қосып жазуға болады. Мысалы: Еділбаев Мұхит Айдарұлы, Еділбаева Рабига Айдарқызы⁷⁵. Қазіргі кездегі ұлы, қызы сөздері және -ович, -евич, -евна, -овна қосымшалары әке атымен үнемі бірге, қосылып жазылады.

б. Фамилиялар

Қазақ тіліндегі әке аттары да, фамилиялар да кісі аттарынан алынған. Бұл екеуі де тілдегі жалпы есім

⁷⁴ Материалы по земле пользованию Семиреч. обл. т. I. М., 1911, стр. 41.

⁷⁵ Қазақ ССР-да азаматтық өмір өзгерістерді тіркеу тәртібі туралы нұсқау. Алматы, 1959, 5-бет.

сөздерден (апеллятивтерден) жасалады. Эр халықтың фамилиясы әр түрлі жолмен дамыған. Олардың қалыптасуы, даму жолдары да алуан түрлі.

Г. В. Тропиннің мәліметі бойынша, европалықтарда фамилиялар XII ғасырдан кездесетін болса, А. Ф. Потт пікірінше, фамилия иемдену XIV ғасырда жаппай етек алады⁷⁶. Европа мен Россияда фамилияның шығуы XIV—XVII ғасырлардан басталатынын А. В. Суперанская мен Л. И. Щетинин еңбектерінен байқаймыз⁷⁷.

Сол еңбектерде фамилиялардың типтері шығу, пайда болу ыңғайына қарай жіктелген. Орыс фамилияларының тарихынан әлеуметтік жайларды толық аңғартатын: Иванов, Гришин, Волков, Лапшин сияқты қара бұқараға тән фамилиялардың болғанын көреміз⁷⁸.

Фамилиялар негізінде адамның бір семьяга немесе белгілі жерге тәндігін білдіретін болғандықтан, ондай фамилияларды түрлі морфологиялық тәсіл арқылы көрсетіп отырған. Орыс тілінде бір семьядан, яки атадан тарағандар -ов, -ев, -ин суффиксімен, ал бір жерден шыққандарды -ский суффиксі арқылы белгілеп отырған. Д. Н. Ушаков редакциясымен жарық көрген «Түсіндірме сөздікте» — «фамилия — наследственное семейное наименование» деп анықтама берген. Фамилиялар қосымшалары жер жүзі халықтарында әр түрлі болған. Орыс тіліндегі фамилиялық атаулар В. А. Никоновтың статистикалық материалында көрсеткеніндей, тәуелдік жалғауының жұрнақтары -ов, -ин арқылы жасалған⁷⁹. Немістерде -ер, -ес және мак жұрнақтары арқылы, ирландықтарда о жұрнағы арқылы қалыптасқан. Мысалы: *Кортус*, *Шулер*, *Мак-Миллан*. О'Доннель т. б. Белорус фамилияларының жұрнақта-

⁷⁶ Г. В. Тропин. О некоторых особенностях личных имён в русском языке. Ученые записки Иркутского государственного пед. института, вып. 5, 1940; A. F. Pott. Die personennamen. Jusbesondere die Familiennamen und ihre Entstehungsarten, Leipzig, 1853.

⁷⁷ А. В. Суперанская. Структура имени собственного (фонология и морфология). М., 1969, стр. 76; Л. М. Щетинин. Имена и названия. М., 1968, стр. 105—129—135.

⁷⁸ Бұл да сонда, 77-бет.

⁷⁹ В. А. Никонов. Формы русских фамилий. «*Studia jazykoznawcze po-swiecone st; Rospondow, Wroclaw, 1966*, стр. 320—321.

ры: *-оу, (-ау, -еу), -ин, -ын, -ович, -евіч*⁸⁰; украин фамилиялары патронимдік жұрнақтар: *-енк, -о, -ук, -чук* арқылы жасалады⁸¹. Поляктарда ертеде фамилияларға *з* жүрнағы қосылған да, уақыт озған соң ол *з* алмасып, *скі* жалғауына орнын берген. Бұл поляк тіліндегі *скииидің* орыс тіліндегі фамилиялық жүрнақский-ге мағынасы да, формасы да ұқсас.

Түркі тілдеріндегі фамилия жасайтын қосымшалардың жұмсалуы бірдей емес. Өзбек тілінде *-ов, -ев, -ова, -ева, -ин, -ина* жүрнақтарымен қатар, Ғафур Гулам, Хомза Олимжан, Факир Қамал сияқты қосымшасыз түрлері де бар. Азербайжан тілінде *-ов, -ев, -ова, -ева* жүрнақтарымен қатар *оғлы* сезі қосылып, фамилия жасалады. Осы оғлы сезі арқылы жасалған фамилиялар оларда екі жыныска (ер, әйел) бірдей тән.

Қазақ, қыргыз тілдерінде фамилиялардың көрсеткіш жүрнағы *-ов, -ев, -ова, -ева, -ин, -ина* және *ұлы* сездері.

Қазіргі қазақ фамилиялары екі түрлі тұлғада кездеседі. Оның басым көвшілігі орыс тіліндегі фамилиялық жүрнақтар (*-ов, -ев, -ова, -ева, -ин, -ина*) арқылы жасалып, қалыптасқан. Ал екінші түрі *ұлы* сезінің қосылуы арқылы жасалған. Бұл өте өнімсіз тәсіл. Өйткени «ұлы» сезі арқылы жасалған фамилиялар, біріншіден, өте санаулы, тым сирек кездесетін болса, екіншіден, олар формасы жағынан фамилиядан гөрі әке атына бейім тұрады. Сондықтан бұлар «жартылай» фамилия қызметін атқарады.

Қазақ фамилияларының шығып, дамуы және қалыптаса бастауы шын мағынасында Октябрь таңымен байланысты. Бірақ тарих деңгейіне зер салсақ, ерте кездерде де қазақта фамилия нұсқаларының болғанын байқаймыз. Әуел баста бір гана есіммен аталау болса (Сарыбай, Қамбар, Тарғын), кейіннен рулық есім (қара қыпшақ Қобыланды), қазіргі кезде фамилиямен аталау шыққан. Бұндай құбылыс басқа халықтар тарихында да болған екен. Мәселен, римдіктердің бір

⁸⁰ М. В. Бірыла. Беларускія антропанімічныя назвы у іх адносінах да антропанімчых назвау інших славянских моу. Мінск, 1963, стр. 29.

⁸¹ Ю. К. Редъко. Способы образования восточнославянских фамилий. Сб. «Ономастика Поволжья». Ульяновск, 1969, стр. 34.

кезде бір гана есіммен (Ромул), кейіннен екі есіммен (Нума Помпилий), одан соң республиканың бірінші күнінен уш есіммен аталғаны; а) өз аты (Praenomen) көбіне есімінің қысқарған бас әрітерімен аталу (Marcus ornyna — M); б) рұлық есіммен аталу (Homen), бұлайша аталуда әдетте «ius» қосымшасына аяқталатын (Fabius), үшіншісі фамилиямен аталу (Cognomen), яғни семья атымен аталу болған (мысалы: Цицерон, Цезарь т. б.).

Ру атымен аталу ертедегі қазақ өмірінде кеңінен орын алғанын көптеген тарихи материалдар анықтайды.

Жауга аттанып, шабуылға шыққанда ру басының атын айттып, ұран шақырып, атой салу дәстүрі немесе өз атын айтқанда өзі шыққан ру атын қоса айту құбылыстары болған. Мысалы: Қара қыпшақ Қобыланды, Қанжығалы Бөгенбай, Қара керей Қабанбай, Шақшақ Жәнібек, Уақ Баян, Тарақтылы Байқозы батыр, Бәсентиин Малай Сары, Сыргалы Елшібек батыр, Қанжығалы Томаша батыр, Уақ Дербісалы т. б.

Ерте кездегі ұрандар ру, тайпа аттарымен тікелей байланысты болған еді. Ол ұранды қолданған адамдардың белгілі бір тайпа, руларға тәндігін білдіргенін байқаймыз. Сөйтіп, өткен қезде қазақ тайпаларының ұран қолдануы рұлық қоғамнан қалған әдет еді. Бұл жайт Ф. Энгельс айтқан мына пікірмен ұштас, сәйкес келеді. «Әрбір рудың белгілі бір есімдері немесе бірнеше ұқсас есімдері болды, ол есімдермен бүкіл тайпа ішінде сол рудың өзі гана пайдалана алады, ендеше әрбір мүшесінің есімі де оның қай рудың адамы екенін көрсетеді. Рұлық атаулар мен рұлық праволар тығыз байланысты еді»⁸².

Ұран қайдан шыққан, ол нені білдіреді? Бұл сұраптарға жауап берे кету үшін қыры мен сырғы көп ғылыми мәселелерді жан-жақты зерттеу керек сияқты. Бұл біздің міндеттімізге жатпайды да, солай болғанмен де бұған аз да болса тоқтай кетейік. Ұран ру басы, яки сол рудағы әйгілі батыр атынан шығуы хақ. Өйткені қазақ тайпаларының бәрінің ұрандары болған, ол ұрандар ру, тайпа аттары емес, үнемі адам аттарынан

⁸² Ф. Энгельс. Семьяның, жеке меншіктің және мемлекеттің шығуы. Алматы, 1948, 106-бет.

алынып отырган. Мысалы: Қаңлы ұраны — Айрылмас, яки Байтерек. Дулаттардың ұраны — Бахтияр. Жалайыр ұраны — Қоблан, Албан руының ұраны — Райымбек, Суандардың ұраны — Байсуан. Керейлердің ұраны — Ашамай (Үйшібай). Наймандардың жалпы ұраны — Қаптағай, Қаракерей руының ұраны — Қабанбай, Матай руының ұраны — Бөрібай, Арғындардың ұраны — Аманжол, кейіннен Ақжол, Дайырқожа. Қоңыраттардың жалпы ұраны — Алатау. Адайлардың ұраны — Бекет, Тегелен; Шөмекейдің ұраны — Дөйт; таманың ұраны — Қарабура⁸³ т. б.

Егер ұрандар мен рулық атаулар сөз, сөйлем ретінде айтылса, тайпа мен руға тән белгінің бірі — таңба болған. Таңбамен белгілеудің, яғни белгілі бір мал-дүниені таңба арқылы ажыратудың, өз кезінде қоғамдық мәні зор болғаны тарихтан белгілі. Түркі халықтарының таңбаларын салыстыра зерттеуші ғалымдар оның көптеген заңдылықтарын ашып отыр. Әлбетте, мұның бәрі ғылми жолмен әлі де зерттей түсуді қажет ететіні сезсіз. Өйткені бұған дәлел ретінде, орыс тілінде де рулық атаулардың болғанын, оған арналған еңбектердің де жарық көргенін айтсақ та жеткілікті. В. К. Чичагов рулық атаулар мен фамилиялардың айырмасын айта келіп былайша түсіндіреді: «Рулық атаулар екінші бір ру атауларымен ауысады. Ал фамилия барлық ұрпақ-қа тән тұрақты атау болады. Рулық атаулардан лақап отчестволар туып, қайтадан рулық атауға ауысып отыратын болса, фамилияда бұл құбылыс болмайды.

Рулық атаулар -ов формасымен қатар ілік септік-тің -а формасына ие болады. Фамилия әрқашан адам атымен үйлесіп тұрады. Ең соңында, рулық атаулардың фамилияға ауысусы лақапқа ауыспаса ғана іске асады. Фамилияға ауысқан рулық атаулар да тиісті формаларды (-ов, -ин, -ой, -ский, -ово, -ых) қабылдайды⁸⁴. Орта ғасырда өмір сүрген ғалымдар туған жерінің я қаласының атымен аталғанын, яғни ис ми н и с б и д ің көпке дейін фамилия ролін атқарғанын көреміз. Бұл жайт Орта Азия халықтарында және қа-

⁸³ В. В. Востров, М. С. Муканов. Родоплеменной состав и расселение казахов. Алма-Ата, «Наука», стр. 40, 45, 66, 78, 87 и 100.

⁸⁴ В. К. Чичагов. Из истории русских имен, отчеств и фамилий. М., 1959, стр. 110.

зіргі Қазақстан территориясында болған еді. Мысалы: Махмуд Қашқари, Юсуп Баласагуни, Абұнасыр Фарраби, Қадыргали Жалаири, Абуабдулло Рудаки, Шахид Балхи, Алишер Навои, Бируни, Тарагани, Низами т. б. Бұл үлгімен атalu Орта Азия халықтары мен қазақ антропонимиясында қазіргі кезде архаизмді факторге айналып отыр.

Орыс фамилияларының үлгісі негізінде пайда болған қазақ фамилияларының алғашқы нұсқалары XVII—XVIII ғасырларда қолданыла бастайды. Қазақтар арасында фамилияның көбірек тарай бастауы XVIII—XIX ғасырлар болып саналады. Бұл дәуірлерде фамилияларды негізінен үстем тап өкілдері мен қала тұрғындары иемденіп отырған. Ондай фамилиялардың үлгілері түрлі іс қағаздар мен тарихи деректемелерде сақталып қалған. Мысалы: Тәңірберген Айбасов, Шанбай Сегізбаев, Тіленші батыр Бұқанбаев, Қаратай Нұралиев, Старшина Тұрлыбай Иманқұлов, Жұмабай Мәмбетов⁸⁵.

Тұңғыш ғалымдарымыз бер ақын-жазушы, композиторларымыздың фамилия иемденгенін, олардың орыс фамилиясының үлгісімен жасалып отырғанын байқаймыз. Мысалы: Шоқан Шыңғысұлы Уәлиханов, Ұбырай Алтынсарин, Абай Құнанбаев, Дәuletкерей Шығаев, Құрманғазы Сагырбаев, Біржан сал Қожағұлов, Мұхит Мералиев, Балуан Шолак Нұрмағамбет Баймурзин. Жаяу-Мұса Байжанов, Ақансері Қорамсин, Естай Беркімбаев т. б.

Фамилияның шығуы әрбір халықтың саяси-қоғамдық дамуымен, әлеуметтік, тұрмыстық жағдайының қалыптасып, азаматтық право алудымен тікелей байланысты. Қазақта фамилияны кеңінен қолдану тек Ұлы Октябрь революциясынан соң толық іске асты. Елімізде Совет өкіметі орнап, саяси билік, ел басқару жұмышылар мен шаруалар қолына тиген соң Совет Одағының азаматы деген ардақты атқа ие болып, азаматтық паспорт алудың байланысты фамилиялар берік қалыптаса бастады. Қазіргі қазақ антропонимикасында фамилиялар: атасының атынан, немесе әкесінің атынан жасалады. Орыс тіліндегі фамилияның жасалу

⁸⁵ Материалы по истории Казахской ССР, т. IV. М.—Л., 1941, стр. 73—87.

принципіне қарасақ: «Фамилия — это наследственное семейное наименование» деп білеміз. Ал әке аты тек патронимия ретінде жұмсалу керек. Солай болғанмен де қазіргі қазақ антропонимиясында фамилия әке атынан да, ата атынан да жасалып жүр.

Қазақ ССР-ында азаматтық өмір өзгерістерді тіркеу тәртібі туралы Нұсқауда фамилиялар мен әке аттарын тіркеу, жазу ережелері көрсетілген. Фамилия беру, оларды өзгерту жай құбылыс емес, мемлекеттік маңызы бар мәселе. Тұғандардың аттары мен фамилияларын жазу туралы нұсқауда: «Баланың фамилиясы ата-аналарының фамилиялары әр түрлі болса, баланың фамилиясы ата-аналарының келісімі бойынша жазылады. Ата-ана келісімге келмесе, баланың фамилиясын опека және қамқорлық ету орындары тағайындаиды. Әкесінің атын немесе туысқандарының біреуінің атын балаларға фамилия етіп беруге тыйым салынады»⁸⁶, — дедінген.

Фамилиялар мен адам аттарын дұрыс жазып, түрлі документтерде қатесіз толтыруды социалистік заңдылық қатаң бақылайды. Егер адам өз аты мен фамилиясын ұнатпай, басқа фамилия алғып, өзгерктің келсе, бұл да заң жолымен іске асады⁸⁷. Алайда жаңа тұған сәбілерге ат және фамилия беруде жоғарыда белгіленген тәртіпті бұзушылық жиі кездесіп отырады. Тіпті бір адамнан тұған балалардың бірі ата құған фамилиямен жазылса, енді бірі әкесінің атын фамилия етіп жазған немесе жақын тұғандарының атын фамилия ету фактілері кездеседі. Осындай жағдайды ескере стырып, Қазақ ССР Министрлер Советі 1954 жылы 27 марта № 156 қаулы қабылдады. Қаулыда: 1) Еңбекшілер депутаттарының көптеген ауылдық, селолық және поселкелік Советтерінде жаңа тұған сәбілерге фамилия беруде заң бойынша белгіленген тәртіпті бұзушылық болып келгендігі атап көрсетілсін. Сәбілерді тіркегенде, оларға ата қуып келе жатқан фамилиясын берудің орына, көбіне әкесінің аты фамилия етіп беріліп келген. Сонымен қатар сәбілерді тіркеткенде, оларға тіпті

⁸⁶ Қазақ ССР-ында азаматтық өмір өзгерістерді тіркеу тәртібі туралы Нұсқау. Алматы, 1959, 6-бет.

⁸⁷ Бұл да сонда, 22—23-беттер.

кез келген фамилияны бере салатын жағдайлар да бар, соның салдарынан бір ата-анадан туған балалар әр түрлі фамилияда болуы, ал бұл неке, семья және опека туралы РСФСР заңдар кодексінің 34-статьясына қайшы келеді; 2) Сәбілерге фамилия беру ісінде болып келген кемшіліктерді жою және неке, семья опека туралы РСФСР заңдар кодексінің 34-статьясында белгіленген, жаңа туған сәбілерге фамилия берудің тәртібін қатал сақтауды қамтамасыз ету еңбекшілер депутаты облыстық, қалалық, аудандық, ауылдық, селолық және поселекелік Советтердің атқару комитеттеріне міндеттелсін»⁸⁸, — делінген. Бұл тәртіп, әрине қазіргі қазақ антропонимикасында толық қалыптасты деп айта алмаймыз. Оған дәлел, біріншіден, ата қуған фамилияны иемдену әлі де аз болса, екіншіден, әке атын фамилия ету жағы басым болып отыр. Бірақ бұлардың бәрі де орыс тіліндегі фамилиялық жүрнақтар: -ов, -ев, -ова, -ева, -ин, -ина арқылы жасалады. Экесінің атын фамилия ретінде қолдану өсіресе колхоз, совхоз еңбеккерлерінде көп кездеседі. Сондай-ақ әке атын иемдену интелигенция мен оқымыстылар арасында да қолданылатынын байқау қыын емес. Дегенмен толық аты-жөні мен фамилияны қолдануда белгілі бір жүйе бары байқалады. Бұл дәстүрлі жүйе бойынша мынадай схема қолданылады: *D — C — Y**. Мысалы: Бигелдинов Талгат Жақыпбекұлы, Бәйкенов Мұқаметжан Ахметұлы, Жұмағалиев Қабжан Сұлтанұлы, Асқаров Мұрат Хамзаұлы, Бимендін Әмір Мұстафаұлы, Әлімбаев Нұрсихан Ахметұлы, Тәжіманова Құбыра Даулетқызы, Исабекова Шолпан Қасымбекқызы, Есмагамбетова Шара Әбенқызы, Жантөрина Айымбібі Латифқызы, Досбаева Рахила Қалдыбайқызы т. б.

Әке атын әрі фамилия, әрі патронимия (отчество) ретінде қолдану аса көп болмағанмен кездесіп отырады. Мұның негізгі себебі әке атын (отчество) иемденуден туған жайт болса керек. Мысалы: Ахметова Мәдіна Ахметқызы, Сұлейменов Мұхит Сұлейменұлы, Рамазанов Сержан Рамазанұлы, Мұсабаев Халық Мұсабайұлы, Мәдиева Дария Мәдиқызы.

⁸⁸ Бұл да сонда. 121-бет.

* *D* — атасының аты, *C* — ез есімі, *Y* — экесінің аты (бұл шартты таңба).

Қазақ антропонимиясындагы фамилиялардың жүйесін, системалық күйін байқау мақсатымен баспаса з беттерінен жиналған 500 фамилияны талдағанымызда, мынадай жағдайды байқадық. Оны төмендегі схема арқылы көрсетуді жөн көрдік.

Талданған фамилия- лар	Фамилия, ез атын қолдану	Фамилия патро- ним және езатын қолдану	Әкесінің атын фамилия ретінде қолдану, ез аты және әке атын қол.			
Саны	Саны	%	Саны	%	Саны	%
500	139	27,8	319	63,8	42	8,4

Бұл көрсетілген схемага қарағанда әке атын фамилия ретінде пайдалану әлі де басым болса, ата қуа фамилияға иемдену — сан жағынан төмен. Демек, бұдан қазақ фамилияларының әлі толық қалыптасып бітпегенін, даму үстінде екенін көреміз.

Фамилиялардың жасалуы, олардың структуралық типтері қоңіл аударарлық мәселенің бірінен саналады. Орыс фамилияларының структуралық типтерін зерттеген ғалым Л. М. Щетинин олардың ішінде дара, туынды, біріккен және құрделі немесе қосарлы фамилиялардың барын көрсетіп, жіктеп берген еді⁸⁹.

Қазақ фамилияларының структуралық типтерінде қосарлы (Мыс., Галкина-Федарук, Мамин-Сибиряк сияқты) фамилиялардан басқа түрлері бар. Бірақ, біздегі фамилиялардың антропонимдік жұрнақтары орыс тіліндегідей көп салалы емес. Сондықтан да олардың антропонимдік жұрнаққа сай жасалу жолын талдай алмаймыз, тек мағыналық тұргыдан топтастырып, класификация жасауға болады. Сонда, олардың құрамында: көне түркі, араб-иран, монгол тілдерінің ізі барлығы байқалады. Мәселен, көне түрік элементтеріне тән: Шығаев, Қожықов, Боданов, Тәңірбергенов, Бекеев, Абланов, Дарханбаев, Даирбай, Омашов, Шоңбаев, Оразов, Мұхамбетов, Жұсіпов, Ноянбаев, Сайынов т. б.

⁸⁹ Л. М. Щетинин. Имена и названия. Ростов-на-Дону, изд-во Ростовского университета, 1958, стр. 104—106.

Бір кезде кісі аты болған, кейіннен фамилия болып қалыптасып кеткен, қазір антропоним ретінде кездес-пейтін «құлқілі фамилиялар»: Саптақов, Тырбиев, Айырбаева, Келекеев, Байпақбаев, Шұлгаубаев, Жаманов, Үшкемпіров т. б. фамилиялардың жасалу жолдарын, лексикалық құрамын талдау әлі де зерттей түсетін соны мәселе. Сондықтан ондайларды фамилияның дамып, қалыптасуымен байланыстыра жан-жақты қарастыру, ғылми жүйемен зерттеу келешектің міндеті саналады.

Сейтіп, қазіргі қазақ фамилиясы өзінің даму барысында заңды түрде ата қуалай берілуі керек. Олар баладан-балаға, ұрпақтан-ұрпаққа тараپ отырмак.

6. Араб-иран тілдерінен енген есімдер.

Қандай халық, ел болмасын оның сөздік қоры көп-теген ғасырдың тарихи жемісі болып саналады. Олардың құрамында төл сөздермен қатар, екінші бір тілдерден сөз қабылдау қазақ тілінде де бар жайт. Тіліміздегі араб-иран элементтері олардың пайда болу, сіңу жолдары біраз еңбектерде айтылған⁹⁰. Алайда олардың фонетика-морфологиялық құбылыстары (варьирование) мен лингвистикалық заңдылықтары жөнінде әлі күнге жүйелі толық зерттеулер жоқ. Ол тілдерден енген сөздердің лексикалық құрамының, әсіресе этимологиясының талданбау салдарынан туып жүрген талас пікірлер мұнның толық айғағы бола алады. Араб-иран тілдерінен енген лексикалар, біріншіден, бастапқы формасынан айрылып, өзгеріске үшырап отырса, екіншіден,

⁹⁰ Н. И. Ильминский. Вступительное чтение в курс турецко-татарского языка. Ученые записки Казанского университета, т. III. Казань, 1861, стр. 60—176; С. Талжанов. К вопросу о влиянии персидского языка на казахский. Лингвистический сборник, вып. 2. Алма-Ата, 1936, стр. 32—41; Г. Г. Мусабаев. Современный казахский язык (лексика). Алма-Ата, 1959, стр. 55—57; Н. Сабитов. Об арабских и иранских заимствованиях в казахском языке. Алма-Ата, 1944; А. Курышжанов. Арабо-персидские элементы в куманском языке. Сб. «Вопросы истории и диалектологии казахского языка». Алма-Ата, 1962, стр. 215; Л. Рустемов. Арабо-иранские заимствования в казахском языке. Автореф. канд. дисс., Алма-Ата, 1963.

семантикалық бірлігін жоғалтып ауыспалы мағынаға ие болып отыр. Мінеки, бұл мәселелер әрі лингвистикалық, әрі тарихи семантикалық тұрғыдан мұқият зерттеуді қажет етеді.

Қазақ антропонимдері сөздік қордың белшегі болып есептеледі. Өйткені олар тілдегі жалпы есім сөздерден жасалады. Олардың құрамында араб-иран тілдерінен енген есімдер едәуір мол.

Әрбір тілдің құрамындағы шетелдер есімдерінің адаптациялары (бейімделу) қабылдаған тілге икемде-луі заңды құбылыс. Адаптация құбылысы орыс тілінің антропонимдері фактілерінен де көлтеп кездеседі. Россияға Христианның Х ғасырда тарауымен байланысты. Византия шіркеулері «Хасиеттілерінің» аттары бірнеше варианты қабатта болып келгенін байқаймыз. Бұл құбылысты В. А. Никонов өз еңбегінде тамаша баяндап берді⁹¹. Орыс тіліне шет тілден енген сөздер, есімдер, тікелей келмей, екінші, яки үшінші бір тіл арқылы ауысып отырғаны мәлім. Мәселен, еврей, латын есімдері алдымен гректерге еніп, одан кейін гректенген қалпымен орыс тіліне енген. Ал латын есімдері орыстарға римдерден емес, Византиядан келген. Бұл дәлелдерге қарағанда, тіліміздегі көне еврей, арамей есімдері арабтардан Орта Азиядагы тәжік, өзбек, татар тілдеріне еніп, олардан бізге келіп жеткен.

Басқа тілден ауысып адаптацияға туksen сөз немесе есімдер семантикалық, морфологиялық, көбіне, фонетикалық өзгеріске ұшырап отырады. Бұл жөнінде белорусс антропонимиясының сөздігін жасаған М. Р. Судник пікірі өте орынды. «Теперь не каждому легко уяснить себе, что русское имя Иван, польское Ян, армянское Аванес, грузинское Вано, финское Юхан, немецкое Ганс, французское Жан, английское Джон происходит из очень непохожего на них древнееврейского имени Иоханаан»⁹². В. А. Никонов бұлардың қатарына итальяндық Джованни, испандық Хуан, португальдық Жоан т. б. есімдерді жатқызады.

Адаптация құбылысы туыстас түркі халықтары есімдерінде де жиі кездесетінін, яғни ол тілдердің ике-

⁹¹ В. А. Никонов. Русская адаптация иноязычных имен. Сб. «Ономастика». М., «Наука», 1969, стр. 56.

⁹² М. Р. Судник. Слоунік асабовых уласных імен. Мінск, 1965, стр. 5, (ссылка у В. А. Никонова).

міне қарай кірме есімдердің бейімделіп отыратынын керуге болады. Мысалы: азербайжан тілінде Али, қырғызда Алы, қазақта Әли, Әлі, Ғали; өзбек, азербайжан тілдерінде Осман, Усман, қазақта Оспан, Құспан; татар, кавказ халықтарында Фатима, қазақ, қырғыз, қарақалпақта Бәтиме, Батима, Патыма, Фатима т. б. Олай болса, есімдердің ену заңдылықтарын, олардың ауысуында өзгерістер болуын зерттеудің мәні аса зор.

Араб-иран және түркі халықтарының тілдік қарым-қатысы, өзара байланыс мәселелері ерте кезден-ақ ғалымдар назарынан орын алған, бірақ толық шешімін таппай келе жатқан үлкен проблемалардың бірі. Н. К. Дмитриев «Башқұрт тіліндегі араб элементтері» атты мақаласында араб элементі жаңа түркі тілдерінің көбінің дамуына әсер етіп, ықпал жасағанын айта келіп: «...Если по ходу истории арабский язык не может быть уподоблен латинскому, на основе которого развились романские языки, то вполне можно сказать, что для некоторых турецких (туркских) языков арабская основа явилась не менее органической, чем например, романская основа в образовании ново-английского языка»⁹³, — дейді. Алайда, араб тілінің ықпалы түркі тілдерінің бәріне бірдей, бір дәрежеде болмаған. Азербайжан, өзбек, татар тілдеріндегі арабизм сан жағынан көбірек және ерте қабылданған болса, шығыс аймақтағы қазақ, қырғыз т. б. түркі тілдеріндегі арабизм саны аз болған және кейінірек сол азербайжан, өзбек, татар, тілдері арқылы келіп жеткен. Бұл тілдер араб-ираннан енген сөздерді формасы мен мағыналық (семантикалық) бірлігін сақтай отырып, бастапқы қалпында қабылдаса, соңғы топтағы тілдерде бұл құбылыс керісінше болған. Бұның басты да негізгі себебі, ислам Алдыңғы және Орта Азиядағы (Қырым, Поволжье) түркі халықтарына бұрын жетіп, тез дамыған еді. В. В. Виноградов 1959 ж. Москвада өткен Бүкілодақтық терминологиялық мәжілісте араб тілінің Орта Азия халықтарына тигізген ықпалын былайша сипаттайды: «Арабский язык издавна был носителем арабской культуры среди других иранских, тюркских, отчасти афри-

⁹³ Н. К. Дмитриев. Арабские элементы в башкирском языке. «Записки коллегии востоковедов», т. V. М., 1930, стр. 19.

канских народов. Вот почему в настоящее время огромное количество исконно арабских слов является «общими» для турецкого, персидского, казахского языков, в меньшей степени — для языков урду, хинди, в Африке — для языков банту»⁹⁴.

XVIII ғасыр мен XIX ғасырдың аяғында тілімізде араб тілінен сөз алу ерекше дамыды. Бұл жай F. Мұсабаев еңбегінде айқын көрсетілген. Ғалым өзінің зерттеу жұмыстарының бірінде араб-иран тілдерінен енген сөздердің тарихы мен аудысу кезеңдеріне талдау жасай отырып, оларды бірнеше дәуірге бөледі де, басты себептерін көрсетеді. «Тілімізге енген араб-парсы сөздері батыста — татар, шығыста — өзбек, тәжік тілдері арқылы келді»⁹⁵, — деп тұжырымдайды.

L. Рустемов еңбегінде араб-ираннан аудысып келген сөздер жөнінде мағлұматтар мол. Араб-иран тілдерінен енген сөздердің актив сөздігіміздегі жалпы қолданысы 15 % екенін анықтады.

Ол араб-иран сөздерінің тілімізге ену кезеңін үлкен екі дәуірге бөліп қарайды. «Бірінші дәуір — XV ғасырға дейін, яғни қазақ халқының қалыптасуына дейін болса, екінші дәуір — XV ғасырдан Октябрь социалистік революциясына дейінгі дәуір»⁹⁶, — деп бөледі. Элбетте, араб-иран сөздері тілімізге бір мезгіл, бір дәуірде келіп жетпеген. Олай болса, олардың әр түрлі әлеуметтік қоғамның ыңғайына қарай енуі заңды да. Сондықтан араб-иран сөздерінің тілімізге келу, қалыптасуының қоғам тарихының даму, аудысу кезеңдерімен байланыстыра қарау керек. Бұл көрсетіліп отырған еңбектерде араб-иран тілдерінен еніп, қабылданған есімдер туралы пікірлер жоқ емес. Тіліміздегі араб-иран сөздерінен жасалған кісі аттары құрамының әр алуан екенін көреміз.

Қарапайым халықтың сөздерден жасалған есімдер: Қамар «ай», Шамсия «құн», Жамал «сұлулық», Раушан «көрік, ажар», Бақыт «құт, ырыс», Мұрат «мақсат, арман, тілек», Хамит «мақталған», Зура «шолпан», Нәзипа «таза» т. б.

⁹⁴ В. В. Виноградов. Вступительное слово. В сб. «Вопросы терминологии». М., 1961, стр. 85.

⁹⁵ Г. Г. Мусабаев. Современный казахский язык (лексика). Алма-Ата, 1959, стр. 55.

⁹⁶ Л. Рустемов. Көрсетілген еңбек, 4-бет.

Араб-иран тілдерінің түркі тілдеріне өсіреле ортағасырда мықтап әсер еткені анық байқалады. Бұл XIV ғасырга тән кумандардың жазба ескерткіші «Кодекс Куманикустен» анық көрінеді. Ескерткіште жүздеген араб-иран сөздері мен кісі аттары (антропонимдер) кездеседі. Ол жөнінде Ю. Клапрот, В. В. Радлов, К. Гренбек өз зерттеулерінде арнайы тоқталып, белгілі дәрежеде пікірлер айтқан-ды.

Сондай-ақ бұл мәселені зерттеген Э. Құрышжанов көлтеген нақтылы материалдарға сүйене отырып, араб және парсы лексикалық топтарының шегін ажыратқан. Э. Құрышжанов зерттеуінде лексикалық топтардың салыстырмалы семантикасын талдаумен ғана шектелмей, фонетикалық өзгерістердің заңы мен сырны ашқан⁹⁷.

Қысқасы, Э. Құрышжанов мақаласында араб-парсы элементтерінің ескерткіштегі нұсқалары мен жұмсалу қызметі жайынан толық мағлұмат береді. Ескерткіште бар, талданып отырған лексикалық топтар түркі тілдерінің көбінде кездеседі. Өсіреле жалқы есімдердің (топоним мен антропоним) формалары мен нұсқалары жалпы түркі тілдеріне ортақ екенін көреміз.

Антропонимдер құрамындағы араб және иран тілдерінен енген топтардың сан жағынан көбі — араб есімдері. Иран тілінен енген есімдер араб тілінен енген антропонимдермен (есімдер) салыстыра қараганда тым аз. Бірақ иран тілінен енген есімдер жас шамасына қараганда араб тілінен енген есімдерден көнерек. Өйткені түркі тілдеріне иранизмнің ертеде енгені тарихтан белгілі⁹⁸. Осы пікірді 30 жылдары профессор С. Асфендияров та қолдаган: «В современном казахском языке наблюдается наиболее большого количества персидских слов, совершенно ассимилировавшихся и, по-видимому, проникших в язык в очень далекое время»⁹⁹.

Түркі халықтары ерте заманнан-ақ иран тұқымдас халықтармен (согдилар, тохарлар) тығыз қарым-қаты-

⁹⁷ А. Құрышжанов. Арабо-персидские элементы в куманском языке. Сб. «Вопросы истории и диалектологии казахского языка», Алма-Ата, 1962, стр. 157—215.

⁹⁸ «Қазақ ССР тарихы», I т. Алматы, 1957, 40, 46, 58-беттер.

⁹⁹ Р. Сыздыков. Абай шығармаларының тілі. Алматы, «Ғылым», 1968, 75-бет.

нас, мәдени байланыс жасағанын тарихшылар мен лингвистер де айтқан болатын¹⁰⁰.

Түркі тілдеріндегі араб-иран тілдерінен енген сөздер тарихын зерттеген Н. К. Дмитриев, Ә. Құрышжанов, Л. Рустемов олардың фонетикалық құбылыштары мен өзгерістеріне ерекше назар аударды. Бұл өте қажет те, орынды мәселе еді. Араб тілінен енген сөздер мен кісі аттары тіліміздің заңына сай алуан түрлі фонетикалық өзгеріске ұшырап отырды.

Араб-иран тілдерінен енген есімдердің аббревиатура, ассимиляция, диссимилияция, аккомодация, апокопа, гаплология жолдарымен субституцияға түсетінін байқау қыын емес. Екі я үш компоненттерден жасалған кісі аттарының бастапқы немесе соңғы компонентінің түсіп қалып (апокопа) өзгеруі де жиі кездеседі. Мысалы: Сәду (Сәдуақас), Сейіт (Сейітбаттал), Әсет (Әсетолла) т. б. Бұл өзгерісті аббревиатураға да жатқызуға болады. Қурделі тұлғалы есімдердің арасындағы дыбыстардың, яки буындардың түсіп қалуынан гаплологиялық өзгерістерге ұшырайды. Мысалы: Рашид (Рашид-уд-дин), Мәдназар (Мамет-назар), Шайхы (Шайх-ул-ислам), Нәсірден (Наср-ид-дин) т.б.

Дыбыстық өзгеріске ұшырау өсіреле жергілікті халық говорларындағы есімдерде басым болады. Оңтүстік Қазақстан тұрғындарының тілінде билабиаль б және мұрын жолды сонар м орнына қатаң п әрпін қолдану жиі ұшырайды. Онда Мақтагұл орнына Пахтагұл, Болат орнына Полат, Бәсен орнына Пәсен деу бар. Әдеби тілдегі еріндік ү дыбысы айтылатын орындарда қысаң ы дыбысын алмастыру өсіреле Шығыс Қазақстан тұрғындары тілдерінде жиірек. Мысалы: Мықа, Мырат, Мысатай (Мұқа, Мұрат, Мұсатай).

Kісі аттарына тән дыбыстық өзгерістердің көбі сш, сз, кг дыбыстарының алмасуларымен байланысты кездесіп отырады. Мысалы: Жанпейіс||Жанпейіз, Эбілпейіз||Әбілпейіс, Гұлсім||Кұлсім, Гұлтай||Кұлтай, Гұлжамал||Кұлжамал т. б. Араб-иран тілдерінен енгендердің халықтық этимологияға түсүі өсіреле диалектілік ерекшелікке байланысты түрлі варианта айтылуы көп

¹⁰⁰ И. А. Батманов. Краткое введение в изучение киргизского языка. Фрунзе, 1947, стр. 28—30; А. Н. Бернштам. Проблемы древней истории и этногенеза Южного Казахстана, «Известия АН КазССР», серия археологическая, вып. 2, 1949, № 7.

ұшырайды (Гали, Қали, Әлі; Жұніс, Жұныс; Жүсіп, Жұсып; Дұсіп, Тұсіп; Бәтима, Патима, Фатима; Айша, Ғайша, Қайша). Көптеген есімдер тілімізге бейім болмағандықтан, формантының бірі айтылмай, әдейі түсіріліп отырады (Үмігүлсім — Гұлсім, Бейсенғали — Бейсен, Ахметолла — Ахмет).

Дұрыс айтпау немесе қате жазудың салдарынан фонетикалық вариантар мен дублеттер және жарыса қолданушылық пайда болған (Ыңдырыс, Едіріс; Жәнпейис, Жампейис, Жанпейис). Олардың кейбіреулері қазақ тілінің әуеніне қарай қысқартылып немесе дыбыс, буындары түсіп қалып айтылатын болған (Зейналадин — Зейнел, Рашигаддин — Рашит, Құлбанарам — Құлпаш, Бәдігүлжамал — Бәдеш). Күрделі тұлғалы ұш компонентті есімдер құрамында келгенде Мұхамбет есімінен қысқара келе тек *м* әрпі ғана сақталатынын көреміз (Қазымұхамбет — Қазымбек, Нармұхамбет — Нарымбек, Пірмұхамбет — Пірімқұл).

Күрделі тұлғалы араб есімдерінің орта буынындағы қосар дауыссыздар біздің тілімізге енгенде түсіп қалып отырган (Раззак — Разак, Мұхаммади — Мұхаммәди, Абдурассұл — Әбдірасіл, Абдусаттор — Әбдісаттар, Абдуллқарим — Әбдікәрім). Араб-иран тілдерінен енген сөздердің фонетикалық өзгеріске ұшырауы жайында тұңғыш рет мәселе көтерген ғалым Н. К. Дмитриев еді¹⁰¹. Ол араб-башқұр тілдерінің фонетикалық сәйкестіктерін көрсете отырып, көптеген кісі аттарын талдады. Түркі тілдеріндегі араб-парсы сөздерінің фонетикалық өзгерістерін талдаған еңбектер бұдан кейін де жазылды. Ә. Құрышжанов куман тіліндегі араб-парсы сөздерінің фонетикалық өзгеріске ұшырауын талдай отырып, түркі тілдерінде адекваты жоқ дыбыстардың ғана өзгеріске ұшырайтынын көрсетеді¹⁰². Л. Рустемов араб сөздерінің фонетикалық өзгерістерін айтады да, иран тілінен енген сөздердің өзгеріске ұшырауын аса көп сөз етпейді¹⁰³.

Сондықтан араб-иран тілдерінен енген сөздер мен

¹⁰¹ Н. К. Дмитриев. Арабские элементы.... стр. 125.

¹⁰² А. Құрышжанов. Көрсетілген еңбектің 161—162-беттері.

¹⁰³ Л. Рустемов. Арабско-иранские заимствования в казахском языке. Автореф. канд. дисс., Алма-Ата, 1963, стр. 13—16.

кісі аттарының фонетикалық сәйкестігіне жеке тоқтай кету қажет сияқты.

Иран тіліндегі дауысты және кейбір дауыссыз дыбыстар қазақ тіліндегі сәйкес дыбыстармен алмасатыны байқалады.

Иран-тәжік тілдеріндегі еріндік о дыбысы қазақ тіліндегі ашық дауысты езулік *a*, ә дыбыстарымен алмасады. Мысалы: тәжікше Достон, Мирзо, Мардон, Зебо, Анор, Шохназар, Озот — қазақ тілінде дыбысталғанда Дастан, Мырза, Зиба, Анар, Шахназар, Мардан, Азат тұлғаларына аудысады. Артқы қатарлы *a* дауысты дыбысы қазақ тіліндегі алдыңғы қатарлы езулік ә және *e* дыбыстарымен алмасады. Бұл құбылыс көбіне біріккен тұлғалы кісі аттарында жиі ұшырайды. Бұндаі алмасулар түркі тілдерінің біразына, башқұрт, татар, өзбек, азербайжан тілдеріне тән, ортақ қасиет¹⁰⁴. Мысалы: Иран-тәжік тілдерінде Анвар, Дарманд, Лайло — қазақ тілінде Энуар, Дәрмен, Ләйла түрлерінде айтылып, *a||ә* дыбыстарына аудысады. Араб тіліндегі Қамал, Жамила, Жалила — қазақ тілінде Қемал, Жәмила, Жәлила түрлерінде айтылады. Араб тіліндегі Мадат — қазақта Медет, иран тілінде Пари — қазақта Перізат болып өзгереді. Мұнда *a* еріндік *e* дыбысымен алмасып тұр.

Араб тіліндегі қысқа дауысты *o* қазақ тіліндегі еріндік *ө*, *о*, *ү* дауыстыларымен алмаса алады немесе сәйкес келеді. Мысалы: ар. عمر bізде өмір; Өміржан, Өміртай, محمد бізде Мұхамбет, Мақамбет. ир. حُمَدَى bізде Құдай: Құдайберген, Құдайберді т. б.

Араб-иран тілдеріндегі созылыңқы дауысты *u* орнына қазақ тіліндегі *i*, *ы*, *ү* қысаң дауыстылары сәйкесседі. Мысалы: иран тіліндегі Шоди, Пирали, Мирзо — қазақ тілінің дыбысталуына сәйкес Шәді, Пірәлі, Мырза болып айтылады да, таңбаланады. Ал араб тіліндегі آبدي bізде Әбді, غلیم bізде Әлім, Ғалым; Әмір, عزیز — Ғазиз, Әзіз түрлерінде таңбаланып жүр.

Созылыңқы дауысты *u* орнына қазақ фонемалары *ы*, *ү*, *о* сәйкес келеді. Мысалы: هارون bізде Арон,

¹⁰⁴ Н. К. Дмитриев. Көрсетілген еңбек, 127-бет.; К. Юспова. Языковые взаимоотношения узбекского и таджикского народов. Автореф. канд. дисс., Ташкент, 1957 и др.

بوبينا الغازو قبول بىزде Әлғазы, بىزде Қабыл بىزде بۇ بىنا گول بىزде гүл (Гүлжан, Гүлжамал, Нұргүл, Айгүл сияқты біріккен тұлғалы кісі аттарының компонентінде келеді). يوسيب بىزде Жұсіп, Нұсіп, Тұсіп, Дұсіп يونيیس بىزде таңбалануы Жұніс, Жұныс, روسنیس بىزде-гі айтылып, таңбалануы Рұстем т. б.

Араб-иран тілдеріндегі *a* дауысты дыбысы көптеген кісі аттарында, өзінің бастапқы қалпында өзгермей қалғаны байқалады. Мысалы: Азамат, Ақат, Алмас, Арзу, Асқат, Аршат т. б.

Дауыссыз дыбыстар жүйесінің аудисуы жайлыш Н. К. Дмитриевтің пікірі бірден-бір дұрыс, ғылыми шындықта жатады. Өзінің «Башқұрт тіліндегі араб элементтері» деген мақаласында араб-башқұрт тілдері фонемаларының сәйкестігін дәлелдегендеге мысалға көптеген кісі аттарын көлтіреді. Біздер, ол пікірлерді қайталамай, тек айтылмай қалған дыбыстарды салыстыруға тырыстық. Н. К. Дмитриев араб тіліндегі *غ* фонемасы түркі тілдерінде жоқ екенін айтқан еді¹⁰⁵. Бізде *غ* фонемасы сөз басында аз, ал сөз соңында мүлде кездеспейтінін ескерте келіп, И. Кеңесбаев *غ*-дан басталатын сөздер түгелдей күн шығыс тілдерінен аудисқанын айтады¹⁰⁶. Бұл *'айн* орнына кей реттерде қазақ тіліндегі *غ* фонемасының айтылатынын Н. К. Дмитриев, Л. Рұстемов еңбектерінен де көреміз. Мысалы: فالي<ар. على; فانيا<ар. غلبيا; Ғұмар<ар. عمر ساقات<ар. ساعت; Ғариф<ар. عازف فیضات<ар. عزت т. б.

Кейде *غ* фонемасы түсіп қалып та айтыла береді. Мысалы: Әбдірахман, Әбдігали, Әбдіманап; Әли, Әлима, Әлия т. б. Тіс дауыссызы қатаң с және тіл алды қатаң *ش* араб тіліндегі *s*, *ش* дыбыстарына сәйкес келеді. Мысалы: سابار سليمان, Сапар<ар. ساپار. Қатарынан дауыссызы қатаң *ف* қазақтың *б* және *p* фонемаларымен сәйкеседі. Мысалы: Батима, Патима<ар. فاتیما. Бұхара<ар. فوقارا; Пақыр<ар. فقیر; Пазыл<ар. فازل т. б.

Сондай-ақ арабтың *ك*, т әріптерін қазақ тілінің *ک*, т

¹⁰⁵ Н. К. Дмитриев. Көрсетілген еңбек, 127-бет.

¹⁰⁶ И. Кеңесбаев, Ф. Мұсабаев. Қазіргі қазақ тілі. Алматы, 1962, 260-бет.

әріптері толық таңбалап бере алады. Мысалы: *مُرَاتٌ* — *Азамат* *أَزَامَاتٌ* ар. *ماڪٽ* *مَاڪِّـٰتٌ* т. б.

Тандай арты қатаң *х* көбіне құралғанда әрпіне ауысса, кейде бастапқы қалпында қолданылады. Мысалы: Құсайын араб тілінде Ҳұсайын; Қасен араб тілінде кейде Хасен, Ҳасан т. б.

Арабтың комбинаторлық тіркес дыбыстары $d+d$ қазақ тілінде қатаң *t* фонемасына ауысады. Мысалы: *فَایْنَدِین*, *زَایْنَدِین*, *هُرَيْتِین* т. б.

Араб сөздерінің соңындағы үяң фонема *ð* түркі тілдерінің көбінде қатаң *t* фонемасына ауысып кеткенін байқаймыз. Бұл пікірдің Н. К. Дмитриев, Л. Рустемов, Ә. Құрышжановтар макалаларында және олардан бұрынғы авторларда да барын көреміз. Мысалы: *مُخَامَبَةٌ* *مَوْلَعٌ*, *مَحْمُوتٌ* *مَوْلَعٌ*, *بَولَاتٌ* *مَوْلَعٌ* *مَادَادٌ* т. б. Араб-иран және қазақ тілдеріндегі фонетикалық ауысу мен сәйкестіктің бұдан да басқа түрлері болуы ықтимал.

Олар кірме антропонимдердің қабылдаушы тілдің заңына лайық жасалуымен байланысты болады. Ана тілінде еркелету, құрметтеу, сыйлау жүрнақтарын кісі аттарына қоса айту арқылы жаңа мағыналы есімдер жасалып отырады. Мұндай жағдайда бастапқы тұлғадағы есімдердің бас буыны немесе басқа әріптері ғана сақталып қалады. Мысалы: *مُختَار* — *Мұқта*, *سَبِيت* — *Сәке*, *قَانِش* — *Қанеке*, *قَاجِيم* — *Қажеке*; *فَاتِيْمَة* — *Бәке*, *سَدِعَاقَاس* — *Сәке* т. б.

Араб-иран тілдерінен енген сөздер лексикалық құрамы жағынан әр түрлі ұғымды білдіреді. Оларды семантикалық класификация түрғысынан қарасақ, дін мен дін иелерінің атынан, шаруашылықтың әр түрлі атауынан, астрономиялық атаулардан т. б. жасалған-дығын байқаймыз. Араб-иран тілдерінен енген және жалпы есім сөздерден жасалған кісі аттарын төмендеғіше беруді мақұл көрдік.

Абдолла||Абдулла||Әбділда||Әбілда ар.* 1) ‘құдай-дың, алланың құлы’. *فَابْدٌ* — ‘құл’ және *الْلَّا* ‘алда, алла’. Абзал ар. ‘жоғары бағалы’. Абубәкір||Аубәкір||*إِبْرَهِيمٌ* ар. ‘қыздар әкесі’. Абыз ар. 1) ‘ғалым, білімді; құтуші, сақтаушы; 2) құранды жатқа білуші

* Бұдан былай араб, иран, тәжік деген сөздерді қысқартып шартты турде ар., ир., тәж. деп береміз.

адам'. Ағзам ар. 'ең ұлы, ең биік'; Ағила||Ақылия ир. оқил — 'данышпан'. Азamat ар. 1) 'ұлкен, зор; 2) мактаулы'. Азат ир. Озод -- 'еркін, ерікті'. Айша||Ғайша|| Қайша ар. Ақат ар. 'жалғыз, бір жалқы'. Ақырап ар. 'шаян, Октябрь айына сәйкес зодиак белгісі'. Аллажар|| ғайса ар. 'құданың жары, досы'. Алмас ар. 'өткір, кесіп түсетін асыл болаг'. Алуа ар. 'тәтті, дәмді'. Анар ир. 'оңтүстікте шығатын жеміс'. Аниса ар. 'дос жолдағас'. Арзу ир. орзу — 'арман, сенім, тілек'. Арон ар. 'Харун. Мойсейдің ағасы'. Аршат ар. 'адал, таза батыл'. Асан||Хасан||Хасен||Үсен||Хұсни||Хұсния ар. 'ете сұлу, тым көркем, өте жақсы'. Аскат ар. 'ең бақытты, ырысты'. Аспандияр||Ыспандияр ир. 'қасиетті құдайдың сыйы; иран. жыл санауындағы 11—12 ай аты'. Атымай ар. 'өте жомарт, мырза'. Ахмеди ар. 'мұсылман'. Ахмедияр ар. ир. 'мақтауга тұратын ер, мақтаулы'. Ахмет ар. 'мақтаулы, мақтауға лайық'. Әбді ар. 'мәңгі, шексіз'. Әбдөлім ар. 'білімдінің, дананың құлы', абд+ғалым. Әbdіжапар||Әbdілжаппар ар. 'кушті, құдыреттің құлы яки жәбірлеушінің құлы'. Әbdіжәміл|| Әбдіжаміл ар. 'көріктінің, сұлулықтың, көркемдіктің құлы'. Әbdікәрім||Әbdікаrim ар. 'мархаббаттылықтың, мейірімділіктің құлы'. Әbdіқадыр||Әbdықадр ар., әр нәрсеге басымдылықтың яғни құдыреттіліктің құлы'. Әbdіманап ар. 'төренің, манаптың құлы'. Әbdімәжит ар. 'атақтылықтың, данқтылықтың құлы'. Әbdіқайыр||Әbdіхайыр ар. 'жақсылық қылышының, қайырымдылық жасаушының құлы'. Әbdірасыл||Әbdірасул ар. 'құдай елшісінің құлы'. Әbdірақым||Әbdірақ ар. 'рақымдының, мейірімдінің құлы'. Әbdірахман||Әbdрахман||Әbdрах. 'құрметтіліктің, мейірімділіктің, рақым қылышының құлы'. Әbdірашид ар. 'ақылдылықтың, даналықтың құлы'. Әbdірзак||Әbdіразақ — 'ризық берушінің құлы'. Әbdісейіт||Әbdілсейіт||Әbsейіт араб. 'құрметтіліктің құлы'. Әbdіуәли||Әбдуали ар. 'сақыптың яғни алланың құлы', алланың жақын сенімді адамы, білімдар, дананың құлы'. Әbdіхалық ар. 'таратушының құлы'. Әбет ар. 'мәңгілік, өмірлік'. Әбу ар. 'туған әке, әкесі'. Әбубәкір||Әбубәкір||Аубакір ар. 'Бәкірдің әкесі, кінасыз, айыпсыздың әкесі'. Бикер — 1) 'түңғыш; 2) кіршіксіз, таза; Әbilқасым ар. 'әдемі, сұлу'. Әbilқайыр || Әbulхайыр ар. 'жақсылық, ізгіліктің әкесі, атасы'. Әbilхасан|| Әбухасан араб. 'көркемдіктің сұлулықтың әкесі'. Әди

ар. ‘басшы, жетекші, қолбасшы, басқарушы’. Эдия ар. ‘сый, сыйлық тарту’. Эдина тәж. *одина* — 1) әдеміленген, зейнеттелген, безенген; 2) мұсылман календарындағы жұма күнінің аты’. Эділ ар. ‘туралық, ақиқаттық, дұрыстық, шындық’. Эзіз//Эзида ар. ‘қадірлі, қымбатты, құрметті’. Эзімхан ар. 1) ‘күш, қайрат; ұлылық; 2) ұлкен зор, ұлы’. Экпар ар. 1) ‘ұлы, зор, өте; 2) ұлкен, құрметті, жоғары, биік’. Экрам//Акрам ар. ‘құрметті, сыйлы, мархаббаты, мейрімді’. Әлғазы бар. ‘жауынгер, әскер’. Экімжан//Хакімжан ар. ‘басқарушы, бастық, губернатор’. Әли//Фали//Қали//Ғәли ар. ‘биік, зор, асқар, жоғары’. Әлима//Фалима ар. ‘оқымысты, ғалым әйел’. Әлия ар. ‘құны, бағасы артық, биік, жоғары, асқар’; 2) сүйікті’. Әлім//Ғалым ар. ‘білімді, ғалым, данышпан’. Әлішер ар. ир. ‘Әли’ және Шер ‘арыстан’. Әмет ар. ‘мерзім, шек’. Әмин//Әмина ар. ‘сенімді, адап, таза, қауіпсіз’. Әмір ар. 1) ‘бастық, басшы; 2) билеуші, басқарушы’. Әнапия//Анапия ар. ‘пайғамбарлар, неби сөзінің араб тіліндегі көпше түрі’. Әнипа//Ханифа, ар. ‘шын, ақиқат, нағыз мұсылман әйел’. Әнуар ар. ‘нұр сөзінің көпше түрі. Нұрлы, ең жарық, сәулелі, жарығы мол’. Әніз ар. ‘жолдас, жора, дос’. Әпсалам ар. гәфф — сәлам — ‘қайырлы, бейбітшілік, тыныштық’. Әпсамат|| ॥Абсамат ар. гәфф — сәмәд — ‘ізгілікті, мәңгілік’. Әріпбай ир. қаз. ориф — ‘білгіш, дана, данышпан’. Әсел ар. ‘бал’. Әсет ар. ‘арыстан’. Әсия//Асия ар. ‘емдеуші, дәрігер әйел’. Әскер ар. ‘армия, жауынгер’. Әуез ир. ‘дыбыс, үн’. Әуел ар. ‘алғашқы, бастапқы’. Әшім ар. *Хашим* ‘қадірлі, құрметті’. Әшір ар. ‘оныншы’, Мохарром айының оныншы күні, сол күні туылған бала’. Ба-ба//Бабай ир. тәж. ‘ата’, ‘папа’. Бағдад ир. *баг* ‘құдай’, *дад* ‘сый’, ‘сыйлық’. Базан ар. ‘бассейн, су алабы’, Базар ир. ‘сауда орны’, ‘сауда’. Базыл ир. ‘жомарттық, мырзалық’. Бақи ар. ‘мәңгілік, өмірлік, берік, тұрақты’. Бақтияр ир. ‘ырысты, құтты, бақытты’. Бақтылы ар. қаз. ‘бақытты, бағы бар’. Бақыт ар. ‘құт, ырыс’. Балуанғали ир. ар. *паһлеван* ‘батыр’, ‘палуан’, ‘құшті’. Бану ар. Энбнатун, көпше түрі банатун ‘кызы’, ‘бойжеткен’, ‘ханым’, ‘әйел’. Барат ир. ‘шабан айының 11—15 күні’. Бари ар. ‘Жаратушы, алла, құдай’. Баттал ир. ‘өткір, батыл, өжет’. Бафа ар. *Вәфа* ‘айтқан сөзде тұру, уәдені орындау’, ‘тазалық, адалдық’. Бәдер ар. ‘толық ай’. Баһарам ир. ‘өткір’, ‘ұшқыр’, ‘марс планетасы’,

‘парсының тарихи батырларының есімі’. Баязит ар. көптік тұлға ‘ақ заттар’, ‘ақ түстер’. Бәди ир. ‘ойлас табушы’, ‘жасампаз’, ‘тамаша’, ‘таңғажайып’. Бәдига ар. 1) ‘ғажайып нәрсе, сирек кездесетін’ (зат); 2) ‘әнер табушы’. Бакизат||Пакизат||Бәкізе ир. ‘таза’, ‘кіршік-сіз’, ‘қасиетті’. Бәкір ар. ‘зерттеуші, тергеуші’, ‘айып-сыз, кінасыз’. Бәлия ар. ‘құдайшыл’, ‘құдайға жақын әйел, білімді, парасатты қыз’. Бәшір ар. ‘қуанышты хабар жеткізуши’, ‘хабаршы’, ‘жаршы’. Бейсенбі ир. пандж ‘бес’+шамбе ‘жеті’. Биби ир. ‘ханым’, ‘бикеш’. Болат ир. пулад ‘құрыш’. Бұлбұл ир. ‘бұлбұл құс’. Бурхан ар. 1) ‘дәлел’, ‘ғажайып себеп’, ‘құдайдың әпиттеті’; 2) ‘монголдардың бұты, әулиесі, құдайы. Бұбина тәж. бобуна ‘ромашка’. Гаунар ир. ‘інжу, қымбат бағалы тас’. Гүлжәмила ир. ар. гүл ир. ‘шешек’, ‘роза’. Жамал ар. ‘санар өсімдігінің гүлі’, ‘қызыл’, ‘қырмызы гүл’, ‘сұлулық’. Гүлзада ир. ‘гүлдер’, ‘көркем’. Гүлнар ир. ар. ‘анаң өсімдігінің гүлі’, ‘қызыл’, ‘қырмызы гүл’, ‘сұлулық’. Гүлнафиса ир. ар. ‘гүл сияқты көркем, әдемі, ажарлы, нұрлы’. Гүлшат ир. тәж. ‘шаттық гүлі, қуаныш гүлі’. Фаббас||Аббас||Аппас ар. ‘қатаң, кәрлі, тұнжыраған, тұнегерген’. Фабдығазиз||Әбдіғазиз ар. ‘қадірлі, құрметті; құдайдың құлды’. Габит ар. ‘бас июші, тағым етуші; қызыметкер, табынушы; діни, құдайдың құлды’. Фабдолла||Абдолла||Әбдолла||Әбділда||Әбілда ар. ‘құдайдың, алланың құлды’. Фази||Қазы ар. ‘жауынгер, әскер’. Фазиз||Әзіз||Азиз ар. ‘қүшті, қуатты, сирек, бағалы; сүйкімді, қымбат’. Фазиза||Әзиза ар. ‘сүйкімді, қымбатты әйел’. Фазизолла||Әзизолла ар. ‘құдайдың сүйіктісі, алланың сүйкімдісі’. Гайни||Қайни ар. ‘көз; көру мүшесі’. Гайса||Айса||Иса ар. пайғамбар (Иса, Иисусь). Гайша||Қайша||Айша ар. (Абубакірдің қызы, Мұхамбеттің әйелінің есімі). Ғали||Қали||Қалы, Әли, Әлі ар. ‘біік, жоғары, асқар; қымбатты, бағасы ерекше’. Ғалия||Қалия||Әлия ар. ‘құны артық, бағасы жоғары, қымбат, сүйікті; мәртебелі, құрметті’. Ғалым||Әлім ар. ‘білгір, білімпаз; оқымысты’. Ғани ар. ‘бай, дәулетті, ауқатты’. Ғаппар||Қаппар ар. ‘мархаббыты, кешіруші’. Ғариф||Гарифа ар. ‘сый, сыйлық, тарту’. Ғарифолла ар. ‘жәрдем беруші, демеуші құдай’. Ғибатолла||Ибатолла ар. ‘құдайдың құлдары’. Ғизат ар. ‘құрмет, сый’. Ғинаят||Иният ар. ‘шапағаттылық, қайырымдылық, мырзалық, жомарттық, жәрдем, көмек’. Ғылман ар. ‘қызыметші, малай, құл’; ‘бозбала, жас жігіт’. Ғұрайдолла ар. убай —

‘кіші’, ‘кенже құл’, ‘құдайдың кіші құлы’. Дадабай ир. қаз. ‘ата, баба’. Дәмен||Дәмина ар. ‘өткір, тез, жылдам’. Dana ир. ‘білгір, ғалым, данышпан’. Dания ир. ‘оқымыстылық, даналық, білгірлік’. Dанияр||Дәнияр ар. тәж. ‘жақын, таныс дос, жора’. Дария ир. ‘теңіз, үлкен өзен’. Дастан ар. ‘қисса, аңыз, ертегі, әңгіме’. Дәнеқан тәж. доно — ‘ақылды, есті’. Дәрмен ир. ‘дәрі-дәрмек, айла, ем’. Дәулет ар. ‘байлық, ауқаттылық; империя, мемлекет’. Дәулеталы ар. ‘жогары мәртебелі’. Дәулетияр ир. ‘дәулеті мол ер’. Дәурен ар. ‘заман, дәуір’. Дәуіт (Давид). Дидар ир. ‘жұз, өң’. Ділара||Дилара ир. тәж. ‘сұлу, көркем’. Дијар ар. ‘ел-жұрт, халық’. Додабай ир. додо — ‘үйлген, жиылған жиын; халық тобы, тоныр’. Досмат ир. ар. (Досмұхамбет деген есімнің қысқарған түрі). Дүйсен ир. тәж. душан — ‘аптаның екінші күні’. Дүйсенбі ир. тәж. ду ‘екі’, шәнбе ‘күн’ — ‘екінші күн’. Дүрбібі ар. тәж. дүр ‘Меруерт’ биби — ‘ханым’, Дүрия ир. тәж. ду — ‘екі’, рой ‘бет’, ‘жұз’, ‘өң’ — ‘екі беті бірдей шайы матаның аты; жарқыраган, жайнаған’. Ділбар ир. тәж. ‘ете әдемі, тамаша’. Ділда ар. ‘таза алтын, алтын ақша’. Дініш ар. ‘сенім, дін’. Ережеп ар. ‘ай аты; тәжім ету, бас ию’. Жағыпар ар. ‘бұлак, жылға, өзен’. Жазылбек ар. қаз. ‘мол, еркін; үлкен, зор’. Жақан ир. ‘дүние, әлем, шартарал’. Жақия ар. ‘ғұмырлы, өмірлі’. Жалид ар. ‘табанды, тұрақты’. Жәлила ар. ‘атақты, даңқты әйел’. Жамал ар. ‘сұлулық, көркемдік, әдемілік’. Жамали ар. ‘сұлу, көркем, сүйікті’. Жәмиға ар. ‘барлығын біріктіруші, қосуши, жинаушы’. Жәмила ар. ‘әдемі, көркем, сұлу; тамаша, ұнамды, көңілді әйел’. Жамықан ар. ‘қоғам, жамағат, көпшілік’. Жанан ир, тәж. ‘жаны бір дос, жан, тайсалмайтын ер’. Жаннат ар. ‘бак, ұжмақ бағы’. Жаппар ар. ‘алып, гигант, батыр; қатал, билеуші; діни, құдіретті, құдіреті күшті’. Жауһар ар. ‘қымбат бағалы тас, лағұл, інжу’. Жәдігер ир. ‘ескерткіш, естелік’. Жәлел ар. ‘ұлы, үлкен; сәулетті, даңқты, атақты, құрметті’. Жәмшит ир. шид — ‘арайлы’, джем ‘йима’. Жәңгір ир.— джанан + гир, ‘дүниені менгеруші, әлемге үстемдік етуші, жаулаушы’. Жексенбі ир.— йек ‘бір’, шанбе ‘күн’, қазіргі мағынасы — ‘бір жетідегі демалыс күн’. Жомарт ир. джәван — ‘жас, сәби; балаң, боз бала’+мард ‘ер, джаван мөрд — ‘қайырымды, кең пейіл’. Жұма ар. джомә — ‘бесінші күн, жиын, жалпы халық жиыллатын діни

күн'. Жұман ар. 'қазына, қымбат бағалы зат'; 'маржан, інжу'. Жұмат ар. 'жыл санаудағы 5-ай аты'. Зағира ар. 'қазына, асыл, қымбат'; 'қасиетті'; 'сыртқы келбет, түр, кескін'. Зада ир. 'ақсүйек ұрпағы'. Зайыт ар. 'өсуші, көбею, молаю'. Зарина ир. 'алтындаған әшекей, алтын сән, алтыннан қымбат'. Зариф ар.— 'әткір, ойлы, ақылды, зейінді'. Заки ар. 'зерек, сезімтал, әткір, батыл'. Закия ар. 'зерек, сезімтал, батыл әйел'. Зәмекелбет, түр, кескін'. Зада ир. 'ақсүйек ұрпағы'. Зайыт ар. 'әйел есімі'. Зәуре//Зұхра//Зура ар. 'Шолпан, таң жұлдызы'. Зейнетдин//Зайнетдин ар. 'діннің көркі, бе-зендейі, әшекейі'. Зейнолла//Зейнулла ар. 'құдайдың көріктісі, әдемі жаратқаны'. Зейнұр ар. 'нұр, көркемдік, әдемілік'. Зинат ар. 'әшекей, өрнек, зейнет'. Зипа ир. 'көркем, әсем, әдемі, сұлу'. Зия ар. 'нұр, сәуле, жарық'. Зиятбек ир. қаз. 'көп, мол; қосылған, көбейген'. Зубайда ар. 'таңдалған, ең жақсы'. Зылиха//Зілиха//Зұлиха ар. 'жақын, жасы кіші іні, туыс, қарындағас'. Зікірия ар. зекр, 'еске алушы, еске түсіру, есте қалған; ес, жанды'. Ибатолла ар. 'құдайдың, алланың құлды'. Ибат ар. 'сыйлық, тарту'. Ибрагим евр. ар. 'халықтың, елдің әкесі, атасы'. Икрам ар. 'ізетті, құрметті, қадірлі'. Изатбек ар. 'құдай, алла'. Ирада ар. 'ерік, ықлас'. Иса//Гайса//Айса евр. 'алланың жәрдемі, көмегі'. Ислам//Іслэм//Еслам//Сылам ар. 'мұсылмандар'. Кабир ар. 1) 'зор, ұлken, ұлы; 2) маңызды, байыпты, салмақты'. Камал ар. 'толықтық, жетіктік'. Қекімжан ар. хаким — 'дана, данишпан, ақылды, есті'. Қөрім ар. 'қолы ашық, жәмарта, мәрт, ақ көңіл, кең пейіл, мырза'. Карима ар. кәрім сөзінен жасалған әйел есімі. Кубара ар. 'ұлғендер, ұлықтар, азаматтар'. Кубира ар. 'кубра' 'ұлы, зор'. Қаби ар. 'құшті, мықты, қуатты'. Қабыл ар. 'қабылетті, икемді'. Қадия ар. 'тарту, сыйлық'. Қадыр//Қедір ар. 'құшті, құдіретті, қабылетті, икемді'. Қажы ар. 'мекеге барып қайтқан мұсылман'. Қажым ар. 'қадірлі, құрметті'. Қазы ар. 'сот, би'. Қазына ар. 'қор, байлық'. Қайдар//Хайдар ар. 'арыстан'. Қабира ар. 'білгір әйел'. Қайрат ар. гайретъ — 'қүш, жігер, батылдық'. Қайсар ар. 'цеzarь, патша'. Қайым ар. 'мәңгі өмір сүретін, өзгермейтін, мәңгілік'. Қайыр ар. 'жақсы, тамаша, өте жақсы'. Қалима ар. 'сөз, нақыл'. Қалипа ар. 'орынбасар, біреудің орнын басушы яғни рухани басшылық'. Қамар ар. 'ай'. Қамария ар. 'қамар сөзінен жасалған

әйел аты'. 'Ай сияқты, айдай сұлу, әдемі'. Қамариддин ар. 'діннің айы', 'жарығы, шырағы'. Қамқа ар. 'торқа жібектің түрі'. Қанипа ар. 'қамқор, мейрмам'. Қасиман ар. 'таза, бұлінбеген, бұзылмаған, ерекше нағыз'. Қасым ар. 'сұлу, әдемі'. Қатиба ар. 'сөзге шебер, тілмар'. Қатип ар. 'хатшы, жазушы, секретарь'. Қатипа ар. (әйел аты). Қатира||Хатира ар. 'ой-пікір, қиял, сана'. Қисан ар. 'сұлу, өте әдемі, өте жақсы'. Қирабай ар. қаз. 'таңдау, талғау, ең таңдаулы'. Қисмет ар. 'бұйрық, жазмыш'. Қисмет ар. 'сұлу, өте әдемі, жақсы'. Қожа ар. 'ұстаз, молда, мырза, қожайын, бастық'. Қуат ар. 'күш, жігер, қайрат'. Құбан ир. құб, құп,— 'жақсы', әдемі, көркем', 'қайырымды', көпше түрі құбан 'әдемілер, жақсылар, көркем адамдар'. Құдайберген ир. қаз. хода, және ходай 'тәнірі, алла'. Құдыс ар. 'қасиетті, құдіретті, әулие'. Құрбан ар. горбан. 'құрбан шалу, күнәдан тазалану'. Құрмет ар. һурмат 'қасиетті, қадірлі, сыйлы'. Құсайын||Қосын||Құсни||Хұсайын ар. хусейн. көпше түрі хусни. 'өте әдемі, таң-тамаша'. Қыдыр ар. Хизр — 1) жасыл; 2) ир. пайғамбар аты'. Қымбат ар. киймат. 1) 'құны, бағасы артық; 2) баға, құн'; 3) беделді, бағалы; ауыс. қадірлі, құрметті. Қырмызы ар. ир. кермез. 'қызыл, ал қызыл; нұрлы, әрлі'. Латиф ар. 'жайдарлы, жылы шырайлы, сүйкімді; рақымды; нәзік, әсем'. Латифа ар. (Латиф есімінен жасалған әйел аты. Мағынасы латиф сөзінің мағынасымен тен). Ләзиза ар. 'дәмді, тәтті шырын, ең жақсы, өте тамаша'. Ләззат ар. 'тәттілік, шырындылық; сүйкімділік, жағымды, ұнамды, тартымды'. Ләйла ар. 1) гүл аты; 2) кеш, әдемі түн'. Ләшкөр ир. 'әскер, жауынгер'. Лола тәж. 'қызғалдақ, тюльпан'. Лотфолла ар. 'құданың қымбаттысы, алланың сүйкімдісі'. Лұқпан ар. лукман (Ертеде дана, ақылды сөздер, көп мысалдар жазған адамның есімі. Данышпандықтың белгісі). Мағауи ар. 'саусаламат'. Мағрипа ар. 'білім, таным, мәдениет, сауаттылық, яғни солардың иесі'. Мағзұм ар. 1) 'сақталған; 2) шақырылған; 3) қонақ, мейман'. Мағруф ар. 'мәлім, белгілі'. Майса тәж. 'алғашқы көктем'. Мақабыл ар. 1) қабылданған, мақұлдаған; 2) құптауға, қолдауға болатын. Мақаш ар. мәғаш, 'өмір, тұрмыс; өмір сүрге қажет қараждат'. Мақпал ир. 'бахмал, барқыт'. Мақсұт ар. 'мақсат, талап'. Мамат ар. 'мақтауға тән, алғысқа лайық; Мұхаммед есімінің қысқарған түрі'. Мамат-

құл||Мамытқұл||Мұхаметқұл ар. қаз. ‘мақтауға лайықтының құлы, мұхамбеттің құлы, үмбеті’. Манан ар. ‘шапағатты, қайырымды, мархабатты, рақымды жомарт’. Манап ар. 1) ‘орын басар; 2) ақ сүйек, төре’. Манасұр||Мансұр ар. ‘мансур, жеңімпаз, жеңісқой, барлығын билеп-тестеуші’. Мардан ир. тәж. *мард* — ‘ерек’, *мардан* ‘әр жүрек, батыр, батыл’. Маржан ар. ‘теңіз түбінен алынатын шымқай қызыл, қызғылт яки ақ түсті асыл тастар, інжу’. Марзия ар. 1) ‘разы етуші яки жағымды, келіскең; 2) мақұлданған, көпшілік ұнатқан’. Мархабат ар. ‘қайырымдылық, мейірімділік, жақсылық’. Марфуга||Марфуа ар. ‘ұлы дәрежелі, мәртебелі’. Масқұт ар. ‘ырысты, құтты, бақытты’. Мастира || Мәстүра ар. ‘жамандық жолын бүркеуші, жабушы, адал, таза ақ ниет’. Мәтқазы||Мамытқазы||Мұхаметқазы ар. ‘Мұхаметтің жауынгері, сақшысы’. Махбара ар. ‘сұлу, көркем’. Махбуба ар. ‘сүйікті, сүйкімді’. Махинұр ар. ир. ‘айлы, жарық, сөule’. Махмет ар. ‘мақтауға тұрарлық міnez, қылышқ, мақтарлық іс-әрекет’. Махмұт ар. ‘мақталған, мақтаулы, мақтауға тұрарлық’. Махфуз ар. ‘сақталатын, жоғалмайтын, өзгермейтін, ақ’. Машраб ар. ‘мінез-құлышқ’. Мәди ар. 1) ‘заттық, материалдық; 2) материалистік’. Мәдина||Мәдіне ар. (Аравиядағы қала аты). Медхат||Мәдқат ар. ‘мақтауға тұратын, мақтауға лайық’. Мәжит ар. ‘атақты, даңқты, мақтаулы’. Мәлике||Малика ар. ‘шахтың, патшаның әйелі, король әйел’. Мәлік ар. ‘патша, король’. Мәмет ар. ир. ‘жәрдемші, көмекші, көмек беруші’. Мәнзила ар. 1) ‘дәреже, атақ; 2) әлеуметтік жай’. Мәткәрім||Мәметкәрім||Мұхаметкәрім ар. ‘мақтауға тұратын, мақталған сахи; қолы ашық пенде’. Мәулен ар. 1) мырза, жомарт; 2) жарылқағыш, есіркегіш’, Медет ар. ‘жәрдем, көмек’. Меруерт ир. ‘інжу, інжу-моншақ’. Мербану тәж. ‘күнге ұқсас, күндей әйел’. Мизам ар. 1) ‘әділдік; 2) ‘жыл мерзіміндегі жетінші ай аты’. Мирас ар. ‘мұрагер, тұқым’. Мукрам||Мукарам||Мухарам ар. ‘жыл мезгілінің бірінші айы; құрметті, сыйлы’. Мунира||Мінира||Мінайра ар. ‘нұрлы, жарық, сәулелі, айқын’. Мұзапар||Мұзаппар||Мұзаффар ‘жеңімпаз, жеңісқор, жеңүші, өктем’. Мұхамбет ||Махамбет||Мақанбет ар. ‘мақталған, мадақталған’. Мұқали ар. ‘жоғары, көтерінкі’. Мұқәділ ар. 1) ‘тең, бірдей; 2) тең бағалы’. Мұхаметрақым ар. ‘мақталатының мейірі, ілтифаты’. Мұхаммә-

ди||Мұқамеди ар. ‘мақтауға лайық, мақтауға тұрарлық’. Мұқат ар. ‘алдыңғы, ілгері’. Мұқым ар. ‘тұрақты, табанды, тиянақты, берік, ұзак жасайтын’. Мұрат ар. ‘мақсат, тілек, ықлас’. Мұрсейіт ар. ‘жетекші, тәрбиеші, үйретуші’. Мұртаза ар. ‘сайланған, таңдалған’. Мұса ар. евр. *Мойсей*. ‘судан шығарып алынған’. Мұстафа||Мұстапа ар. ‘таңдалған, сайлаған’. Мұстахип||Мұстахиб ар. 1) сүйікті, қалаулы; 2) мақтаулы, артық көретін’. Мұстахим ар. ‘тура, тұзу, әділ, адал’. Мұхит||Мұхит ар. 1) ‘қоршаушы; 2) айнала, айнала төңірек; 3) океан, теңіз’. Мұқтар||Мұхтар ар. ‘таңдалған, іріктеліп сайланған, таңдаулы’. Мұбәрак ар. 1) ‘бата алған; 2) бақытты; 3) гүлденуші, қасиетті’. Мұкаrima ар. ‘құрметtelген, қадірленген’. Мұсілім ар. ‘мұсылман’. Мұслима ар. ‘мұсілім сөзінен жасалған әйел аты’. — ‘мұсылман әйел, адал, берілген, еркін’. Мұсірәлі ар. ‘бай, дүниесі мол ауқатты миллионер’. Мұтәліп ар. ‘талап ету, сұрау; талаптанушы, әрекеттенуші’. Мұштәри ар. ‘жұлдыз аты, юпитер’. Мықитан||Мұхитден ар. ‘дінді жандандыруышы, тірілтуші’. Мырза ир. *мир+амир*. сөзінің қысқарған формасы ‘әмірші’, за: есімшениң еткен шағының қысқарған түрі. *заде*, *задан* етістік формасының түрі, ‘туылған, туған’. Амирзаде ‘князь ұлы’. Мышбай ир. *миш* ‘құйрықты қой’. (Қазақ тілінде қой, ешкі терісінен жасалған мес сөзі осымен байланысты болу керек). Мышыrbай ар. ‘кенесші, министр яки бас секретарь’. Нагима ар. ‘мейірімді, биязы, жарқын, нәзік’. Нагым ар. ‘бақытты өмір, амандық, есендік’. Нәдір ар. ‘аз, сирек, өте кем’. Назар ар. 1) көріс, ықылас, көңіл, пейіл’. Найра ар. ‘нұрлы, көркем’. Нақи ар. ‘таза, қоспасыз’. Нақып ар. ‘бастық, басшы’. Нариман ир. *наири — ман* ‘ер жүрек батыл, отты, жалынды’. Насыр||Нәсір ар. ‘жәрдем беруші; жәрдемші, жақтаушы’. Нәсірден||Нәсіреддин ар. ‘діннің жәрдемшісі, көмекшісі, көмегі’. Нафиса ар. ‘сұлу, көркем, әдемі’. Наурыз ар. *нов* ‘жаңа’÷*ruz* ‘күн’, ‘жылдың жаңа күні, жыл басы’. Науша ир. ‘жаңа келген’. Наушаруан ир. *Наушин роуан* сөзінің қысқарған түрі. Мағынасы — ‘жан немесе өмір’. Нәби ар. ‘пайғамбар’. Нәбия ар. ‘білімді, оқыған адам’. Нәзір||Нәзира ар. ‘ұқсас, бағасыз, теңсіз’. Нәзиша||Назифа ар. ‘таза, пак, мұнтаздай’. Нәжметдин ар. *нәджим* ‘жұлдыз, жұлдызды’, *нәжметдин* — ‘дін жұлдызы’. Нәжіп ар. ‘игі, игілікті, қадірлі, құрметті’. Нәзи-

ра ар. 1) ‘күзетуші, бақылауши; 2) салтанатты уәде, серт, ант’. Нәйла ар. ‘жетістік, арманға, тілекке жетушілік, табысқа кенелушілік’. Нияз ар. 1) өтініш, тілек; 2) тарту, сыйлық’. Нұр ар. ‘жарық, сәулө’. Нұралы, Нұrbай, Нұргали тәрізді кісі аттары компоненттеріне қосылады. Нұри ар. ‘нұрлы’. Нұрия ар. ‘жарқын, нұрлы’. Нұрмамбет||Нұрмагамбет||Нұрмұхамбет ар. Нұр және Мұқамет. Нұрмат ар. Нұрмұхамет есімінің қысқарған түрі. Нұролла||Нұрыла||Нұрлда ар. ‘алланың нұры, жарығы’. Нұсіп ар. 1) ‘тұлға, ескерткіш; 2) табынатын тұлға, пұт’. Нығмет ар. ‘береке, дәулет, байлық; бақытты, жайлыш өмір’. Нығметолла ар. ‘құдай берген бақыт, дәулет’. Омар||Ғұмар||Құмар ар. ‘өмірлі, ғұмырлы’. Олажан ар. *вафа*. ‘адалдық, берілгендік’. Оспан||Ғұсман||Құспан ар. ‘ерлік, батылдық; халифа Оспанның есімі’. Өкім ар. 1) ‘ұстемдік; 2) өкімет, билік; 3) режим’. Пазыл ар. ‘тамаша, ақылды, есті’. Пакизат ир. ‘таза, кіршіксіз, әппақ’. Пана ир. *панах*, ‘қорғаныш, сая’. Парзан ир. *фарзане*. 1) ‘данышпан, ғалым; 2) ақылды’. Перзат ир. *пари* ‘пәрі’ + зад — ‘сұлу, көркем’. Пироза||Фироуза ир. ‘женуші, бақытты’. Пірмұхамбет тәж. ар. ‘дін үйретуші Мухамбет’. Рабат ар. 1) байланыс; 2) жіп; 3) ұстатқыш, тарихи мәні — күзетшілердің бір-бірінен алшақ тұратын күзет орны’. Рабига ар. 1) ‘көктемгі, көктем кезі; 2) жолдас, серік’. Разақ||Раззак ар. ‘өмір сүруге, тіршілік етуге ризық беруші’. Раис ар. ‘бастық, басшы’. Раиса ар. ‘басшы, бастық, жолбасшы әйел’. Райхан ар. ‘хош істі жасыл гүл, базилик’. Рақап ар. 1) ‘кең, жазық; 2) кең пейіл, мырза; 3) дінді үағыздаушы адам’. Рақат ар. ‘тыныштық, тыным, тыныс’. Рамазан ар. ‘мұсылман жылының тоғызыншы айы яғни ораза айы’. Расул ар. 1) ‘елші, уәкіл; 2) хабаршы’. Рауан ар. ‘жан, өмір’. Раушан ир. ‘жарық, нұрлы, сәулетті; айқын, таза, мәлдір’. Рафих ар. ‘серік, серіктес, жолдас, дос’. Рахман ар. ‘рақымды, мейірімді, кіші пейілді, ізгі ниетті’. Рахмет ар. ‘алғыс, қайырымдылық, мейірімділік, шапағаттылық’. Рахметолла ар. ‘алланың мейірі, ракымы’. Рақима ар. ‘мейірімді, қайырымды, шапағатты, ізгі ниетті’. Рашид ар. 1) ‘саналы, ақылды, есті, парасатты; 2) батыл, ер’. Рауза ар. 1) ‘бақша, гүл бақшасы; 2) діни ұжмақ’. Рәзия||Разия ар. 1) ‘ұнамды, жағымды; 2) риза, разы; 3) сүйкімді,

қалаулы'. Ришад ар. 'саналы, естілік, ақылдылық'. Рухия ар. жалбарыну, дауа, сыйқыр' Руфия ир. 'алтын, күміс мәкет, тиын'. Рұстем ир. 'батыл, ер жүрек, құшті'. Сабыр ар.— 'шыдам, төзімді, табанды, берік'. Сагадат ар. 'бақыт, ырыс; аман-есендік'. Сағи^{||}Сақи ар. 1) 'ашық, айқын, жарық, таза; 2) қырагы'. Сагида ар. 'бақытты болу, ырысы толу'. Сагидолла ар. 'алланың бақыты'. Сағира ар. 'тіл алғыш, құрметтеуші'. Сагит ар. 'бақытты, ырысты'. Садыбай ир. қаз. *сағә* — 'таза, араласы, қоспасы жоқ, бірыңғай' (мата туралы). Садық ар. 1) 'адал, таза, ашық; 2) дос, айнымас жолдас. Садыр ар. 1) 'кеуде, кекірек, жүрек; тәж. басшы, бастық'. Саїда ар. 'бақытты, ырысты'. Сақи ар. 'мырза, жомарт'. Сақып ар. 'серік', жолдас, дос'. Сақыпжамал тәж. ир. 'сұлулық, әдемі, кәркем, аса сұлу'. Саламат ар. 'амандық, саулық'. Сагипа^{||}Сақипа ар. 'өң, жұз, шырай'. Салиқа ар. 'жақсы, игі, ізгі, мейірімді'. Салтанат ар. 1) 'сұлтандық, патшалық; 2) мактанды, абыроі, тәкәппарлық, байлық; 3) әсемдік, асқан әдемілік, сән-салтанат'. Салық ар. 'ізгілікті, рақымды, қайырымды, тауфиқты, адал'. Самат^{||}Сәмет ар. 'мәңгі, тұрақты'. Сапа^{||}Сафа ар. 'тазалық, адалдық, тыштық'. Сафи ар. 'таңдаулы, адал дос'. Сара ар. ир. 'ең таңдаулы, ең асыл, ең жақсысы'. Сардарбек ир. Сардар 'генерал, бас қолбасшы'. Сәруар ир. 'басшы, жетекші, басқарушы'. Саттар ар. 1) 'кешірім етуші, жасыруушы (куннәны); 2) пана, қорғаушы'. Сафура ар. 'шыдамды, төзімді'. Саятқан ар. қаз. *саяд* — 'аңшы, аушы'. Сәбіғат ар. 'әдемілік, сұлулық, көріктілік'. Сәбига ар. 'сұлулық, әдемілік, жастық'. Сәбит ир. 'тұрақты, мықты, берік, табанды, тайсалмайтын'. Сәжида ар. 'ибадат қылушки, тәжім етуші'. Сәлім ар. 'аман, сау-саламат, бүтін, сап-сау'. Сәбира ар. 'төзімді, бекем, шыдамды, сабырлы'. Сәлима ар. 'сау-саламат, аман-есен, бүтін, сап-сау'. Сәмет^{||}Самат^{||}Сымат^{||}Ісмет ар. 1) 'Мәңгілік, өмірлік, берік; 2) өмір, бас ие'. Сәми ар. 'жоғары, биік, көтеріңкі, зор асқар'. Саніға ар. 'сұлу, көркем'. Сәния^{||}Сония ар. ир. 'екінші бала'. Сәрсенбай ир. қаз. *чар*: 'төрт + шамбе: 'күн', 'төртінші күн'. Сәт ир. 'бақыт, құтырыс'. Сейсенбек, ир. *се*: 'үш' шамбе 'күн', 'үшінші күн'. Сейфолла ар. 'олланың қылышы яғни өткір батыл перзент'. Сейіт ар. 'мырза, өмір, бастық'. Солты

бай ар. қаз. ‘күш, өкім, билік’. Сопы ар. ‘құдайшыл, дүниеден безген монах’. София ар. ‘таза, пак’. Сұлтан ар. ‘үкімет, билік, үстемдік, әкімдік’. Сыдық ар. ‘шындық, растық, туралық; шынышыл, әділ’. Сымак ир. ‘жомарт, мырза’. Тайыр ар. 1) ‘ұшушы; 2) құс’. Тақыр||Тахир ар. ‘таза, бұлінбеген, бұзылмаған’. Талқа ар. ‘таңдаулы, тамаша’. Талғат ар. ‘өң, түр, келбет, рең, жұз, әдемілік, сұлулық’. Тауғих ар. ‘табыс, жетістік, бақыт’. Тақауи ар. ‘тұқым, ұрық; үрім-бұтақ’. Тәжім ар. тәж — ‘таж, шір’. Тәбила ар. ‘ұзак, ұзын’. Табия ар. ‘қамал, бекініс, қорған’. Тәліп ар. 1) ‘талапкер, білім іздеуші; 2) сұраушы студент’. Тәнзия ар. ‘тазалық, пактік’. Тоқыр ар. ‘қайырымды, кішіпейіл’. Уақап ар. ‘мырза, жомарт, қолы ашық’. Уақат ар.—‘жалқы, жалғыз’. Уәзипа ар. ‘таза, сұлу, көркем’. Уәли ар.—‘әдемі, сүйкімді, жұзі жылы шырайлы’. Үркія||Үркія ар. ‘руқя — ‘асқан сүйкімділік, тартымдылық’. Үмбет ар. ‘халық, қауым’. Үміт ир. омід, ‘сенім, тілек’. Үрия ар. хурия — ‘шығыс аңызы бойынша, ұжмақ хор қызы’. Үсен||Асан||Қасен||Хасан||Хасен||Құсни||Құсайын||Қосын ар. ‘сұлулық, әдемілік, көркемдік’. Фазила ар. ‘рақымшыл аса жақсы, жақсы мінезді’. Фазыл ар.— 1) ‘өте қадірлі, құрметті, аса беделді; 2) лайықты, сыйлауға тұрарлық, тамаша, акылды’. Файзолла ар. ‘мырзалық, жомарттық’. Фарида ар. 1) ‘інжу, маржан; 2) теңдесі жоқ, сирек зат’. Фархат ир. ферхад —‘женуші, жеңімпаз’. Фатима||Батима||Патима ар. ‘жүректен, көкіректен шыққан’. Фатхолла ар. ‘алланың жеңісі, табысы’. Факир ар. 1) ‘мақтаныш, даңқ, құрмет; 2) артықтық, ұлылық’. Хабиб ар. ‘сүйікті дос, жолдас-жора’. Хабиба ар. ‘сүйкімді жолдас, сүйікті дос, жора (әйел)’. Хабиболла ар. ‘олланың досы, жолдасы, серігі’. Хайдар ар. ‘арыстан’. Хайрия ар. ‘қайырлы, жәрдем етуші, жақсылық етуші (әйел)’. Хакімжан ар. ‘данышпан, кемеңгер’. Халида ар. ‘мәңгі өмір сүретін, өлмейтін, ажалсыз’. Халел||Халил ар.— 1) ‘сүйікті, сүйкімді; 2) дос, жолдас’. Халила ар. (Халил есімінен жасалған әйел аты), мағынасы — ‘сүйікті, көңілді әйел’. Халилолла ар. ‘алланың, құдайдың досы’. Халима ар. ‘рақымды, мейірімді жуас’. Халит ар. ‘мәңгі өлмейтін, өлмес, ажалсыз’. Халық ар. 1) ‘шығару, жасау; 2) жұрт, қауым; 3) ел’. Хамза ар. ‘дәрі өсімдігі’. Хаммат ар. ‘дәріптейтін, мақтайдын, мақтауға тұратын’.

Хамит ар. 1) ‘мақтаулы, мақтауға лайық; 2) зиянсыз’. Хасан||Хасен ар. ‘әдемі, сұлу, көркем, өте жақсы’. Хатим ар. ‘өте мырза, тым жомарт’. Хафиз ар. ‘сақтаушы, күзетуші’. Хафиза ар. (Хафиз сөзінен жасалған әйел аты). Хұсайын||Құсайын||Құсни ар. ‘көркем, сұлу’. Хосрау||Құсрау ир. ‘даңқты, атақты’. Шабал ар. ‘оныншы ай аты’. Шайқы ар. 1) ‘ұстаз, оқытушы, үйретуші, жетекші, тәрбиеші; 2) шейқ ру басы; 3) ақсақал, басшы; 4) діни басшы; 5) ғалым’. Шакира ар. ‘алғыс айтушы, құрметтеуші, мейірбанды, асыл’. Шамат ар. ‘қал, мең’. Шамыс||Шамис ар. ‘күңгей’. Шамси ар. ‘күн’. Шамсия||Шәмшия ар. ‘күнді, күңгей’. Шамшат ар. ‘самшит, шамси сөзімен төркіндес’. Шапагат ар. ‘аяныш, аяу, есіркеу, мұсіркеу, қайырымдылық, мейірімділік’. Шапқат||Шафагат ар. ‘рақымдылық, мейірімділік’. Шарапат ар. 1) ‘игілік, адамгершілік, жақсылық; 2) құрмет, сый’. Шарбану ир. ар. *Шаhr+бану* — ‘шығыс сұлуы, қала әйелі, ханымы’. Шакрия ар. 1) ‘күн шығыс, шығыс қызы; 2) бақытты, ырысты’. Шафик ар. ‘рақымды, ізгі ниетті, кіші пейілді, қайырым етуші’. Шахмардан ир. ‘батырлардың, ер жүректілердің патшасы’. Шахмұрат ир. ар. шах және мұрат. Шәді ир. *шади* — қуаныш’. Шәкізат ир. *шах+зад* — ‘шахтың, патшаның баласы’. Шәкір ар. ‘игі асыл, мейірбан, сыйлаушы, қадірлеуші’. Шәлиба ар. ‘шипа беруші, дуалаушы’. Шәрипа ар. (Шәріп сөзінен жасалған әйел аты). Шәріп ар. 1) ‘құрметті, қымбатты; 2) қасиетті, құдіретті, даңқты’. Шерғазы ир. ар. *шир* — ‘арыстан’ + газы ‘әскер’. Шүкірбек ар. қаз. 1) ‘мақтау; 2) алғыс білдіру, құрметтеушілік’. Шырақбек ир. қаз. *чарағ* ‘лампы, жарық сәуле’. Шырын ир. ‘тәтті, балдай тәтті’. Шілдебай ир. қаз. *Чеңел* және *чел* — ‘қырық’ — *да* суффикс. ‘қырық күн’. (25 июльден 5 авгусқа дейін созылатын жаздың ең ыстық күні’. 40 күндік ыстық). Ығылман ар. 1) ‘балақай, бозбала, жігіт; 2) қызметші’. Ыдырыс ар. ‘тірісінде жаннатқа барған’. Ықсан ар.— *Aхсан* — 1) ‘көркемдік, нұрлылық; 2) жақсылық, қайырымдылық, қайырсауқат’. Ықлас ар.— ‘пейіл, таза ниет, ашықтық, адальдық’. Ыстамбақы||Стамбақы тәж. ар. *Ыстам* — ‘тұрган, өлмейтін’, ар. *бақы* — ‘мәңгі, өмірлік’. ‘Мәңгі өлмейтін, мәңгілік’. Ибни ар. ‘ұл’. Илияс евр. ‘куш, құдірет’. Искендер||Ескендір||Александр грек. ‘мәрт, палуан, ер жүрек’. Ісметолла ар. ‘құдайдың таза, адал пендесі’.

7. СССР халықтары тілдерінің қазақ есімдерін байытудағы ролі

Советтік тіл білімінде СССР халықтары тілдерінің ара байланысы, бір-біріне тигізген игі әсері терең де жан-жақты зерттелуде. Көптеген зерттеулер нәтижесінде кірме лексиканың құрамы мен фонетикалық жүйелері анықталып отыр.

СССР халықтары тілдеріндегі өз ара байланыстың бірі — лексикалық сөз алмасу. Лексиканың құрделі саласы ономастика өмірінде болып жатқан құбылыс қазірге өз алдына арнай зерттелмеген тың мәселе. Алайда ономастиканың бөлімі саналатын антропонимиканың ауысуы халықтар тілінде жиі кездесетін құбылыс екенін кейбір еңбектерден анық байқаймыз. Ұлы Октябрь революциясынан кейін елімізде кеңінен тараған, орыс тілінен енген есімдер жайында Ю. Д. Дешериев былай дейді: «Из области ономастики можно назвать немало имен, которые получили широкое распространение в нашей стране после революции. Среди них есть имена, рожденные Великим Октябрем, имена, восходящие к русскому языку и через него к другим языкам: Ким, Майя, Роза, Борис, Эльза, Луиза, Тамара и т. д. Характерной особенностью распространения собственных имен на языках советских народов является широкое проникновение исконно русских имен (а также греческих, латинских) через русский язык»¹⁰⁷. Қазақ тіліне орыс, украин, грузин және Орта Азия халықтары тілдерінен енген ономастикалық қабаттар мол. Бұл алмасулар мен ауысулар әр түрлі тарихи қоғамдарда, мәдени қарым-қатыстың себебіне сай болып келген.

Қазақ халқы ерте кезден-ақ өз көршілерімен тарихи-мәдени, сауда байланыстарын жасап, қоян-қолтық аралас отырған. Бұл жағдайлар, сайып келгенде, халық мәдениетінің, сондай-ақ ана тілінің дамып, байи тусуіне игі әсер еткені белгілі.

Қазақ ономастикасының әсіресе антропонимдерінің құрамы жағынан жетіліп, баюына орыс тілі айтарлықтай ықпал жасады. Орыс халқының, оның мәдениетінің, ғылыми мен экономикасының прогрессивтік әсері халқымыздың өмірінің барлық саласына тара-

¹⁰⁷ Ю. Д. Дешериев. Закономерности развития и взаимодействия языков в советском обществе. М., «Наука», 1966, стр. 200.

ды. Орыс тілінен енген есімдер ресми документтер мен сейлеу тілде, азда болса, XVIII ғасырдан бастап кездесі. Мысалы. Андре (Андрей есімі), Мекәйл (Михаил есімі), Мәриям (Мария есімінен), Анна, Капитан, Жандарм, Жандарал, Жагор (Егор есімінен), Капитан, Майор т. б.

Сол XVIII—XIX ғасырлардың өзінде жалпы есім сөздерден жасалған есімдер де болған еді. Бірақ олар ірі дыбыстық өзгеріске үшырап, бастапқы тұлғасынан өзгеше айтылып отырған. Мысалы: Болатнай, Сәтек (сatin), Болысбек (волость), Бәтес (батист), Кәмпитет (конфета), Шәйнек (чайник) т. б.

Орыс тілінен енген есімдер саны өте-мәте советтік дәуірде көбейіп отыр. Оның өзін тарихи-әлеуметтік жағдайлармен тікелей байланысты деп қараймыз. Ол ең алдымен, халықтар достығының, берік ынтымагының, бір-біріне деген ыстық сүйіспеншіліктің белгісі болса, екіншіден, советтік дәуірдегі озық мәдениеттің айқын көрінісі болып саналады.

Советтік дәуірде енген ондай есімдерді негізінен екі топқа бөліп қараймыз.

1. Эйел есімдері: Анна, Аня, Валентина, Лиза, Светлана, Зоя, Нина, Муза, Лила, Лариса, Роза, Римма, Рита т. б.

2. Ерлер есімдері: Алексей, Андрей, Виктор, Максим, Мирон, Ефим, Ждан, Клим, Денис т. б.

Орыс тілінен енген қазіргі есімдердің сипаты Октябрьден бұрынғылардан мүлдем ерекше. Бұрынғы есімдер фонетикалық өзгеріске үшыраған болса, қазіргі қабылданған есімдер ондай дыбыстық өзгеріске түспестен, бастапқы қалпында айтылып, орыс тілінің орфографиясына сай жазылады.

Октябрь революциясынан соң Совет Одағы шет мемлекеттермен тығыз байланыс жасаумен сай тілімізге көптеген кісі аттары енді. Қазақ есімдері орыс тілі арқылы енген интернационалдық есімдермен де толысты. Олар: Марат, Тельман, Сунъят, Спартак, Сократ, Эрнст, Артур, Диас, Роман, Долорес, Жанна, Луиза, Клара, Элеонора т. б.

Советтік дәуірде туған жаңалықтар мен шаруашылық және экономика, мәдениет саласындағы атаулар негізінде көптеген есімдер жасалды. Оларды сөзет и з м деп атауға болады. Мысалы: Октябрь, Октябрь-

рина, Совет, Социал, Армия, Солдатбек, Маршал, Мая, Кима, Мира, Ракета, Совхозбек, Колхозбек, Фермерхан, Дохтырқан, Мәдениет, Әдебиет т. б.

Қазақ есімдерінің құрамын байыту жолының бірі — туысқан одактас республикалар есімдерін алу. Қазір тілімізде украин тілінен: — Тарас, Денис, Олеса; грузин тілінен — Дила, Тамара, Арсен, Камо; татар тілінен — Сейфулла, Ғабдолла, Рашид, Фариза, Майра; өзбек тілінен — Тахир, Зуһра, Фархат; тәжік тілінен — Дидара, Анаргүл, Раушан тәрізді есімдер бар. Бұл құбылыс еліміздегі халықтар достығының бір ғана көрінісі. Қазір Қазақстан еліміздегі көп ұлтты республиканың бірінен саналады. Мұнда тұратын, бір мақсат жолында еңбек етіп жүрген, орыстар мен украиндар, белорустар мен молдавандықтар, өзбектер мен ұйғырлар, башқұрттар мен татарлар, дүңғандар мен корейлер, қалмақтар, гректер. Олар бәріне ортақ орыс тілінде сөйлейді, өз ара пікір алсып түсініседі. Сондай-ақ екі-үш тілде сөйлейтіндері де көп. Мәселен, қазақ тілінде орыс, украин, неміс, грек, корейлер сөйлесіп, еркін түсініседі. Олармен бірге еңбек істеп, көрші тұратын қазақтар да сол тілдерде сөйлей аллады. Мінеки, халықтардың өз еркімен, достық, туыстық сезіммен болып отырған екі тілділік халықтарды одан ары жақындана тұсері сөзсіз. Осының нәтижесінде көптеген ортақ атаулар, терминдер қалыптасып та отыр. Екі тілділіктің тарапу аясы антропонимика өмірінен де көрініс табуда. Қала, облыс, аудан тұрғындарының семьясында, студенттер арасында паспорттағы ресми есімдермен қатар өмірде қосалқы, екінші есім қолдану жайы бар. Бұл құбылыс көбіне сөйлеу тілде ғана қолданылады. Мысалы: паспортта Разия болса, жолдастары арасында немесе үй ішінде Роза аталады. Нагима — Надя, Галия — Галя, Загира — Зоя, Арыстан — Алеша, Серік — Сережа, Сағындық — Саша, Сәрсен — Сена т. б.

Қазақ есімдерінің қосымшалары орыс тілінен қабылданғаны ғылымда белгілі мәселе. Бұл қосымшалар ов, ев, ова, ева, ин, ина ер және әйел адамдар фамилияларына жалғанады. Қазіргі қазақ фамилиясының әлеуметтік мәні ерекше. Ол ресми іс қағаздары документтерінде де, қоғамдық дәрежеде де кеңінен қолданылады.

Орта Азия халықтары мен қазақ халқы ортақ қолданылатын есімдердің өзіндік тарихы мен алуан түрлі сыры бар.

З Т А Р А У

АНТРОПОНИМДЕРДІҢ ЖАСАЛУ ЖОЛДАРЫ

Жалқы есімдерде, оның ішінде антропонимдерде қазақ тілінің сөздік құрамы мен грамматикалық құрылышының сөз жасау, өзгерту тәсілінің ізі бар екені көрінеді. Сөз жасау, өзгерту тәсілдері, сөз жоқ, тілдің грамматикалық құрылышының ерекшелігіне байланысты.

Қазақ антропонимдерінің жасалуы негізінен тілдік заңдылыққа, оның нормасына сай бағынады. Антропонимдер бірнеше жолмен жасалады. Олардың ішінде дара тұлғадан жасалу амалдары бар. Бұл ежелден белгілі, қалыптасқан тәсіл. Дара тұлғага қосымшалар қосу арқылы жаңа мағыналы есім жасалады. Оны тұм ат деп атайды. Мысалы: Тілек деген антропонимге қосымша қосу арқылы жаңа тұлғалы антропоним жасалады. Антропонимдердің жасалуындағы өнімді жолдың бірі — екі сөзден біріктіріп жасалған кісі аттары. Мұндай антропонимдік типке тән арқау сөздер, көбіне, *ақ, сары, бай, bek, хан, болат, тас, жан* сияқты компоненттер. Антропонимдердің турленіп, тұлғаларының өзгеріп отыруында аффикстердің ролі зор.

Кішірейткіш яки еркелету жүрнақтары арқылы abbreviatуralық немесе деминутивтік есімдер жасалады. Осы антропонимдік аффикстер арқылы шет елден енген есімдердің өзі жаңа ең, келбет алып жасалып отырады. Аффикстік тәсіл арқылы үстеу, сын есімдік антрополексемалар жасалады. Мысалы: *Асанышап, Асандай, Асанша, Асансынды т. б.*

Антропонимдер тілдегі жалпы есім сөздерден жасалады. Сондықтан да олардың басым көпшілігінің мағынасы айқын, ашық тұрады. Ондай антропонимдерді мәнді антропоним деп атایмыз. Осының керісінше жалкы есімдер (антропонимдер) жалпы есімге ауысады. Мысалы: *шығанақшы*, *жақаевши* т. б. Антропонимдер қосымша қосу арқылы грамматикалық мағынаға не болады. Мысалы: *Мақыш*, *Сәрсен*, *Омарлар келе жатыр*. *Асандар жұмыс істейді*. Мұндағы көптік жалғау арқылы ол адамдардың өздерінен басқа да жолдастары барын білеміз.

Антропонимдер топонимдерден, сондай-ақ этнонимдерден де жасалады.

8. Дара тұлғалы антропонимдер

Жасалу жағына және тұлғасына қарай, қазақ тіліндегі кісі аттары өте ерте заманнан-ақ түбір және курделі тұлғалы бол келеді. Қазақ тіліндегі басқа сөздер тәрізді жеке тұрып түпкі мағынаны бере алатын да, бере алмайтын да кісі аттары бар. Ондай кісі аттарын белуге, яки бөлшектеп айтуға болмайды. Өйткені, олар тұтасқан дара түбірден тұрады. Оңдай кісі аттары, негізінде, жалпы есімдерден жасалады. Мысалы: *Дос*, *Нұр*, *Сая*, *Сәт*, *Тана*, *Шал*, *Өмір*, *Бәтес* т. т.

Егерде осы айтылған кісі аттарын буынға бөліп немесе бөлшектеп қарасақ: (Са-я, С-а-я, Д-о-с, С-ә-т, т. б.), бұлардан ешнәрсені түсінбес едік те, мән де шықпас еді. Олай болса, түбір тұлғалы кісі аттары, көбіне, төл сөзден жасалып, орнықты болып келеді. Ана тіліміздің байыргы сөздерінен жасалған түбір тұлғалы кісі аттары өте көп. Мысалы: Асыл, Алма, Асқар, Асау, Арай, Бақыт, Серік, Есет, Жібек, Құміс, Сәуле, Шекер т. б.

Осылармен қатар, басқа да тілдерден енген түбір тұлғалы аттар бар. Олар қазақ тіліне сіңісп, оның заңына бағынып, төл атауымызға айналып отыр. Мысалы: Асан (ир. *женіл*, *оңай*), Дида (ир. *тур*, *өң*, *жұз*, *шырай*), Дихан (ир. *ауыл старостасы*, *егінші*, *шаруа*), Жомарт (ир. *аққөңіл*, *кең пейіл*, *мырза*, *қолы ашық адам*), Қатиға (ар. *барқыт*), Қырмызы (ир. *ашық қызыл түс*), Мұқым (ар. *тұрақты*, *мықты*), Қөдек (ир. *бала*, *сәби*), Манап (ар. *орынбасар*). Маржан (ир. *өмір*, *жан*,

зор адам; *iñju*); Назар (ар. *көз*, *көзқарас*, *көрү*), Наркес (ир. *бақта өсетін ақ гүлді өсімдік*, *мөлдір*, *әдемі көз*). Нақыш (ар. *көркем*), Раушан (ир. *айқын*, *жарық*, *жалтыраган*), Сапар (ар. *саяхат жасау*, *жиһангер*), Сара (ир. *таза*, *айқын*). Таңсық (ир. *әуестік*, *қымбат*, *багалы*), Шара (ир. *дәрі*, *ем*)¹, Ноян (моңғ. *князь*), Найман (моңғ. *сөгіз*), Баян (моңғ. *бай*). Анна (евр. *мейрім*, *рақым*, *шапағат*). Дәуіт (евр. Давид — *сүйікті*), Захар (евр. *ақыл*, *ес*), Зоя (гр. *өмір*), Илья (евр. *қорған*, *куш*), Клара (лат. *айқын*, *жарық*, *даңқты*), Максим (лат. *үлкен*), Раиса (гр. *женіл*)² т. б.

Солармен бірге, тілімізде: *Момбек*, *Момыш*, *Мұқыш*, *Батай*, *Қабай*, *Біжкен*, *Мәншүк* сияқты да кісі есімдері кездеседі. Олардың негізгі түбірін мағыналық жағына қарап ажыратуға болады. Мысалы: Момбек деген кісі атының бәлшектеуге келмейтін морфемасы *мом* ‘балауыз’³. Ал Момыш, Мұқыш, Қабай, Мәншүк⁴ сияқты кісі аттары әрі еркелету, әрі қысқарту формасында түр. Бұлардың толық формалары: Момынәлі, Мұқырбек, Батырхан, Қабдолла, Мәнсия.

Жоғарыда айтылған кісі аттарындағы *мом*, *біж* морфемаларының өзіне тән жеке мағыналары осы күнде ұмыт болғандықтан, қазіргі қазак тілінде қолданылмайды.

9. Тұынды тұлғалы антропонимдер

Тіліміздегі басқа сөздер сияқты антропонимдер де қосымшалар қосылу арқылы тұынды тұлғалы болып келеді. Ондай жолмен жасалған есімдер өте көп. Сондықтан бұндай тәсілмен жасалғандарды тұма ат деп атауға болады. Бір түбірден болмаса бір негізден өрбіген антропонимдерді көрсету үшін мынадай үлгі схема жасаймыз.

¹ Я г е л л о. Полный арабско-персидско-русский словарь. Ташкент, 1900, стр. 630.

² Как ваше имя? Словарик имен. М., 1939.

³ Уйгурско-русский словарь (Составили Н. А. Баскаков и В. М. Насилов). М., 1939, стр. 97.

⁴ Мұндағы шүк журнағы тіліміздегі еркелету формасында қолданатын -шық, -шақ жүрнагының өзгерген түрі.

Тіленші	Төлек
↓	↓
Тіленді	Төленді
↓	↓
Тілеген	Төлен
↓	↓
Тілеулі	Төлеміс
↓	↓
Тілеулес	Төлеген
↓	↓
Тілеукас	Төлеу
↓	↓
Тілеуке	Төлебай
↓	↓
Тілеміс	Төлеш
↓	↓
Тілеке	Төлепберген
↓	↓
Тілеш	Төлебай
↓	↓
Тілек	Төле
↓	↓
Тілепалды	Төлетай
↓	↓
Тілебай	Төлеутай
↓	↓
Тілепберген	Төлеухан
↓	↓
Тілеубек	Төлембай
↓	↓
Тілеутай	Төлемұрат
↓	↓
Тілеуқабақ	Төленіш
↓	↓
Тілеужан	Төлеуке
↓	
Тілепкел	

Ер компонентінің қосылуы арқылы жасалған антропонимдер: *Еркін, Ерлен, Ерлан, Ерден, Ерлік, Ерміш* т. б. Антропонимдік қосымшаларды екі жікке (өлі және тірі жүрнақ деп) бөлуге болады. Мысалы: *Ерміш, Жар-*

мыш, Тілеміс, Жасамыс, Өтеміс, Малсақ сияқты антропонимдегілер көне жұрнақтар. Бұлар қазіргі тіліміздегі сөздерге жалғана бермейді. Tipi жұрнақтар бір сөз табына тән сөздерден, екінші сөз табына жататын сөздерді және антропонимдерді жасайды.

Ол жұрнақтардың атқаратын қызметі, өзіне тән мағыналары бар. Мысалы: *-лан* жұрнағы зат есімнен етістік тудырады да, зат есімге айналады. Мысалы: *Нұрлан, Ерлан, Ерболсын* т. б. *-лы, -лі, -ды, -ті* жұрнақтары зат есімнен сын есім туғызып, қайтадан субстантивтенеді. *-Лық* жұрнағы есім сөзге жалғасып, зат есім түлғалы сөз тудырады. Мысалы: *иғілік, жақсылық, аналық, аталық, сағындық, сүйіндік* т. б. Бұл сөздерден қайтадан антропонимдер жасалады.

Сонымен, туынды түлғалы антропонимдер негізінен аффикстік жол арқылы жасалатыны байқалады.

10. Біріккен түлғалы антропонимдер

Қазақ тілінде сөз тудырудың, жаңа сөз жасаудың бір амалы екі түбірді біріктіріп айту. Бір сөзді екінші сөзге біріктіріп жаңа сөз тудыру тек кейінгі кезде ғана шыққан тәсіл емес, аргы заманнан келе жатқан, әбден орынғып қалыптасқан, үйреншікті тәсіл⁵.

Тіліміздегі кісі аттарының басым көпшілігі екі сөзден біріккен, яғни біріккен түлғалы бол келеді. Олар, әдетте, сын есім мен зат есім, етістік пен зат есімдердің бірігуі арқылы кісі атына айналып отырады.

Біріккен түлғалы кісі аттарына үш түрлі қасиет тән. Олар:

1) Аффикстік тәсіл. Бұл тәсіл бойынша, түбір сөзге қосымша жалғану арқылы жасалады. Мысалы: *Қойшибай, Қойлыбай, Малдыбай, Аналық, Аталық, Жақсылық, Иғілік, Сағындық*, т. т.

2) Дербес мағыналы сөздердің бірігуі арқылы жасалатын есімдер. Мысалы: *Бекайдар, Базарбай, Нұрсұлу, Айсұлу, Кулімхан, Сағынғали, Қозыбай, Асанхан, Ақжолтай, Қаракөзайым, Бәдігүлжамал* т. т.

3) Эпитеті алды-артында келіп бірге айтылатын кісі аттары. Бұлардың екі сыңары да бірдей айтылып,

⁵ «Қазіргі қазақ тілі». Алматы, 1954, 192-бет.

бір адамның есімін білдіреді. Бірақ бөлек жазылады. Мысалы: *Қозы Қөрпеш*, *Баян сұлу*, *Қызы Жібек*, *Ер Төлеген*, *Алпамыс батыр*, *Ер Тарғын*, *Қобыланды батыр*, *Ақан сері*, *Біржан сал*, *Алдар көсе*, *Жирене шешен*, *Асан қайғы* т. т.

Кейбір кісі аттарының екі сыңары немесе бір сыңары басқа тілдерден енген болып келеді. Мысалы: Ахметқали, Мұхаметқали, Сейітқазы, Сұлтанәлі, Аббас, Жамалхан, Гүлзира, Қожабек, Әбдірахман, Әбдіқадыр, Әбдікерім, Абдолла, Хабиболла, Әзизолла, Рахметолла, Құдышетолла, Лутфолла, Нұролла т. б.

Бұл есімдердің әрбір компонентінің шығу тарихы, түпкі мағынасы бар. Абд (ар. құл — раб) сөзімен тіркес келеді де: Абд-оль-керим, Абд-оль-рахман, Обдольрахим, Абд-оль-кадер, Абдолла формасында айтылады.

Ал иран тілінде *хабиб* — ‘сүйікті’, ‘сүйкімді’, *олла* — ‘құдай’, *азиз* — ‘сүйкімді’, *рахмет* — ‘мейрімділік, рахымдылық’, *кодрет* — ‘куш, қуат’, *лотф* — ‘сүйкімділік’ — *нұр*, ‘жарық, сәуле’. Иран тіліндегі бұл зат есімдер алла (құдай) сөзіне қосылғанда *Рахметолла*, *Құдышетолла*, *Лутфолла*, *Нұролла* сияқты кісі аттары жасалады. Бұлар қазақ тіліне енгенде, тіліміздің заңына бағынып, фонетикалық ерекшелікке ұшыраған. Олардың арасындағы шектес дыбыстар өзгеріп, яки қысқарып барып бірігіп, әрі кірігіп контаминацияға түскен. Бұл тәрізді кісі аттары тілімізде өте көп. Ондай кісі аттары жөнінде белгілі тюркологымыз Э. В. Севортьян былай дейді:

«Особенно много фонетически слитных форм дают собственные имена, заимствованные из арабского, объяснение чему следует искать в том, что они уже с самого начала не осознавались на тюркской почве в качестве словосочетаний, и обеспечило беспрепятственную фонетическую эволюцию подобных словосочетаний. Из слитных форм собственных имен могут быть приведены Фатали из *Feth* Али, Апселям из Абд-уль-Селям, Апрешит из Абд-ур-Решид и др.»⁶

Бұл сияқты дыбыстардың өзгеріп, яки қысқаруы арқылы біріккен кісі аттары өте ертеден бар құбылыс.

⁶ Э. В. Севортьян. Соотношение грамматики и лексики в тюркских языках. Вопросы теории и истории языка. М., 1952, стр. 319.

Мысалы: Қарлығаш — қара құс, яки қара ала құс деген сөзден, Алламыш — Алып Мамыш деген екі сөзден қысқарып барып біріккен. Ал Махмұт — Мохаммед деген кісі атынан өзгеріп кіріккен. Фахар-е-дин деген сөзден Фахирден бол кіріккен. Сондай-ақ бірсыныра біріккен тұлғалы кісі аттарының арасындағы шектес дыбыстардың қысқарып кетуі арқылы да кірігетінін байқаймыз. Бұндай құбылысты тіл білімінде контаминация деп атайды.

11. Біріккен тұлғалы антропонимдердің орын тәртібі

Екі компоненттен біріккен есімдер, анықтайтын сөз бер анықталғыш сөз, толықтайтын сөзберен толықталған сөз, пысықтайтын сөз бер пысықталғыш сөздердің өз ара біргүйен жасалады. Мысалы: Ақбас, Аққал, Қаратай, Сарыбай, Торайғыр, Ақтоқты, Ақмарал тәрізді кісі аттарының бірінші компоненттері анықтайтын сөздер де, екінші компоненттері анықталғыш сөздер. Сондай-ақ Қойбағар, Майбасар, Таусоғар тәрізді есімдердің бірінші компоненті тұра толықтауыштар.

Бұл тәрізді біріккен тұлғалы кісі аттары басқа түркі тілдерінде де кездеседі. Генезисі жағынан қарағанда, олардың әр кезде шыққандығы байқалады.

VI—XI ғасырларға тән түркі жазбаларында бар біріккен тұлғалы кісі аттарының бірінші компоненттеріндей: ай, күн, таң, кек, теңіз, тәңірі, барыс сияқты анықталғыш сөздер бірінші компонентте анықтауыш орында тұрады да, анықтауыш мүше екінші компонентте анықталғыш орында ауысып келеді. Мысалы: Нұрсұлу, Құнсұлу, Қызжібек. Бұл қазіргі қазақ тілінің грамматикалық құрылышы нормасына қайшы. Ал қазіргі тілімізде қараңғы түн, ашық күн, жарық таң деп қолданамыз. Кісі аттары Сұлухан, Сұлуман, Аққызы, Нұрқызы, Құмісай формаларында кездеседі. Бұған қарағанда, кісі аттары компонентінің орын тәртібінде грамматикалық құрылыштың көне формалары сақталғанына проф. К. Жұбанов келтірген мысалдар толық айғақ. «Дәстүр бойынша әйел аттарынан: Айсұлу, Құнсұлу, Таңсұлу; ер аттарынан: Айжарық, Құнжарық, Таңжарық тәрізді есімдерде ескі сөз тәртібі сақталғаны

байқалады»⁷. Осы сияқты кісі аттары өте көп-ақ. Олардың кейбіреулері ғана қазіргі грамматика заңына бағынып, анықтауыш пен анықталғышын ауыстырып қолдануға көнеді. Мысалы: Байқожа — Қожабай, Байқошқар — Қошқарбай; Бекболат — Болатбек, Байұзақ — Ұзақбай. Байқоңыр — Қоңыrbай, Айдарбек — Бекайдар; Байбек — Бекбай; Байділда — Ділдабай; Бекқожа — Қожабек; Бектемір — Темірбек, Бектүр — Тұрбек; Байдәulet — Дәuletбай т. т. Ал осыларға көрініше, енді бір топ кісі аттары бастапқы қалпынан өзгермейді. Мысалы: Итбай, Баққожа, Асылбек, Байтас, Дененбай т. т.

Бұл тәрізді біріккен кісі аттары компоненттеріндегі сез тәртіпперінің орын ауыстырулары кейде грамматикалық заңға, кейде ат қою принципіне негізделеді. Қеңе тұлғалы Айсұлу, Айжарық, Байтөбет, Нұрсұлу типтес кісі аттарының компоненттерін қазіргі тұрғыдағы синтаксистік мүшелерге бөліп, анықтауыш, анықталғыш ретінде қарауға болмайды. Өйткені, қазіргі қазақ тілінің заңы бойынша зат есім сейлемнің анықтауыш мүшесі бола алмайды. Сондықтан бұл типтегі есімдер қоне синтаксистік тәсілге жатады.

Жоғарыда айтылғандай, көптеген кісі аттарының бірінші, яки екінші сыңарларында *бай*, *бек*, *батыр* сездері қолданылған. Бұл сездер сын әрі зат есім мағынасында жұмысала береді. Сондықтан олар әрі анықтауыш, әрі анықталғыш мүше қызметін атқарады.

Батыр — халық ұғымында ерлік, батылдық, қыратылық және ерекше қайратымен көзге түскен кісі. Сондықтан да ерте кезде *батыр* көбіне титул ретінде қолданылған. Әрбір ру, ауыл арасынан шыққан данқты ер адамды біздің *батыр* деп атаған. Осындай батырлар басқа да ауылда, руда болған. Оларды бір-бірінен ажырату үшін: — ол қай батыр, қандай батыр? — деп сұрақ бергенде: Бөгембай батыр, Қабанбай батыр деп атап айтатын. Сондықтан кісі аты батыр сезінің соңында келіп, анықтауыш мүше, батыр анықталғыш мүше болып кеткен. Ал, *сал*, *сері*, *көсе*, *шешен* сездері тұлғалары жағынан сапалық сын есімге жатады.

⁷ Проф. К. Жубанов. Исследование по казахскому языку, вып. I. Алма-Ата, 1936, стр. 25.

Қазіргі тіліміздің нормасына сай, бұл сөздер анықтауыш қызметін атқарып, кісі аттарынан соң келу кепек еді. Бірақ керісінше, анықталғыш мүше орнында тұр. Бұлай қолдану қазақ тілінің өзіндік ерекшелігін байқатады.

Ер Тарғын, Ер Сайын, Ер Төлеген, Ер Қази тәрізді тіркес есімдердегі *ер* компоненті анықтауыш, екінші сыңарлар анықталғыш мүшелер. Қазіргі тіліміздің нормасында *ер* сөзі анықталғыш мүше ретінде сирек жүмсалады.

Компоненттері анықтауыш және анықталғыш мүшеден тұратын кейбір есімдердің арасындағы дәнекер дыбыстардың түсіп қалатыны байқалады. Мысалы: Ізгұтты, Жолғұтты, Малбай т. т. Бұлардың бастапқы тұлғалары: *Ізіқұтты*, *Жолықұтты*, *Малыбай* болған.

Біріккен тұлғалы кісі аттары компонентінің бәрі бірдей бастауыш, баяндауыш қызметін атқара бермейді. Компоненттің бірі бастауыш, бірі баяндауыш қызметін атқаратын біріккен тұлғалы кісі аттары санаулы гана. Мысалы: Бақберді, Құдайберген, Тәңірберген, Алдаберген, Жылкелді, Қожаберген, Есберді т. б. Баяндауышы бірде етістіктің императиві формасында, бірде есімше категориясында да келе беретін есімдер бар. Бұлар кейде орын ауыстырып та қолданылады. Мысалы: Бердібай, Бердіқожа, Қожаберді, Болғанбай, Тұғанбай, Өскенбай, Болсынай т. т.

Бұндай жағдайда есімше тұлғалы компоненттер синтаксистік қызметі жағынан анықтауыш мүше бола отырып лексикалық та мағынаға ие болады.

Ал императив тұлғалы компоненттер синтаксистік қызмет атқармай, тек лексикалық мәнге ие болады. Мысалы: Тұрсынай, Болсынай т. т.

Анықтауштың анықталғыш мүшеден соң келуі кісі аттарында көбірек кездеседі. Екі адам сөйлесіп отырғанда өз сөзіне тыңдаушының назарын аудару үшін, я болмаса, сөз етіп отырған адамның кім екенін, қандай адам екенін аңғарту үшін әпитет қолданылады. Бұл әпитет анықтауыш мүше болады да, анықталғыштан соң тұрады. Мысалы: әнші Қенен, батыр Әлтай, тілші Әсет, жазушы Мұхтар, ақын Ғафу т. т. Қазір бұл тәртіп өзгеріп Мұхамбаев жолдас, Қасым философ, Айқын сыңышы формасында қолданылып жүр. Бұл тә-

стлдің қазіргі тіліміздің грамматикалық құрылышына сәйкеспейтінін проф. К. Жұбанов⁸ көрсеткен еді.

Сапалық сын есіммен келген анықтауыш, анықталғыш кісі аттарының алдында келмейді. Мысалы: Ұзын Сейіт, Сейіт ұзын емес, Ұры Қиқым, Қиқым ұры емес, Семіз Әли, Әли семіз емес т. т. Ру, ел аттары кісі аттарының соңында келіп, анықталғыш кісі атымен қысып тұрады. Бұны ескі ауыз әдебиетінен және басқа да материалдардан көреміз. Мысалы: Қара Қыпшақ Қобыланды, Кейкі Өтеген, Беріш Өдене, Тама Жанблат, Табын Тіленші, Адай Атакозы, Үйсін Самсан⁹.

Kіci аттарынан соң келетін анықтауыштың құрделі болуы да мүмкін. Мыс.: Қарақасқа атты Қамбар, Керқұла атты Кендебай, Қаракөз Әкім т. б. Бұлар анықтауыш қызыметін атқарып, анықталғыштан соң келеді.

Компоненттердің біріншісі, яки екіншісі бай сөзімен келетін кісі аттары көп. Жылқыбай, Малыбай, Мырзабай, Баймырза тәрізді аттар байлыққа байланысты қойылғандығы белгілі. Ал Итбай, Қасқыrbай, Бөрібай, Құшіkbай, Байтөбет тәрізді аттар итке, қасқыrbага яки күшікке бай болсын, яки иттің, қасқыrdың өзі бай болсын деген мақсатпен қойылмаған. «Қасқыrbага, итке бай кісі болмайды. Адамның негізгі байлығы — мал. Сондықтан Итбай, Қасқыrbай, қойылуында бір сыр бар», — деп оны өзі шешіп береді проф., К. Жұбанов, — бұлай қою тотемге байланысты. Қасқыr, ит ерте кезде ру басшылары, ру аттары болған». Оны Ф. Энгельстің «Жеке меншік пен семьяның шығуы» атты еңбегінен де көруге болады.

Байсал, Итбай тәрізді есімдерді, керісінше, Салбай Байит деп қолдануға болмайды. Оның себебі бар. Ол себепті проф. К. Жұбанов былайша түсіндіреді.

«Бай — белгілі адамдардың мәртебесін, дәрежесін көрсетеді. Ол «ит» — сөзіне анықтауыш бола алмайды (Байит формасында), өйткені кедейлік пен байлық мәлшері итке тән емес»¹⁰.

Кейбір біріккен тұлғалы кісі аттарында лексика-синтаксистік көріністер байқалады.

⁸ К. Жұбанов. Көрсетілген еңбек, 21-бет.

⁹ Материалы по истории Казахской ССР, т. IV. М.—Л., 1940, стр. 65, 75.

¹⁰ Проф. К. Жұбанов. Көрсетілген еңбек, 29-бет.

Көптеген кісі аттары тұған жерге, мезгіл-мерзімге, белгілі бір себепке байланысты қойылатыны бар. Әсіреке күн, ай, жыл аттарына байланысты қойылған кісі есімдері көп-ақ. Мысалы: Шілдебай, Қаңтарбай, Сейсенбай, Жексенбай, Наурызбай т. б. Бұлар лексика-сintаксистік жағынан мезгілді, уақытты білдіреді. Шілдебай — шілдеде тұған бай, Қаңтарбай — қаңтар айында тұған бай, Жексенбай — жексенбі күні тұған. Бұлар сintаксистік құрылышы жағынан мезгіл бағыныңқы сөйлемге тән. Біріккен тұлғалы есімдер өзгермей қалған жоқ. Құрделі тұлғалы кісі аттарын қысқартып қолдану бұрыннаң бар құбылышы. Олар, әдетте, бірінші яки екінші сыңарының түсіп қалуы арқылы қысқарып отырған.

Көптеген қысқарған кісі аттарында әрі еркелету, әрі қысқару формасы сыйысып тұрады. Сәду — Сәдуақас, Сейділ — Сейдахмет, Әшім — Әшімғали, Әйтім — Айтыбай, Болат — Болатжан, Болатхан, Анар — Анарқұл, Әсем — Әсемгүл, Сәрсен — Сәрсенқұл, Раман — Раманқұл, Есман — Есмұқамбет, Сұлтан — Сұлтанмұрат, Қожан — Қожамбек, Әсет — Әсетолла, Гүлсім — Үмігүлсім, Жамал — Гүлжамал, Құлпаш — Гүлбаһрам.

Орыс тілінен енген аттарды, көбіне, қысқарған, яки еркелете аталған формасында қабылдап жүрміз. Мысалы: Саша, Алеша, Люда, Света, Гаяля т. т.

12. Антропонимдердің сөз таптарынан жасалу жолдары

Тіліміздегі ономастика мен топонимиқаның басым көпшілігі ана тіліміздің төл сөзінен жасалған. Осымен қатар, орыс, араб, парсы, монгол тілдерінен де енген кісі аттары бар. Олар айтарлықтай көп емес. Орыс тілінен енген кісі аттары әсіреке Октябрь революциясынан кейін ғана дамып отыр.

Тіліміздегі кісі аттары мен топонимдер тұлғасы жағынан, негізінде, зат есімге тән. Олардың кейбіреулері о баста басқа сөз табына телулі болған. Бірақ та кісі атымен топонимге айналу барысында субстантивтеніп, өзінің бастапқы формасынан айрылып жаңа мағынаға ие болған.

Тұбір тұлғалы кісі аттары генезисіне қарай, негізінде, зат есім тұлғалы бол келеді. Алайда кейір тұбір тұлғалы кісі аттарының о баста етістік тұлғалы екенін, кейіннен субстантивтенгендігін көреміз. Мысалы: Тұрсын, Тұrap, Тұрган, Сұраған, Отеген, Өтеміс, Басар, Басқан, Босан, Тілеген, Тілеміс, т. т. Бұл кісі аттарының бәрі де сез табы жағынан етістікке тән. Бұлардың ішінде есімше формалары да бар. Ал Босан, Дәмет сияқты есімдер етістіктің императивтік формасында тұр.

Тұбір тұлғалы кісі аттарынан басқа біріккен тұлғалы кісі аттары да көп. Бұл ете ертеден бар категория. Олардың компоненттері зат есім мен сын есім, етістік пен зат есім, сын есім мен зат есім тіркестерінен келеді де, тұтас бір атауды білдіреді.

Ондай кісі аттарын мынадай топқа бөлуге болады:

1. Екі компоненттің де зат есімнен жасалуы. Мысалы: Ақылжан, Нұрабай, Байтас, Бектас, Есілбек, Жанбота, Жантөре, Ботакөз, Ержан, Ерболат, Есболат, Болатбек, Баймырза, Байдәulet, Дәүлетбақ, Дәркенбай, Дәріжан, Сәрсенбек, Асылбек, Ағабек, Алмабай, Нұрай, Нұржамал, Нұрбұбі, Гұлжамал, Гұлбану, Құлтай, Құлжан, Сәрсенқұл, Ұлжан, Оразгұл т. т.

2. Бірінші компоненті зат есім, екінші компоненті етістік тіркестерінен жасалуы. Мысалы: Ырысалды, Айтуған, Құнтуар, Құнтуған, Қожаберді, Тәңірберген, Алдаберген, Құдайберген, Таңат, Таңатар, Таусоғар, Аманкелді, Қойбағар, Ербосын, Алдаберген, Бекбосын, Дәметкен, Орынбасар, Ұлтуар, Ұлтуған т. т.

3. Екі компоненті де сын есім тіркестерінен жасалуы. Мысалы: Ақсары, Ақсұлу, Жаманқара, Есенаман т. т.

4. Бірінші компоненті сын есімнен, екінші компоненті зат есімнен жасалуы. Мысалы: Сарыбай, Сарыбас, Жаңабай, Қәрібай, Қарабай, Қаражан, Ақбай, Жаңсыбай, Асылбек, Аманбай, Есенбай, Қаратай, Сартай, Ақбала, Ақтоқты, Ақбәпе, Ақмарал, Аққал, Сұлухан т. т.

5. Екі компоненттің де етістіктен жасалуы. Мысалы: Сұрабалды, Сатыбалды, Тілепберген, Сұрапберген, Сақтаған, Тілепалды, Тауыпалды, Сұрапберді, Аяпберген, Өтепберген т. т.

6. Бірінші компоненті сан есім, екінші компоненті зат есімнен жасалған есімдер. Мысалы: Сегізбай, Он-

бай, Елубай, Алпысбай, Жетпісбай, Сексенбай, Тоқсанбай, Жұзбай, Мыңбай т. т.

7. Бірінші компоненті есімдіктен, екінші компоненті зат есім сөздерден жасалуы. Мысалы: Бәрібай, Өзімхан, Өзденбай, Барлыбай, Түгелбай, Бұтінбай, Баршакұл.

8. Екінші компоненті етістік категорияларының бірінен келетін кісі аттары: Тұrap, Тұрган, Өтеген, Өтеміс, Тілеген, Тілеміс, Сұраған, Сақтаған, Басар, Болған, Тұрсын т. т.

9. Жалаң үстеулерден жасалған кісі аттары. Мысалы: Ерен, Өрен, Әуел, Әрен күшейту (ұлғайту) үстеулеріне жатады.

10. Бірінші компоненті үстеуден екінші компоненті зат есімнен жасалған кісі аттары. Мысалы: Әлібек, Әлібай, Жаңабай, Әуелбек, Әуелқан, Өтебай, Өтетілеу. Мұндағы үстеулердің бәрі мезгілдік үстеулер. Ал Өтебай дегендегі өте күшейту (ұлғайту) үстеуіне жатады.

11. Бірінші компоненті зат есім, екінші компоненті сын есімнен жасалған кісі аттары. Мысалы: Айсұлу, Құнсұлу, Нұрсұлу, Ерқара, Жоламан, Еламан, Ерсары, Жансары т. т.

12. Бірінші компоненті етістік, екінші компоненті зат есімнен жасалған есімдер. Мысалы: Тұғанбай, Өскенбай, Жүргенбай, Бердібек, Қошымбай, Өсербай, Тоқтархан т. б.

13. Сан есімдерден жасалған зат есімдердің мол, бай тобы — жалқы есімдер (адам, жер-су аттары мен ру, тайпа атаулары).

Кейбір есептік және ондық сандардың сез жасаудағы функциясы мен ролі, олардың халықтық-этнографиялық жайлармен байланысы профессор І. Кеңесбаевтың мақаласында жан-жақты талданған. Ғалым тілдегі сан есімдердің лингвистикалық табигатын, «матастырығыш», «киелі» функцияда қолдануын алғаш рет сез еткен-ді. Әсіресе «жеті», «үш», «тоғыз», «қырық» сандарының түркі тілдеріндегі функциясын толық сипаттап берді. «Тілдегі 7, 3, 9, 40 сандарымен байланысты фактілерді қорыта айтқанда, түркі халықтарында жеті саны айрықша орын теуіп, идеологияның бір саласы тілге терең тамырын жіберген, көп халықтарда «жетінің» арнаулы «киелі» қасиеті болған. «Үш», «то-

ғыз», «қырық» сандары да «жеті» тәрізді тіл-тілде «киелі» функцияда қолданылған. Сонымен қатар, бұл сөздер бір тілдің екінші тілмен байланысып, біріне бірі есептегенде, оның да аңғартады»¹¹.

Біріккен тұлғалы кісі аттары компоненттерінде сан есімдердің жиі кездесетін венгер ғалымы Л. Рашоньи өте орынды көрсеткен¹².

Сан есімдер негізінде жасалған жалқы есімдердің жер жүзі тілдерінің біразында кездесетін ортақ қасиет екендігін көптеген тілдер фактілерінен анық көреміз. Мәселен, орыс тілінде *Первой*, *Второй*, *Третьяк*, *Пятой*. Роман тілдерінде *Primus*, *Primigenius*, *Secundus*, *Secundilla*, *Quartus*; индия тілінде: *Triarina*, *Dasa-rattra*, *Sata-Candra*; араб-иран тілдерінде *Aхад*, *Ауел*, *Сони*, *Робия*, *Панч*, *Хомиса* т. б.

Қазақ тіліндегі жалқы есімдерді, оның ішінде кісі аттарын сөз еткенде, тек «ұш», «жеті», «тоғыз», «қырық» сандарымен байланыстыларын ғана айтып қоймай, олардың басқа да түрлерін талдаймыз.

Тіліміздегі сан есімдер арқылы жасалған жалқы есімдерді өзіндік типтеріне, құрылыштары мен ерекшеліктеріне қарай ұш топқа жіктеп қарауга болады.

Олар: сан есімдерден жасалған кісі аттары (антропонимдер), жер-су аттары (топонимдер), ру, тайпа аттары (этнонимдер). Бұдан басқа ән-күй, ойын атаулары да бар.

Осы жіктелген топтардың семантика-грамматикалық байланыстары және атауыштық функциялары кейде өз ара сәйкес келсе, енді бірде өзгеше болатынын ангаралымыз.

3, 5, 7, 9, 40, 100 және 1000 сан есімдерімен байланысты жер-су аттарының этиологиясын зерттеген Е. Қойшыбаев проф. И. Кенесбаев пікірімен келісе отырып, ондай топонимдердің семантикасын ашып берді¹³. Дегенмен автордың кейбір болжаулары өлі де болса айқындай, зерттей түсуді қажет етеді.

¹¹ И. С. Кенесбаев. «Жеті», «ұш», «тоғыз», «қырық»-пен байланысты ұғымдар, «Қазақ ССР Фылым академиясының хабарлары», филологиялық серия, 1946, № 4 (29)., 3—14-беттер.

¹² L. Rasonyi. Les de nomere dans lanthroponymie turque. Acta Orientalia. Tomus, XII; Facs 1—3, Hung, 1961, P. 45—71.

¹³ Е. Койчубаев. Основные типы топонимов Семиречья. Автореф. канд. дисс., Алма-Ата, 1967, стр. 5—9.

Қазақ тіліндегі кісі аттарының біразы сан есімдердің арқау болуы арқылы жасалады. Олар дара және біріккен тұлғалы есімдердің компоненттерінде кездесіп отырады. Бұндай есімдердің жасалуында немесе дербес атауыштық функцияға ие болуында көптеген заңдылықтар бар. Ол заңдылықтардың сырты тым тереңде жатады да, алуан түрлі мән, мағынаға ие келеді.

Сан есім арқылы жасалған кісі аттарының бір тобы баланың туған күні, мерзіміне, оны қоршаган ортаға, әмір тіршілігіне байланысты болса, енді біреулері сандардың «қасиеттеріне» сену идеясына орай қойылып отырғаны байқалады. Мәселен, Үшбай, Жетібай, Тоғызбай, Қырықбай тәрізді есімдердің қойылуы халықтың салт-сана, әдет-ғұрыптарында жиғ қолданылатын «жеті», «тоғыз», «қырық» сөздерімен тығыз байланысып жатады. Сондай-ақ 1, 2, 3, 4, 5, 6, 7, 8, 9, 10, 40, 50, 60, 70, 80, 90, 100, 1000 сан есімдерімен байланысты жерсу, кісі аттары мен ойын, ырым, салт, түрлі сенім, жыл маусымы, күн тәулігі тәрізді сөздер көп-ақ. Мысалы:

Бір сан есімімен байланысты жалқы есімдер: Біржан, Бірке, Бірімжан, Біртай, Бірмағамбет, Бірман (кісі аттары), Біртілек, Бірсуат, Біршоғыр (жер-су аттары).

Екі сан есімімен байланысты есімдер: Екібай, Екей, Екілік бин Бөгенбай¹⁴ (кісі аттары). Екібастұз, Екіқұлын, Екішек (жер аттары), басқа түркі тілдерінде Игей¹⁵, Игибай Экиликтай¹⁶.

Түркі тілдерінде жұптық мағынаны білдіретін «егіз» сөзі арқылы да жасалған жалқы есімдер бар. Олардың фонетикалық таңбалануы тілдік ерекшеліктерге қарай әр түрлі. Қазақ тіліндегі кісі аттары Егізек, Егіз, Егізбай түрлерінде айтылса, осман түріктерінде *Jkizäk daban*¹⁷ түрінде айтылады.

Егіз сөзі арқылы жасалған жер-су аттары: Егізкөл, Егізқызыл, Егізтөбе т. б. Осы егіз сан есімінің синонимі «кос» сөзі арқылы да жалқы есімдер жасалады: Қосдәulet, Қосай, Қосым, Қосмұқамбет, Қосбай, Қосек,

¹⁴ Материалы по истории Казахской ССР. 1875—1828 г., т. IV. М., 1940, стр. 158.

¹⁵ В. К. Магницкий. Чувашские языческие имена. «Известия общества археологии, истории, и этнографии», т. XXI, вып. 2, Казань, 1905, стр. 40, столб. 2255.

¹⁶ Материалы по истории Башкирской ССР, т. III. IV. М., 1936.

¹⁷ L. Rasonyi. Қөрсетілген еңбек, 51-бет.

Қосайдар, Қосбармақ, Қосеке, Қосжан (кісі аттары); Қосағаш, Қосақжар, Қосарал, Қосарық, Қосбалық, Қосбатыр, Қосестек, Қосжалтыр, Қосжарық, Қоскөл, Қосқарағай, Қосқопа, Қосқұдық, Қособа, Қостанай, Қостогай, Қостөбе, Қосшағыл, Қосшоқы (жер-су аттары); Қосбасар, Қостармақ, Қосетек (ән-күй аттары).

«Уш» сан есімі арқылы жасалған жалқы есімдер тілімізде некен саяқ. Оның себебі, бұл сан есімнің жалқы есімдер жасауда кеңінен қолданбайтынынан болса керек. Ал «уш» сан есімімен байланысты сөз тіркестері тілде керісінше жиі қолданылады. «Үйірімен уш тоғыз», «уш қайтара ант бер», «ер кезегі үшке дейін», «уш қайтара сәлем де», «уш үйықтаса түсіне кірмеген» тәрізді сөздердің тәркінін түсіндіре келіп I. Кеңесбаев былай дейді: «Уш» сөзімен байланысты ойын аты, ырым, салт, түрлі сенім, жыл маусымы (кей халықтарда ай аттары) тәрізді сөздер бар... Шагатай тілінде «уш» деген жақын, туған, қаны бір туысқан деген ұғымды берген»¹⁸.

Қазақ тіліндегі Ушбай, Ушлік, Ушаяқ, Уштаб тәрізді кісі есімдерінің семантикасында «уш» сан есімінен гөрі, жоғарыда айтқандай, «жақындық», «туыстық», «бауырлық» ұғымы бар сияқты. «Уш»-пен байланысты есімдер түркі тілдерінде Ушқұртқа, Ушата, Ушбас¹⁹, Учпай²⁰ формаларында да кездеседі.

«Уш» сан есімі арқылы жасалған жер-су аттары: Ушбұлақ, Ушкөл, Ушарал, Ушкемей, Ушкөпір, Ушкүн, Ушқайық, Ушқамыс, Ушсар, Уштөбе, Ушбас, Ушибік т. б. Бұл тәрізді жер-су аттарының нақтылы сандық мағынаны білдіріп тұрганы даусыз. Өйткені жер-су аттары өмірдегі құбылыстың конкретті ұғымына сайқойлады да, ұзақ жылдар бойы өзгеріске ұшырамайды, тұрақты келеді.

«Төрт» сан есімінен жасалған жалқы, жалпы есімдер және сөз тіркестері тілде орасан мол. Әсіреле, сөйлем, сөз тіркестерін, есім тіркестерді жасауда төрт сан есімнің ерекше қызмет атқаратынын тіл өмірінен жиі кездестіреміз. Бұл реттерде ол «матастыруыш» функцияда тұрады да, алуан түрлі мағына береді. Мысалы:

¹⁸ I. Кеңесбаев. Қорсетілген еңбек, 10-бет.

¹⁹ L. Rasonayi. Қорсетілген еңбек, 52-бет.

²⁰ К. Дайканов. Имя существительное в киргизском языке. Фрунзе, 1956, стр. 22.

төрт түлік, төрт тарап, төрт құбыла, төрт жолдың торабы, төрт құлақ (ою аты), екі көзі төрт болды, төрт көзі түгел, төрт тағандау, төртпак, өтірік пен шынның арасы төрт-ақ елі, төрт қанат үй, төрт бұрыш, түн үйқысын төрт бөлді т. б.

Бұл мысалдардағы «матастыруши» роль атқарып тұрган «төрт» сан есімі бірнеше мағынаны білдіріп тұр. «Төрт қанат үй», «төрт бұрыш», «төрт түлік» тәрізді сөз тіркестерінде нақтылы төрт сан есімін аңғартып тұрса, *төрт жолдың торабы*, түн үйқысын *төрт бөлді*, *төрт тарап*, екі көзі төрт болды тәрізді тіркестерде ауыспалы мағынада айтылып отыр. Бұндай құбылыстар «төрт» сан есімі арқылы жасалған кісі есімдері мен жер-су аттары құрамынан да толық байқалады.

Төрткүл, Төртқұдық, Төртпішен тәрізді жер-су аттары, Төртқара, Төртсары, Төртел тәрізді ру аттарындағы «матастырғыш» сан есімі «төрт» арқылы сол ру-лардың о бастағы нақты санына байланысты қойылған болу керек.

Тілімізде «бес» санымен байланысты жасалған сөздер мен сөз тіркестерінің және кісі аттары мен ру, жер-су аттарының табиғаты да жоғарыда көрсетілгендерден алшақ болмаса керек. Бұл сан есім арқылы жасалған сөздер мен ономастикондарды тұркі тілдерінің көбінен кездестіреміз. XIX ғасырдағы өзбек халқына тән материалдарда Бишсайт, Бишсары²¹, қарақалпақ тілінде Бескемпир, Бессары, Бешбала, Бешсейт²², қырғыз тілінде Беш-керюк²³, Бессары, Бестерек, Бесқасқа, Бессұпы, Бесторсық тәрізді ру аттары; Бесағаш, Бесбұлақ, Бесқарағай, Бесоба, Бесқопа, Бесөзек, Бестаудеген жер-су аттары; Бесбай, Бешей, Бесбек сияқты кісі аттарының және *бес аспап*; *бес енеден белгілі*; *бес елі*; *ер қаруы бес қару*; *бес биенің сабасында* сияқты тіркестерді сөздік қорымызда жиі қолданамыз. Бұлардың бәрінде «бес» сан есімі «матастырғыш» функцияда келіп, синтаксистік байланыс жағынан атрибутивтік қасиетке ие болып тұрады.

«Алты» сан есімімен байланысты кісі аттары: Ал-

²¹ Сб. «Узбеки, русский Туркестан», вып. II. М., 1872.

²² Н. А. Баскаков. Каракалпакско-русский словарь. М., 1958, см. прилож.

²³ Белеқ. С. Е. Малову. Сб. статей. Фрунзе, изд-во Кирфан АН СССР.

ты, Алтыбай, Алтыбасар, Алтыай, Алтыхан, Алтыбек, Алтыеке; Алтыбармақ; якут Алтахан²⁴; өзб. Олтибай²⁵; чуваши Олтабась²⁶. Жер-су аттары: Алтыапан, Алтыбайсор, Алтықарасу; түркі тілдеріндегі ру аттары: Алтеке-сары, Алтыбай, Алтыбаш²⁷. Тілде жиі колданылатын сөз тіркестері: алты қанат үй; алты арыс, алты бақан, алты батпан, алты ай жаз, азу тісі алты қарыс, алты ай қыс, алты қабат ор, алты ауыз өлең, алты қырдың асты; алты аласы, бес бересі, алтыс күн атан болғанша, алты күн бура бол т. б. Демек, «алты» сан есімінің сөздік қорымында кеңінен колданылып, түрлі лексика-семантикалық қасиетке ие келетін-дігін байқаймыз.

Kісі аттарының «алты» сан есімімен байланысты жасалуын кейбір түркі тілдерінің тарихында баланың қол-аяғында саусақтарының алты болып тууымен байланыстыру бар. Мәселен, өзбек ономастиконың зерттеуші Э. Бегматов былай дейді: «Балалардың қол яки аяқтарының саусақтары алтау болып туса, Ортиқ, Ортиқбай, Ортиқой, Олтибай сияқты есімдер қойылған»²⁸.

Қазақ тіліндегі «алты» мен байланысты кісі аттары баланың туған мерзіміне, күніне және туу ретіне байланысты қойылған болу керек. Осымен қатар, алты сан есімінің көптеген ру, тайпа аттарын жасауға да арқау болғаны байқалады. Мысалы: алтеке сарым, алтыбай, алтыбаш арғын-қыпшак тайпаларында, алты сары, жеті сары қыргыздарда кездеседі. Сары, сарығ, сарыхлар формаларындағы ру аттары сагай және қарас тілдерінде болған. Бұл «сары» ру аты ретінде қазак, қыргыздарда (тіптен бұрынғы енисей қыргыздарында да) болғанын, оның түп төркіні динлиндерге тән болу

²⁴ L. Rason up i. Көрсетілген еңбек, 57-бет.

²⁵ Э. Бегматов. Номлар ва одамлар. Тошкент, «Фан», 1966, 36-бет.

²⁶ В. К. Магницкий. Чувашский языческие имена. «Известия общества археологии, истории и этнографии», т. XXI, вып. 2, Казань, 1905, стр. 61, столб. 5095.

²⁷ Н. Бравин и И. Беляев. Указатель племенных имен к статье Н. А. Аристова «Заметки об этническом составе тюркских племен и сведения о их численности». Записки русского географического общества по отделению этнографии, т. XXVIII, вып. II. СПб., 1903.

²⁸ Э. Бегматов. Номлар ва одамлар. Тошкент, «Фан», 1966, 36-бет.

керек деген болжауды Н. А. Аристов айтып кеткен²⁹.

Жалпы түркі тілдерінде, әсіресе қазақ тілі сөздік қорында «жеті» санымен байланысты сөздер мен белгілі ұғымдардың көп қолданылуы, олардың «адам баласының ертедегі өмірінде уақыт өлшемі, көлемдік өлшемі жағынан ерекше қызмет атқарғанын проф. I. Кеңесбаев жан-жақты талдаپ, баяндап берген болатын³⁰. Ертедегі эпостарда батырлардың алып денесін, жауынгер тұлпарлардың зор тұлғасын суреттегендеге алты құлаш ала ат, жеті құлаш жириен ат, жеті мыстан тәрізді теңеулер, өлшемдік ұғымдармен суреттелген. Мысалы: алты азактығ ала-чокыр аттығ, алты кулас сынының ағ-оі аттығ, йетті кулас сынының³¹. Мифологиялық ұғымға байланысты жалмауыздарды қазақта жеті басты жалмауыз, жеті басты айдаһар дейді. Сондай-ақ, жеті ата, жеті қат, жұт жеті ағайынды тәрізді сез тіркестері де мол.

Kisi, жер-су аттары мен ру, ел аттарын жасауда да «жеті» санының «матастырығыш» функциясы ерекше байқалады. Бұл сан есім арқылы жасалған антропоним, этнонимдер мен топонимдер тілімізде көптеп кезбөседі. Kisi аттары (антропонимдер): Жетібай, Жетен, «Төтіқара, Жетей, Жетеген; топонимдер: Жетіарал, Жессыу, Жетікөл, Жетіген; этнонимдер: Жетіру, Жетібая; түркі тілдерінде: чув. сittа³² қырг. Жетібай, жетінин айы (ноябрь айы), жети түнде тәрізділер бар³³. Тұл «жеті» санын түркі халықтары ертеде «сиқырлы», «қасиетті» санаған. Галым А. Машанов «жеті» санының қасиеті туралы «Сиқырлы жеті әліп» деген әңгімелінде кейіпкерін былайша сөйледеді:

²⁹ Н. А. Аристов. Заметки об этническом составе тюркских племен и сведения о их численности. «Живая старина», вып. III и IV, год шестой, СПб., 1896, стр. 346, 427.

³⁰ И. К. Кеңесбаев. Көрсетілген еңбек, 3—9-беттер.

³¹ Я. Ф. Катанов. Алфавитный указатель собственных имен, встречающихся в первом томе «Образцы народной литературы тюркских племен», собранных В. В. Радловым. СПб., 1888, стр. 10, 11, 12, 22.

³² В. К. Магницкий. Чувашские языческие имена. «Известия общества археологии, истории и этнографии», том. XXI, вып. 4.

³³ К. К. Юдахин. Киргизско-русский словарь. М., изд-во «Советская энциклопедия», 1965, стр. 25.

«Жеті жұлдыз, жеті көк,
Жерде тағы жеті тек
Жерге түспес жеті әліп,
Жер елшеуші жеті деп...

Анау тұрған жеті қарақшы, ол жеті күзетші, жеті шырақ. Көк шөміші жеті әліп деген сол. Ол Темір қазық жүлдізын айналып жүр. Айналған сайын өмір өтіп жатқанын білдіріп, әлемге жар салуда. Оның жеті жаршысы бар... дүниенің барлық есебі мен сыры осыларға сәйкес алынған. Апта ішіндегі жеті күн де, белгілі жеті металдар да, адамның ішкі сарай-мүшелері де осыларға сәйкес»³⁴.

Бұдан әрі осы әңгімеде *жеті қат көк, жеті қат жер, жеті ру ел, жеті шар, жетікенге жеті әліп, жеті қарып, жеті басты* деген сияқты *жетімен* байланысты сөздерді тізбектеп береді. Жетінің қасиетін, оның табиғат ғылымындағы тамаша өрнектерін кейіпкеріне баяндатады.

Халық аузындағы ақыз-әңгімелердің ішінен де на-зар аудараптық нәрселердің біразы — ертедегі *жеті са-нымен* байланысты атаулар болса керек. «Жетіганның жетеуі» деген күйдің шығуы жайлышалық аузында мынадай әңгіме бар. «Ертеде бір шалдың жеті баласы» болыпты. Бір жылды елде үлкен жұт болып, жұрт аштықтан азап шегеді. Шалдың үйіне де жұт келіп, балаларын бірінен кейін бірін жерлейді. Шал балаларына айрылғанда бір қу ағашты ойып, бетіне жеті ішек тартып, сол жеті ішектен жеті күй шығарады. Аспаптың жеті ішекті әрі жеті пернелі болуының да сыры бар екен. Жеті баласына арнап, жеті күй шығарыпты. Сөйтіп, жеті ішек жеті перне тағылған «Жетіген» деген аспап пайда болыпты да, ел арасына тарап кеткен жеті күй «Жетіганның жетеуі» деп аталып кетіпті³⁵.

Демек, «жеті» санының халық санасынан ерекше орын алуы, көптеген зат атаулары мен әдет-ғұрыптарға байланысты сөздердің қолданылуында айрықша мән, ғажайып сырлар бар. Бұл «жеті» саны халық ұғымында молдықты, көп нәрсені аңғартқан. Сондықтан да кейбір зат атауларының ұғымы бір ғана «жеті» көлемінде қалып қоймай, әлдеқайда көптік, молдық, сан-

³⁴ А. Машанов. Сиқырлы жеті әліп, «Білім және еңбек», 1960, № 9, 28—29-беттер.

³⁵ «Қазақ әдебиеті», 1967, 10 март.

сыз үғымды білдіріп отырган. Бұған «жеті» сан есімі арқылы жасалған кісі аттары мен кейбір есім сөздер толық дәлел бола алады. Ал кейбір есептік сан есімдердің кісі, жер-су аттарын жасауда пассив роль атқаратыны байқалады. Тілімізде «сегіз» сан есімі арқылы жасалған есімдер өте аз, сирек кездеседі. Түркі тілдеріндегі «сегіз» саны арқылы жасалған кісі аттары мен этноним, топонимдер санаулы гана. Мәселен, Секизачко Қалызыбаев, Секисечко Колчегұлов³⁶, Сегізбай, Сегіз сары (ру)³⁷.

«Тогыз» санымен байланысты жасалған ономастиканың бір тобы шыту тарихы жағынан біраз деректер береді. Тогыз туралы ескі ырымдар мен әдет-гұрыптар, әр түрлі салттар түркі халықтарының көбінде бар құбылыс. Мәселен, қазақ тілінде «үш тогыз», «тогыз жолдың торабы», «тогыз тогыз», «бір тогыз», «тогыз бас құтпан», «бадана көз», «тогыз тор», «тогыз қабат тон», «тогыз торап», «тогыз қанат ақ үй» т. б. Татар тілінде қалыңдыққа беретін сыйлықтың «тогыз» аталуы, шағатайлықтардың «тогыз аяқ ішкізді», тархандарга тән бостандықтың, еріктің «тогыз» түрі т. б. атауга болады. «Тогыз» сан есімі сөздік қорымыздың ономастика саласында да көпtek кездеседі. Оны түркі тілдерінің көбінен байқауға болады. Қазақ тілінде *Тогыз*³⁸, *Тогызбай*, *Тогызак* (кісі аттары), *Тогыз* (станция), *Тогыз өзен*, *Тогыз қамыс* (жер-су аттары), *Тогыз*³⁹, *Тогызақышы* (ру аттары), қырғыз тілінде *Тогуз*, *Тогузак*⁴⁰, ногайда *Токуз* (кісі аттары), *Тогуз*, *Тогузбай*⁴¹ және *тогуз үйтүр*, *тогуз огуз* тәрізді тайпа, ру аттарының бары мәлім.

Бұл ономастикондардың кейбіреулері тікелей *тогыз* санымен байланысты болып келсе, енді біреулерінің мағынасы халықтық әдет-гұрып, салт-санамен ұштасып жатады. Мәселен, қырғыз тіліндегі Тогузак есімінің шығу жайы мен мағынасы туралы түрколог К. К.

³⁶ L. Rasony i. Қөрсетілген еңбек, 60-бет.

³⁷ Н. А. Аристов. Қөрсетілген еңбек, 352-бет.

³⁸ Материалы по истории Казахской ССР (1828—1875), т. IV. М., изд-во АН СССР, 1940, стр. 319.

³⁹ Керей, найман, Әлімұлы ішіндегі жеке аталар (Н. А. Аристов. Заметки об этнич..., стр. 358, 380).

⁴⁰ К. К. Юдахин. Киргизско-русский словарь. М., изд-во «Советская энциклопедия», 1965, стр. 741.

⁴¹ Өзбек руладының аттары. Қараңыз: Н. А. Аристов. Заметки..., 423-бет.

Юдахин былай дейді: «Тогузак эти. обычай купли родителями собственного ребёнка в целях охранения его от всякой порчи (в качестве платы дают девять предметов; имя такому ребенку обычно даётся Тогузак — девятка или Сатыбалды — Купил»⁴².

Қазақ тіліндегі *тогызбен* байланысты кісі аттарының да белгілі бір ырым, әдет-ғұрыпқа негізделіп қойылғанын аңғару қын емес. Ол есімдерде *тогыз* санының нақтылы мағынасынан гөрі этнографиялық ұғымның басым жататыны айқын.

Он сан есімі арқылы жасалған кісі аттары да тілде сирек кездеседі. Түркі тіліндегі он сан есімінен жасалған жалқы есімдердің Л. Рашоны корсеткендей мұлдем аз екенін көреміз. Мәселен, татар (*Онай*), қазақ (*Онай*, *Онайбай*, *Онша*, *Онбай*, *Онтағар*), чуваши (*Онай*), белтірлер (*Он* — *Пийак*) тілдерінен ғана мысал келтірген⁴³.

Сондай-ақ түркі тілдеріндегі тайпа, ру аттарын, есімдерді жасаудағы он сан есімінің ролін мына фактілерден анық көруге болады. Мысалы, *Он сан оймауыт, он екі баулы өзбек, он екі баулы қыпшақ, он сан албан, он-гут, ондары оногурь*⁴⁴. Бұған қараганда, «он» санының да ерте кездерде «ұш», «жеті», «тогыз», «қырық» сандары сияқты ерекше ұғымға не болғанын, «киелі», «қасиетті» мағынасы бар, «матастырғыш» функция атқарғанын көреміз.

Сан есім категориясының есептік сандары арқылы жасалған жалқы есімдердің семантикалық табигатын талдай келе айтпақ қорытындымыз: біріншіден, «бір»-ден «он»-га дейінгі есептік сан есімдер арқылы жасалған кісі аттарының бір бөлегі (*Біржан*, *Бірімжан*, *Екілік*, *Төртбай*, *Бесбай*, *Алтыбай*, *Алтыған*, *Сегізбай*) байланың туған ретіне байланысты қойылса (бұл жағдай орыс, грек, тәжік, араб тілдерінде де бар. Мысалы орыстарда *Первшa*, *Первой*, *Второй*, *Пятой*, тәжіктерде *Сони 'екінші'*, *Робия 'төртінші'*, *Панч*, *Хомиса 'бесінші'*,

⁴² К. К. Юдахин. Киргизско-русский словарь. М., 1965, стр. 41.

⁴³ L. Rason у і. Көрсетілген еңбектің 63-бетін қараңыз.

⁴⁴ Н. А. Аристов. Көрсетілген еңбектің 363, 397, 400-беттерін қараңыз. Оногурь тайпасын кейбір зерттеушілер он уйгур, сары ұйғыр деп есептейді (В. В. Радлов. К вопросу об уйгурах, СПб., 1893).

гректерде *Прима* ‘бірінші’, арабтарда *Әуел* ‘бір’, *Сәния* ‘екі’), екіншіден, халықтың этнографиялық жайларымен тікелей байланыстылығын көреміз.

Жалқы есімдер жасауда күрделі роль атқарушы сан есім категориясының бірі — ондық сандар. Бұл 10, 30, 40, 50, 60, 70, 80, 90, 100, 1000, 10 000 сан атаулары арқылы жасалған жалқы есімдер түркі тілдерінің көбінде бар және сол тілдерге тән құбылыс. Бұл сандардың айтылу және дыбысталу ерекшеліктері мен шығу тәркілдері А. Самойлович мақаласында толық айтылған⁴⁵. 30, 40, 50, 60, 70, 80, 90 сандары шығыс түркі тілдерінде үш және он, төрт және он, бес және он сандарының бірігі арқылы жасалған. Мысалы: тувада *учан*, *төртан*, алтайда *төртан*, *біасуан*, шорда *пажон*, тувада *алдан*, якутта *алтон*, тува *чадон*, алтай, шорда *йаттон*, якутта *йаттон* т. б. Осы ондық сандар арқылы жасалған кісі аттарының басқа түркі тілдерімен салыстырғанда қазақ тілінде көбірек кездесетіні жөнінде профессор Л. Рашиони көптеген мысалдар келтірген.

Қазіргі кезде отыз сан есімімен жасалған кісі аттары тілімізде өте сирек кездеседі. Ондай тұлғадағы есімдерді ерте кездерге тән материалдардан ғана кездестіреміз. Отыз саны арқылы жасалған ру атының түркі тілдерінде болғанын кейбір материалдар жоққа шығармайды. Сөздік қорымызда жиі айтылатын *отыз тістен шыққан сез*, *отыз рұлы елге кетеді*, *отыз үйлі тобыр*, *отыз үйлі көшек* тәрізді ұумен байланысты сөздердің болуы және Орхон-Енисей жазбасындағы отыз татар деген рудың кездесуі отыз сан есімінің жалқы есімдер жасауда негізгі арауы болып, тиісті дәрежеде қызымет атқарғанын байқатады. Сондай-ақ, тілдегі отызбен байланысты ұғымдардың болуы да ол санның «мөлшерлік», «өлшемдік» мағынада қолданғанын айқындай түседі. Мысалы: Отыз ауыз сез айтар, отыз түрлі құбылтып (К. Мұқышев), Отыз күн ойын, қырық күн тойын жасады (Қазақ ертегілері), Отыз кісі елімнен еріп келді қасыма (Жамбыл) т. б.

Балаға Отызбай деп ат қоюдың өзіне тән тарихы болса керек. Ол тек отыз санының нақтылы мағынасы-

⁴⁵ А. Самойлович. Турецкие числительные количественные и обзор попыток их толкования. Сб. «Языковедные проблемы по числительным». Кн. I. Л., 1927, стр. 135—156.

на ғана байланысты емес. Мұнда отыз рет бай болсын деген ұғымнан горі отыз ұлды болу, яғни баланың соңынан ерген інілері отыз болсын деген идея бар.

Қырықпен байланысты кісі аттары діни сенім мен нағымға байланысты қойылаға керек. Ойткені қырық құн шілде, қырық шілтін, қырық жеті, қырық ру, қырықтың бірі қыдыры т. б. тәрізді діни нағымға байланысты толын жатқан сөз тізбектері бар. Тінтен, қырық жамау, қырық кез жіп, қырық буын, қырық батыр, қырық қазан, қырық құдасі сияқты «өлшемдік», «молшерлік» мағынадагы сөздер де көп. Қырықпен байланысты ру аттарының кездесуі де тегін емес. Қырық сары (үйсіннің бір руы), қырық мылтық (найманнның бір руы), қырық менюз (өзбек қыншағының бір руы), қырық ру қыргыз (Манаң жырында) т. б.

Осы қырық санымен байланысты қойылған аттар Каракалпак, өзбек, қыргыз, түркмен халықтары дастүрлерінде де бар жай.

Ал елү, алпыс, жетпіс, сексен, тоқсан сандары арқылы жасалған кісі аттары (Сексенбай, Елубай, Алпыс, Алпысбай, Жетпіс, Жетпісбай, Сексен, Сексенбай, Тоқсан, Тоқсанбай) баланың әкесінің осы жасқа келгенде тугандығын немесе сол жасқа жетсін деген тілекті көрсетеді. Бұрынғы дәстүр бойынша, картайғанда туған балаларға алпысымда, сексенімде, тоқсан жасқа келгенімде туған перзентім дең осылайша ат қойылатын. Бұлайша ат қою дәстүрі қыз балаларға тән касиет еместі.

Баланың өмір-жасы ұзак болуын қалап, ғұмырлы болуын тілеген ата-ана Жұзбай, Миңжасар, Өмірзақ, Жанузак, Ұзақбай. Ұзақ деген есімдерді де қоятын. Тіліміздегі он мың саин білдіретін Тұмен, Тұменбай деген есімдер Х—XIV ғасырларға тән сияқты. Бұндай есімдер татар, мамлюк, өзбек, монгол тілдерінде көптеп кездеседі.

Тіліміздегі жалқы есімдердің ішінде өлшем мәнді сан есімдер арқылы жасалған топтар да бар. Ол есімдердің әрқайсысы белгілі бір мақсат-тілекке сай қойылған. Олар: Егізек, Егізбай, Қосай, Жартыбай, Жекебай, Дарабоз, Азтай, Қөпбосын, Қөпбай, Қөбей, Ұзақ, Сансызбай, Санмырза, Сандыбай т. б. Элбетте, бұл есімдердің де белгілі бір идея, мақсатка сай қойылғаны даусыз.

Сөздік қордагы сан есімдерден жасалған жалқы есімдер туралы мынадай қорытынды пікірге келеміз.

1. Тұркі халықтары тілдеріндегі есептік сан есімдермен байланысты жалқы есімдердің үш түрлі принципке сай жасалғаны байқалады.

а) Олардың бір тобы көне түркі халықтарындағы күн аттарымен (календарьмен) байланысты қойылған. Ал қазіргі Дүйсенбі, Бейсенбай, Сәрсен, Сәрсенбай, Сембай, Жұмабай, Жексебай тәрізді есімдер қогамдық құрылыштың дамуымен байланысты кейиниен туган парсы тіліндегі күн аттары екені белгілі. Жер-су, ру, тайна аттары болса, тікелей сандарға байланысты койылған отырған;

б) Осымен катар, он сан есіміне дейінгі кісі аттарының баланың туган ретіне орай қойылуы да заңды құбылтыс. Мәселен, *Біржан*, *Екілік*, *Тортқарын*, *Бесбай*, *Сегілбай*, *Онбай* т. т. Өйткені, балаға ат қоюдағы бұл тәсілдің Индоевропа, санскрит тілдеріне де тән қасиет екенін байқаймыз. Мысалы: орыс тілінде *Первой*, *Второй*, *Третьяк*, *Пятой*, грек тілінде *Primus* (бірінші), *Secondus* (екінші), араб-иран тілдерінде *Ахат*, *Сони*, *Робия*, *Панч*, *Хомиса* т. б. Бұл құбылтыс жер-су, ру аттарында кездеспейді.

в) 3, 7, 9, 40 сандарымен байланысты кісі аттарының «киелі», «қасиетті» мағыналарға сан қойылғандығы байқалады. Сан есім арқылы жасалған жалқы есімдер халықтың әдет-ғұрып, дәстүрін, ертедегі салтананы толық көрсететін әлеуметтік жайларымен байланысып жатады. Олар жалқы есімдер мен біріккен сөздер және тұракты сөз тіркестері компоненттері ретінде кең арқау, матастырыш функция аткарады.

13. Изафеттік құрылыштағы кісі аттары

Кісі аттарының көбі синтаксистік тәсілге бейім келеді. Кісі аттарының изафеттік құрылышта келуін грамматика мамандары арнай тексермеген.

Екі зат есім, яғни екі кісі аты катар тұрып, бірі иеленуші, екіншісі иеленілуші ретінде келгенде иеленілуші тәуелдік жалғауының З-жағында тұрады. Мысалы: *Ықсанның* Мараты, *Мұқанның* Төрөгалиы, *Мұхамбектің* Алтайы, *Бердібектің* Тоқсаны т. т.

Kici атының алдында келетін анықтауышы жалпы есімнен келгенде де тәуелдік жалғауы жалғанады. Мысалы: саятшының Әсені, тігіншінің Назгұлі, ұстаның Мұраты т. т.

Сол тәрізді шығарма, көркем әдебиет аттары кісі аттарымен тіркес келгенде анықталушы релятивтік аффиксті қабылдайды. Мысалы: Абайдың «Мақсұты»; Сәбиттің «Ботагөзі»; Ғабиттің «Оянган өлкесі».

Морфологиялық тәсілді тәуелдік жалғауы кісі аттарында кейде тұтас тізбек ретінде де кездеседі. Бұндай жағдайда ол изафеттік құрылыштан гері сөйлем тірке-сіне, синтаксистік тіркеске бейім тұрады. Мысалы: Омардың торы аты, Асқардың жылқыдағы құлақасқа айғыры. Асаубайдың баласының әйелі т. т.

Бұл мысал ілік жалғауында тұрган кісі аты, соңында келген кісі атын яки тәуелденуші сөзді тәуелдік жалғауының III жағы ы арқылы өзіне бағындырып тұрады, 1—2 сөйлемдердегі ілік жалғауында айтылған Омардың, Асқардың, Асаубайдың баласының сөздері тәуелдік жалғауының тікелей айқындауышы болады. Қазақ тіліндегі мұндай изафеттік құрылышты проф. М. Б. Балақаев «талғаулы изафет» немесе «словосочетание с соподчинительной конструкцией», — деп қарайды⁴⁶. Тіл білімінде мұны изафеттік тіркестің III жағы деп те атайды.

Талғаулы изафеттің синтаксистік қызметін айта келіп, проф. М. Б. Балақаев: «Ілік жалғауындағы сөз тәуелдік жалғаудағы сөздің айқындауыш-толықтауышы болып соған бағынып тұрады, ал тәуелдеулі сөз ретіне қарай бастауыш, толықтауыш болады», — деген еді.

Бұл жағдайлардың кісі аттарының да жұмысалуына ортақ деп қарауымыз керек. Ал, жіктеу есімдерінің ішінен біз, сіз тәрізді есімдіктерден соңғы кісі аттарына тәуелдік жалғаулары жалғанбай да қолданыла береді. Мысалы: Біздің Сапар, Сіздің Ұзақ т. т.

Мұның өзі плеонастикалық тәсілге тән. Өйткені, плеонастикалық тәсіл бойынша, меншіктеуші тәуелдік жалғауын аңғарта отырып ілік септікте тұрады да,

⁴⁶ М. Б. Балақаев. Қазақ тіліндегі изафеттік құдылысы, «Халық мұғалімі», 1946, № 1—2, 47-бет.; Его же. Основные типы словосочетаний в казахском языке. Алма-Ата, 1957, стр. 36.

анықтауыш формасын көрсетеді. Тәуелдеудің плеонастикалық тәсілі жай тәуелдеуге қарағанда логикалық акценті жағынан болсын, стилистикалық мақсаты жағынан болсын ерекшелеге келеді.

Тәуелденетін зат адамға тікелей меншікті болмай, тек қатыстық байланысты білдіретін жағдайлар болады.

Бұндай кезде кісі атына жалғанатын ілік септік түсіп қалады. Ал тәуелдік жалғауы III жақта тұрады. Мысалы: Абай ауданы, Жамбыл ауданы, Жамбыл облысы, Аманкелді ауданы т. т. Бұл тіркестерде ауданың Абайға, Жамбылға, Аманкелдіге яки облыстың Жамбылға тікелей тәндігі айтылмайды. Олардың тек заттың анықтауыш қызметін атқарып тұргандығын білдіреді. Осы тәрізді Омарұлы, Оспанқызы, Мұхтар баласы, Әмір келіні тіркестері де семьялық қатыстықты білдіріп, ілік жалғауын түсіріп тұр.

Кейде кісі аттарына тәуелдік жалғауы, ал тәуелденетін сөзге релятивтік аффикс жалғанбайды. Бұндай жағдайда бұл екі сөз бір заттың аты сияқтанып кетеді де, тәуелдік жалғаудағы сөз кісіге тәуелді, меншікті болмай қалады. Мысалы: Қайшыбай сай, Мыргалым сай, Абай базар т. т. Қазірде тілімізде кездесетін Ботакөз, Мырзабек, Баймырза тәрізді біріккен тұлғалы кісі аттары о баста осылар тәрізді изафеттік құрылышта болу керек. Тіл дамуының сатысында қысқарып барып, изафеттік құрылыштан жай тіркеске айналып, кейиннен бірігіп кеткен.

Көптеген кісі аттарында I жақ тәуелдік жалғауының элементтері байқалады.

Айым, Айымхан, Қунімхан тәрізді кісі аттарындағы — м-тәуелдік жалғауының бірінші жағы. Бұл есімдер өзінің шығуы жағынан көне дәуірге тән және бұлар адам баласының табигатқа, тәнірге, аспанға табыну дәуірінде шыққан деген пікірді I тарауда айтқанбыз.

Ал Нұрим, Досым, Ханым, Жолымбет тәрізді есімдерде баланы жақсы көру, өзіне меншіктеуге байланысты қойылған. Мұндағы — м-тәуелдік жалғауының I жағы екендігі айқын көрініп тұр. Әйтім — Айтыбайдың қысқарған фонетикалық түрі. Бірақ та мұндағы — м-әрі еркелету, әрі тәуелдік жалғаудың I жақ жұрнағы қызметін атқарып тұр.

Ханым, Бегім тәрізді есімдердің түбірі атақ-дәреже,

титулдар. Бұған «м» жалғауы жалғанып, *Ханым*, *Бегімбет* тәрізді кісі аттары жасалған. Ханым тек әйелдерге ғана қойылатын есім. Проф. А. Н. Кононов кісі аттары соңындағы осы -м жалғауын — женский род, — деп таниды⁴⁷. Бірақ та ол I жақ тәуелдік жалғауы қазақ тілінде женский род категориясын көрсетпейді. Род категориясынан гөрі тәуелдік және еркелету жалғауларына бейім тұр.

Тіліміздегі кісі аттары түрлі түрпатта жұмысалады. Олар кейде толық тұлғада, кейде қысқарған, кейде еркелету, құрмет ету, сыйлау түрінде кедеседі. Мысалы: *Мұқаң* сөз сөйлейді. Ақаң *Мәскеуден* келеді. Мұнда *Мұқаң* деген кісі атындағы -қа құрметтеу, сыйлау жұрнағы, -ң тәуелдік жалғауының II жақ, сыпайы түрі. Біздің *Мұқаң* деп те айтуға болады. Кісі аттары тәуелденуіндегі бірінші тәсіл — морфологиялық тәсіл деп қарауымыз керек. Ол тәсіл бойынша кісі аттары тәуелденгенде тәуелдік жалғауларын (I жақ — м, II жақ — ң, III жақ — ы) қабылдайды.

Осымен бірге морфология-синтаксистік тәсілдің де орын алатыны байқалады. Бұл тәсіл бойынша, қатарынан келген жалқы есімдер матаса байланысады немесе тәуелденетін сөз тәуелдік жалғауында тұрып, анықтаушы ілік септігін түсіріп тұрады. Кей жағдайда кісі аты және тәуелденетін сөз жалғаусыз келіп бір нәрсенің аты ретінде тұтас айтылады. Бұндай жағдайда ол таза синтаксистік тіркес болып саналады. Мысалы: *Мыргалым сай*, *Қошқар тау*, *Қойшыбай өзен*. Еркелету жұрнағымен келген кісі аттарын жеке тұлғада келгенде морфологиялық тәсілге (мыс., *Мәншүгім*, *Бекетайым*), тіркеспен келгенде (*менің Мәншүгім*, *менің Бекетайым*, *Батайым*) морфология-синтаксистік тәсілге жатқызуға болады.

Осымен қатар, кісі аттарының тәуелденуінде, лексика-морфологиялық тәсілдің де бары көрінеді. Бір заттың кімдікі екенін білгіміз келіп, екінші біреуден сұраймыз.

Ол адам:

— Папка Ораздікі, қалам Мәжиттікі, сия Омардікі деп жауап берер еді.

⁴⁷ А. Н. Кононов. Грамматика современного турецкого литературного языка. Л., 1956, стр. 65.

Мұндағы *-тікі*, *-дікі* тәуелдік жалғауының аффиксі екені бізге айғақ. Осы жалғау арқылы папканың Оразға тәндігін, қаламның Мәжитке, сияның Омарға тән екендігін аңғарамыз.

14. Еркелету, кішірейту аффикстері арқылы қісі аттарының жасалуы

Жас балаларды еркелетуге байланысты қолданылатаңын жүрнақтар түрлі формада болады. Олар бірде жалаң әріп, бірде бөлшек сез ретінде кездеседі.

-ш жүрнағы ер, әйел балаларды еркелетіп айтуда қолданылады. F. F. Мұсабаев: *шақ* деген қосымшаның өзгерген бір түрі *-ш* еркелету мағынасында, көбінесе, қісі аттарында кездеседі. Мысалы: Қарлыға — *Қарлығаш*, Балтабай — *Балташ*, Құләнда — *Қуләш* т. б. Бұл қосымшалардың жалғануында бірізділік болады⁴⁸, — дейді.

Шындығында, F. F. Мұсабаев айтқандай, қісі атының соңғы буынындағы дауыссыз дыбыс орына *-ш* әрпі қолданылатынын көреміз. Мысалы: Молдабек — *Молдаш*, Жұмабай, Жұмағұл, Жұмабикелерден — *Жұмаш*.

Қан, *-кен* жүрнақтары мал төлдерінде де, қісі аттарында да кішірейту мәнінде қолданылады. Мысалы: Қожақан — *Қожахмет*, Шәкен — *Шаймерден*, Зекен — *Зейнеп*, Сәкен — Садуақас түріне қысқартылып айтылады.

Жас балаларды еркелеткенде — ботам, қозым, құлыным, көгершінім деп те атайды.

«Халық үй хайуандарын өзінің күш-көлігі, тамағы, күн көрісі, жәрдемшісі деп түсінеді. Жас төлдерді өзінің туған баласындағы көреді. Сол үшін баласын ботам, құлыным, қошақаным деп сүйеді»⁴⁹.

Ал көгершінім деп құсқа теңеу кейінгі кездерде айтылып жүр.

⁴⁸ F. F. Мұсабаев. Қазақ тіліндегі кішірейткіш жүрнақтар, «Қазақ ССР Ғылым академиясының хабарлары», линг. серия, 6 басылуы, 1956, 36-бет.

⁴⁹ «Қазақ әдебиетінің тарихы», бірінші кітап, I том, жалпы редакциясын басқарған Қазақ ССР Ғылым академиясының академигі M. O. Әуезов. Алматы, 1960, 100-бет.

-тай, *-ай*, *-й* жүриңкілер — еркелету түрінде қысқарған кісі аттарына жалғанады. Мысалы: Батырхан — *Батай*, Қабдрахман — *Қабай*, Әлімжан — *Әлтай*, Құлімқан — *Құлтай* сияқты кісі аттары әрі кішірейту, әрі еркелету формасында қалыптастырып кеткен.

-дай, *-тай* аффиксі — негізінде салыстыру мақсатында қолданылады. Бұл аффиксті проф. П. М. Мелиоранский мен И. Кенесбаев⁵⁰ қазақ тілінің септік жалғауына жатқызыса, Ф. Мұсабаев әрі септік жалғауға, әрі сөз тудыруши жүриңкі теліп, бірде жүриңкі, бірде жалғаулық функция атқарады,— дейді⁵¹.

-дай, *-тай*, *-тей* аффиксі — кісі аттарына да кеңінен жалғанады. Мұнда да бірде еркелету жүриңгі, бірде сын есім жүриңгі ретінде кездеседі. Мысалы: *Алмастай*, *Құлтай*, *Құләнтай*, *Серіктай*, *Әбілтай* сияқты формада еркелету жүриңгіның мағынасында жұмысалып жүр. Ал Айдай, Тастанбек тәрізді есімдерде *-дай*, *-тай* аффикстері салыстырмалы сын есім тұбызынан жүриңкі мағынасында жұмысалып, субстантивтеніп тұр. Сондай-ақ *Алмастай*, *Серіктей*, *Құландай*, *Мұраттай* деген мысалдарда «сияқты», «тәрізді» сөздерінің орнына қолданылған қатыстық сын жүриңгі мағынасын аңғартады.

Бұл еркелету жүриңгі *-тай* туыстық терминдерде де кеңінен қолданылады. Мысалы: *Женгетай*, *ағатай*, *апатай*, *ататай*. Сондай-ақ А. А. Юлдашев өз макаласында Ибраій (от Ибраһим), Камал (от Камелетдин), Рамай (от Рамазан), Фазлый (от Фазылетдин), Эхмәй (от Ахмадулла) тәрізді қысқарған кісі аттарындағы *-ай*, *-й* жүриңкілер торкіндес⁵² деген пікірге келеді де, бұларды еркелету жүриңгіна жатқызбай, атау сөздер (звательные слова) жүриңгі деп қарайды.

Біздің пікірімізше, бұндай формадағы кісі аттарында кездесетін *-ай*, *-й* — құрметтеу, әрі еркелету жүриңгі. Өйткені ол әрі еркелету, әрі қысқарту мағыналарын сиыстырып тұр. *Ағай*, *атай*, *әкей* тәрізді туыстық тер-

⁵⁰ П. М. Мелиоранский. Грамматика казах-киргизского языка, часть I. СПб., 1894, стр. 31; И. Кенесбаев. Казак тілі грамматикасы. Алматы, 1950, 29-бет.

⁵¹ Г. Г. Мусабаев. Из истории аффиксов казахского языка. «Известия Академии наук КазССР», серия филологии и искусствоведения, вып. 1—2, 1959, стр. 74.

⁵² А. А. Юлдашев. Звательные слова в тюркских языках. Исследования по сравнительной грамматике тюркских языков, часть вторая. Морфология. М., 1950, стр. 330.

миндердегі -й, -тай, -қай, -кей жұрнақтарынан (агатай, ататай, апатај, әкпей, әжетай) қысқарған болу керек. Әйткені, башқұрт тіліндегі *бабай*, қыргыз тіліндегі *атеке*, татар тіліндегі *эткей*, казақ тіліндегі *атай* формалары осыны аңғартады. Ал Жетісу диалектісіндегі әкпей сөзі *апай* сөзімен торкіндес. Мұндағы -й сол -кей жұрнағының қысқарған түрі. Әкпей сөзіндегі *n* әрпі орын ауыстырган, әкпей, әпекей формасында айтыла береді. Оның бастапқы калпы әкпей сөзінің жіңішке түрі. Апай формасындағы -и, сол -кей жұрнағының қысқарған түрі.

-жан — о баста дербес лексикалы магынасы болғанымен, кейиниң жұрнақка айналған. Ол ер және қыз балалардың толық аттарынан соң қосылады. Мысалы: *Молдашjan*, *Рахынжан*, *Болатжан*, *Оқасжан*, *Дәметжан*, *Банужан* т. т. Ал Ержан, Құлжан, Ырысжан, Әлжан тәрізді кісі аттарының екінші компонентінде келгендеге еркелету жұрнағының магынасын атқарып тұрған жоқ, екі сөзден құралып жасалған кісі аттары тобын көрсетіп тұр. Еркелету магынасында **жұмсалатын** -жан жұрнағы кісі аттарымен катар, туыстық терминдерге де қолданылады. Басқа түркі тілдерінде, әсіресе, түркмен, азербайжан тілдерінде жиі қолданылады. Мысалы: *Акмалжан*, *Хафизжан* (өзб.), *Оразжан*, *Гозелжан* (түркм.) т. т.

-шук — еркелету ретінде сирек қолданылады. Мысалы: *Мәншүк* (Мәнсия). Бұл тіліміздегі -шақ, -шек жұрнағының өзгерген түрі. Еркелету магынасынан гөрі кішірейту магынасында қолдануға бейім.

Орыс тіліндегі кісі аттарының біразы өздерінің еркелету, кішірейту жұрнақтарына ие келеді де, жалқы есімдердің кішірейту, еркелету жұрнақтарын қабылдамайды. Олар кейде жалқы есімдердің еркелету жұрнағынан магынасы жағынан да ерекше келеді. Мысалы: -а, -ня, -ша, -уша еркелету мәнгө ие: *Катя, Маша, Петя*.

-м, -ым — еркелету аффикстерінің бірі. Бұл қысқартып айтқан кісі аттарына қосылады. Мысалы: Нұрмажамбет — *Нұрым*, Қажығали — *Қажым*, Сейітмұхамбет — *Сейдім*, Айтбай — *Әйтім*, Бекмұхамбет — *Бегім*. Бұл аффикстер — қарғашым, құлыным, ботам, қозым, сәулем сияқты еркелету магынасындағы сөздердің аффикстерімен бірдей.

-қ, -ақ — ерте кезде болған еркелету аффиксі. Оны қазіргі қазақ тіліндегі көне кісі аттарынан ғана байқаймыз. Мысалы: Сапарбай — *Санақ*, Қожамбет — *Қојақ*, Мәтинақмет — *Матақ*, Сәрсенбай — *Сәрсек* т. б.

-қай, -кей — аффикстері де ерте кезде еркелету, кішірейту мәнінде өте көп қолданылғанын көптеген материалдардан көреміз. Ол кезде осы аффикстер арқылы қысқарған кісі аттары осы күнде сол қалпында кездеседі. Мысалы: *Сәрсекей*, *Төлекей*, *Жұмақай*, *Ақай*, *Мұқай* т. б.

Ұйғыр тілінде Нұрақ (Нұрахун, Нұрәхмәт), Мирзак (Мирзахмәт), Сәйдақ (Сәйдәхмәт) және Айшәм, Савутум тәрізді кісі аттарында -ақ, -и, -ум еркелету аффикстерінің барын көреміз. Бұл жұрнақтар өзбек, татар тілдерінде де бар⁵³.

Орыс тілінде кеңінен тараған еркелету жұрнақтары: -а, -я. *Боря* — Борис, *Вася* — Василий, *Валя* — Валентина, *Люба* — Любовь, *Света* — Светлана, *Люда* — Людмила, *Оля* — Ольга т. б. Осымен бірге еркелету формасындағы кейбір кісі аттарында кездесетін соңғы а дыбысы еркелету аффиксі болып саналмайды. Бұл тұтас кісі есімінің басқа бір қысқарған бөлігі. Ондай формадағы кісі аттарына: *Ира* — Ирина, *Зина* — Зинаида, *Лиза* — Елизавета, *Мила* — Милана т. т. жатады. -иң жұрнағымен келетін кісі аттары орыс тілінде ерте кезде сирек кездессе, кейін көбірек кездесіп жүр⁵⁴, — дейді В. И. Чернышев.

Бұл жұрнақтар орыс тілінен енген кісі аттарында да, қазақтың төл аттарында да қолданылып жүр. Мысалы: *Толик*, *Алик* — Алексей, *Светик* — Светлана,

⁵³ Г. Садвакасов. О средствах выражения субъективной оценки в Семиреченском говоре уйгурского языка. Сб. «Исследования по тюркологии». Алма-Ата, «Наука», 1969, стр. 185; А. Г. Гуламов. О некоторых особенностях аффиксов с уменьшительно-ласкательным значением в узбекском языке. Научные труды Ташкентского университета, вып. 268, филол. науки, кн. 26. Ташкент, 1964, стр. 15—22; Ф. Абдуллаев. Киши отларини қисқартрыши усуулары. «Узбек тили ва адабиет масалалары». Тошкент, 1960, № 3, 36—37-беттер; Г. Ф. Саттаров. Аффиксы ласкательности в татарских именах. Всесоюзная конференция по проблемам антропонимики. М., 1968.

⁵⁴ В. И. Чернышев. Русские уменьшительно-ласкательные личные имена, «Русский язык в школе», 1947, № 4, стр. 23.

Марик — Марат, *Эрик* — Еркін, *Алик* — Элкен, *Эли*. -ия аффиксіне аяқталған еркелету формасындағы әйел аттары да бар. Мысалы, *Соня* — София, *Таня* — Татьяна, *Мания* — Мария т. т.

-уся аффиксімен келетін кісі аттары өте сирек кездеседі. Мысалы: *Маруся*. -ка аффиксімен келген кісі аттары екі тілде де бар: *Васютка*, *Айка* — Айша, *Ержанка*, *Нұрланка* — Нұрлан, *Майкешка* т. т. Майкешка есімінде орыс, қазақ тілдерінің еркелету аффикстері қатар қолданылған.

-ша аффиксіне аяқталған ер, әйел есімдері орыс тілінде тым ертеден бар. Мысалы: *Саша* — Александра, *Алеша* — Алексей, *Миша* — Михаил т. б.

-очка аффиксі орыс тілінде еркелету формалы есімдерде қолданылады. Мысалы: *Галочка* — Галина, *Ниничка* — Нина, *Надечка* — Надя, *Айечке* — Айша т. т.

Еркелету формалы кісі аттары орыс тілінде өте мол. Ол халықтың түрлендіріп, әр түрлі айдар тағып айтуына байланысты. Айталық, бір гана *Мария* есімінің: *Мания*, *Маруся*, *Маша*, *Машурка*, *Муня*, *Мура*, *Муся* тәрізді еркелету формалары бар. Бірақ, осы форманың бәрі бірдей қазақ тіліне енген жок, тек негізгілері гана алышынан жүр. Сөйтіп, тілімізге кірген орыс аттары қысқарту, еркелету, кішірейту формаларында да қабылданып отыр.

15. Антропонимдердің құрметтеу, сыйлау, қадірлеу аффикстері арқылы жасалуы

Бұл аффикстер жасы үлкен адамды сыйлау, құрметтеу ретінде (ер, әйел жыныстарына тең) жалғанып, үнемі бірге жазылады. Мысалы: *Тоқа* (Тоқтарбай), *Бәке* (Бәкібай), *Сәке* (Сергазы), *Тәке* (Тәкежан), *Жәке* (Жамбыл), *Гүлеке* (Гүлсім), *Күке* (Күлшара). Бұл жағдай туыстық терминдерге де кеңінен қолданылады. Мысалы: *ағеке*, *атеке*, *апеке*, әжеке т. т. Ешуақытта аға еке, апа еке күйінде бөлек жазылмайды.

Ал көне *ақа* формасы Батыс Қазақстан облыстарында қазірде де қолданылады. Мысалы: *Сейтақа* — Сейтқали, *Шамақа* — Шамғали.

-қа, -ке, -еке аффикстері арқылы еркелете, құрметтей айтылған кісі аттары халық жырында да кездесіп отырады.

Жады қыламан Естеке (*Естемес*).

Жеті коміт бабана

(«Коңылдауда», 1957, 10-ш).

Боран болын, мал түгел ыкты дейді,

Ол істине Көзіңем жастың деңди

(«Көзіңе Корпеш — Батыс құлдар», 1957, 44-ш.)

Ей Карынко, Көзіңеке

Мен Сырнамын айтаймы

(«Көзіңе Жібек», 1957, 19-ш.)

Сыйлау, құрметтеу белгісін білдіретін аффиктің ол бастағы тұлғасы *ақа*, көне түрі *ақа*, бертін келе өзгеріп, -*әқ*, -*әке*, -*әке*, -*ке* формасына жеткен. Бұл аффикстер жасы үлкен кісілерді сыйлау, құрметтеу мағынасында айтқанда колданылады. Оның *әқ* түрі өзбек тілінде сакталса, *әке* деген түрі оңтүстік қазактар тілінде сакталып, күні бүгінге дейін колданылады. Ал *ақа*-ның көне тұлғасы осын уақытка дейін Батыс Қазақстанда колданылатыны жоғарыда айтылды.

-*й* жүрнағы құрметтеу, сыйлау мағынасында туыссыз терминдерде кеңінен колданылады. Мысалы: *атаі*, *апай*, *шешей* т. б.

16. Антропонимдерді жасаушы аффикстер

Морфологиялық құрылымы жағынан кісі аттары: зат есім, субстантивтенген есім мен есімше, етістіктер. Олар жалаң және туынды тұлғалы боп келеді де, тіліміздің грамматикалық заңына, оның өзіндік ерекшеліктеріне байланысты жасалып отырады. Тіліміздегі кісі аттары генезисі жағынан әр дәүірге жатады. Олардың ішінде ерте кезге тән кісі аттары да кездеседі. Ондай кісі аттарының жасалу жолы қазіргі тіліміздегі сөз тудыру, сөз жасау жолынан болек, көне жол екендегі байқалады. Бұған қарағанда тіліміздегі көне тұлғалы кісі аттары тарихи грамматика үшін материал болары сөзсіз.

Көне тұлғалы кісі аттары сол кездегі сөздік кордың негізінде жасалғаны мәлім. Ал осындағы кісі аттары ретінде кездесетін сөздер қазіргі әдеби тілімізде жок. Олардың кейбіреулері жергілікті тіл ерекшеліктері ретінде ғана белгілі бір аудан, яки облыстарда сакталған. Мысалы: *Қожық* ('үлкен, зор'. Оңтүстік Қаз. обл.), *Тұмыш* ('арғымақ', Батыс Қазақстан облысы), *Игісін* ('жаксы шырай', Батыс Қазақстан обл.), *Аламан* ('а-

көр', Батыс Қазақстан обл.), *Кенен* ('бостаншылық', Оңтүстік Қазақстан обл.) т. б. Бұл есімдердегі аффикстер дің дені — қазіргі тілімізде сөзден сөз тудыратын онімді аффикстер.

Зат есімнің -ыш жүриагы арқылы жасалған кісі аттары XI гасырдағы Махмуд Қашқари сөздігінен де кездеседі. Мысалы: *Болұч*, *Күлүч*, *Тоқыш* т. т. Игі сөзіне қосылған -сін жүриагы қазіргі тілімізде зат есім жүриагы емес. Бұл *барсын*, *келсін*, *айтын* тәрізді етістіктерде кездесетін бүйрек рай категориясына немесе жіктік жалғауына тән жалғау. Игі сөзінің мәні 'жаксы', 'тау-ір'. Бұл жалғау о баста зат есім жүриагы болу керек. Тілдің даму процесінде етістік сөз жасайтын жүриакқа айналуы ықтимал.

Ман аффиксі кісі аттары мен кейбір сөздер құрамындаған сирек ұшырайды. Мысалы: *аларманга* алтау аз, *берерменге* бесеу көп, мұндагы *аларман*, *берермен* қазіргі тілімізде *беруші* формаларында қолданылады. Ал *аларман*, *берермен*, *шабарман*, *көрермен* тәрізді сөздер ескі форма ретінде ғана **жұмсалып жүр**.

Ман аффиксімен келетін кісі аттары Европа және Орта Азия халықтары тілдерінде де кездесе береді. Бұған қарағанда -ман аффиксінің барлық түркі тілдеріндегі төркіні бір сиякты. О бастағы лексикалық мағынасы: неміс (*mann*), ағылшын (*man*), араб (*man*) тілдерінде 'адам', 'кісі'.

Кейбір сөздер өзгеру процесінде, екінші бір сөздің компоненті ретінде келгенде бастапқы лексикалық мәнінен айрылып, жүриакқа айналып кеткен. Қазақ тілі омірінен мұндай сөздерді көтеп кездестіреміз. Кісі аттары компоненттеріндегі *бай*, *бек*, *сондай-ақ*, есептік сан есім *бір* қазір жүриакқа айналған. Мыс.: *Біртегіс*, *бірнеше*, *бірталай*, *әлдебір*, *қайсыбір* т. т. Сол сиякты -ман сөзі де кісі аттары мен кейбір сөздердің компонентінде келіп жүриакқа айналып отыр.

Сонда, *Мейірман*, *Досман*, *Есман*, *Биман* тәрізді есімдердің о бастағы мағынасы: *мейірім* кісі, *дос* кісі, *би* кісі болу керек. Жүриакқа айналып кеткен себепті қазіргі тұрған қалпында -ман жүриагының мағынасы белгісіз тұрады.

Осымен бірге кісі аттарында құрметтеу, сыйлау, ізет білдіру, еркелету, кішірейту аффикстері де болады.

Құрметтеу, сыйлау дәстүр бойынша жасы үлкен, ересек адам аттарына қосылады. Мысалы: Сейдолла — *Секе*, Ақымбет — *Ақа*, Махамбет — *Мақа*, Бейсенгали — *Бейсақа* т. б.

Еркелету, кішірейту жұрнақтары жастарға айтылады. Мысалы: Болат — *Болатжан*, Шаймерден — *Шәкен*, Батырхан — *Батай*, Мұхаметжан — *Мұқаш* т. б.

Тілге бейім, айтуға жеңіл болу мақсатында басқа тілден енген кісі аттарына төл жұрнақтар жалғанады. Ондай кісі аттары тілімізге сіңіп, грамматикалық заңымызға бағынып кеткен.

Кісі аттары аффикстерінің ішінде орыс және шығыс тілдерінен енгендері де бар. Орыс тілінен енген кісі аттарының біразы қысқаған қалпында, еркелету, кішірейту жұрнақтарымен енген. Мысалы: *Саша*, *Люда*, *Галля* т. б.

Кісі аттарындағы аффикстер сөз таптарына дерлік қатысты. Олардың ішінде: есімдердің, етістіктердің, үстеу, есімше, көсемше, етіс сөздердің жұрнақтары бар. Олар екінші бір сөз табына жалғанып кісі атына айналғанда субстантивтенеді.

Кісі аттары құрамында кездесетін аффикстер:

-ши, -ши — *Қойшыбай*, *Елшібай*, *Жолшыбай*, *Отынши*, *Сұранши*, *Жылқышы*, *Түйеші* т. б.

-лық, -тік, -дық, -тік — *Жақсылық*, *Барлықбай*, *Амандық*, *Сагындық*, *Қуандық*, *Орындық*, *Сүйіндік*, *Игілік*, *Ізгілік*, *Тишиштық*, *Байтық*, *Жамантік* т. т.

-дас, -дес, -тас, -тес, -лас, -лес — *Жолдасбай*, *Қолдас*, *Андас*, *Барлас*, *Ерлес*, *Тілеулес*, *Ердеш* т. т.

-ым, -ім — *Жолымбет*, *Нұрымжан*, *Нарымжан*, *Үрімбек*, *Ерімбет*, *Қалымбет*, *Жүрімбет* т. т.

-ын, -ін — *Дайын*, *Жайынбай*, *Сүйінбай*, *Түйінбай* т. т.

-қын, -ғын, -ғін — *Айқын*, *Жарқын*, *Тұйғын*, *Еркін*, *Беркін*, *Күлгін* т. т.

-ыс, -іс, -с — *Жарас*, *Жеңіс*, *Тұрысбек*, *Білісбаев*, *Төлесов* т. т.

-ақ, -ек — *Қонақбай*, *Орақ*, *Тарақбай*, *Садақбай*, *Масақбай*, *Сейтек*, *Жігітек* т. т.

-мақ, -мек, -бақ, -бек — *Нұрмақ*, *Байбек* т. т.

-ыт, -іт — *Сарқыт*, *Қорқыт*, *Маңыт*, *Дүрбіт* т. б.

-ыш, -иш — *Мұқыш*, *Қуаныш*, *Жұбаныш*, *Сүйініш*, *Тілеуішбек* т. т.

-мыс, -мыш — Тоқтамыс, Қармыс, Тұмыш, Баймыш, Тілеміс. Ерміш, Төлеміш, Әбсәлімов, Қармыш Қазақбаева, т. т.

-ша, -ше — Айша, Аманша, Орынша, Қалиша, Қадірше, Қалауша, Нұрша т. т.

-аш, -еш — Тұраш, Нұраш, Елеш, Күләш.

-дай, -дей, -тай, -тей — Тастанбек, Балдай, Айдай, Нартай, Төлетай.

жан — Жәкежан, Байжан, Нұржан, Құлжан, Әлжан т. т.

-лан, -лен, -дан, -ден — Нұрлан, Желденов, Ерден, Нардан т. т.

-ды, -ди, -ты, -ти, -лы, -лі — Қалдыбек, Қалдықызы, Қалдықұл, Жолдыбай, Төленді, Дәндібай, Тәугібай, Нұрлыбай, Өтеулі, Сәттіғұл т. т.

-қай, -кей — Досқаев, Балақаев, Балақай, Дүйсекеев, Қуренқай, Елекей, Қожыкай.

-қан, -ған, -кен, -ген — Ізбасқан, Болғанбаев, Сұраган, Әйткен, Төлеген, Қебеген, Жебеген, Журген.

-сыз, -сіз — Орынсыз, Елеусіз, Қадірсіз т. б.

-шак, -шек — Құлышыншак, Жеткіншек т. б.

-сын, -сін — Тоқтасын, Оңдасын, Өтесінова, Елеусінов.

-ан, -ен — Жолан, Досан, Берен, Жетен, Татан, Айтан, Өткен т. т.

-дан, -ден — Байжолданов, Нұриденов, Ертен т. б.

-ман, -мен — Есман, Ерман, Шорман, Тұрман, Злиман, Қойшыман, Тойшыман, Қалқаман, Сұлуман, Байман, Ерман т. т.

-дақ, -тақ — Боздақ, Байтақ, Малтақ, Ардақ, Бердақ т. б.

-ай, -ей — Сагынбай, Сәрсекей, Бейсекей, Төбей, Қөбей, Есей т. б.

-сақ — Қарымсақ, Малсақ, Жайымсақ, Әлімсақ т. б.

-дар — Жандарбек, Қалдарбек, Қыздарбек, Ұлдарбек, Ұлдар.

-ар, -ер — Тоқтар, Жетер, Асқар, Тұрап, Айдар.

-бай — Даулетбай, Нұрбай, Есбай, Байжанбай, Қызенбай т. т.

-бек — Әзілбек, Құмісбек, Тұрарбек, Жазылбек т. т.

-қан — Әзілқан, Тұрақан, Барақан, Төрекан, Қожақан т. т.

-ай, -ей, -й Косай, Жұбай, Нурай, Кожатай, Есей,
Тағай т. т.

-пан — Вейсенапов, Әлішпанов.

-па, -пе, -ма, -ме — Мұцайтпасов, Ұлмекен, Нұрменен.

Кісі аттары құрамында бұл көрсетілген аффикстерден басқа да аффиктер бар. Олардың көбі казіргі тілімізде қолданылмайды. Осымен бірге құрметтеу, сыйлау, еркелету, кішірейту мағынасындағы аффикстер де көп қолданылады.

17. Кісі аттарындағы көне аффикстік тәсіл

Тіліміздегі кісі аттарының біразы өте ертеде жасалған. Олардың құрамындағы аффикстер көне формалы. Қазіргі тілімізде олар қысқармын, яки өзгеріп кеткен. XII—XIII ғасырдағы есім Күшлік казіргі қазақ тілінде ол формасын сактамаған. -лік аффиксі қысқарып -ты, -лы формалы аффикске айналып, қүшлік орнына қазір қүшті сөзі қолданылады. Сондай-ақ, Найман бегі Екі түклук деген адам болған. Ол казіргі тіліміздегі тулы деген сөз. Мұнда да -лық, -лы аффиксіне айналған.

Қазіргі тіліміздегі -ты, -лы аффикстерінің о бастағы формасы -лық, ерте кезде кісі аттары мен топоним жасайтын өнімді аффикстер болғаны көрінеді. Қазіргі кезде оның өзгеріп, қысқарған түрі -ты, -лы аффикстері кісі аттарын жасауда кеңінен жүмсалады.

Кісі аттары құрамында сакталып келе жатқан көне аффикстің бірі — -мыш, -мыс. Бұл аффикс ескі түркі тілінде откен шактық форманы білдірген. Мысалы: алмыш, бұнушміш т. т. -мыш, -міш аффиксі XI ғ. «Құдатқу білік», XIV ғ. Эбілғазы Баҳадур ескерткіштеріндегі кісі аттары құрамында кездеседі. XI ғасырда *Оғудұлмыш*, *Одғурмыш*, XIV ғ. *Мамыш*, *Тохтамыш* сияқты кісі есімдері болған. Қазірде кездесетін -мыш, -мыс бір кездерде кісі аттарын жасауда өнімді аффикс болғанын көреміз. Мысалы: *Тілеміс*, *Өтеміс*, *Төлеміс*, *Тоқтамыс*, *Баймыш* сияқты есімдердегі мыс көне аффикс. Оның орнына откен шақ есімшенін -ған, -ғен формалы аффикстері қолданылып, кісі аттарын жасауда кеңінен пайдаланылып жүр.

Кіеі аттарында кездесетін сол көне жұриактардың кейбірі қазіргі тілімізде жоқ. Соран қараганда қазақ тілінің грамматикалық күрылсызы алі де тереңірек зерттеуді қажет еттегі тәрізді. Ондай жұриактар арқылы жасалған сөздер диалект аумағында жүруі мүмкін. Мысалы: Игісін деген кісі аты бар. Бұл сөздің түбірі иғі, от қазір жаңа сөз жасауда ұшырамайды. Бірақ осы тұлға (игісін) диалект ретінде Батыс Қазақстанда айтылады⁵⁷.

Бейсепан, Әлішиан тәрізді кісі аттарындағы аффикстер кай кезде болған, оны айыру күни. Өйткені көптеген кісі аттары этимологиялық талдауга конбейді.

Кісі аттары кұрамында кездесетін көне тұлғалы аффикстер кезінде есімдер жасауда өнімді аффикс болғанымен, тілдің даму барысында олар архаизм ретінде сакталып, қазіргі тілімізде өнімсіз аффикс санатына еніп отыр.

18. Шеттен енген антропонимлердің қазақ аффиктері арқылы жасалу жолдары

Басқа елдерден енген сөздермен катар кісі аттары да тілімізге еніп, қалыптастып отыр.

Ондай кісі аттары тіліміздің ішкі даму заңына бағынып, сөз тудыру тәсіліне бейімделіп кетті. Оның көбі ана тіліміздің дыбыстық ерекшелігіне бағынып, өзгеріске ұшырап, бастанқы формасынан айрылған.

Осымен бірге араб, иран, монгол тілдерінен енген сөздер мениң кісі аттарына қазақ тілінің жұриактары жалғану арқылы озгерген кісі аттары да көптел кездеседі.

Ондай жұриактар негізінде екі типте келеді.

1. Бұрын дербес мағыналы сөз болғанымен кісі аттары сыңарында келіп, жұриакка айналып кеткен сөздер. Мысалы: қан, бай, бек, жан. Жұмакан, Ғабиткан, Дүйсекан. Мұқаметжан, Бейсенбай, Дүйсенбек, Ноянбай, Нөкербай т. т.

2. Еркелету, кішірейту жұриактары. Мысалы: -қан, -кен; -тай, -ай, -ұ; -ын, -ін, -ш, -қай, -кей т. т. Мысалы:

⁵⁷ С. Аманжолов. Вопросы диалектологии и истории казахского языка. Алма-Ата, 1959, стр. 328.

Шаймерден — *Шәкен*, Мұхаметқали — *Мұқатай*, Шайхетдин — *Шашай*, Қабидолла — *Қабай*, Қабдрахман — *Қабдеш*, Мәнсия — *Мәншүк*, Сейдолла — *Сейдін*, Сәрсенбі — *Сәрсекей* т. т.

Қазақ тіліндегі сөз тудыру жүрнақтарын басқа тілден енген кісі аттарына жалғау арқылы оларды ана тіліміздегі негізгі сөздік қорына жақындастынын, мағынасының айқындалып, айтуға жеңіл келетінін жоғарыдағы мысалдар толық дәлелдейді.

19. Антропотопонимдердің жасалу жолдары

Антропонимика мен топонимика ғылымдарының байланысын білдіретін атау қазіргі кезде антропотопонимия деп аталады.

Антропонимика мен топонимиканың лингвистикалық және тарихи-этнографиялық ұқсастық жақтары ерекше зерттеуді керек ететін мәселенің бірі. Бұл екі ғылым арасындағы байланыс, олардың ауыс-түйіс қолдану жайы — ертеден келе жақтан тарихи құбылыс. Антропонимика мен топонимиканың тарихи байланысын айта келіп, көрнекті топонимист Э. М. Мурзаев былай дейді: «В названии населенных мест наиболее часто присутствуют имена, фамилии, прозвища»⁵⁶.

Қазақстанның ұлан-қайыр территориясында ерте кезден бері қойылған мыңдаған географиялық атаулар — топонимдер бар. Бұл атаулардың басым көпшілігі ана тіліміздегі сөздерден жасалғандар. Солай болғанмен де олардың құрамында моңғол-қалмақ, араб-иран тілдерінен енген атаулардың бары байқалады. Осымен қатар, орыс тіліндегі жалпы есім сөздер мен кісі аттарынан, фамилиялардан жасалған топонимдер де бар. Орыс тілінен енген немесе орыс есімдері мен фамилияларынан жасалған бұл топонимдердің тарихы көптеген жағдайлармен байланысты.

XVIII ғасырдың екінші жартысынан бастап Қазақстанда ірлі-уақты қалалар мен кіші-гірім поселкалар салынды. Мұның өзі орыс шаруаларының қазақ жеріне қоныс аударуымен тығыз байланысты болды. Мәсе-

⁵⁶ Э. М. Мурзаев. Топонимика и география. «Вестник МГУ», 1968, № 3.

лен, 1645 жылы қазақтардың Үйшік деп аталатын кішкентай ғана балықшы поселкасының орнына Михаил Гурьев деген купец тас қалашық салады. Қейіннен бұл Гурьев қаласы аталып кетеді. Қазіргі мұнай және балық өнеркәсібінің орталығы болған Гурьев қаласының аталу тарихы деректемелерде осылай еді.

Тарихи деректерге қарағанда, Семей қаласы 1718 жылы салыныпты. Белгілі ғалым-географ П. П. Семенов-Тянь-Шанский Семей қаласының аты семь палат сөзінен қойылған деген пікірді айтады. Оны жергілікті халық өз тіліне бейімдеп Семей атап кеткен. Тіліміздегі антропонимдер: Семейбек, Семейхан осы Семей қаласының атынан алынған.

Петропавловск қаласы 1752 ж. Есіл бекініс шебінің қорғаны ретінде салынған. Бұл қаланың Петропавловск аталуы туралы да халық әтимологиясы бар.

Қазақтардың көне қаласы Ақмешіт 1853 жылы Қоқан хандығын жеңумен байланысты орыс армиясының полковнигі Перовский атымен аталған. Октябрь революциясынан кейін қала Советтік Қазақстанның орталығы — Қызылорда атанған.

Қазақстанда орыс, ұйғыр, өзбек, татар, дүнған, неміс халықтарының тұруымен байланысты көптеген елді мекен аттары солардың фамилия, есімдерімен аталған. Мысалы: Юрьева, Степановка, Андриановка, Корниловка, Дробышева, Ермак, Владимировка, Алексеевка, Николаевка, Евгениевка т. б. Бұлар жақадан жасалмаған, ертеден қалыптасып аталған топонимдер. Қазіргі фамилиялық топонимдерде -ка, -а аффикстері кездеспейді. Қазақстанның ерте кездегі жер-су аттарында кісі аттарынан жасалғандары өте аз, қайта ол кездегі жер-су атауларынан кісі аттары көбірек жасалған. Мысалы: Еділбай, Балхаш, Ілебай, Жабыrbай, Орал, Алтай, Жайық, Нұрабай, Бастаубай т. б.

Қазақстан территориясында қоғамдық құрылыштың дамуына байланысты ірі қалалар V—VII ғасырлардың езінде-ақ дамыған еді. Ерте орта ғасырда Жетісу, Оңтүстік Қазақстандағы дамыған қалалардың тарихы мен өмірін көптеген археологиялық және жазба деректер дәлелдей отыр.

Оңтүстік Қазақстанда қалалар мен елді мекендер әсіресе X—XIII ғасырларда. Қарлук дәуірінде, одан кейін X—XII ғасырларда Қараханидтер мемлекеті ке-

зінде дамығаны тарихтан белгілі. Бұл кезде пайда болған қалалар: Отар (Фараб), Исфиджаб (Сайрам), Сыгнақ, Сауран, Барчыкен, Яңгикент (Жаңақент). Осы Сауран, Фараб, Сайрам, Барчыкент қалаларының атынан *Сауранбай*, *Сайрамбай*, *Баршын*, *Фараби* тәрізді кісі аттарының жасалғаны мәлім. Жер-су аттарынан жасалған мұндай кісі аттары есіресе орта ғасырда мол болған. XI ғасыр ескерткіші М. Қашқаридың әйгілі «Девану лугатит турк» атты еңбегінде мынадай кісі аттарының жер-су аттарынан жасалғанын көреміз. Мысалы: Абул (қыстак), Афрасияб (қала аты), Барман (қала аты), Алтунқан (жер аты), Отukan (жер аты)⁵⁷. Мәдени сауда қалаларынан ертеден белгілілерінің бірі — Тараз, қазіргі Жамбыл қаласы. Тараз Жамбыл облысындағы аудан орталығының ескі атауы және жазушының бүркеншік аты (Тарази) ретінде сақталып отыр. Әуелде Тараз кейіннен Әулиеата атанған, бүгін жыр алыбы Жамбыл атымен аталады.

Орта ғасырлық топонимдердің компоненттерінде кент сөзі жиі қолданылған. Мысалы: Шымкент, Жаркент, Узкент т. б. Бұл кент сезінің шығуы туралы В. В. Бартольд былай дейді. «В связи с распространением персидского литературного языка слова *кент* и *кет* были заменены словом *дих*. Слово *кент*, утраченное и забытое местным иранским населением перешло в турецкие наречия⁵⁸. Бұл кент сөзі *абад* сезінің синонимі ретінде қала деген мағынада қолданылған. Осы кент сезінен кісі аты да жасалып отырган.

Топонимдер құрамында есім және фамилиялардан жасалған микротопонимия көбірек кездеседі.

Көшпелі заманда әрбір рудың өзіне тән қыс қыстауы, жаз жайлауы болған. Олар сол жерді иемденуші адамдардың, көбіне жер иелері бай-феодалдардың, батырлар мен ру басыларының аттарымен аталаған. Мұндай микротопонимдердің біразы советтік дәүірде темір жол станциясына, кейбірі елді мекен аттарына ауысып кеткен. Мысалы: Тарғын (станция), Алпамыс, Қобланды (Қобды), Бақай, Қараш, Назар, Медеу, Сай-

⁵⁷ М. Қошқар и. Девону луготит турк. Тошкент, 1967, 397—407-беттер.

⁵⁸ В. В. Бартольд. История культурной жизни Туркестана. Л., 1927, стр. 38—40.

уы, Таңсық (станция), Маңсұт, Байсерке, Жасыбаи, Сырымбет, Олжабай т. б.

XVIII—XIX ғасырлардағы микротопонимдер түнгіш рет Ш. Үәлиханов еңбектерінен көрініс тапқан. Галым өзінің «Қарқаралы округі болысының қыстаулары» атты мақаласында да кісі аттарынан қойылған микротопонимдердің әрбір руга тәндігін айтқан.

1. Надан тобықтының қыстаулары: Қошқар, Қазанқап сайы, Қорпетай, Нұртай сайы, Бектау-ата сайы т. б.

2. Төленгітер қыстауы: Төлебике сайы, жайлаулар: Қоқыбай, Қошқар.

3. Тарақты руының қыстаулары: Матайадыр, Жотан, Текебай, Наурызбай, Мендібай, Қонысбай, Мырзакелді, Қаранайдың қызылы, Байжанбұлақ, Төлеke, Мыңшұқыр, Есенғұл, Жұмабайдың қаратасы, Қішібай т. б.

4. Жағалбайлы-Байбөрі қыстаулары: Андас, Рысбай қараашоқысы, Шорабай, Қабанбай адыр, Бабажан, Сейіт, Құттыбай, Қарабике, Абрали, Кешубай, Байбол, Танаш, Есет қуыс, Баубектас, Алтынтай, Садыбек жұрты, Қөпекей қыстауы, Баубектас, Нұрбике-Қонқайқара т. б.

5. Жалықпас қыстаулары: Қарақай, Әлімбай, Еділбай бұлақ, Қиікбай бұлақ, Бұғыбай бұлақ, Досалы-Жалпақ ши, Қаба-Жанабай, Еркебай Қызыладыр, Дүйсек, Матай, Тілеулі т. б.

6. Нұрбике-Шаншар қыстаулары: Құлмырза, Қожабек, Байназар, Майқара, Атабай, Бөгенбай т. б.

7. Қарауыл-Қамбар қыстаулары: Майқан, Оспан, Бердіқожа, Құттыбай, Төлебике, Қадыр, Өтеп, Шоқыбай, Топаш, Сарымбет, Қөшек, Мырзабай, Бердібай, Байқожа, Майқы, Жаманбай, Арыстанбай т. б.

8. Мәмбетей-Тобықты қыстаулары: Нұрбике, Атымтай, Шуректің бейіті, Мақы мола, Қаумен, Байтемірдин шаты, Қошқарбайдың қара ағашы, Қарабастың сары даласы, Байзак, Құлтай мешіті, Тілеубердінің қарасуы, Баймауықтың жалпақсусы, Жанбике, Кебектің биігі, Жапар, Тоқабайдың үш сүй⁵⁹ т. б. Бұл көрсетілген микротопонимдердің көбі қазір ұмыт болып отыр. Өйткені олар Қазақстан картасына түспеген, тек кар-

⁵⁹ Ч. Ч. Валиханов. Собрание сочинений в пяти томах, т. III. Алма-Ата, 1964, стр. 340—348.

тага түскендері гана сақталып қалған. Олардың басым көшілігінің бұл күнге жетпеуінің негізгі себебі, микротопонимдер топонимикалық ірі объектілердегі тұрақты келмейді. Мұндай микротопонимдер Қазақстанның басқа терриорияларында да болған еді. Ол кезде микротопонимнің көп болуы — жеке меншікке, ірі феодалбайлардың жерге қожалығымен және ескі рулық-феодалдық қоғаммен тікелей байланысты еді.

Елімізде Совет үкіметі орнағаннан кейін жерге жеке меншік жойылды. В. И. Ленин Декреті бойынша жер жалпы халық қожалығына, мемлекет қарауына берілді. Ол жерлерде колхоз, совхоз шаруашылықтары құрылып, жаңа атап алған болды. Сөйтіп, ол микротопонимдер бірте-бірте ескіріп, ұмыт болды.

Географиялық индикаторлар мен гидронимиялық, оронимиялық атаулардың кісі аттарын жасауда негізгі арқау болғаны байқалады. Оларды мынадай кестемен көрсетуге болады.

Индикаторлар қатысымен жасалған кісі аттары	Оронимиялық атаулардан жасалған кісі аттары	Гидронимия қатысымен жасалған кісі аттары	Түстеу белгісі арқылы жа- салған кісі аттары
Белбай	Таубай	Көлбай	Карабай
Беласар	Таутан	Арнабай	Сарыбай
Адыrbай	Шоқыбай	Теңізбай	Қызылбай
Жайлаубай	Қонабай	Сайдабай	
Қыстаубай	Зәңгар	Өзенбай	Ақбай
Орманбай	Сенгіrbай	Бистаубай	Қоңыrbай
Орманбет	Төбей	Қайнаrbай	Бозтай
Асқарбай		Арықбай	Көкбай
Тасболат		Шалқарбай	
Асубай			

Географиялық индикаторлар (терминдер) арқылы жасалған кейбір кісі аттары синоним ретінде танылады. Мысалы: Белбай, Асубай, Адыrbай, Қырқабай, Жотабай, Төбей, Теңізбай, Дайрабай т. т.

Осылымен қатар *ақ*, *қара*, *көк*, *сары*, *қызыл* сөздері арқылы жасалған кісі аттары да бар. Олар жөнінде Қ. Жұбанов⁶⁰ және Е. Қойшыбаев⁶¹ еңбектерінде біраз пікірлер айтылған.

⁶⁰ К. Жубанов. Исследования по казахскому языку, вып. I. Алма-Ата, 1936, стр. 26—28.

⁶¹ Е. Койчубаев. Не цветовая сущность топономических компонентов *ақ*, *көк*, *қара*, *сары*. Тезисы докладов всесоюзной конференции по топонимике СССР. Л., 1965, стр. 185—187.

Октябрь социалистік революциясынан кеин ерекше дамыды.

Жаңа топонимдерде ұлсы көсемнің, халықтың ардақты ұлдары мен қыздарының аттары көрініс тауып отырды. 1) Коммунистік партияның көсемі мен қайраткерлерінің есімдерінен қойылған топонимдер: Лениногорск, Ленин ауданы, Ленин колхозы, Калинин колхозы, Дзержинский совхозы, Киров совхозы, Свердлов ауданы, Ворошилов колхозы, Фрунзе ауданы т. б.

2) Ақындар мен жазушылар атынан қойылған топонимдер: Абай, Жамбыл, Әуезов, Сейфуллин колхозы, Байганин ауданы, Жансүгіров колхозы т. б.

3) Ғалымдар мен ағартушылар есімдерінен қойылған топонимдер: Ш. Үәлиханов совхозы, Ы. Алтынсағарин атындағы мектеп, Қаныш Сәтбаев атындағы совхоз, К. Мыңбаев атындағы совхоз т. б.

4) Азамат және Отан соғысы батырларының атынан қойылған топонимдер: Аманкелді ауданы, Әліби Жанкелдин совхозы, Тоқаш Бокин совхозы, Төлеген Тохтаров колхозы, Төлеген Тохтаров селосы, Сенғірбаев колхозы, Сыпатаев атындағы колхоз т. б. Осы кісі аттарынан жасалған топонимдердің этимологиясына назар аударғанымызда батырлар есімдерімен байланысты эпетопонимдер (Тарғын, Қоблан, Алпамыс, Қордай) көпке бимәлім. Тарғын және Қордай атауларының этимологиясы жөнінде әр түрлі пікірлер бар. Зерттеушілердің бірі оларды моңғол сөзі десе, екіншілері түркі тілінен тән деп таниды. V—VIII ғасырларға тән Орхон-Енисей жазбаларында титул ретінде тархан, көпші тұлғада тархат болып қолданылған. Бұл сөздің этимологиясы жөнінде нақтылы пікір айтқандар: М. Қашқари, Рашид-ад-дин, Я. Бичурин, В. В. Радлов, А. Н. Бернштам, Б. Я. Владимирцовтер еді.

М. Қашқари әйгілі «Девану лугатит туркте» тархан сөзін көрсетеді де, «исламға дейінгі дәуірдегі жалқы есім, аргу тілінде «бай» деген мағынаны білдіреді» деп жазады. В. В. Радлов көп томдық сөздігінде тархан «ханның қол астындағы ерікті адам» ретінде түсіндіріледі.

Кейінгі дәуірлерде, XVIII ғасырда, Қырым мен Батыс Қазақстанда тархан сөзі титул ретінде кеңінен тарайды.

С. М. Шапшал, А. Е. Крымский мақалаларында бұл титул жөнінде біраз мәліметтердің айтылғанын көреміз. Академик А. Е. Крымский Тымутаркан деген қала атының Тама (тума)+тархан деген хазар және түркі сөздерінің бірігуінен жасалғанын алғаш рет айтқан еді. Бұндай көріністі Астрахань атауынан да байқаймыз. Бұл атау — ол бастағы Хажытархан атауының өзгерген формасы.

Тархан атауымен байланысты топонимдер: Орта Азияда — Тархан-Сайд, РСФСР-да — Тархан, Қырымда — Тархан-Күт, Тархан, Тарханлар, Қазақстанда — Тархан, Тарханское. Монгол тіліндегі *дархан* ‘ұста’ сөзі титул тарханның синонимі. Олар тархан титулын түркі тілдерінен алған. Оған дейін *вогол* деген титулды қолданған. Бұл жөнінде А. Н. Бернштам мен Б. Я. Владимирцовтың пікірлері бір-бірімен үндес. Демек, тархан титулы түркі тілдерінде ертеден бар, көне сөз деп санаймыз. Тіліміздегі Дархан, Дарханбай, Дәркенбай және Дарханов, Дарханбаев, Дәркембаев деген кісі есімдері мен фамилиялары бұның толық айғағы.

Қордай топонимі өуел баста батыр есімі, кейіннен жер атына ауысқан. Г. К. Қоңқашбаев бұл топонимді монголдың *хуртай* ‘жаңбырлы’, ‘жаяуынды’ сөзі деп қарайды⁶².

Ерте кезден аталып келе жатқан, шығу төркіні мен пайда болулары жағынан көптің назарын аударып жүрген мәселелердің бірі — Ертіс, Еділ, Іле, Балқаш, Орал топонимдері еді.

Осы топонимдердің негізінде кеп: Ертіс, Еділбай, Ілебай, Балқаш, Орал, Оралбай тәрізді антропонимдердің жасалғаны аян. Бұлардың этимологиясы туралы да айтылған азды-көпті болжаулар мен топшылау пікірлер жоқ емес. Топоним — Ертіс өзен аты ретінде ерте замандардан бар, тіпті XI ғасырдың тарихи деректемелерінде де кездесіп отырады. Ол М. Қашқаридің әйгілі «Девану-лугатында» Эртиш⁶³ формасында берілген.

⁶² Г. К. Конкашбаев. Географические названия монгольского происхождения на территории Казахстана. «Известия АН КазССР», серия филологии, вып. I (11), 1959.

⁶³ М. Кошкари. Девону лугатит түрк, том I. Тошкент, 1960, 66-бет.

Автордың баяндауынша, бұл әртишмек масдарынан жасалып, ‘кел, жарысып көр’ деген мағынаны білдірген. Ал Иле өзенінің этимологиясы Э. М. Мурзаев, Г. Қоңқашбаевтар пікірінше, қалмақтың илә ‘жарқыраған, жалтырыған’ деген сөзінен көрінеді. Орал топонимінің этимологиясы мен шығу тарихы географ, тарихшы, лингвист ғалымдардың көбін қызықтырғаны мәлім. Бұл топоним — *Орал* әдебиет пен деректерде алғаш рет XVIII ғасырда кездесе бастайды. Ол жөнінде В. Татищев, П. Рычков, П. Паллас, И. Лепехин, П. П. Семенов-Тянь-Шанский т. б. жазғандары бар.

XX ғасырдың басында жарық көрген географиялық-статистикалық сөздікте камень немесе *Поясовой камень (Montes dicti angulus terral)* деген атау сөз берілген. Бұл құрделі еңбекте Орал сөзінің шығу төркіні туралы айтылған ерте кездегі жазуышлардың пікірлері де көрсетіледі⁶⁴. Олар Орал атауын остик халқының «Уррь» — («таулар тізбегі» деген мағынадағы) сөзі де се, екінші біреулер түркі тіліндегі Арал-тау деп жорамалдайды. Финно-угор гипотезасын жақтаушылар Орал (Урал) топонимін финно-угор тіліндегі «Уррь» (тау) сөзінен шықты деп дәлелдеуге тырысады.

А. К. Матвеев финно-угор гипотезасын жақтаушы: М. Ковальский, Б. Кальман, Х. Мозел пікірлерінің қисынсыз екенін дәлелдеді. А. К. Матвеев ұсынған этимология бойынша, Орал атауының бастапқы түрі қазақша Арал, оны башқұрттар кейінректе өзгертіп, өз тілдеріне бейімдеп алған дейді. Сөйтіп, Орал туралы екі түрлі пікір болғанын көреміз. А. К. Матвеев осымен қатар, *Орал* — түркі тілдеріндегі етістіктің етіс тұлғасы оралу сөзінен жасалуы да мүмкін дегенді айтқан еді⁶⁵. Бұл пікір шындыққа жуық келетін төрізді. Өйткені түркі тілдеріндегі топонимдердің құрамында етістік сөздерден жасалғандар көп кездеседі. Мысалы: Еділ көне формасы Атіл (атыл), Ақсу (Ақ бұл жерде таза «ак» мағынасында емес, етістіктің бұйрық рай формасында тұр), Асы (асу мағынасындағы етістік), т. б. Тіліміздегі Орал, Оралқан, Оралов, Оралбаев деген есімдер мен фа-

⁶⁴ П. П. Семенов. Географическо-статический словарь Российской империи. СПб., 1910, стр. 333—336.

⁶⁵ А. К. Матвеев. О происхождении названия «Урал». Сб. «Вопросы истории Урала», вып. 39, часть I, Свердловск, 1961.

милиялардың сол Орал өзені мен тау атынан жасалған анық.

Фамилиялар мен есімдерден жасалған Қазақстан топонимдерінің ішінде, өте-мәте орыс географиялық атауларына тән суффиксалдық топонимдер бар. Олар: -ский, -ка, -ова, -ево, -иха суффикстері арқылы жасалып отырған. Мысалы: Андреевский, Алексеевский, Александрова, Григорьевка, Мироновка, Осиновка, Ерофеевка, Белоусовка, Оролово, Соловьево, Фетисово, Ольгино, Путищево, Огнево, Лаптиха, Мякотиха т. б. Дәл осындағы жолмен, яғни суффиксалдық жолмен қазақ есімдерінен жасалған топонимдер: Ерназарово, Адаевка, Аккозинский, Касталовка т. б.

Славян топонимдерінің типтерін зерттеген еңбегінде В. А. Никонов: -ка, -ов, -иха суффикстерінің кейір славян территорииясындағы қолдану дәрежесін байқайтын салыстырма таблицасын жасаған. Онда Россияның Ивановская облысында -ов суффиксі 41 болса, Польшаның Повей Млова жерінде — 24, Болгарияның Благоевград округінде — 33, Украинаның Полтавская облысында — 6 суффикс екен. -ка суффиксі Россия мен Польшада 5 және 4 болса, Украинаның Полтавская облысында — 36 деп көрсетеді⁶⁶. Суффиксалдық антропотопонимдердің -ка, форманттары әсіресе Украина, Белоруссия территориясында көп кездесетінін О. С. Стрижак, Е. М. Адамович еңбектерінен де көреміз⁶⁷.

Бұл форманттар арқылы жасалған антропонимдер сол жерді иемденіп, меншікке айналдыруышыларға байланысты жасалған. Орыс тіліндегі ол суффикстер жердің сол иемденушіге тәндігін білдірген. Қазақ тіліндегі есім топонимдер суффиксалдық жолмен сирек жасалады. Олар негізінде атау тұлғадағы күйінде топонимге аудысады. Мысалы: Жәнібек, Аманкелді, Төлеғен, Бекетай, Жетібай, Жиенбай (Батыс Қазақстанда), Есбол, Мақат, Құлсары, Ералы (Гурьев облысында),

⁶⁶ В. А. Никонов. Славянский топономический тип. «Вопросы географии», 1962, № 52, стр. 30.

⁶⁷ О. С. Стрижак. Назви річок полтавщини, похідні від прізвищ та прізвиськ. Сб. «Питання ономастики», Київ, Наукова думка, 1965, стр. 176—187; Е. М. Адамович. О суффиксальном способе образования географических названий Белоруссии. Всесоюзная конференция по топономике СССР. Тезисы докладов и сообщений. Л., 1965, стр. 76—79.

Аманжол, Құзембай, Олжабай, Құрымбай, Елубай, Қылышбай, (Павлодар облысында), Жамбыл, Өтеген, Байсейіт, Балтабай, Малыбай (Алматы облысы) т. б.

Қазақстан өлкесіндегі топонимдер географиялық индикаторлардың тіркесуі арқылы жасалғанда тәуелдік жалғауының жасырын және толық түрінде келеді. Тәуелдік жалғауының жалғанбауы арқылы жасалғандар: Байтөресай, Бекеттөбе, Елшібайши, Ерейментау, Жәнібекшалқар, Жұнысата, Қөпбайқөл, Қөшенсай, Қабылсай, Қарашсай, Қожакөл, Құрманкөл, Мәстексай, Мұратсай.

Тәуелдік жалғауы арқылы жасалғандар: Баян көлі, Бектемір шоғы, Бөртебай көлі, Жақсыбай қайыры, Жанқожа көлі, Жантай соры, Жекей көлі, Сырым көлі, Қайыпбергеннің қарасуы т. б. Бұл айтылған мысалдар көлдің, қарасу мен қайырдың болмаса сордың бір адамға тән меншіктілігін, соған тәуелді екендігін көрсетіп тұр.

Көкшетау облысындағы кісі аттарынан жасалған микротопонимдердің бар саны 1841 болса, оның 522 атауы (немесе 28,3 %) антропонимдер екені анықталды⁶⁸. Бұған қарағанда, Қазақстан өлкесінде есім топонимдердің мол екенін байқаймыз. Оның әр түрлі себептері мен тарихи сырлары бар.

Ерте кезде жасалған есім топонимдердің көбісі микротопонимдер. Олардың мол ұшырауының негізгі себебі — мал шаруашылығымен шұғылданған қазақтар шүрайлы жерлерге көшіп-қонып, жайлау мен қыстауды ру-ру болып белгілі бір жерлерден иемденіп, оларға ат қойып, айдар тағып отырумен тығыз байланысты болғанға ұқсайды.

Қазіргі кездегі есім топонимдердің жасалу тәсіліндеңі жағдайлар мүлдем басқаша. Абай ауданы, Жамбыл қаласы, Фрунзе ауданы, Байғанин ауданы, Жансүгіров колхозы, Сейфуллин көшесі, Сәтбаев совхозы, Ш. Үәлиханов совхозы, Жандосов совхозы деген изафеттік құрылыштардың атауларда аудан, колхоз, совхоз, көшелер ол адамдарға тәуелді, меншікті емес. Олар (колхоз, совхоз, аудан, көше) сол адамдардың атындағы деген ұғымды білдіреді.

⁶⁸ О. А. Сұлтанъя в. Казахские микротопонимы Кокчетавской области, образование от личных имён. Сб. «Ономастика». М., 1969, стр. 208.

Сейтіп, кісі аттарының топонимге, топонимдердің кісі аттарына ауысуы өртеден бар құбылыс екенін аңтаратамыз. Олардың ауысу процесінде лингвистикалық және тарихи-этнографиялық байланыс, ғылыми сыр бар деп білеміз.

20. Этноантропонимдердің жасалуы

Этнонимдер (ру, тайпа аттары) мен антропонимдерден жасалған есімдерді ғылымда *этноантропоними* деп атайды. Бұл термин антропономиканың бір тармағы болып саналады. Тіліміздегі ру, тайпа, халық аттары мен кісі аттарының өз ара байланысы, ауысу процесі тарихи дәүірлермен үштасып келе жатқан құбылыс. Алайда күні бүгінге дейін ру, тайпа аттары кісі аттарынан қойылған ба, өлде кісі аттары ру, тайпа аттарынан қойылған ба? деген мәселе өз шешімін толық таба алмай келеді.

Бұл жөнінде ғылым дүниесінде әр қылышылау пікірлер бар, ал сол пікірлердің бәрінен де марксизм классиктерінің айтқан пікірлері тарихи шындыққа бейім әрі нанымды. Оны Ф. Энгельстің мына сөзінен байқауға болады: «Кейбір рулардың аттары хайуандармен де аталатын болған. Сенеке тайпасында қасқыр, аю, тасбақа, құндыз, бұғы, балықшы, көкқұтан, бүркіт деген сегіз ру бар екен. Халық аузындағы аңыз бойынша басқа рулар аю мен бұғы атты рулардан тараған көрінеді»⁶⁹. Бұл хайуан аттары сол кездегі ру басыларының есімдері ретінде де жұмысалып отырған. Ал кейінгі әтаптарда осы ру аттары адам аттарына ауысқан болу керек. Бұл жағдайды қазақ тарихына да қатысты деп қарауымыз жөн. Өйткені бізде де әуел баста ру аттарының қасқыр, бұғы, ит атауларынан болғанын күні бүгінге дейін сақталып келе жатқан аңыздан байқаймыз. Арғы атамыз қасқыр болыпты, руымыз бұғы деген сөздерді түркі халықтарының көбі айтады. Мәселен, гагауздар атамыз қасқыр десе, қыргыздарда бұғы атты ру қазір де бар. Ал «тарихи деректемелерде көрсетілмеген ерте кездерге тән этногенетикалық мәсе-

⁶⁹ Ф. Энгельс. Семьяның, жеке меншіктің және мемлекеттің шығуы. Алматы, 1948, 106—108-беттер.

лелерді зерттеп, шешуге этнонимнің тигізер мәні зор», — дейді тюрколог Ю. Немет⁷⁰.

Қазақ этнонимдерін толық жинап, туысқан түркі халықтары этнонимдерімен салыстыра зерттеудің тарихи мәні аса зор. Қолда бар материалдарды жіктең, талдағанымызда, этнонимдердің жасалу негізінде белгілі бір заңдылық бары, семантикалық топқа бөлінетіні байқалды. Мысалы: «халық», «тайпа», «ру», «жеті ата» т. б. Ал, қазақ есімдеріне келсек, олардың осы этнонимдік топтардың берінен де жасалып отырганын көру қыын емес. Олардың жасалу тәсілінде тіл заңына бой ұру байқалады. Мысалы: қазақ этнониміне бай сөзін қосып, біріккен тұлғалы есім Қазақбай, Байқазақ; найман этнониміне бай сөзін қосу арқылы Найманбай, сол тәрізді Қыпшақбай, Қаңлыбай, Үйсінбай, Арғынбай, Қоңыратбай, Алшынбай сияқты есімдер жасалған.

Ру аттары көне түркі дәуірлерінде кісі аттарынан жасалмағанын, бұл құбылыстың кейінгі ортағасырдан болғанын көптеген материалдар көрсетіп отыр.

Қоғамдық құрылыштың өзгеруімен байланысты ру аттарының структурасы да өзгеріп отырады. Қазақ этнонимдеріндегі араб, монгол сөздерінен жасалғандар осының толық айғағы.

Этнонимдерден жасалған кісі есімдерін, осының көрініше кісі есімдерінен жасалған этнонимдердің лингвистикалық әрі тарихи тұрғыдан мәні зор екені даусыз мәселе. Бұндай этнонимдер әсіреке XVII—XIX ғасырлардағы материалдарда көбірек кездеседі. Тайпа ішіндеңі рулар атауларынан жасалған кісі аттары кейіннен ру атына қайтадан ауысып, алмасып отырган. Ру аттарынан жасалған кісі аттары негізінде сол рудың қай заманда өмір сүргенін байқауға болады.

Ру аттарынан жасалған кісі аттарының этимологиясын ашу маңызды да қыын жұмыс. Өйткені көне түркі заманына тән атаулардың көбі этимологиялық талдауға көнбейді. Мысалы: Дулат, Алшын, Арғын, Албан, Қыпшак, Қаңлы, Найман т. б. Бұл атаулардың этимологиясына арналған қыруар еңбектер болғанмен дәйекті пікірлер болмай келеді.

Қыпшақ, Қаңлы этнонимдерінің генезисі жөнінде

⁷⁰ Ю. Немет. Специальные проблемы тюркского языкоznания в Венгрии. «Вопросы языкоznания», 1963, № 6, стр. 128.

орта ғасырлық тарихшылар Әбілгазы Бахадур, Рашид-Ад-Дин пікірлері халық ақызынан аса алмаған⁷¹. Бұл этнонимдер туралы совет ғалымдарының айтқан пікірлері мен зерттеулері назар аударапты⁷².

Қазақ есімдерінің біразы көрші туыстас халықтар аттарынан да жасалып отырған. Олар: Қыргызбай, Қыргызәлі, Орыс, Орысбай, Өзбек, Өзбекәлі, Ноғай, Ноғайбай, Татар, Естекбай (башқұрт халқының тарихи аты), Түрікмен, Түрікпенбай, Азербайжан, Ойрат, Сартбай, Араб, Арапбай, Мадияр (Венгер) т. б. Адамға бұлайша ат қоюдың тарихи-әлеуметтік себептері болса керек. Оның басты себебі — қазақ халқының аты аталып отырған халықтармен ұзақ ғасырлар мәдени байланыс, қарым-қатыс жасап, достық, туыстық ынтымақта болғанында.

21. Антропонимдердегі архаизмдік (диалектілік) тұлғалар

Қазіргі қазақ есімдерінің бәрі бір мезгілде, бір дәүірде шықпаған. Олар әр түрлі қоғамдық құрылышта дамып, қалыптасып отырған. Сөйтіп, қазақтың ен дасын мекендерген ру, тайпалар құрамындағы адамдардың есімдерінің өзіндік ерекшелік жақтары да болған. Ол есімдердің ішінде архаизмге айналып кеткендері де, ескінің мұрасы ретінде күні бүгінге дейін сақталып қалғандары да жоқ емес. Мәселен: Бодан (бұдун — «халық», «ел»), Ораз (ыраз — «бақыт», «ырыс»), Құттыбай (құт — «бақыт»), Алай (алай — «полк»), Сүгіrbай (сүгір — «жауынгер»), Қожық (қожық — «зор, үлкен»), Дарханбай||Дәркенбай (тархан||дархан «атақ, дәреже»), Сылан (сылан — «тік, биік») т. б. Осындай есім сездерден жасалған фамилиялар да бұл күнде көп кездеседі. Мұндай фамилиялар мен есімдердің қазақ халқының ерте кездегі көне тілін зерттеуге тарихи-мәдени түрғыдан үлкен үлес қосары даусыз екенін айтпасақ та түсінікті. Әсіреле тарихи лексикология үшін

⁷¹ А. Н. Кононов. Родословная туркмен. Сочинения Абул-Гази хана Хивинского. М.—Л., 1958, стр. 43, Рашид-Ал-Дин. Сборник летописей, т. I, кн. I. М.—Л., 1952, стр. 84.

⁷² С. Е. Малов. Памятники..., стр. 42; В. А. Гордлевский. Государство сельджукидов Малой Азии. М.—Л., 1941, стр. 128.

оның мәні аса зор. Олардың құрамында көне түркі тілдеріне тән дәуірлердегі тілдік (лексика-морфологиялық) құбылыстарды көрсететін ерекше тұлғалар да бары айқын.

Көнерген тұлғалы есімдерді талдағанда оларды екі топқа бөліп қараған жөн сияқты. Олардың бір тобы — бүгінгі қауымға түсініксіз, мағынасы бимөлім есімдер болса, екінші тобы деп көне түрік замандарында жасалған (дәстүр бойынша бүгінде қолданыс тауып отырған), бастапқы мағынасы мен тұлғасынан айрылмаған есімдерді атайды. Бұл топтағы есімдер табигат пен құбылыс, аң мен қасиетті құстар атауларынан жасалып отырған. Әлбетте, мұндай есімдер шығу тарихы жағынан көне. Олардың көне дәуірлерге тәндігін дәлелдейтін нақты фактілер деп: біріншіден, лексикалық норманы негізге алсақ, екіншіден, сол дәуірге тән діни ағым — шаманизмді дәлел етеміз.

Көне және көнерген есімдер тобы түркі тілдес халықтардың қай-қайсысында болмасын кездесіп отырады. Ондай есімдердің лингвистикалық ерекшеліктермен қатар көптеген тарихи мәселелердің бетін ашып берері сөзсіз. Бұл жөнінде чуваш тіліндегі көнерген есімдер туралы жазылған В. К. Магницкий мақаласын көрсету срынды сияқты⁷³. Алпыс бес жыл бұрын жазылған бұл еңбекте 10 582 чуваш есімдерінің тізімі беріліп, ерекшелік жақтары айтылған. Бірақ та бұл есімдердің мағынасы мен этимологиясы талданбаған. Архаизмдік (диалектілік) тұлғадағы есімдер әсіресе говорларда көп кездеседі. Олардың кейбірі төл есім ретінде қолданыс тапса, көпшілігі фамилия ретінде сақталған. Олардың шығу төркіні, мағынасы мен есімдік мәні тек тарихи сөздіктерден ғана табылады. Көпке мәлім түркі тілдерінде ондай тарихи сөздіктер тым аз.

Көнерген (диалектілік) тұлғалы есімдерді ел арасынан жинап, диалектілік сөздікте беріп отыrsa, оның пайдасы мол болар еді. Ондай көнерген (диалектілік) тұлғалы есімдердің біреулері ерте замандардағы тайпалардың немесе халықтардың біріне тән болуы немесе халқымыздың өткендегі тіршілігімен байланысты сөз

⁷³ В. К. Магницкий. Чувашские языческие имена, «Известия Общества археологии, истории и этнографии», том XXI, вып. 2, Казань, 1965.

болып келуі де ықтимал жэйт. Ендеше, қазақ есімдері диалектіге тікелей байланысты, қатысты деп айта ала-мыз. Өйткені халықтық говорларда олардың алуан түрлі формалары кездесіп отырады және лексикалық, фонетикалық әрі морфологиялық тұрғыдан талдауға әбден көнеді. Бірақ, өкінішке қарай бұл жөнінде кейбір мақалалардағы⁷⁴ тиіп-қашты мысалдардан басқа арнағы зерттеу әлі күнгे жоқ.

Қазақ есімдерінің говордағы қалпы мен қолдану дәрежесін, оның фонетикалық, морфологиялық және лексикалық ерекшеліктерін сипаттайтын кейбір фактілерді ортаға салып, оның диалектілік көрінісін сез ету қажетті мәселелердің бірі екені сөзсіз. Белгілі бір тұлғадағы кісі атының алуан түрлі дыбыстық өзгеріске ұшырап, әлденеше құлпырып айтылуы бар. Олар бірде фонетикалық алмасу болса, кейде фонетикалық ауытқуға барып саяды. Демек, ол — шектес дыбыстардың ұдайы алмасып отыруына тән құбылыс. Бұл байыргы сөздерден жасалған есімдердің де, шет тілдерден енген есімдердің де құрамынан байқалады. Дыбыстардың алмасып қолдануы кейбір жергілікті тұрғындардың есімдерінің әдеби тіл нормасынан ауытқуына апарып соқтырады. Оңтүстік қазақтарының тілінде *Палым*, *Полатбек*, *Полымбет*, *Пақтагул*, *Пәсен* деген есімдер айтылады. Қазақстанның басқа облысында бұл есімдер әдеби тілдегі қалпын сақтап, Балым, Болатбек, Мактагүл, Бәсен формаларында айтылып, жазылады. Кейбір облыстарда әдеби тілдегі *ш* дыбысы орнына тіл ұшы қатаң *ч* дыбысын қолдану әдеті бар. Бұл құбылыс көбіне Алматы, Жамбыл, Талдықорған облыстары тұрғындарының тілдерінде кездесіп отырады. Мысалы: Ақчал (Ақшал), Көчімбай (Көшімбай), Чегебай (Шегебай), Әчім (Әшім), Құлчарқан (Құлшарқан) т. б.

Әдеби тілдегі еріндік ү дыбысы айтылатын орындарда қысаң *ы* дыбысын алмастыру әсіресе Қазақстанның шығыс аймақтарындағы тұрғындардың тілінде жиірек. Мысалы, Мыңа (Мұңа), Мырат (Мұрат), Мысатай (Мұсатай). Сондай-ақ еріндік ү/о дыбыстарын алмастырын айту Шығыс Қазақстан мен Маңқыстау қа-

⁷⁴ «Қазақ тілі тарихы мен диалектологиясының мәселелері», 4 шығуы, Алматы, 1962, 40-бет; «Қазақ диалектологиясы». Алматы, 1965, 54, 55, 131—137—139-беттер.

зақтарының есімдерінде жиі ұшырап отырады. Мәселен, Шығыста — Солтан (Сұлтан), Солтыбай (Сұлтыбай), Маңқыстауда — Солтангелді (Сұлтанкелді), Солтанмұрат (Сұлтанмұрат) түрлерінде қолданылады. Шығыс Қазақстан облысындағы тұрғындар тілінде ғ орнына *к*; с орнына з дыбысын алмастырып қолдану байқалады. Мысалы: Сүкіrbай, Қали (Ғали), Қабдош (Ғабдош), Құнпейіз (Құнпейіс), Бекбейіз (Бекпейіс), Әбілпейіз (Әбілпейіс), Жанпейіз (Жанпейіс) т. б.

Жетису қазақтарында *г/к* дыбыстарын алмастырып қолдану ерекше көрнекті жәйттің бірі. Мысалы: Құлжан (Гұлжан орнына), Құлшар (Гұлшар), Құltай (Гұлтай), Құлжамал (Гұлжамал) т. б.

Шет тілден, әсіресе араб-парсы тілдерінен енген есімдердің фонетикалық жағынан игерілуі өрдайым бірдей емес. Бұл Қазақстанның облыстарында, жергілікті тұрғындар арасында түрлі вариантта игерілген. Соңдықтан да олардың жалық тіліндегі формалары әр алуан. Мысалы, Ғали, Қали, Әли, Әлі; Айша, Файша, Қайша; Оспан, Осман, Ұсман, Құсман; Омар, Ғұмар, Құмар; Абдрахман, Әбдірахман, Ғабдірахман, Қабдірахман; Ғабдолла, Әбділда, Әбілда, Қабдолла, Қабдол; Жүсіп, Нұсіп, Тұсіп, Дұсіп т. б.

Сонымен, шет тілдерден енген есімдердің фонетикалық өзгеріске түсіп, жер-жерде түрліше қолданылуымен қатар тіпті, бір ауыл, бір семьяның өзінде де түрліше айтылатынын байқаймыз. Мысалы: Үбірай, Ибрай, Үбіраш, Ибрагим, Сымайыл, Үсмайыл, Есмайыл т. б. Мұндай есімдердің жазылуының бір ізді болмауы говорлық ерекшелікке тікелей байланысты. Арабтың *ل* сөзі плеоназмды кісі аттарының үнемі бірінші компонентінде келеді. Мәселен, Ғабдолла, Ғабиден, Ғабдрахман. Осы ғабд сөзінің жергілікті жалық тілдерінде айтылу формасы бірдей емес. Орталық Қазақстанда Әбdi, Ғabdi; Қабдрахман, Абдрахман түрлерінде айтылса, Оңтүстік пен Алматы жақта Әbdi, Әbdiманап, Әbdiлда, Әbdiрәсіл, Әbilniaz формаларында езулік ғ дыбысымен жіңішке айтылады. Шымкент, Алматы облыстары қазақтары тіліндегі: Сәрсенқұл, Құдайқұл, Тәңірқұл, Бекқұл, Үрысқұл тәрізді есімдердің соңғы компонентіндегі құл сөзі сол араб сөзінің қазақша ба-ламасы. Осы сияқты фонетикалық ауытқулар дара және күрделі тұлғалы кісі аттарында жиі кездеседі.

Мұның өзі, сайып келгенде, жергілікті халық тілінің әсерінен туған жәйт екені даусыз. Олар халықтың сөйлеу тіліне бейім, алуан түрлі формада айтылып жұмса-ла береді. Бұл құбылыс әсіресе араб-парсы тілдерінен енген есімдерде көп ұшырайды. Мысалы, оңтүстікте көбіне *Жүсін*, *Нүсін* түрлерінде айтылса, Орталық Қазақстанда *Дүсін*, *Түсін* формаларында қолданылады. Бір жерде *Ыұрыс*, *Едіріс* десе, екінші жерде *Ідіріс*, *Ідрес* болып айтылады. Бұл сияқты алуан түрлі айтылатын есімдер көп-ақ. Мысалы: Махмет, Мамбет; Нұрмұхамбет, Нұрмай, Нұрмұқан; Тасмұқамбет, Ташмет; Сейтмұхамбет, Сейтімбет; Әлмұқамбет, Әлмет; Айтмұхамбет, Айтмай; Сәрсенбі, Сәрсен, Сәрсенбай; Дүйсенбай, Дүйсен; Сенбай, Бейсенбай, Бисен, Сисенғали. Бұлардың «бі», «н», «е» буындары мен дыбыстары айтылуда да, жазылуда да түсіп қалып, осы формаларында қалыптасқан. Олар сөйлеу тілге бейім, жеңіл болып, қосымшасыз байланысып, біріккен.

Қырғыз ССР-імен шектес тұратын Алматы, Жамбыл облыстарының, Мерке, Кеген қазақтары тіліндегі кісі аттарын айтуда *и/ү*, *ч/ш* дыбыстарын алмастырып қолдану құбылысы бар. Әдеби тіл нормасындағы *Биби*, *Бибіхан*, *Бибіш*, *Бибіжамал*, *Бибинұр* тәрізді есімдер орнына, ол жерлерде *Бубі*, *Бубіхан*, *Бубіш*, *Нұрбұбі* формалары қолданылады. Бұл қырғыз тілінің әсері, яғни дауысты и дыбысы қырғыз тілінің артикуляциясына сай еріндік ү дыбысымен айтылып түр. Қырғыз тіліндегі алдыңғы қатарлы еріндік дауысты ү дыбысының сол аймақтағы қазақтар тілдерінде жиі қолданылуы говорға тән материалдардан белгілі.

Ғали, *қали*, *олла* компоненттерімен және *и я* қосымшалары арқылы жасалған кісі аттары көбіне батыс қазақтары тіліне бейім ерекшелік. Бұл жөнінде, XVIII ғасырда айтылған орыс ориенталистерінің пікірлері де, Ш. Сарыбаевтың жобасы да бірін-бірі қуаттайды⁷⁵. Бұл аймақтағы ер аттарының бірінші компоненті қатаң дауыссызға аяқталса *қали*, ал ұян дауыссызға бітсе *ғали* сөзі жалғанады. Бұл құбылыс әсіресе Орда поселкасы тұрғындарының тілінде басымырақ байқалады. Мысалы: Серікқали, Есетқали, Бекқали, Сапарғали,

⁷⁵ Ш. Сарыбаев. Батыс Қазақстан экспедициясының материалдарынан. «Қазақ тілі тарихы мен диалектологиясының мәселелері», 5 шығуы. Алматы, 1962, 40-бет.

Байғали, Шамғали, Жұмағали, Бисенғали, Ергали т. о.

Құрамында олла сөзі қосылып жасалатын біріккен тұлғалы есімдер кейде улла формасында да айтыла береді. Мысалы: *Ғабдолла*, *Ғайнулла*, *Халиулла*, *Ғубайдолла*, *Жаролла* т. б. Бұл олла (улла) сөзі Оңтүстік, Жетісу өңірінде өзгеріп, *алда*, *олда*, *ілда*, *ылда* формаларында жұмсалады. Мысалы: *Алдаберген*, *Алданазар*, *Әбділда*, *Нұрылда*, *Бекділда*. Әдия, Әлия, Балзия, Балқия, Барзия, Қамазия, Қатия, Қамзия тәріздес әйел аттары, көбіне Батыс Қазақстанда кездеседі де, татар, ногай тілдеріндегі әйел есімдеріне тұлға жағынан ұқсас келеді. Оның себебі, олар көрші татар, ногай, башқұрт тілдерінің әсері және ертеде ел ішіндегі діни молдалардың есім беру әдісімен байланысты болса, екіншіден, Батыс Қазақстандағы негізгі тайпалардың XIV ғасырда ногай ордасының құрамында тұруымен ұштасын болса керек. Тұрғын халықтардың киімді де татарларға елікеп кигенін XX ғасырдың басындағы этнограф ғалымдар да атап өткен болатын⁷⁶.

Кіңі аттарында кездесетін жергілікті фонетикалық ерекшеліктер, сайып келгенде, халықтың сөйлеу тіліндегі ерекшеліктерімен жымдастып, байланысып жатады. Фонетикалық тұрғыдан зер сала зерттегенімізде, олардың кейбіреуінің құрамында тарихи, көнерген формалардың ізі сақталғаны байқалады. Бұл ретте, көне тұркі тілдеріне тән фонетикалық ерекшеліктердің кіңі аттары құрамында сақталып қалуы тіліміздің ертедегі тарихынан аз да болса мағлұмат берсе керек.

Сондай-ақ, халық тіліндегі кейбір дыбыстық ерекшеліктердің бір жақ түйіні тіліміздің орфография мәселеісімен де тікелей сабактасып жатыр. Қазақстанда тұратын қазақтардың есімдеріндегі лексикалық ерекшеліктер ішінара бірнеше топқа бөлінеді. Олардың бір тобы говорларда ғана сақталған көне, көнерген тұлғалы есімдер болса, екінші бір тобы — көрші елдерден енген есімдер. Осымен қатар сөйлеу тілінің әсеріне байланысты жер-жерде түрленіп айтылу құбылысы бар.

Қазіргі әдеби тілімізде мұлдем кездеспейтін, бірақ республикамыздың кейбір облыстарында қолданылып жүрген фамилиялар мен төл есімдер құрамы бар. Олар-

⁷⁶ Р. Қару тц. Среди киргизов и туркмен на Манышлаке. СПб., 1910, стр. 33.

ды әсіресе Алматы, Оңтүстік, Батыс, Орталық Қазақстан облыстарынан жиі ұшыратамыз.

Дадабаев, Дәдей, Тәте формалы фамилиялар мен төл есімдер Алматы, Қостанай облыстарында кездесіп отырады. Бұл *дада* сөзінің синонимі түркі тілдерінің көбінде — *ата*. Ал *дада* формалы сөз қазіргі түркі тілдерінің шығыс тобында түрлі фонетикалық варианта сақталған. Ұйғ. *дада*, тув. *ада*, *авыгай*; қырғ. *ата*; хак. *ада*, *паба*; шор. *ада*, *аба*; алт. *ада*. Біздегі *Дәдей*, *Тәтә* тәрізді есімдердің де түпкі тегі осы *дада* сөзі болар деп ойлаймыз.

Ораз сөзі кісі аттары мен фамилиялар ретінде қолданылғаны болмаса, қазіргі әдеби тілімізде мұлдем кездеспейді. Тек халық мақалында сақталған, «болсаң оразымсың, болмасаң қоразымсың», «ораздының баласы он бесінде жаспын дер» деген сөйлемдерде *оразымсың*, *ораздының* тәрізді формалар бар. Бұлардың мағынасы да, тұлғасы да қазіргі тіліміздегі *ырыс* сөзіне үйлеседі. Өйткені, көне түркі тілдерінде, Орхон-Енисей жазбасында *орыз*⁷⁷, ораз — *рыз* ‘бақыт’⁷⁸ формаларында айтылған. Бұл сөз қазіргі түркі тілдерінің шығыс тобында дерлік қолданылады: Мысалы: тув. *ас* — *ке-жик*, қырғ. *ырыс*; хак. *ырыс*, шор. *ырыс*.

Қазақстанның Алматы, Қарағанды, Павлодар, Батыс Қазақстан облыстарында сирек кездесетін Бұке, Бөкей, Бекетаев сияқты төл есімдер мен фамилиялардың көне түркі тілдеріндегі бастапқы тұлғасы: *бөке*, *bökö*, *бүке* ‘батыр, палуан, күшті жауынгер’. Оның қазіргі түркі тілдерінің сөздік қорында қолдану түріне келсек, ол мынадай: ұйғ. *бөкә* ‘күшті, палуан’, алт. *моко*, *rökö* ‘күшті, батыл, ер жүрек’, осман түркінде *vïkä* ‘палуан, күшті’.

Мұндай деректерге қарағанда, бұл сөздердің дені әте көне замандарға, атап айтқанда, алтай дәүіріне барып саятын тәрізді. Көне түркі дәүірінде қолданылған дәреженің (титул) бірі *тархан* қазіргі дәүірге же тіп, *дархан* формасында жұмсалып отыр. Осы сөздің неғізінде жасалған *Дархан*, *Дарханбаев*, *Дәркенбай*, *Дәр-*

⁷⁷ С. Е. Малов. Енисейская письменность тюрков. М., 1952, стр. 95.

⁷⁸ И. А. Батманов, Бабушкин, Арагачи. Современная и древняя Енисейка. Фрунзе, 1962- стр. 230.

кенбаев тұлғалы төл есімдер мен фамилиялар да бар. Бұның жінішке Дәркенбай формасы көбіне Жетісу, Оңтүстік өңірлеріне тән. XIX ғасырда сол тархан сезінің дәреже (титул) ретінде Батыс қазақтарында кеңінен таралғаны тарихи деректерден мәлім⁷⁹. Тархан сезінің көне түркі тілдеріндегі мәні 'ешқандай, алым-салық төлемейтін, басы бос еркін' болса, қазіргі әдеби тіліміздегі мағынасы 'кеңшілік, уайым-қайғысыз еркін өмір'⁸⁰.

Алматы облысының Қеген, Нарынқол аудандары тұрғындарының тіліндегі Момбек, Момбекбаев, Момтай сияқты төл есімдер мен фамилиялардың мөм компонентінің мәні белгісіз. Бұл сезідің оғуз тобындағы тілдерде, олардың лексикалық қорында ежелден барын көреміз. Қазіргі өзбек, үйғыр, түркмен тілдерінде *мұм, мөм* 'балауыз' тұлғалары айтылады. Батыс қазақтарының тіліндегі кісі аттарының лексикалық ерекшеліктерін көрсететін материалдар едәуір. Жергілікті говорларда *Игісін, Назым* (н), *Томыш, Тумыш, Сылан, Жолай, Шамғали, Ергали, Есқали* сияқты толық есімдермен қатар сыйлау, құрметтеу, формаларында жұмсалатын *ақа, қа* қосымшалары бар. Мысалы: Шамғали — *Шамақа, Сылан — Сақа, Есқали — Есақа* т. б.

Жоғарыда айтылған көне тұлғалы кісі аттары мен фамилияларының Қазақстанның кең байтақ жерінің бәрінде бірдей емес, белгілі аймақтарда ғана тарауы — белгілі бір тарихи жағдайлармен байланысты болса көрек. Өйткені, көне түркі дәүіріне тән лексикалық топтың сақталу фактісі тарих ғылымында айтылып журген, қазіргі түркі халықтарының шыққан, тараган жері Алтай деген пікірге қосымша дәйек боларлықтай.

Батыс қазақтары тілдерінде кездесетін, жоғарыда айтылған Сылан, Тумыш тәрізді көне тұлғалы кісі аттары көбірек сақталған болса, олардың қатпары айқындалса, онда тарихи жазбалардың айтылуынша, Алшын руының әуел бастағы тараган жері — Алтай, ол VIII ғасырда Барлық пен Тянь-Шань аралығында мекен ет-

⁷⁹ Материалы по истории Казахстана, т. IV. М.—Л., 1941, стр. 29, 35.

⁸⁰ Қазақ тілінің түсіндірме сезідігі, I том. Алматы, 1959, 160-бет.

кен Шөмгін руының үрпагы деген⁸¹ пікірді анықтай түсетін қосымша материал болар еді.

Қазақстан территориясындағы кісі аттары мен фамилияларды ерекшелігіне қарап тәптіштеп жинап, ғылми жүйеде зерттей берсек, тарихи лексика мен тарихи грамматика және диалектология саласындағы кейбір мәселелердің бетін ашып, анықтауға қажетті материал болар деп санаймыз.

22. Жалқы есімдердің жалпы есімге ауысуы (антономасия)

Антрапонимдер мен топонимдердің жалпы есімдерден жасалатыны ғылымда белгілі мәселе. Жалқы және жалпы есім арасында болатын ауысу процесі — тілге тән құбылыс. Бұл құбылыс лингвистикада *антономасия* немесе *прономинация* деп аталады. Жалпы есімдердің жалқы есімдерден өзіндік айырмасы да, ерекшелігі де бар. Ондай ерекшеліктердің бірі — грамматикалық индекстердің сипатында.

Жалқы есімдер өздерінің семасиологиялық функциясы жағынан жалпы есімдерге қарама-қайшы. Жалпы есімдер, әдетте, лексикалық мағына мен белгілі бір үғымға ие болса, жалқы есімде бұл қасиет жоқ⁸². Жалқы есімдер тек қана атауыштық қасиетке ие.

Тіліміздегі жалқы есімдердің жалпы есімге ауысу құбылысы, әсіресе ономастика өмірінен айқын көрінеді.

Кісі аттарының (антрапонимия) жалпы есімге ауысуында метонимиялық заңдылық бар. Бұл жөнінде, орыс ғалымдары: А. А. Реформатский, К. Д. Зеленин, В. Черных, О. К. Жданко, Л. М. Щетинин пікірлері, неғізінен, бірін-бірі қуаттайды.

Жалқы есімдердің жалпы есімге ауысуына сай сөз мағынасының түрлену мәселелері де көңіл қоярлық жай. Сондықтан да жалқы есімнің ауысу барысында сөз өмірінде елеулі сапалық өзгеріс болады.

Жалқы есімдер жалпы есімге ауысқан соң лексика-

⁸¹ И. А. Аристов. Заметки об этническом составе тюркских племен и народностей и сведения об их численности. «Живая старина», вып. III—IV, СПб., 1896, стр. 109—110.

⁸² А. А. Реформатский. Введение в языкознание. М., 1959, стр. 18; В. А. Звегинцев. Семасиология. М., 1957, стр. 157; А. Ысқақов. Қазіргі қазақ тілі. Алматы, 1965, 198, 199-беттер.

лық мағынаға ие бол, тілдегі басқа сөздер үшін грамматикалық қатынасқа түседі. Оған көптік жалғау тікелей жалғанып, бірыңғай сөйлем мүшелері құрамында келгенде басқа жалпы есімдер тәрізді қызмет атқарады.

Антономасия қазақ тілінің сөздік қорын байытудағы көлтеген тәсілдердің бірі бол саналады. Ол тіліміздегі сөз жасаудың алуан түрлі амалдарының бірі ретінде жаңадан қалыптастып келеді.

Жалқы есімдерден жасалған жалпы есім сөздердің қазіргі қазақ тіліндегі жаңа жасалған, жаңадан пайда болған заттардың атауын танып, білуде маңызы аса зор. Мәселен, кен орындары мен геологиялық жаңалықтар, олардың әр түрлі пародалары, дақылдардың түрлері, зат, бұйым аттарының белгілі бір ғалым есімімен немесе қала атымен байланысты аталатыны белгілі.

Осындай ауысып қойылған есімдердің семантикалық құрылымы мен ұғымы әр уақыт заттық мағынаға ие бол отырады.

Осымен қатар, антономасияның лингвистикалық табиғатының стилистикалық реңкі де тіл заңының кейбір жақтарын толық аңғартады. Сондықтан да жаңушылар өз шығармаларында антономасияны стильдік түрғыда жиі қолданады. Бұл ретте, антономасия стильдік жағынан әдебиет пен тіл мамандарының да назарын аударып отыр. Оны тілдің стильдік тәсілдерінің бірі ретінде арнайы зерттеу қажет деген пікір В. В. Виноградов еңбегінде айтылған⁸³.

Көркем әдебиеттегі кейіпкерлер есімдері, негізінен, жалпы типтік, жиынтық образ жасауда үлкен роль атқарады.

Көркем әдебиеттегі басты кейіпкерлер есімдерінің жалқы, төл есімдік мағынасынан ауытқып, жалпы мағынаға ие бол кетуі бар. Сервантестің әйгілі геройы Дон-Кихот бастапқы ақыл-ойдың шынары болған жағымды қасиетін жоғалтып, ақымақ, есер ретінде танылады. Ал Дон-Жуан болса, әйелдерді алдаушы, бәтуласыз адам бол көрінеді. Сол тәрізді Гректің мысалшысы Езоп орыс арасында ақымақ әрі дөкір адам мағынасын-

⁸³ В. В. Виноградов. Стилистика. Теория поэтической речи. Поэтика. М., 1963, стр. 38.

да айтылады. Бұл сияқты мысалдар қазақ әдебиетінде де көптең кездеседі. «Қозы Қерпеш — Баян сұлу» жырындағы Қарабай есімі жалпы есім категориясына ауысып кеткен. Қарабай образы арқылы малқор, дүниекоңыз, тек баюдың жолын ойлаған пасық, сараң байды түсінеміз. Осы секілді жағымсыз адамдарды халық қарабай, яки қарынбай деп атайды. Ақын-жазушылар шығармаларына стильдік реңк, эмфатиялық мәнер беру мақсатында, немесе шенеу, сарказм ретінде ондай есімдерді әдейі қолданады. Мысалы:

Жұбайыңды есіттім,
Таңдал тапқан елінен:
Өзі қаруа, тартыншақ
Қас қарынбай делінген (Жамбыл).

Мәссаған. Біз үйіне қазір барғалы отырсақ, мынауық барып тұрган шық бермес шығайбайдың өзі ғой (К. Сатыбалдин.)

Әже, қойши енді, асанқайғыны соқпай (Ө. Канахин).

Бұл үзінділердегі қарынбай, шығайбай — ‘сараң, қытымыр’, асанқайғы — ‘уайымшыл, не болса соны ойлағыш’ мағынасында жұмсалып отыр.

Жалпы есім мағынасына ауысқан көркем әдебиет кейіпкерлері көп-ақ. Олар әрі типтік образ, әрі жалпыра кеңінен танылған жиынтық атау бол келеді. Мысалы, Итбай С. Мұқановтың «Ботакөз» романы мен С. Қобеевтің «Қалың малында» және Г. Мұсіреповтың «Қарағандысындағы» басты кейіпкерлер.

Жазушылар бұл адамдар арқылы ит мінезді, қараниет қас байлардың жиынтық образын беріп отыр.

Бұл құбылыс орыс көркем әдебиетінде өте көп кездеседі. Ол жөнінде В. Г. Белинский былай дейді: «Такие имена, как Онегин, Ленский, Татьяна, Ольга, Загорецкий, Фамусов, Скалозуб, Молчалин, Репетилов, Хлестаков, Сквозник-Дмухановский, Бобчинский, Добчинский, Держиморда, и прочие — суть как бы не собственные, а нарицательные имена, общие характеристические названия известных явлений действительности»⁸⁴.

Жалпы есімге айналған, халық аузында жиі айтылатын есімдер, сондай-ақ, көркем әдебиеттен ауысқан

⁸⁴ В. Г. Белинский. Собрание сочинений, в трех томах, т. I. М., 1948, стр. 642—643.

кейіпкерлер есімдері, негізінде, жаңа мағыналы сездер бол саналады. Мысалы, Мырқымбай (кім болса сол), Жантық (араға от салушы, арандатушы), Қожанасыр (алаңғасар), Қодар (қара күш иесі), Кесе (қу),— бұлар, көбіне, жағымсыз мағынада айтылады. Ал ынтық бол сүйікен, ыстық жүректі ғашықтарды Қызы Жібек пен Төлегендей, Қозы Қорпеш пен Баяндай десе, жасы үлкендерге кекесінді, мысқыл мағынада жұмсалады.

Жалқы есімдердің жалпы есімге ауысуы халық ауыз әдебиетінің нұсқаларында көбірек кездеседі.

Бұган қараганда, жалқы есімдер мен жалпы есімдердің шығу тегінде өз ара байланыс бар тәрізді. Бұндай жақындықты халық жұмбақтарынан анық көреміз. Өйткені, онда қолданылып отырган жалқы есімдердің мағынасы жалпы есім сездердің мағынасымен ұқсас та шендерес. Мысалы, Дүбір-дүбір төртеу, *есенкелді* екеу, *жагалбайлы* жалғыз, оның таңы қарбыз. Яки

*Төлебайдың төрт ұлы тәбелесіп келеді,
Егізбайдың екі ұлы ерегісіп келеді.*

Немесе

*Ермекбайдың екі ұлы ерегісіп келеді,
Төлебайдың төрт ұлы тәбелесіп келеді,
Жагалбайдың жалғызы жагаласып келеді.*

Бұл шумактардағы *Есенкелді* — түйенің өркеші; *Жагалбайлы* — құйрығы, *Төлебай* — аяғы; *Егізбай*, *Ермекбай* — екі өркеш.

Бұл жұмбақтардағы кісі аттары жұмбақталатын заттардың орнына ауысып, шешушіні жаңылыстыру үшін айтылған.

Алайда, олардың толық антономасиялық құбылышында ие екенін аңғару қын емес. Бірақ та, «Айдабол ас ішкенде пайда бол», «Жұзігі барда Сүлеймен, жүзігі жоқта сүмірейген» деген мақалдардағы антономасияның шегі ашық, айқын, лексикалық мағынасы белгілі тұр.

Жалпы есімдердің жалқы есімге ауысуы процесінде көптеген өзгешелік болады. Жалқы есімдерден жасалған топонимдер, көбіне, тұрақты, берік келеді, олар гасырлар бойы сақталып отырады. Кісі аттары бұндай тұрақты қасиетке ие келмейді. Олар құбылғыш және тым өзгергіш болады. Сондықтан да олардың жалпы

есімге ауысуымен сөз жасау заңдылығында да өзіндік ерекшелік болады.

Жалқы есімнен жалпы есімге ауысқан топономастикалық топтар мағыналарының ерекшелігі мен ұқсастығына қарай екі үлкен топқа бөлінеді.

Бірінші топқа жататындар — зат атын, ойлап тапқан авторының атымен атау. Бұл құбылыс өте-мете Батыс Европа және орыс тілінде жиі ұшырайды. Мысалы, *маузер*, *браунинг*, *форд*, *ом*, *ампер*, *вольт*, *кулон* т. б.

Топонимикалық атаулардың о бастағы жалпылық мағынасын тауып ашып беру халық тарихын зерттеуші тарихшыларға үлкен материал болары сөзсіз. «Ономастиканың жалпы есімдік мағынасын айқындау сөз өмірін, оның тарихын сипаттау үшін көп септігін тигізеді»⁸⁵ — дейді А. А. Реформатский. Демек, ономастиканың семантикалық структурасының (құрылым) өзгеруі, олардың жалпы есімге ауысуы, грамматикалық формалар жүйесі мен құрылышын сөзсіз өзгертереді.

Жалқы есімдердің жалпы есімге ауысуы процесін сөздердің басқа да категорияларынан кездестіреміз.

Кісі аттарының прономинациялануы жиі кездесетін құбылыс болса, топонимдерде бұл қасиет сирек.

Әдеби тілде де, сөйлеу тілде де төл есімдер орнына есімдіктер жиі қолданылады. Бұл ретте, ол жалпылық мағынаға ие болады да, сөйлемде сөйлем мүшелерінің қызметін атқарып тұрады.

Сөйтіп, есімдікке ауысқан төл есімдер субъект немесе объект, атрибут функцияларында жұмсалған береді.

Топонимдердің прономинациялануында азды-көпті ерекшеліктер бары байқалады. Бұл ерекшелік топонимикалық атаулардың қатарлық, яки формальдық заңына байланысты болып отырады. Түптеп келгенде, прономинациялану жалпы есімдерге тән болғанмен топонимдерден гөрі антропонимдерде басымырақ.

Антропонимдер мен топонимдерден ауысқан жалпы есімдер әдеттегідей тілдің грамматикалық заңына бағынып, сөз жасаушы, сөз түрлендіруші қасиеттерге ие болады.

⁸⁵ А. А. Реформатский. Введение в языкознание. М., 1960, стр. 40.

Олар жалпы есімге ауысқан соң белгілі бір зат атаяна айналып, бастапқы ұғымынан тікелей айрылады. Мысалы, *көсе, итжеккен, жиделі байсын, қожанасыр, қарабай, жантық* т. б.

Жалпы есімдік мағынаға ие бол кеткен есімдер басқа сөздермен тіркесе айтылғанда, анықтауыш ретіндеғана жұмсалады. Мысалы, *самарқанның көк тасы, орыс етік, бұхар жай, қашқар құман, ірбіт шана, сарқант темекісі, алматы апорты, үйсін тымақ, еділбай қойы, Қарағанды көмірі, Тәшкен өрігі* т. б. Бұл тәрізді ономастикалық топтардың жалпы есімге айналу процесі толық аяқталмаған. Сондықтан да оларды жаратылай ауысқан деп танимыз.

Жалқы есімдерге сез тудыргыш қосымшалардың жалғануы арқылы жаңа сездер жасалып жатады. Бұл құбылыс әсіресе орыс тілінде басымырақ. Мысалы, *дарвинизм, акимовцы, обломовщина, хлестаковщина, байронизм, толстовка, буденовка, шаляпинка* т. т.

Орыс тілінде фамилияға қосымша жалғану арқылы тың етістіктер пайда болады. Мысалы, *бетховенизировать, заshanхaitь, маяковить, чемберлениться, мартинить, евтушенить, пастерначить, молчанинть* т. б.

Тіліміздегі жалқы есімдерге жалғанатын сез тудырушы қосымшалар -ши, -ши, -шил, -шіл, -шилық, -шилік, -лық, -лік, -дық, -дік, -лау, -леу т. б.

-ши, -ши қосымшалары арқылы жасалған жалпы есімдер: *стахановши, жаңаевши, шығанақши, чапаевши, бекболатши* т. б.

Түбір есімге етістіктің -лау, -леу қосымшалары жалғану арқылы етістік тұлғасы жасалады. Мысалы, *асқарышылау, тайыршылау, ospанышылау* т. б.

Орыс тілінде қала тұрғындарын көрсететін қосымшалар саны молырақ. Олар: -екші, -щина, -е, -овец.

Бұлардың қазақ тіліндегі баламасы -лық, -дық, -тық, -тік аффикстері. Мысалы, *жамбылдық, алматылық, шымкенттік, павлодарлық, көкшетаулық, оралдық*, т. б.

Сөз тудырудагы бұл амал бізде жаңадан қалыптастып келе жатыр. Жалқы есімнің жалпы есімге ауысуының бір түрі лақап ат (прозвища) пен бүркеншік ат (псевдонимы) және табу (сөзге салынған тыйым) сездерге байланысты.

Бұл ауысу процесінде лингвистикалық заңдылық-

тармен қатар тарихи-этнографиялық жайлардың да іздері бар.

Октябрь революциясынан бұрынғы қазақ тұрмысында әйелдердің ат тергеу дәстүрі кеңінен орын алған. Жас әйелдер күйеуінің ағасын, інісін немесе қарындасын тұра атымен атай алмай, басқаша ат қойып отыратын. Сейтіл, ат тергеуде жалқы есімдердің белгілі бір жүйеде жалпы есімдерге ауысып отыратынын көреміз.

Өз ерінен үлкен еркектердің бәріне әйелдер өздерінше ат қойып, айдар тағып, яғни олардың аттарын тергеп, басқа сөзбен атағаны белгілі. Мұндай сөзге тыйым салуды тіл білімінде та бу деп атайды.

Ол әдет қазіргі тұрмысымызда тек ескінің қалдығы ретінде ғана кездеседі.

Ат тергеу дәстүрінде жалқы есімдер орнына, көбіне, жалпы есімдер қолданылып, немесе ол есімдер дыбыстық өзгеріске түсіп, турленіп отыратын.

Сейтіл, кісі аттары орнына қолданылған жалпы есімдердің бір тобы — туыстық атаулар мен күнделікті тұрмыста кеңінен қолданылатын жай сөздер бол келеді.

Егер ауылдағы үлкен кісінің аты Жоламан болса — Соқпақ жол, Сүттібай болса — Желінді уыз, Бұқабай — Сүзербай, Өгізбай; Қарабас — Баран шеке, Сарыбас — Шикіл шеке, Бейсенбі — Кіші жұма аттас, Қөжекбай — Қоян ата, Үзікбай — Дәдеге, Жамантай — Жайсыз тай, Ақбай — Қылаң ата, Тұңлікбай — Қайырма, Қозыбақ — Кене, Жусанбай — Сыбақ, Қойлыбай — Жандық ата, Қамшыбек — Ат жүргіш, Еламан — Халық есен, Асаубай — Тарпаң, Асыл — Бекзат ата, Бүйенбай — Жуан шек, Ақылбай ата — Ойата, Мергенбай — Атқышыл, Жылқыбай — Туар, Тышқанбай — Қаптесер т. б.

Осы тәрізді кісі атын туыстық атаумен атау дәстүрінің де ел арасында кең тарағанын көптеген мысалдардан көреміз. Мысалы, қайнаға, шеше, әже, ата, көке т. б.

Жалпы есімге ауысқан есімдер ішінде, әсіресе, жалпылық мағынадағы сөздер тобы жиірек кездеседі.

Жас әйелдер күйеуінің ағасының балаларын өз атымен атамай, жалпы есіммен атаған. Мысалы, молда жігіт, сылқым жігіт, тетелес, әкежан, төрем, төрежігіт, мырза жігіт, бойжеткен, еркеқызы, бикеш, кішкенем, кен-

жем, төрем, аппагым, айдарлым, шырак, бөпежан, тұлымдым т. б.

Кейде адамның бет-пішін, кескініне, мінез-құлқына лайықты сөздермен де атаған жайларды көреміз. Бұлай атау түрлі себептерге байланысты болу керек. Мысалы, бауырсақ, бай семіз, айыр сақал, төрт сақал, кеккөз, сақау, қалқаң құлак, қасқыркөз, теке сақал, ши бұт, қосауыз мылтық, бартбас, шойын қара (шойқара), қызыл тұмсық, шегіркөз, қисық, кекеш, күркілдек т. б. Бұлар тұлғасы жағынан, негізінен, лақап аттарға ұқсас. Эйткенмен, бұл есімдердің іс қағаздарында жазылмай, тек халық арасында, ауыз екі тілде кеңірек қолданылып келуі көбірек назар аудараптық жай.

Тіліміздегі кісі аттары, негізінде, жалпы есімнен жасалады да, жалқы есімге ауысқанда бастапқы ұғымы мен заттық мағынасынан бүтіндегі айрылады. Жалқы есімге ауысқан ондай жалпы есімдер өзара бірнеше топқа бөлінеді.

1. Өсімдік атауларына тән сөздерден жасалған кісі есімдері: Тал+шыбық, Арпа+бай, Бидай+бай, Алма, Орман т. б.

2. Мал атауларына тән жалпы есімдерден жасалған кісі есімдері: Жылқы+бай, Қой+бағар, Түье+ші, Сиыр+шы т. б.

3. Халық, ұлт, ру атаулары негізінде жасалған есімдер: Орыс, Қыргыз+бай, Өзбек, Азербай+жан, Ноғай+бек, Дулат, Арғын+бай, Қыпшақ+бай т. б.

4. Хайуандар атаулары негізінде жасалған есімдер: Аю+бай, Бұғы+бай, Қоян+бай т. б.

5. Жәндіктерге байланысты атаулардан жасалған есімдер: Балық+бай, Тышқан+бай, Жылан+көз т. б.

6. Құстарға байланысты жалпы есімдерден жасалған есімдер: Қарға, Торғай, Бұркіт, Тоты т. б.

Кісі есімдерінің этнонимдер мен топонимге ауысуы, керісінше, бұлардың кісі атына ауысуы тіл өмірінде үнемі болып отыратын құбылыс.

Жалқы есімдердің жалпы есімге ауысуы әдеби тілдің дамуымен байланысты туып отырган лексика-семантикалық тәсілдердің бірі болып саналады. Қазақ тіл біліміндегі бұл тәсіл жаңадан қалыптаса бастағанмен келешегі мол.

IV БӨЛІМ

4 ТАРАУ

КІСІ АТТАРЫ, ӘКЕ АТТАРЫ МЕН ФАМИЛИЯЛАРДЫҢ ЖАЗЫЛУЫ, ТРАНСКРИПЦИЯ МЭСЕЛЕЛЕРИ

23. Кісі аттары, әке аты мен фамилиялардың жазылуу тарихынан

Кісі аттары, әке аты, фамилиялардың жазылуу алфавит пен орфография ережелеріне тікелей байланысты.

Қазақ тілінің орфография ережелері Октябрь революциясынан кейін гана жасалды. Бұған дейін кісі аттары мен фамилияларды жазуда орфографиялық ереженің жоқтығынан, олар қым-қиғаш, түрліше жазылып келген, яғни олардың жазылу тарихы әр дәуірдің өз түсіндағы орфографиялық ережесіне байланысты болған.

Алғашқы жазудың шығуы, оның тамаша үлгілері қазіргі мәдениетке жеткізіл отыр. Жазу тарихы халық тарихымен тығыз байланысты. Халықтың мәдени мұрасы боп саналатын сөз де жазу арқылы ұрпақтан-ұрпаққа өз нұсқасында жетіп отырады. Түркі халықтарында V—VIII ғасырлардан бастап жазу болған. Ол жазу Орхон-Енисей өзендерінің бойындағы тастан табылғандықтан, қазірде Орхон-Енисей жазуы деп аталып жүр.

Бізге жеткен сол ескерткіштердің алфавитін проф. С. Е. Малов байырғы түркі алфавиті дейді. Ол алфавиттің қолданылуы мен жазылуы түркі тілдерінің бәріне бірдей ортақ болған.

Сол ескерткіштегі сөздер қазір де тілімізде бар. Бірақ Орхон-Енисей ескерткішіндегі сөздер әрі жуан, әрі жіңішке жазылған. Мұның өзі бір сөз ішінде дыбыстардың алмасып келе беретінін көрсетеді.

Қазіргі кезде кісі аттары компонентінде кездесетін

бөрі сөзі сол ескерткіште бұру, бору болып екі түрлі жазылған. Сол сияқты: алтун, қой, күй, он, үн, өн, күн, бис, биш, йитмис, иитмиш, күмус, күмуш тәрізді сөздердің жазылуы да әр түрлі.

Ескерткіштегі есімдер С. Е. Маловтың транскрипциясында Барсбек, Баз-каган¹ түрлерінде ажыратылып, сызықша арқылы жазылған.

Орхон-Енисей жазулары тастардан ғана табылған, қағаз бетіне түспеген, солай болғанмен осы жазу нұсқаларының өзі-ақ ескі түркі сөздері мен кісі аттарының морфологиялық принципте жазылғанын аңғартады.

Қазақ емле тарихында үш түрлі жазу нұсқасы болды. Қөптеген материалдар мен тарихи документтер осы жазу нұсқаларында сақталған.

1. Араб алфавитіндегі кісі аттарының жазылуы. Түркі халқы Орхон-Енисей жазуынан кейін араб алфавитіне көшкен. Бұл алфавитті қазақ халқы да қолданған.

Араб алфавитінің тұңғыш дамыған жері финикия елі екен. Финикия елі египет иероглифінің негізінде өз алфавиттерін жасаған. Кейіннен финикия елі арамей мемлекетінің қоластына барған соң арамейлер финикия жазуын өзгертип, өндеп алған.

Ал, араб алфавиті Орта Азия елдері мен Қазақстанда ислам дінімен байланысты келді. Бірақ араб алфавиті қазақ тілінің дыбыстық ерекшеліктерін толық бере алмады. Қазақ тіліндегі дауысты дыбыстарды беретін таңбалар бұл алфавитте атымен болмаған².

Араб алфавитімен таңбаланған қазақ тіліндегі тұңғыш еңбек 1592 жылы жазылған. Бұл еңбектен басқа да, XVI—XVIII ғасырларда, араб алфавитімен таңбаланған кеңсе қағаздары болған. Бұндағы кездесетін кісі аттары, әке аты мен фамилиялар орфографиясы сол кездегі морфологиялық принципке негізделгендейдіктен, қазақ тілінің дыбыстық ерекшеліктерін толық сақтай алмаған. Өйткені, жоғарыда да айттық, араб алфавитінің әр тілдің өзіндік заңы мен ерекшелігін көрсетуге аясы жетпеген. Мысалы: *Сәз бай, биш бай, Сртай, Салтанғли т. б.*

Бұларды фонетикалық жағынан талдағанда: Сегіз-

¹ С. Е. М а л о в. Памятники..., 1951, стр. 38.

² «Қазақ ССР тарихы», I том. Алматы, 1957, 216-бет.

бай деген кісі атын жазуда *e*, *i* дауысты әріптері түсіп қалған. Сондай-ақ, Бесбай, Сартай, Шүкіргали тәрізді есімдерде *a*, *e*, *ү*, *ұ* әріптері жазылмаған. Бірақ олар оқылғанда, айтылуда түсірілмеген.

Араб алфавитінің осындай кемшіліктері болған себепті, түркі халықтары Октябрь революциясына шейін оның құрамына мынадай дыбыстарды қосқан: *ж*, *ч*, *ң*, *г*, *п*, *ү*, *ө*, *ләм*. Сөйтіп, бұдан бұрынғы араб алфавиті 28 болса, осы өзгерістен кейін 36 дыбысқа жеткен. Араб алфавитінің өзгерген бұл түрі кісі аттары мен фамилияларды бұрынғыдан гөрі дұрысырақ жазуға мүмкіндік береді.

Бұдан кейін 1924 ж. Оренбург қаласында жасалған алфавиттік реформа жазуды жеңілдettі. Араб алфавитін қазақ тілінің дыбыстық ерекшелігіне бейімдеп қайта құрды. Бірақ бұл «Жадид» түрі де кісі аттары мен фамилияларды дұрыс жазудағы қындықтарды кемітпеді. Әсіресе, орыс фамилияларын жазуда өрекел бұрмалаушылық болды.

Латын алфавитін қолданғанға дейін көптеген газет-журналдар, саяси-көркем әдебиеттер, оқулықтар осы араб алфавитімен шыққан. Әйтсе де араб алфавиті ескелец халықтың тілегі мен мақсатын ақтай алмады. Сол себепті жаңа алфавитке көшу қажет болды. Жаңа алфавитке көшу, оны қабылдау өмір тәжірибесінен, өмір заңынан туған жай еди.

2. Латын алфавиті және кісі аттарының жазылуы. Араб алфавитінен латын алфавитіне көшудің прогрессивтік мәні зор болды. Қазақстанда латын алфавитіне көшу мәселесі 1924 жылдары қолға алынды.

Түркі елдерінде латын алфавитін бір жүйеге келтіріл, қабылдау үшін тюркологиялық съезд шақырылды. 1924 жылы 1 июньде Баку қаласында Жалпыrossиялық тюрік әліп-би (латын әліп-бі) орталық комитетінің жиналысы өтті. Бұл жиналысқа бару алдында Орта Азиядағы түркі халықтары, өз пікірлерін қорыту мақсатымен сол жылғы 28—29 майда Өзбекстан орталығы Самарқандта жиылдың өткізді. Оған Қазақстан, Қыргызстан, Өзбекстан өкілдері қатысты.

Араб алфавитіне қарағанда, латын алфавитімен жазылған сезді оқу әлдеқайда жеңіл болды. Тіліміздегі кісі аттары мен фамилияларды жазудағы бұрынғы қындықтар азая бастады.

Алайда, фамилия қосымшаларын жазуда алалықтар жойыла қоймады. Мысалы: Çanbolatyr, Çanbolatob, Esçapar.

Латын алфавитінің құрамына жаңа әріптер қабылдауға байланысты, фамилия қосымшаларындағы *b* әрпі өзгеріп, оның орнына *v* әрпі қолданылды. Мысалы: Asanob, Çanbolatob орнына Asanov, Çanbolatov т. т. Сонымен қатар кісі аттары мен фамилиялар бас әріппен жазылды.

Латын алфавиті араб алфавитінен жеңілірек болғанымен, орыс алфавитінен сапасы төмен еді. Сондықтан мәдениеті өскен халық түрмисі жаңа алфавитті қажет етті.

3. Орыс графикасына негізделген жаңа алфавиттің кісі аттары мен фамилияларды жазудағы ролі. Латын алфавиті дер кезінде халқымыздың сауаты мен мәдени дәреҗесін көтеруде зор міндет атқарды. Алайда кейбір мәселелер жөнінде қыыншылықтар тудырды.

Оның басты қыындығы, орыс тілінен енген сөздерді айналтпай, өз қалпында бере алмады. Эсіресе кісі аттары мен фамилиялар шектен тыс бұрмаланды. Мәселен, Федор — *Pedir*, Василий — *Bæseli* т. т. Орыс фамилиялары мен есімдерін жазғанда қазақ тілінің сингармонизм заңына салып бұрмалап, бұзып жазу етк алған еді. Сондықтан да проф. К. Юдахин шет елден енген фамилиялар мен кісі аттары морфологиялық принциппен жазылсын деп, 1930 жылы орфографиялық конференцияда сөз³ сөйлеп, шет елдік есімдер бұзылмай, түбіріндегідей дұрыс жазылуы керек деген принципті ұсынған.

Kisi аттарын қазақ тілінің дыбыстық заңына салып бұзып жазудың зиянды жағы көп. Шет ел адамдарының фамилиялары екінші бір тілге енгендеге де дұрыс жазылу керек. Оның дұрыс жазылуы әсіресе кеңсе тіліне қажет.

Орыс алфавитіне көшу 1938 жылдан бастап қолға алынып, 1940 ж. ноябрь айынан қолданыла бастады.

Қазақ тілінің орыс графикасына негізделген жаңа алфавиті мына принциптерге сүйенген еді⁴.

³ Стенографический отчет орфографической конференции. На каз. языке. Кызыл-Орда, 1930.

⁴ Қазақ тілінің орыс графикасына негізделген жаңа алфавиті мен орфографиясы. Алматы, 1941.

Фонетика бөлімінде дауысты, дауыссыз дыбыс әріптерінің қолданылуы айтылған. Дауысты дыбыс әріптерінің қолданылуы жеке-жеке параграф бойынша көрсетілген. Мысалы:

7§ «ә» әрпі орыс тілі арқылы келген сөздер мен кісі аттары және фамилиялардаға қолданылсын. Мысалы: *Энгельс, Эдуард, Эльза* т. т.

10§ «ә» әрпі сөздің соңғы буынында жазылмайды. Мысалы: *Куләнда, Жәмила*.

13§ Ескерту бойынша сөздің бас буынындағы алдыңғы ый дыбысы и түрінде жазылады. Мысалы: *Иманқұлов, Иса, Илану* т. т.

Сөз басында, сөз ішінде ы — і әрпі жазылмай түсіріліп отырған. Мысалы: Ахмет.

и + a-дан құралған қосар дыбыстың әрпі болып, я қабылданады. Ол сөз басында дауысты дыбыстан және дауыссыздан соң, жуандық белгі (ъ) мен жіңішкелік белгіден (ъ) соң және түбір мен жұрнақ тоғысқан жерде де жазыла беретін. Мысалы: Яковлев, Мұхамедияр, Элия, Дүрия т. т.

Й әрпі дауысты дыбыстың соңынан да, алдынан да қолданыла беретін. Ол мынандай кісі аттары мен фамилияларда да қолданылған. Мысалы: *M. Горький, B. Маяковский*, т. т.

Дауыссыз дыбыс әріптері кісі аттарында да басқа сөздердегідей жазылған.

Ә, ҹ әріптері орыс тілі арқылы енген сөздерде ф, х әрпі орыс сөздерінде де, шығыс тілі арқылы келген сөздерде де жазылған. Мысалы: Чапаев, Мичурин, Хафиз, Ахмет, Халық т. т.

18§ Ескертуінде фамилия соңында в әрпі жазыла береді делінген. Мысалы: *Құнанбаев, Иманов* т. т.

Бұл орфографиялық ереженің морфология бөлімінде кісі аттары мен фамилиялардың жазылуына жете назар бөлінген. Әр параграф мысалында фамилиялар мен кісі аттарының дұрыс жазылуы көрсетіліп отырылған. Мысалы, біріккен тұлғалы кісі аттары: Аманкелді, Алпысбай, Ахметжан, Қожакелді, Досжан, Қазанқап, Жанпейіс т. т. Біріккен тұлғалы кісі аттары да біріккен тұлғалы сөздер сияқты тіліміздің сингармонизм, ассимиляция заңдарына сай жазылатынын көрсетеді. Кейінгі ықпал заңына сай түбірдің соңғы н дыбысы б, п дыбыстарының алдынан келсе, айтылу-

да *н*, *м* дыбысына айналады. Бірақ, сөз естілуінше жазылмай, түбір тұлғасы сақталып жазылады. Мысалы: Құрманбай, Құнпейіс.

Орфографиялық ережеде фамилиялардың жазылуына да орын берілген. Фамилия аяғында келетін қосымшалар бастапқы қалпында жазылады, *ұлы*, *қызы* деген сездер әке атымен қосылып жазылады, деп көрсетілген.

Kісі аттары, географиялық атаулар осы ережеден бастап бас әріппен жазылған еді. Бұл ереже латын алфавиті мен орфографиясынан көп жеңіл, өмірге бейім келді.

Солай болса да кісі аттары мен фамилиялардың жазылуына жете көңіл бөлінбей келді. Сондықтан да мектеп оқытушылары диктант, мазмұндама жазғанда кісі аттары мен фамилиялардан көптеген қате жіберді. Ал, кісі аттары мен фамилияларды қате жазу, оны бұрмалау заң орны қызметкерлерінің практикалық жұмыстарына да зиянын тиғізбей жүрген жоқ. Сондықтан да кісі аттарын дұрыс жазудың практикалық мәнін ескеріп, ереже жасаудың жөні бар.

24. Kісі аттары мен фамилиялардың дұрыс жазылу ережесі

Соңғы кезде өнделіп, қайта қабылданған «Қазақ тілі орфографиясы мен алфавиттер ережесінде» кісі аттары мен фамилиялардың дұрыс жазылуы жайлышарнайы ереже қабылданған.

Ресми түрде қабылданған орфографиялық ереженің 29-параграфының ескертуінде «кісі аттарының түбір тұлғасы сақталып жазылады»⁵, — деген нұсқау бар. Бұның негізінен дұрыс екендігін өмір тәжірибесі көрсетіп отыр. Бұл ережеден бұрын кісі аттары мен фамилиялар әр түрлі жазылып келген еді. Бір кісінің аты Жанпейіс, Жампейіс, Жәнпейіс, Заманғұл, Заманқұл болып қолданылатын. Шынында кісі аттары мен фамилиялардың түбірін сақтап жазсақ, бұрынғы алалықтан құтылуға болады.

Алайда кейбір баспасөз органдары қабылданған жаңа ережені қолданбай, кісі аттары мен фамилияларды

⁵ Қазақ алфавиті мен орфография ережелері. Алматы, 1957.

жазуда алалықтан арыла алмай отыр. Бұл жөнінде тіл мамандары тараапынан дер кезінде орынды пікірлер үсынған мақалалар да жарық көрді⁶. Солай болғанмен де кейбір баспасөз орындарының қызметкерлері тараапынан жіберілген құнделікті газет, кітап беттерінде, кісі аттары мен фамилиялардың жазылуында қателер жиі кездеседі. Ондай кемшіліктерді «Қазақ әдебиеті», «Лениншіл жас» т. б. газеттердің номерлерінен көруге болады. Мәселен: «Социалистік Қазақстан» — Қалықов (13/IX-58), Сланбек (11/IX-58), Валиев (12/IX-58), Жалғалин (30/XI-58) деп; «Қазақ әдебиеті» — Сеитов, Хусайнов (28/IX-58), Ертарғын, Қызыжібек, Хосаинов, Сеитов (5/XII-58) деп; «Лениншіл жас» газеті Сыдығалиев, Исмаилов (31/XII-58) деп жазды. Мұндай жайды басқа газет беттерінен де көру қыын емес.

Kісі аттарының жазылуына байланысты кейбір ес-кертпелер 1963 жылы жарыққа шыққан «Қазақ тілінің орфографиялық сөздігінің» қосымша бөлімінде берілген еді⁷.

Онда мынадай ережелер бар:

Дауысты дыбыстардан *a, i, e, ы, і* әріптері кісі аттарының барлық буындында қолданылады. Олар ережеге сай жазылады. Мысалы: *Сәбира, Жәніпа, Зікірия, Сыланбек, Ырысбай* (Рысбай емес), *Ырысты, Ырысалды, Ырымбек, Ісқақ, Ыдырыс, Илияс*.

Ә, о, ө, ү әріптері жалаң түбірлі кісі аттарының бірінші буындарында және біріккен тұлғалы кісі аттарының екінші сыңарының басқы буындарында жазылады. Мысалы: *Әлім* (Алім емес), *Әсет*, *Әбдікәрім*, *Әбіл*, *Жәмила* (Жамилә емес), *Қалиәкпар*, *Fайнолла*, *Лутфолла*, *Өзденбай*, *Өренбек*, *Күлән*, *Күләй*, *Күләнда*, *Күләсия*, *Іңкәр* сияқты кісі аттарының екінші буындарында ә әрпі жазылады.

Kісі аттарының басқы, орта және соңғы буындарында да ережедегідей ый, ий дыбыстарының орнына и әрпі жазылады. Мысалы: *Иемберген, Игісін, Иманбай, Қиссан, Әлти, Сагира, Magira* т. б.

Шет тілдерден енген ә әрпінен басталатын кісі ат-

⁶ М. Б. Балакаев. Кейбір газеттердің тіл өрсекелдігі туралы, «Социалистік Қазақстан», 1958, 21 сентябрь.

⁷ Қазақ тілінің орфографиялық сөздігі. Алматы, 1963, 526—530-беттер.

тары бастапқы қалпында жазылады. Мысалы: *Эдуард, Эрнст, Эльза, Эмма* т. б. Бұрынғы ережелердегідей я әрпі түбірдегі дауысты дыбысташ кейінгі қосынды *й+а* дыбыстарының орнына қолданылады. Мысалы: *Мая, Рая, Ноян, Ноянбай, Қиясбай* т. б.

Біріккен тұлғалы кісі аттарының бірінші сыңарлары *й-ге* аяқталып, екінші сыңары *а*, *ә* әріптерінен басталса, *йа, иә* әріптерінің орнына я әрпі жазылады. Мысалы: *Шаяхмет* (*Шайахмет* емес), *Баяхмат* (*Байахмет* емес), *Баяділ* (*Байәділ* емес).

Ф, х әріптері орыс және шығыс тілдерінен енген кісі аттарында жазылады. Мысалы: *Фарида, Фатима, София, Фая, Фазыл, Хамит, Халық, Хұсайын, Халида, Хафиза* т. б.

Орыс тілінен енген ер, әйел есімдері және олардың аттары тілімізде орыс орфографиясы бойынша өзгертілмей жазылады. Мысалы: Алексей, Борис, Владимир, Виктор, Денис, Егор, Мирон; Валентина, Галина, Ирина, Ира, Лариса, Мария, Маргарита, Наташа, Светлана, Раиса т. б.

Шығыс, араб, парсы тілдерінен ерте кезден еніп, өзгерген есімдер тілімізде қалыптасқан күйінде, халықтық формаларында жазыла береді. Мысалы: *Әли, Әлі, Ғали, Қали; Омар, Ғумар, Гумар, Құмар, Нұсін, Жұсін, Дұсін, Тұсін; Оспан, Осман, Ғұсман, Құспан; Айша, Қайша, Галия, Әлия, Қалия; Нұргазы, Әбілғазы, Махамбет, Мұхамбет, Мақанбет* т. б.

Біріккен тұлғалы кісі аттарының да түбір тұлғасы сақталып жазылады. Бұл мектеп грамматикалары мен жоғары оқу орындарына арналған грамматикалық оқулықтардағы ереже бойынша жазылады. Мысалы: Арысбек (*Арыспек* емес), Жарасбай (*Жараспай* емес), Кәріпбай (*Кәріппай* емес), Ботакөз (*Ботагөз* емес), Байқошқар, Жанқозы, Байкекше, Байқожа т. б. Бұнда бірінші сыңардағы қатаң дыбыс әуенімен оған жалғанатын екінші сыңардағы *б, г, ғ, ж* дыбыстары айтуда қатаңдап *п, к, қ* дыбыстарына айналып кеткенмен, жазуда оны ескермей, түбір тұлғаның жазылуы сақталады.

Айтылуда бірінші сыңар соңындағы *и* дыбысы *б, п* дыбыстарының алдынан келсе де, өзгеріп *м* дыбысына айналып кетеді. Жазылуда бұл құбылыс ескерілмей, түбір қалпы сақталады. Мысалы: *Күнпейіс, Құрманбек* (*Құрмамбек* емес), *Дәуренбек* (*Дәурембек* емес).

Айтылуда түбір соңындағы *и* өзгеріп *и* дыбысына айналады. Жазылуда бұл да ескерілмей, түбірі сақталады. Мысалы: Жанқабыл (Жаңғабыл емес), Дүйсенқұл (Дүйсөңғұл емес), Жанқойлық (Жаңғойлық емес), Жанкісі (Жаңғісі емес). Айтылуында Орашша, Қошшыбай болып өзгергенімен, бұлар түбір қалпын сақтап, Оразша, Қосшыбай түрінде жазылады. Морфологиялық принциптен ауытқып жазылатын бірден-бір ереже мынау: *кісі аттарындағы біріккен тұлғалардың аралығында екі дауысты дыбыс қатар келсе, алғашқысы туғырліп жазылады.* Мысалы: Қожахмет (Қожаахмет емес), Молдаахмет емес Молдахмет, Жұмаәділ емес Жұмәділ, Дәмееткен емес Дәметкен. Фамилиялардың жазылуында олардың қосымшаларының қосылу заңдылығы туралы ережеге сүйенуіміз қажет.

Қосымшалар негізінен *кісі аттары мен фамилиялардың соңғы буындарындағы дауысты дыбыстардың әуеніне қарай* буын үндестігі бойынша жалғанады.

Егер *кісі атының соңғы әрпі и болса, оған жалғанатын қосымша түбір сөздің жуан я жіңішкелігіне қарай жуан да, жіңішке де жалғанады.* Мысалы: Гали — Галиға — Галидан, Үәли — Үәлиге — Үәлиден, Сақи — Сақиға — Сақидан.

Фамилиялардың соңы *-ов, -ев, -ин* түрінде келсе, оған қазақ тілі қосымшасы бастапқы түбірдің соңғы буынына сәйкес жуан не жіңішке жалғанады. Мысалы: Оразов-қа, Сексенбаев-қа, Жұмағазиев-қа, Жұмағазин-ға, Базаралин-ға т. б. (Осындағы *раз, бай, зы, лы* буындары жуан болғандықтан, қазақ тілі қосымшасы да жуан жалғанып тұр). Әузов-ке, Шәріп-ке, Бейсенбиев-ке, Бейсенбин-ге, Беков-ке (осындағы *уез, ріп, бі, бек* буындары жіңішке болғандықтан, қосымша да жіңішке жалғанып тұр). Жоғарыдағы көрсетілгендердің соңына *a* қосылып, әйел фамилиясына айналғанда, қосымша біркелкі жуан жалғанады. Мысалы: *Оразова-ға, Жетпісбаева-ға, Нұржанова-ға, Әузова-ға* т. б.

Кісі атының соңғы дыбыстары ы, і болып, фамилия ретінде -ова, -ева, -ев қосымшаларын қосқанымызда, олардың орнына и жазылады. Ал, *-ин, -ина* қосымшаларын қосқанымызда, олар түсіп қалады. Мысалы: *Жұмағазы — Жұмағазиев, Жұмағазин, Нұргазы — Нұргазиев.*

Соңғы дыбысы й әрпіне аяқталған есімдерге фамилияның -ев, -ева қосымшасы жалғанғанда, й түсіп қалады. Мысалы: Сексенбай — Сексенбаев, Тұрлыбай — Тұрлыбаев, Мұқай — Мұқаева т. б. Кісінің әкесінің атымен қосылып айтылатын ұлы, қызы деген сөздер бірігіп жазылады. Омар Мұқанұлы, Сәлім Есбайұлы, Сара Есентайқызы т. б.

Адамның өзіне тән мінезін, ерекшелік қасиетін, деңе бітімінің кемістігін көрсететін сын есім тұлғалы лақап аттар кісінің шын атының алдынан келгенде бас әріппен, сонынан келсе, кіші әріппен жазылады. Мысалы: Қозы Қөрпеш, Алдар көсе, Балуан шолақ, Ақан сері, Біржан сал т. б.

Жалпы есімге айналып кеткен кісі есімдері кіші әріппен жазылады. Мысалы: марксизм, жақаевши, шығанақшы, т. б.

Кісі аттарының бірінші және екінші компоненттерінде кездесетін хан сөзінің қан деген сөзден лексикалық айырмасы бар. Сондықтан *х* әрпі ыңғайына қарап жазылу керек. Ақан, Мақан, Жақан, Нақан, Әлқан, Байқан сияқты есімдерде «қ» әрпінің жазылуы орынды. Өйткені, біріншіден, бұл қазақ тілінің ерекшелігіне сай кеңінен қолданылатын әріп. Екіншіден, «хан» сөзі кісі аттары сыңарына жалғанғанда бастапқы лексикалық мағынасынан гөрі жүрнаққа бейімделіп кеткен.

Мұхтар, Махамбет, Ахмет сияқты есімдерге құрметтеу, ізет білдіру жүрнақтары қа, ке жалғанғанда *х* әрпі түсіп қалады.

h әрпі тілімізде санаулы ғана сөзде, оның ішінде Гауһар, Жауһар, Қаһарман сияқты кісі есімдерінде жазылады. Ережедегі 19 параграфтың ескертуі мен 20-параграф кісі аттарының жазылуына жанасымды шыққан. Расында, тіліміздегі кісі аттарының бірсып-расы орыс, араб, иран, монгол тілдерінен енген. Олар тілімізге енгелі ғасырлар өтіп, айтылуы мен мағынасы әбден өзгерген. Қазақ тілінің дыбыстық заңына бағынyp, тұрліше айтылып, жымдасып, қалыптасып кеткен. Сондықтан да ондай кісі аттарының түбірін таба қою қыын-ақ. Табылған күннің өзінде бұл қалпында жазылмай, дәстүр бойынша жазылатыны хақ. Мәселен, халқымыздың тарихи батыры Алпамыс есімі Алып — Мамыш деген екі сөзден бірігіп кіріп кеткен.

Осы сияқты Тарғын есімі де көне тархан сөзінің фонетикалық варианты болу керек. Ертеректе жоғары атақ ретінде де, жауынгерлік ерліктер үшін де Тархан атагы берілетін. Бұл атақ кейіннен кісі атына ауысқан. Қазір Шытызбек деген есім бар. Бұл есім таза советизм. Ол ЧТЗ деген трактор маркасына байланысты қойылған есім. Қазақ тілінің ерекшелігіне бағынып «ч» әрпі «ш» ға айналған. Ал осыны өзгерпей ЧТЗ-бек деп атау ерсірек болар еді. Осындай қыыншылықты топшылаи, ескере келіп, ереженің 20-параграфында шығыс және басқа көршілес елдердің тілдерінен енген сөздер өзгеріп, сол қалыптасқан күйінде жазылады, деп орынды айтылған. Осы ережені кісі аттарының жазылуына өбден қолдануға болады.

Осымен бірге, ондай көптеген кісі аттары жергілікті тіл ерекшелігіне байланысты да қолданылады. Мысалы: *Әли, Әлі, Ғали, Ғалы, Қали; Өмар, Ғұмар, Ұмар, Жүсін, Түсін, Нұсін, Дүйсін, Құсайын, Оспан, Құсман, Айша, Ғайша, Қайша, Ғалия, Калия, Әлия, Ермұқан, Ермакан, Ермұхамбет, Ермәғамбет, Нұрмақан, Нұрмағамбет; Жармағамбет, Жармұқамбет; Асан, Қасан, Құсни* т. т.

Кісі аттары мен фамилиялардың басым көпшілігі төл сөзімізден жасалған. Олар да тіліміздегі сөздер сияқты өмірде қолданылып, күнделікті қарым-қатысқа түсіп, тіліміздің заңына бағынады. Сондықтан кісі аттары мен фамилияларды қатесіз, дұрыс жазу сауаттылық пен мәдениеттілікке тән деп білуіміз қажет.

25. Кісі аттары мен фамилиялардың транскрипциясы

Кісі аттары, отчество мен фамилияларды дұрыс, қатесіз жазуды сөз еткенде транскрипция мәселесіне де қатты көңіл аударған жөн. Өйткені қазақ аттары, отчество мен фамилиялар орыс тілінде таңбаланғанда өрекел бүрмаланып, шектен тыс қате жазылуы мүмкін. Осы ретте транскрипцияның маңызы ете зор. Қазақ тіліндегі кісі аттары топонимикамен тікелей байланысты. Көптеген қала, аудан, ауыл, жер-су аттары белгілі тарихи адамдардың есімімен аталса, көптеген адамдарға жер-су, қала атаулары қойылған.

Сондықтан ондай ұқсас, тенденс келген жер-су, қала, адам аттарының транскрипциясында айырмашылық болмаса керек.

Басқа халықтардың аты мен фамилиясын орыс тілінде жазуда акад. Л. В. Щерба құнды пікірлер ұсынды⁸. Бірақ Л. В. Щерба шет елдің адам аттары мен фамилияларын өз қалпында латын әріптері арқылы таңбалау керектігін айтқан-ды. Бұл ұсыныс латын алфавитінде жүзеге асты. Сөйтіп, ол кезде шет елдің адам аттарын, орыс фамилияларын латын алфавитімен таңбаладық. Сондай-ақ, К. К. Юдахин шет елдік аттардың бұзылмай, туғірінде жазылуы — әсіресе кеңсе тілінде қажет екенін көрсеткен⁹. Қазір шет ел адамдарының аттары мен орыс аттарын және фамилияларын өзгертуей, бастапқы қалпында жазамыз. Алайда, қазақ аттары мен фамилияларының орыс тіліндегі транскрипциясы дұрыс жолға қойылмай келеді. Қөптеген реттерде қате жазылып, бұрмаланып та жүреді. Оның басты негізгі кемшілігі — қазақ тілінің ерекшелігін білдіретін әріптердің орыс тілінде дұрыс транскрипцияланбауынан. Сондай әріптер орыс тіліндегі ұқсас әріптер арқылы таңбаланып отыруы керек. Ана тілдің дыбыстық ерекшелігін сақтап жазу, яғни фамилияларды орыс тілінде өзгертуей бастапқы қалпында жазу жөнінде туысқан республикалардың мол тәжірибелері бар. Ол жөнінде украин аттары мен фамилияларының сезідігі, эстон тіліндегі кісі аттарының орыс тіліндегі транскрипциясы туралы еңбектер толық айғақ¹⁰.

Кісі аттары мен фамилияларды орыс тілінде транскрипциялау мәселесі жолға қойылмаған. Сондықтан да кейбір кісі есімдері орыс тілінде теріс жазылып жүр. Бұлай қате жазылу негізінен екі түрлі: а) қазақ әріптерін орыс тілінде теріс таңбалау болса, б) кейбір әріптерді түсіріп жазудан туып жүр. Мысал келтірейік:

⁸ Л. В. Щерба. Транскрипция иностранных слов и собственных имён и фамилии. Труды комиссии по русскому языку, т. I, М., 1931, стр. 187—196.

⁹ К. К. Юдахин. Выступление на орфографической конференции. Стенографический отчет орфографической конференции. Кзыл-Орда, 1930.

¹⁰ А. Вага. О транскрипции эстонских имён собственных в русском языке. «Советская Эстония», 1954, октябрь; К. Абен. О правописании в эстонском языке иностранных имён собственных. Уч. записки Тартуского у-та, вып. 35, 1954, стр. 167—195.

Қазақша жазылуы

Қосмұрзин
Қосжанова
Қосыбаев
Қосынов
Дәuletбеков
Қожаев
Айтжан Қасымбаев

Орысша жазылуы

Кашмурзин
Кошжанова
Касубаев
Касунов
Давлетбеков
Кожин
Айтчан Касымбаев

Кейбір фамилиялар орыс тілінде теріс таңбалануына қарамай, қазақ тілінде де сол қалпында өрескел қате жазылып келеді. Мысалы: Чулаков, Чуланов, Ко-пин, Чокин т. б. Бұлардың қазақ тіліндегі формалары: Шолақов, Шоланов, Қопаев, Шоқин. Өйткені қазақ тілінде *чулак*, *чулан*, *копа*, *чоки* деген сөздер жоқ.

Осы фамилиялар құрамындағы қазақтың *ш* дыбысын орыс тілінде дәлме-дәл беретін, толық үндесе алатын *ш* дыбысы бар. Сол *ш* дыбысымен *Шолаков*, *Шоқин* деп жазса қазақша айтылып, жазылуына жақын болар еді.

ж дыбысынан басталатын, яки құрамында *ж* кез-десетін фамилиялар мен есімдерде орыс тілінде *дж* дыбысы арқылы таңбаланып отыр. Мысалы: Джаксылыков, Джумадилов, Джаркешева, Джамбул Джабаев, Джакып, Джанходжа, Адильходжаев, Джамила, Джанбай т. б.

Бұл фонетикалық принципке тым бой ұғрандықты байқатады. Егер фонетикалық транскрипцияға сүйенгеге німізде *Жакып*, *Жамила* т. т. түрінде жазылу керек.

Қазақ аттары мен фамилияларын орыс тілінде транскрипциялағанда қазақ тіліндегі жазылу нормасын қалыпқа алу керек. Фамилиялар мен кісі есімдерінің орыс тілінде бір түрлі, қазақ тілінде екінші түрде жазылуы, әсіресе, заң орындары үшін қындық туғызады. Сонымен бірге кеңсе қағаздарында, түрлі документтерде әр түрлі жазылып, қым-қиғаш алалыққа ұшыратады. Кейде ұқсас фамилиялар бірдей жазылып кетуі де ықтимал болады.

Қазақ аттарын орыс тілінде транскрипциялаудың қыншылық жақтары да бар.

Қазақ тіліндегі дауыстылар: *ə*, *e*, *ø*, *ү*, *ұ*, *i*, сондай-ақ дауыссыз *r*, *қ*, *л*, *h* әріптері де орыс тілінде жоқ. Сондықтан бұл әріптерді айтуда орыс жолдастар өте қиналады.

Орыс алфавиті арқылы қазақ аттарын транскрипциялауда көбіне дыбыстардың ұқсастығын ескереміз. Бұлайша транскрипциялауда әрі айтылу, әрі жазылу нормасын сақтауға тырысу керек. Әсіреле қазақша жазылуы бүрмаланбауы жен. Онда да орыс орфографиясы мен ережесінің ерекшелігін ескеріп, орыс жолдастардың айтуы мен жазуына жеңіл болу жағын да көздейміз.

Біріккен тұлғалы кісі аттарының айтылуында дауысты дыбыстар кейде қатар келеді. Бұл қатар келген екі дауысты дыбыс қазақ тілінде созылыңқы айтылады. Мысалы: *Қожаахмет*, *Дәмееткен*, *Молдаахмет*, *Өміріұзақ*, *Торыайғыр* т. т. Орыс тілінде бұлай жазуда, айту да қыындық тұғызады. Өйткені орыс жолдастар бұл созылыңқы дауысты дыбыстарды орыс тіліндеңі кейбір сездерде қатар келетін екі дауысты дыбыс тәрізді оқуы ықтимал. Мысалы: *veer*, *сообщение* т. б. Бірақ қатар тұрған бұл дауыстылардың әрқайсысы бөлінетін буынга тән және үзіліп айтылады. Олай болса, қазақ аттарында кездесетін әлгі қатар дауыстыларды орыс жолдастардың үзіп, беліп оқуы сөзсіз болатын жай. Соның салдарынан *Қожахмет*, *Дәметкен* тәрізді есімдер орыс тілінде айтылуда (*Қожа* — ахмет, *Дәме* — еткен) екі буынға айналады. Сондықтан бұндай қатар келген екі дауыстының бірін, қазақ тілінің ішкі заңына сәйкестіріп, *Қожахмет*, *Дәметкен* түрінде таңбаласақ айтуға да, жазуға да жеңіл болмақ.

Орыс алфавиті арқылы транскрипцияланған қазақ аттары негізінде қазақша айтылуы, жазылу нұсқасын сақтау керек. Бұл жөнінде академик Л. В. Щербаның пікірі орынды. Ол: «Надо обращаться всегда к произношению первоисточника и не читать, например голландские фамилии на немецкий или английский лад. Таким образом надо говорить и писать Версхор (*Ver-schur*), а не Фершур; Звардемакер (*Zwardemaker*), а не Цвандемакер»¹¹.

Қазақ аттары мен фамилияларын орыс тілінде жазуда ерекше қыындық жоқ. Тек орыс тілінде жоқ қазақ әріптерін транскрипциялауда кемшиліктер мен алалық-

¹¹ Л. В. Щербак. Транскрипция иностранных слов и собственных имён, фамилий. Труды комиссии по русскому языку, т. 1. М., 1931, стр. 188.

тар бар. Ол алалықтарды жою үшін белгілі бір ереже болу шарт.

Еріндік о әрпін орыстың у әрпімен таңбалап жүр. Егерде *Омар*, *Оспан* деген есімдерді осы қалпында жазсақ, орыс жолдастар *Амар*, *Аспан* деп айтады деседі. Біз бұл тәрізді «аңызға» қарсымыз. Өйткені, орыс тілінде де сөз басында о әрпі келетін сөздер мен фамилиялар, кісі есімдері бар. Мысалы: *Олег*, *Ольга*, *Осип*, *Ольденбург*; географиялық атаулар: *Омск*, *Орск*, *Одесса*; жалпы есімдер: *обувь*, *орел* т. б.

26. Кісі аттары мен фамилияларды орыс тілінде транскрипциялау ережесі

Кісі аттары мен фамилияларды орыс тілінде транскрипциялаудың жалпы принциптері белгілі бір ережеге сүйеніліп, кісі аттары, яки фамилияларды жазуда фонологиялық принципті ұстау керек. Сөйтіп, шет ел аттары мен орыс фамилиялары өз қалпында түбірі сақталып жазылады.

Біріккен тұлғалы кісі аттары бөлек жазылмайды. Ал, қазақ аттары орыс тілінде таңбаланғанда қазақ дыбыстарын орыс транскрипциясында беруді тиянақты шешу керек. Ол үшін, әр дыбыстың ерекшелігін, оның орыс дыбыстарына үйлестігін толық ескеріп отыру шарт. Өзара ұқсас, жұп дыбыстарды орынды пайдаланған жөн.

Біз 1959 жылы шыққан инструкция ережелерін¹² қуаттай отырып, кісі аттары мен фамилияларды орынша транскрипциялауда мына төменгі пункттерді береміз.

1) Дауысты дыбыс әріптерін орыс тілінің әріптерімен беру.

а) Қазақ тіліндегі ә әрпі арқылы жазылатын есімдер мен фамилиялар орыс тілінде а әрпі арқылы жазылады. Мысалы, Әуезов (Ауэзов), Әмірев (Амирев), Әлім (Алим), Әділ (Адил) т. б.

ә) Қазақ тілінде е әрпімен келетін есімдер мен фамилиялар, орыс тілінде де е әрпі арқылы таңбалану керек. Мысалы, Елтай (Елтай), Елжан (Елжан), Елеманов (Елеманов), Ержанов (Ержанов), Еркин (Еркін) т. т.

¹² Инструкция по русской передаче географических названий Казахской ССР. Алма-Ата, 1968.

б) о, ө. Бұл әріптердің орыс тілінде ұқсас жұптары жоқ. Сондықтан олар орыс тілінде о әрпі арқылы берілуі керек. Мысалы: *Шолақов, Шоланов, Шокин, Омарбеков, Оспанов, Омаров*. О әрпі орыс тілінде а әрпі ретінде оқылып айтылады деуге бой ұрмау керек. Өйткені орыс тілінде *Косынов, Косыбаев, Косжанова, Доспанова* сияқты фамилияларда о әрпі жазылып тұр.

Ә әрпі де у, ю әріптері арқылы емес, ыңғайына қарай у, о әрпі арқылы берілуге тиіс. Мысалы: *Омирбек, Тулешов, Тулентаева, Борибаев, Кошербаев* т. т.

Қысаң дауысты ы әрпі кісі аттары мен фамилиялар құрамында келгенде орыс тілінде у, о әріптерінің орнына таңбалап, сол қалпында берілуі керек. Мысалы: *Косыбаев* (Косубаев емес), *Косынов* (Косунов емес) т. т.

г) й, ы, ӱ, і. Қазақ тіліндегі бұл қосар дыбыстар орыс тілінде жалаң и әрпі арқылы таңбаланады. Мысалы: *Жаинбаев, Каинбай, Даин, Сайн, Жанпеисов, Кунпейисов* т. т.

д) Жіңішке дауысты і дыбысы орыс тілінде тек и дыбысы арқылы беріледі. Мысалы: *Тулкибай, Елибек, Алим, Адил, Баймишев, Едигенов, Дильбар* т. т.

е) ү. Бұл әріп орыс тілінде ыңғайына қарай ю, у формасы арқылы беріліп, таңбаланады. Мысалы: *Умит, Үмбет, Ушбай, Уримбек, Дюйсенов, Дурия, Дюкенбай*.

ж) Қазақ тіліндегі ж орыс тілінде аффрикат дж әрілі арқылы емес, жалаң ж арқылы беріледі. Мысалы: *Жақып, Жанбай, Жамила, Жанораз, Жанкиси, Жантуар* т. т.

Қазақ тіліндегі ұқсас дыбыстар орыс транскрипциясында былай беріледі:

з) қ дыбысы орнына орыс тіліндегі к дыбысы беріледі. Мысалы: *Кашкинбай* (Қашқынбай), *Акжанов* (Ақжанов), *Аккал* (Аққал) т. т.

и) ғ дыбысының орнына ғ дыбысы жазылады: *Габбит* (Ғаббит), *Габдолла* (Ғабдолла), *Габдуллин* (Ғабдуллин) т. т.

к) ң орнына орыс тілінде н дыбысы беріледі. Мысалы: *Мынбай* (Мыңбай), *Жанабай* (Жаңабай) т. т.

л) ҳ әрпі орыс тіліндегі х әрпімен үйлескендіктен х әрпімен беріледі. Мысалы: *Гулжихан, Жаухар, Гаухар, Кахарман* т. б.

Басқа тілдегі адам аттары мен фамилиялар орыс тілінде қалай жазылса, қазақ тілінде де солай жазылады.

ҚОРЫТЫНДЫ

Қазақ есімдерін (антропонимдер) лингвистикалық әрі тарихи-этнографиялық түрғыда зерттең, талдау нәтижесінде төмендегідей қорыттындыға келдік.

Антропонимдердің құрамында көне лексикалық қабаттар, грамматикалық формалар мен синтаксистік құрылыштың ізі сақталған. Олар тіліміздің сөздік қорына тән болады да, грамматикалық заңына бағынышты келеді. Өйткені лексиканың бұл тобы әуел баста жалпы есім сөздерден жасалған.

Антропонимдерде ежелден бергі әдет-ғұрып, ырым мен дәстүрлер, әр кездегі қоғамдық құрылыштардың көріністері, көрші елдермен жасаған мәдени қарым-қатыстың және тарихи байланыстардың сырты сақталған.

Қазақ есімдерінің қазіргі толық құрамы: фамилия, төл есім және әке аты болып саналады. Бұлар ресми документтерде, сондай-ақ күнделікті тұрмыста, сөйлеу тілде кеңінен қолданылады. Осымен қатар лақап және бүркеншік аттар да бар. Бірақ бұл екеуі адамдардың ресми есімдері құрамына жатпайды.

Антропонимдердің шығу, пайда болу тарихын зерттеу барысында ерте кездерде шығып, бүгінгі заманға жеткендерімен бірге орта ғасырларға тәндегі және жана, жаңаған дәуірлерде жасалғандарының топтары анықталып, талданды.

Халқымыздың ғасырлар бойы басынан кешірген емір жолы, табиғат пен аң-құсқа сыйыну, ай мен күнге табыну, хайуандарды аса жоғары ерекше күш санап қастерлеу — бәрі кісі аттарының қойылуына әсер ет-

пей қоймады. Осымен қатар, көрші елдермен байланыс жасау, араласу нәтижесінде тілімізге мыңдаған сөздермен қатар есімдер еніп, антропонимдер құрамын байытЫП отырды. Қазақ антропонимдерінің құрылышы жағынан жаңарып, көбейе тусуі араб-иран тілдерінің әсерімен де байланысты болды. Бірақ ол антропонимдер халықтың айтуында, бастапқы тұлғаларында қолданылмай, дыбыстық өзгеріске ұшырап, жаңа өң, түр алып отырды.

Антропонимдердің көбейіп, сан жағынан молая тусуі халықтық этнографиямен де ұштас жатады. Мыңдаған антропонимдер әдет-ғұрып, салт-сана, ырым мен дәстүрлерге де байланысты қойылып отырган.

Ол әдет-ғұрып пен салт-сананың тамырлары бір дәуірге ғана тән емес, тереңге кететіні де мәлім.

Қазіргі тіліміздегі антропонимдердің басым көшілігі шығу тарихы жағынан көне түркі заманы мен ортағасырларда пайда болған антрополексеманың жалғастары болып саналады. Олардың көне түркі есімдерімен түбірлес, мағынасы үндес, жасалу тәсілі мен құрылышы жағынан ұқсас келуінің сырты да осында жатыр. Қазақ антропонимдерінің тарихын, шығу, пайда болу кезеңдерін талдағанда бір заманға қатысты деп қарамай, бірнеше дәуірге тән деп санаймыз. Сондықтан да қазақ антропонимиясының тарихын шартты түрде болса да төрт дәуірге бөлдік. Олар: бірінші дәуір — V—VIII ғасырлар; екінші дәуір — ортағасырға тән антрополексемалық типтер; үшінші дәуір — тарихта жаңа заман саналатын, XVII—XIX ғасырларда дамыған көп салалы антропонимдерді қамтыса; төртінші дәуір — Октябрь революциясынан кейінгі Совет заманында туып, дамыған антропонимдік типтерді қамтиды.

Советтік дәуірде қойылған жаңа есімдер қазіргі заман талғамына сай болып отыр. Бұл күнде сәбілерді салтанатты тіркеу, оларға жарасымды ат қою, жаңа дәстүр негізінде іске асып келеді. Фамилия мен әке атының қалыптасуы, ресми түрде документтерде қолданылуы, заңдану процесі осы дәуірде қалыптасты. Бұл кезде есім иемденудің бір түрі қосалқы аттар шықты. Олар — паспорттағы ресми есімдермен қатар күнделікті тұрмыста қолданылатын қаралайым есімдер. Бұлардың халық арасында қолданыс табуы екі тіл-

ілікпен (билингвизм) тікелей байланысты. Ерте кезде қазақтар арасында бүркеншік ат иемдену тым сирек құбылыс болса, қазіргі бүркеншік аттардың шығуы заяси-қоғамдық жағдайларға байланысты болғанын көреміз.

Лақап аттарды қолдану халық арасында әлі де бар құбылыс. Бұны ерте дәуірден бері желісін үзбей келе жатқан жалпыхалықтық мәні бар, дәстүрлі тәсілдердің бірі деп санаймыз. Адамның толық аты-жөнінің бірі — әке атымен аталу. Әке атымен аталу қазақ тұрмысында, оның тарихында ежелден бар жәйт. Бұл құбылыс халық ауыз әдебиетінде де, сөйлеу тілде де берік орын алған. Қөпке ортақ баласы, ұлы, қызы сияқты сездерді қосып айту арқылы баланың әкеге тәндігін көрсеткен. Мысалы, Әлмұрзақтың баласы, Асанның ұлы, Сәлімнің ұлы, Сәрсеннің қызы т. б. Осымен қатар Сымайылдың Қасымы, Асқарбайдың Гүлжаны сияқты нұсқа да болған. Бұлай изафеттік құрылышпен атау кейінгі дәуірлерде шыққан болса керек. Ал қазіргі кездегі әке аты екі түрлі тәсілмен жасалғаны байқалады. Оның біріншісі бойынша, әке аты ілік септікті қабылдамай, атау тұлғада. ұлы, қызы деген сездер тәуелдіктің үшінші жағында тұрады. Екінші тәсіл бойынша, әке аты орыс тілінің -евич, -ович, - евна, -овна аффикстерімен жасалады. Осы әке атының негізінде кеп кейіннен фамилияның шыққанын көреміз. Қазақ фамилиялары әр жағдайда, әр түрлі қоғамдық дәуірде шығып, дамып отыр. Алғашқы фамилиялар Орта Азиялық түркі ұлгілерінде болса, кейінгі дәуірлерде, XV—XVIII ғасырларда парсы, араб мәнерімен қолданылған. Орыс халқының іргі әсері негізінде жасалған фамилиялар XVIII ғасырдан қалыптаста бастағаны байқалады. Бұл кездегі фамилиялар оқыған интеллигенттер мен үстем тап әкілдерінде болған.

Қазақ фамилиялары Октябрь женісінен кейін советтік дәуірде қалыптасып, дамып отыр. Бұл кездегі фамилиялар үлгісі -ев, -ов, -ева, -ова, -ин, -ина аффикстері арқылы жасалады. Қазіргі фамилиялар әке атынан емес ата атын қуалай жасалып жүр.

Антропонимия өмірінде алмасу заңының үнемі болып отыратыны байқалады. Кісі аттары тілдегі жалпы есім сездерден жасалып отырса, олар қайтадан жалпы есім сездерге ауысып, лексикалық жаңа мағына, жаңа

атауға ие болып кетеді. Бұл сияқты ауысу топоним, әтноним және антропонимдер арасында жиі болатын құбылыс екенің байқаймыз.

Антропонимдерде архаизмдік (диалектілік) формалардың бары, бұл ерекшеліктер фонетикалық, морфологиялық және лексикалық бағытта екені анықталды. Мәселен, *Оңласын* (оңтүстікте Оңдасын), *Балым* (оңтүстікте Палым), *Шегебай* (Жетісуда Чегебай), *Тіленші* (батыста Тілеуші) т. б.

Kісі аттарын атауда сөзге тиым салу (табу) әдетінің барын көреміз. Бұрынғы кезде әйелдер қүйеуінің әкесінің, я шешесінің, немесе аға-іні, ала-қарындастарының тура аттарын атамай, бүркемелеп басқаша сөздермен немесе туыстық атау сөздермен айтқан. Мысалы, *жәке, әтиім, қайнаға, енем, төрем, шырақ, мырзажігіт, тетелес, бикеш, бойжеткен, шырайлым* т. б. Мұндай ат тергеу ежелгі салт-сана мен дәстүрге байланысты еді. Қазақ антропонимдерінің жасалуы тіл заңына, оның нормасына сай болып отырады. Олардың жасалу үлгісінде бір құрамды, екі я үш құрамды тұлғалар болатыны, әсіресе, аффикстік тәсілдің басым жататыны байқалады. Олардың жасалуында өнімді және өнімсіз жүрнақтар қатысады. Kісі есімдерінде кездесетін аффикстердің бір тобы — еркелету, кішірейту жүрнақтары болса, басқа бір тобы — сыйлау, құрметтеу мағынасындағы жүрнақтар. Антропонимдердің жасалуында сөз таптарының бәрі дерлік қатысады. Әсіресе сан есімнің қызметі мен ролі тым ерекше.

Әрбір кісі есімінің шығу жолы, тегі, төркіні бар. Шет тілден енген кісі есімдері түрлі фонетикалық өзгеріске ұшырап, бастапқы тұлғасынан айрылып отырады. Олардың бұрынғы мағынасы мен тұлғасын айқындау тек лингвистикалық талдау жасау арқылы ғана іске асты. Қөптеген есімдер замана бойы қолдана келіп, қатты фонетикалық өзгеріске ұшыраған. Мәселен, *Алпамыс, Түкей, Шәкей, Бейсанан* т. б.

Тіліміздегі араб-иран, монгол және орыс тілдерінен енген есімдердің тарихы алуан түрлі. Тарихи деректер мен тілдік материалдарға қарағанда иран тілдерінен енген есімдер араб тілімен салыстырғанда бұрынырақ келген. Монгол тілдерінен енген есімдердің бір тобы көне дәуірден бері келе жатса, екінші тобы монгол ус-

тедігі кезінде енгені байқалады. Бұл екінші топтағылар көбіне әскери атақтар және қолбасыларының есімдері еді.

Біріккен тұлғалы кісі есімдері компоненттерінің орын тәртібінде грамматикалық заңдылықтың сақталғанын көреміз.

Көне синтаксистік құрылыш тәртібімен жасалған кісі есімдері санатына жататын есімдер: *Айсұлу*, *Күнсұлу*, *Қызыжібек*, *Айжарық*, *Таңжарық* т. б. Бұл құрылыш қазіргі тіліміздің грамматикалық заңына көп қайшы, алшақ. Қазіргі тіл заңына сәйкес анықтауыш анықталғыштан соң тұру керек еді. Мәселен, *Мақпал-қызы*, *Сұлуқан*, *Жарықбек* т. б.

Фамилиялар мен кісі аттарын емлеге сай дұрыс жазудың практикалық мәні аса зор. Әсіресе кеңсе тілінде, баспа орындары мен мектептерде бұл мәселенің орны ерекше. Олай болса, кісі аттарының жазылуына арналған ереженің атқарар қызметі аз болмаса керек. Осындай практикалық мәні зор мәселенің тағы біреуі — транскрипция, яғни қазақ фамилиялары мен есімдерін орыс әріптерімен таңбалашу. Бұл үнемі зерттеп, же тілдіре беруді қалайтын қын да күрделі жұмыс.

Қазақ антропонимдерін зерттеу жұмысы осы еңбек көлемінде шектеліп қалмауға тиіс. Оны ономастиканың басқа салаларымен және туыстас тілдер материалдарымен салыстыра отырып, кеңірек зерттеу келешекте жалғаса бермек.

МАЗМҰНЫ

КІРІС ПЕ	3
<i>I бөлім</i>	
1 ТАРАУ. Антропонимиканың зерттелу тарихынан	9
<i>II бөлім</i>	
2 ТАРАУ. Антропонимдердің шығу, пайда болу тарихы.	22
1. Қосалқы аттар	75
2. Лақап аттар	77
3. Kicі аттарындағы әвгемизм, табу мәселелері.	82
4. Бұркеншік аттар (псевдонимдер)	86
5. Фамилиялар мен еке аттары	91
6. Араб-иран тілдерінен енген есімдер	104
7. СССР халықтары тілдерінің қазақ есімдерін байытудағы ролі	126
<i>III бөлім</i>	
3 ТАРАУ. Антропонимдердің жасалу жолдары.	129
8. Дара тұлғалы антропонимдер	130
9. Туынды тұлғалы антропонимдер	131
10. Біріккен тұлғалы антропонимдер	133
11. Біріккен тұлғалы антропонимдердің орын тәртібі	135
12. Антропонимдердің сөз таптарынан жасалу жолдары	139
13. Изафеттік құрылыштағы кісі аттары	153
14. Еркелету, кішірейту аффикстері арқылы кісі аттарының жасалуы.	157
15. Антропонимдердің құрметтеу, сыйлау, қадірлеу аффикстері арқылы жасалуы	161
16. Антропонимдерді жасауыш аффикстер	162
17. Kicі аттарындағы көне аффикстік тәсіл	166
18. Шеттен енген антропонимдердің қазақ аффикстері арқылы жасалу жолдары	167
19. Антропотолонимдердің жасалу жолдары	168
20. Этноантропонимдердің жасалуы	178

21. Антропонимдердегі архаизмдік (диалектілік) тұлғалар	180
22. Жалқы есімдердің жалпы есімге ауысуы (ан- тономасия)	188
<i>IV бөлім</i>	
4 Т А Р А У. Кісі аттары, әке аттары мен фамилиялардың жазылуы, транскрипция мәселелері	196
23. Кісі аттары, әке аты мен фамилиялардың жа- зылу тарихынан	196
24. Кісі аттары мен фамилиялардың дұрыс жазы- лу ережесі	201
25. Кісі аттары мен фамилиялардың транскрипция- сы	206
26. Кісі аттары мен фамилияларды орыс тілінде транскрипциялау ережесі	210
КОРЫТЫНДЫ	212

Жанузаков Тельхожа

КАЗАХСКАЯ АНТРОПОНИМИКА

(Лингвистический и историко-этнографический анализ)
(на каз. языке).

Утверждено к печати Ученым советом Института языкоznания
Академии наук Казахской ССР

Редакторы С. Бекмухаметова, С. Айтмухаметова
Худож. редактор И. Д. Сущих
Художник М. А. Хоменко
Техн. редактор З. А. Шерстянкина
Корректор М. Кубашева

* * *

Сдано в набор 9/XII 1970 г. Подписано к печати 10/II 1971 г.
Формат 84×108¹/₃₂. Бумага № 1. Усл. печ. л. 11,27.
Уч.-изд. л. 13,4. Тираж 3000. УГ02739.
Цена 1 р. 58 к.

* * *

Типография издательства «Наука», г. Алма-Ата, ул. Шевченко, 28.
Зак. 184.